

УЗБЕК ХАЛҚ ИЖОДИ

МАЛИКА АЙЁР

КҮП ТОМЛИК



Айтубачи ФОЗИЛ ЙУЛДОШ ҮГЛИ
Езаб олувчи МУҲАММАДИСА ЭРНАЗАР ҮГЛИ
Нашрея тайёровчи ХОДИ ЗАРИФ
Тўлдириб, қайта нашрея тайёровчи
ЗУБАЙДА ҲУСАЙНОВА

Ташкент
Гафур Гулом номидаги
Адабиёт ва санъат нашриёти
1988

Гўрўғлиниг юртини Чамбил дейди. Чамбил қандай? Чамбил шундай Чамбил: олтмиш обхонали, етмиш жеваҳонали, саксон сардаболи, тўқеон тўпхонали Чамбил. Чамбил элида Гўрўғли зўрабор, қирқ олти сардор, тўрт ярим лак бедовсувор, чилтоналарниг бири Соқибулбул деган сайси бор. Гўрўғлиниг зўр деб таърифи кетган, зарбаси тошдан ўтган, ол Гўрўғли келди, деса йиғлаб ётган боласини юпатган, Исфаҳонда ишлатган. Қиличининг ишлови етган, теккан омон қолмасин, деб заҳарнинг сувин ялатган, Чамбильда давронни сурив ётар Гўрўғли султои.

Ана эди бир куилари Чамбильда даврон сурив, қирқ йигити билан, Ҳасан, Авази билан, қанча амалдори билан сухбат қуриб ўтириб, Соқи деган хизматкорини чақириб: — Соқижон, Фиркўк отни абзаллаб, ҷоқлаб олиб кел, — деди. Фиротни миссан, Шакар кўлига борсан, дову^т туйиб, кўлга қушимни солсан, Шакар кўлидан сўна-суксурни олсан, сўна-суксурни олиб келиб қирқ йигитга чулон берсан, — деди. Бу сўзни Соқибулбул эшишиб Гўрўғлига айтди: — Э, Гўрўғлибек, бу ойни нима ой дейди, сафар ойи дейди. Сафар ойинда ўн саккиз пайғамбар сафар қилди. Ўн саккиз пайғамбар ҳам сафар қилиб, йўлдан омон келган эмас. Амир Ҳамза бул ойда сафар қилди. Уҳуд тогида шахид бўлди. Айюб пайғамбар сафар қилди, танига қурт тушди. Зикриё пайғамбар сафар қилди, ул киши ёш ўлди. Шундай азизлар сафар ойинда сафар қилиб, омон келган эмас; шундай одамлар омон келмагандага сенинг /ҳаддингми/ бу сафар ойинда сафар қилиб омон келмак? — деди.

Бу сўзни Соқи айтди, кўринг Гўрўғли мардди, гайрати гайратга етди, аччиғи чиллали қишидай муртига чаппа қайтиди. «Менинг шаштимни қайтардинг, — деб Соқига қараб ҳар тебранди; тебрангандага қўймучи ерга тўрт эни ботди. Бу сўзни Гўрўғлидан Соқибулбул эшишиб, Гўрўғлиниг аччиғи келганини билиб, тош таблага қараб бурилиб, Фиротга жўнаб кетди.

Ҳамиша бундан илгари Фиркўк отга бир соат, икки соат илгари чилтанлардан хабар келиб туради. Лекин Гўрўғлиниг бу шикорида Фиркўк отга хабар келган йўқ эди. Фиротниг кўнглига келди: «Менга чилтандан хабар келгани йўқ эди. Бу Соқибулбул бир нимага келаётир экан», деди. Бу ёқдан таадди еб келган Соқи, кўнглини хушлади, нархини сўрамасдан Фиркўк отниг жиловидан ушлади. Ҳоннинг пазаркарда Фироти Соқининг белбогидан тишлади, олиб ерга бир урди. Соқи боёқиши ўридан тўқиз юмалаб турди.

Кўринг Соқи мардди, қилиб ётириб сиёсатди: Ёмонлагур, жайратмасам; ёйга ҷоқлаб отсан, бефарзанди йиглатмасам, катта чорак гўштинигни бир тангдан сотмасам, ўзимниг тегишимни гингқиллатиб ютмасам, — деб шиқирлатиб сари ёйни тортди, ёйниг ўқи яшиидай бўлиб оқиб кетди, тош табланни тешиб ўтди, ақли шошиб ҳоннинг Фироти таппа тушиб ётди, от ўзини ўнгаргунча Фиротниг жиловини Соқибулбул ушлаб, Фиротни эгарлаб, ҷоқлаб, олиб келиб Гўрўғлига тўғри қилди. Гўрўғли Фиркўкотниг белига ми-ниб, бўз тарлон қушини қўлига олиб, Соқига қараб айтди:

Ўзимнинг ҳолимни ўзим билайнин,
Зебит чўлга, Шакар кўлга борайинин,
Довул туйиб кўлга қушим солайинин,
Келиб қирқ йигитга чулон берайинин,
Соқижон, танингдан бошинг юлайнин.

Кўринг Гўрўғли мардди, минди бедов отди, қистаб йўл тортди. Зебит чўлда Шакар кўлга етди. Кўлга бориб довул туйиб, қушни солиб, шундай қаради, худонинг қудрати, пирнинг каромати, шундай чўлда бир қўргони азим пайдо бўлди. «Қандай қўргон экан?» — деб Гўрўғли борди. Қўрса, шундай қўргон: Қунгираси пўлатдан, дарвозаси зумратдан, бўсағаси Бағдоддан. Шундай очиб ичкари кирди. Ичкари кирса, олмалар пишиб ётар, тагига тушиб ётар; гуллар очилиб, булбуллар бир-бирига чақ-чақ учирив ўтирибди. Уч кўшк, ичкима-ички, зинапоя, зертанг-забартанг, жойлар тузалган, яхши тўшаклар тўшалган, шароб, антаҳурлар тўкилган, сувлар сепилган, намойишга чини гужумлар тикилган, гужумнинг соясига жинқарча, мусича, муроталибча — жамъи қушлар йиғилиб, ўртада бир лайлакни со-занда қилиб, айттириб ўтирибди.

Бу аломатни Гўрўғли кўриб, ҳайрон бўлиб туриб эди, осмондан бир кўк каптар қуюлиб келиб, бир оғнаб туриб, бир сурхаил гардон, оғатижон, писта даҳан бир ажаб нозанин пари бўлиб турди. Бу парининг жамолига Гўрўғли-

бек қаради: ирқи олмадай пишган, қора зулфи оч белига тушган, кўрганинг ақли шошган, жамолига ою кунлар талашган ажаб бир паризод. Буни Гўрўғли султон кўриб, ошики бекарор бўлиб, ул паризодга қараб: — Асли жойинг, мамлакатинг қаерда? — деб сўраб турибди:

Давлатимдан шоли-шолдам ўрайман,
Гул тарзим саргайиб сенга қарайман,
Гул юзли жононим сендан сўрайман,
Бир пари-пайкарим, қайдан бўласан?
Остимда бедовим ўйнап юз алвои,
Олмос пўлат белда, эгнимда қалқон,
Арзимни эшитгин эй, пари-пайкар,
Чехраси хаандоним, қайдан бўласан?
Зарафшон зулфининг урибсан шона,
Хиноли қўлларинг бўябсан қона,
Юсуф каби мени солма зиндана,
Зулайҳо пишоним, қайдан бўласан?
Бошингга кийисан мурраси тожи,
Кўрган одам гул юзингнииг мухтожи,
Кўзимнииг равшани, бошимнииг тожи,
Рамзаси пайконим, қайдан бўласан?
Яна баҳор бўлса очилар гуллар,
Гулни кўрса, маст бўп сайрап булбуллар,
Малойик суратли, гул юзли дилбар,
Ростин дегин, дилбар, қайдан бўласан?
Дардли қул дардимни кимга ёраман,
Айрилиқ ўтига багри пораман,
Шахринг, отинг айтсанг, излаб бораман,
Малойик суратли, қайдан бўласан?
Гўрўғли дер жигар-багримни догоғлаб,
Бор умрим юрсам сени сўроғлаб,
Шахринг айтсанг, излаб бораман,
Ростин дегин, дилбар, қайдан бўласан?

Ана шунда Паризод Гўрўғлидан бу сўзни эшитиб, ўсган элинин, согу сўлини, шаън-шавкатини, манзил-жойини Гўрўғлига баён бериб, бир сўз деб турибди:

Давлатингдан шоли-шолдам ўрасанг,
Кечак кўрган тушни кундуз жўрасанг,
Бир пари-пайкар деб мендан сўрасанг,
Мен ҳам шахри Шабистондан бўламан.
Мен келганиман одамзоднинг қастидан,
Изласанг, тоопмайсан ерниинг устидан,

Бир мазгилим кун чиқмаган «гўристон»,
Мени сўрсанг, «гўристон»дан бўламан.
Яна баҳор бўлса, очилар гуллар,
Истамбулда бир дўстим бор Зулфизар,
Энамнинг отидир. парийи Сипар,
Отамнинг отини Қосимхон дерлар,
Шахримнинг отини Торкистон дерлар,
Бор, Гўрўғли, Торкистондан бўламан.
Мавж урганда дарёдайин тошарсан,
Ўлмасанг, дунёда узоқ яшарсан,
Уч юз олтмиш Асқар тогдан ошарсан,
Ундан сўнгра Қизилқумга тушарсан.
Сўраб борсанг, Кўклам тогдай тоги бор,
Кўклам тогда Боймоқ девдай деви бор,
Қистаб юрсанг, олтмиш йиллик йўли бор,
Маликада майлинг бўлса сўраб бор.
Сиздай бекдан жонин бормикин аяр.
Сўрай борсанг Гўрўғли бек номдор,
Келдингми, тўрам деб қулочин ёяр,
Торкистон шахрида Малика тайёр,
Албатта, сўраб бор, Гўрўғли номдор.
Бор, Гўрўғли, Торкистондан бўламан.

Бу сўзни Малика Гўрўғлига айтиб, бир аганаб туриб, капитар либосини кийиб фалакка парвоз қилиб, учиб жўнай берди. Кўшк-айвонлари ҳам фалакка равоқ-кўргонлари билан кўчиб жўнай берди.

Бу аломатни Гўрўғлибек кўриб, хафа бўлиб, қўлидаги бўз тарлон қушнинг жигувулини олиб, «Бор, сен жонивор ҳам, менинг қўлимда /қолиб/, нима бўласан?» — деб бўшатиб қўйиб юборди. Бўз тарлон қуш ҳам фалакка учиб кетди. Шунда Гўрўғли Фиротнинг бошини буриб, Чамбила қараб йўлга кириб, қўзини ёшлаб, ўзини отнинг ёлига ташлаб, бу сўзни айтиб бора берди:

Жоним Фирот, молим Фирот,
Сени мингани топар мурод,
Дам-бадам еткиз Чамбила.
Шакар кўлга овга келдим,
Бир пари-пайкарни кўрдим,
Ёр ишқидан ғамга тўлдим,
Ололмасдан энди ўлдим,
Дам-бадам еткиз Чамбила.
Хафа фалак солди зулм,
Обод бўлгай ўсган элим.

Сенсан назаркарда гирим,
Дам-бадам еткис Чамбильга.
Айрилиққа бағрим доғлаб,
Фироқида қонлар йиглаб,
Юрсам мен ёрии сұрглаб,
Дам-бадам еткис Чамбильга.
Жоним Фирот, молим Фирот,
Еминг кишиши, тұрванг банот,
Сени минган топар мурод,
Дам-бадам еткис Чамбильга.

Бу сүзни Гүрүглибек айтиб, кеч бұлайин деганда, отини терлатиб Чамбильга кириб келди. Соқи шундай қараса, Гүрүгли сог бориб, саломат овдан келаётір. Соқи Гүрүглини күриб: «Вақти-замоним тұлған экан, күним биттан экан, ажайлым етгас экан, бояғи гапни бежой айтган эканман. Бу сог бориб, саломат овдан келди». Гүрүглининг тарзига Соқи қаради. «Сұна-сұқсур овлаб келаман», — деб кетган Гүрүглининг құлида бұз тарлон қуши ҳам йүқ, сұна-сұқсур ҳам йүқ. Бекорга құтарилиб, отини терлатиб, бир үзи шумпайиб келибди. Буни Соқи күриб, отийиг жиловини ушлаб, күнглини хүщлаб:

— Гүрүгликон, ўзингниң ҳолингни ўзинг билганинг қани, майдонли күн Фиротингни елганинг қани, Зебит чүлга Шакарқұлга борганинг қани, дабил туюб құлға қушни солганинг қани, Шакарқұлдан сұна-сұқсур олганинг қани, келиб қирқ йигитта чулон берганинг қани, менинг танимдан калламни олганинг қани, бизга сенинг совға-широлға олиб келганинг қани? — деди. Бу сүзни Гүрүгли эшитиб:

— Соқижон, сен ҳам чилтоңларниң бири, мен ошиб гапирибман. Бу феълимга тавба қилибман, — деб Фиротини Соқига бериб, қирқ әшикли чиллахонасига кириб, күкраги-ни нам ерга бериб хафа бўлиб ётди.

Орадаи ҳафта-үн күн ўтди. Туркман элининг дов-жанжали кўпайиб кетди. Гүрүглининг Аҳмад тоғаси йигитларни йиғиб айтди: — Эй йигитлар, Гүрүғли туркманларниң беклигини ўхшатолмайди шекилли; мени гиламга солинглар, бардор-бардор қилиб, Гүрүглининг таҳтига миндиринглар, Туркман элининг дов-жанжалини сўрайин, Гүрүглидан келган бўлса кўрайин.

Бу сүзни Авазхон эшитди, отасини излаб кетди, чиллахонага етди, бориб қараса, отаси — хон Гүрүгли нам ерга багрини бериб ётибди. Авазхон отасини бу аҳволда кўриб, олисдан ҳолу аҳвол сўраб бир сүз деб туриди:

Ота, эшит мен айтган нолишими, Сел қилиб тұқарман күздап ёшимни, Оч, күзингни, күтар, қаъbam, бошиигни. Сардор беклар қилди элда маслаҳат, Кўлингдан кетмасин Чамбильдай элат, Бу ётишинг, ота, сепга не ҳожат? Кўлингдан кетмасин Чамбильдай элат. Ота, эшит менинг айтган тилемни, Сен туриб сұрагин Чамбиль элиингни, Ота, хафа қилма мендай улингни, Бу гафлатдан турниб, сұра элингни. Мехрибоним, қаъbam отам, тур энди, Жоним ота, меҳрибоним, тур энди.

Бу сўзни Авазхон ўғлидан эшитиб, Гүрүгли Авазхонга қараб, бир сўз деб туриди:

Авазхон, кулоқ сол айтган тилема, Қаҳрлансам қиров турар муртима, Ўзим ўлмай, ким келади юртима, Келған душманларни баён айлагин, Болам, менга хабар бергин душмани. Қилиб қўяй душманларни инини, Хафа бўлма, ўғлим, менинг ишимидаи. Ҳазон бўлиб боғда гуллар сўлдими? Олло менинг ақлу ҳушим олдими? Арбайтидан [элга] душман келдими? Бирор турли ҳукми равон қилдими? Шовқинга иргииди араби тулпар, Шакар қўлға овга бордим муқаррар, Ваъда бериб кетди пари зулфакдор, Ёр ишқидан мен тортарман оху зор, Қандай душман келди элга боякбор, Душманлардан хабар бергин, Авазжон.

Бу сўзни Авазхон отасидан эшитиб, отасига қараб бир сўз деб туриди:

Ота, эшит менинг айтган тилемни, Хизматкор айлагин Аваз улингни, Оп кеп берай ваъда берган ёриигни. Остимга миндиранг қиз белли тулпор, Шикор қип отлансан кўп узоқ йўллар, Олиб келиб берай пари зулфакдор, То ўлгуича Аваз ўғлинг хизматкор, Дунёнинг воҳими сизга не даркор,

То ўлгунча Аваз ўғлинг хизматкор,
Ота, эшит менинг айтган сўзимни,
Он кеп берай кўрган сарвинозингни.
Хар на хизмат сизга мендан лозимди,
Хизматкор айлагин Аваз қўзингни.

Гўрўгли бу Авазхон ўглидан бу сўзни эшитиб, Авазхонга
қараб, бир сўз деб турибди:

Майдон бўлса сотар эрдинг ширин жон,
Олмосингдан қуяр эрдинг қирмиз қоп,
Бу хизматга бел боғлама, Авазжон.
От чопса гумбурлар тоғнинг дараси
Ботирни ингратар пайза яраси,
Бу хизматга бел боғлама, Авазжон,
Талаб қилма, Чамбил элнинг тўраси.
Хар нечук номардга кўнгил бермагин,
Яҳшилик кўр, ёмонликни кўрмагин,
Узоқ яша, кўп йилгача ўлмагин,
Бу хизматга, болам, талаб қилмагин.
Девларнинг қўлида ғариб ўлмагин,
Бу хизматга, болам, талаб қилмагин,
Ғариб бўлиб душман қўлида қолмагин.
Бошимиздан кетгай ғанимли туман.
Ғариблика әгам бўлгай меҳрибон.
Бу хизматга бел боғлама, Авазжон,
Айтган сўзим ол энди бўзўглон.

Бу сўзни Авазхон отасидан эшитиб, юраги тошиб, кўнгли
жўш уриб, отасига қараб, бир сўз деб турибди:

Мен йиглайман /аҳволингга зору зор/,
Бу хизматга мен бораарман, муқаррар,
Шу хизматга, ота, ўзим бормасам
/Отажоним, ўглим деганинг бекор/.

Шунда Гўрўглибек Авазхондан бу сўзни эшитиб: — Аваз
ўглим, бу сўзни беъжой айтдинг. Бу айтган сўзинг кўп
ўмон бўлди, энди ҳар нима бўлса, бормасанг бўлмайди.
Сен қасамёд қилдинг. Ҳар нима бўлса, борасан,— деди.
Шундай қилиб, ота-ўғил чиллахонадан чиқиб жўнаб келди.
Далага чиқиб, Соқибулбулни чақириб: — Богда очилган
гулим, чаманда булбулим, Авазхон улим Торкистон шахри-
га — Малика парига бормоқ бўлди. Соқижон, Фиротни аф-
заллаб, чоқлаб, эгарлаб, Авазжонга олиб келиб бер,— деди.

Соқи Фиротнииг қошига борса, хонпинг Фироти сағриси
тошиб, ёли қулоғидан ошиб, учадиган қушдай, қулоқлари
қамишдай, ҳар кўзи таркашдай бўлиб, юлдузни кўзлаб,
тараққос бойлаб ўйнаб турибди.

Отга қараб, Фиротни таъриф қилиб, Соқибулбул бир сўз
деб турибди:

Йилқи ичинда ўзи келган синлидир,
Товушқон туёқли, морол беллидир,
Аросат кунида ажаб ҳоллидир,
Қимматбаҳо эрмиш хоннинг Фироти,
Минганларнинг стар мақсади,
Қўлтигига тўрт ярим газ қаноти.
Чу деса ўзади осмонда қушдаи,
Ҳеч камлигинг йўқдир йўрга юришдан,
Умид қилар ҳар шаҳарда бувишдаи,
Асл тулпор эмиш бекнинг Фироти.
Сени мингандеклар дарёдай тошди,
Бир куплари Эрам боқقا етишди,
Эрам боғда девлар билан савашди,
Девларни исломнинг динига қўшди.
Ўн ярим лак девга зўрлик еткариб,
Шовруб шоҳнинг барно қизин оп қочди.
Гул Эрамдан олдинг ой Хиромонни,
Зангор элдан олдинг Орзигул ёрни,
Заррин элдан олдинг Машриқо ёрни,
Исфихондан олдинг ой Интизорни,
Арзирумдан олдинг Далли зулфдорни,
Энди излаб Маликадай айёрни,
Пари излаб кўрдинг неча шахарни,
Бекнинг оти назаркарда тулпордир.

Соқидан бу сўзни Фирқўк от эшитиб, анча кўтарилиб
қолди. Соқи отни ялангочлаб, қашлаб, эгарлаб берайин деб
турган ери:

Оша элга борган тортар хўрликни,
Аваз ўглон бугун қилар эрликни,
Бисмилло деб солди отнинг белига
Кимхоби майиндан бўлган терликини.
Мард бўлганлар кўтар экан дурбини,
Усталар ишлатар пўлат қиргини,
Бисмилло деб солди отнинг белига,
Зарлигу зарбодан бўлган чиргини.
Чиргининг устида қўйди белликни,
Боз устидан ташлаб жаҳалдирикин,

Муллалар ўқийди зеру забарни,
Усталар чопади теша-табарни,
Бисмилло деб босди отниинг устига
Тиллакорсон, олқор мугиз эгарни.
Эл кўчирли Олатоғдан оширди,
Сирин айтман душманилардан яширди,
Иккови ҳам тилладанди узанги,
Ярқиятлишиб икки ёққа туширди.
Қишимай ёз ўртаси ҳишшай саврди (р),
Лоф айтганга ботмоңдан ҳам овурди (р)
Бисмилло деб солди отнииг белига,
Чочоги зумратдан зарли давурди.
Катта-катта бандаларинг жойилди,²
Худо қилган ишга бапда қайилди.
Бисмилло деб тортди отнииг белидан
Сирти ишак, ичи майин айтилди.
Чув, десам ўтади осмонда қушдан,
Хеч камлиги йўқди йўрга юришдан,
Бисмилло, деб тортди отниинг белидан,
Ўи саккиз қуббали Чагатой пўштан.
Сагрисига ташлаб карки қуюшқон,
Хар қуббаси келган катта таркашдан,
Абзаллаб чақлади Соқидай ўглон,
Абзалининг бари ола қайишдан.
Ғазотга минади бекнинг фарзанди,
Юз алвои ўйнайди бекнинг Ғироти.

Шундай қилиб, Соқибулбул Ғирқўк отни абзаллаб, чоқлаб, созлаб Аваҳонининг олдига олиб бориб кўидаланг қилиб турибди. Аваҳон Бекдан подшолик сарпайларни кийиб, Исфаҳонда ишланган қилич, қиличнинг ишлови етган, теккан омон қолмасин деб заҳарни ялатган, илон тилли олмос-пўлатни белига бойлаб, отнииг белига минди. Аваҳини отлантириб, Гўрўғли: — Ҳов Аваҳжон, Малика айёр пари менга: «Ҳистаб борсанг, олтмиш йилда борасан», деб эди. Сен олтмиш йилда борсанг, олтмиш йилда келсанг, орадан юз йигирма йил ўтар экан, узоқ йўл эмасми, бориб олтмиш йил шу юртга турсанг, орадан юз саксон йил ўтади. Ундан кейин, иккаламизининг умримиз бу юришга етмай, бир хотин оламиз деб, йўлда сарсон ўтиб кетар экан. Энди Аваҳжон, сен борар бўлдинг, менга келар мўлжаллингни айтиб кет-

гин,— деди. Шунда Аваҳон айтди: — Э ота, мен у юртга бориб, бозорни бозорлаб келган бўлмасам, кўриб билган бўлмасам, айта қолсан; шундай бўлса ҳам, «чўт-чўтдаи ортиқ бўларми», чўтдан айтиб қўя қоламан-да, деб Гўрўғлибек отасига қараб, Аваҳон ўғлон, ягрини ёзиқ полвон бир сўз деди:

Тойирлмаса бошдан тожу давлатим,
Остимда ўйнаса араби отим,
Ўи олти ой келар менинг муҳлатим.
Дардлиман дардимни кимга ёраман,
Айрилиқ ўтига бағри пораман,
Насиб этса ўи олти ойда келаман.
Жаҳонни сайр этиб ўйнаб кулмасам,
Нор кесар олмосни белга чолмасам,
Ўи олти ойда Торкистондан келмасам,
Аваҳжоннинг зўр билаги толди де,
Ҳам отингни, ҳам ўглини ўлди де,
Якка мозор бўлиб шунда қолди де.
Ота, эшилт менинг айтган қоламни,
Тўкарман кўзимдан қонли жоламни,
Ўи олти ойда Торкистондан келмасам,
Чамбил белда тўйрай беринг ошимни.
Хар нима матлаб бўлса ҳақдан тилагин,
Ўи олти ойда ҳақдан тилагин,
Ўи олти ойда келар менинг муҳлатим,
Ўи олти ойда йўл-йўлима қарагин.

Гўрўғлибек Аваҳондан ўи олти ой деган сўзни эшишиб, вакти зиёда хуш бўлиб, Аваҳонга қараб бир сўз деди:

Бир тогим Полопон, бир тогим Болқон,
Чор ҳоким шаҳримдир, беклигим дархон,
Соғ бориб саломат келгин, Аваҳжон,
Кўрар кўзим, болам, ҳаққа топширдим.
Қайга борсанг, Шоҳимардон ёр бўлсин,
Ўи икки имом, чилтап жиловдор бўлсин,
Душманинг келиб сенга зор бўлсин,
Боргин, болам, сени ҳаққа топширдим.
Бу сўзларни айтар Гўрўғли сulton,
Қайга борсанг, омон бўлгин, Аваҳжон,
Тушмасин бошинингга қайғули туман.
Соғ бориб саломат келгин, Аваҳжон.
Кўрар кўзим, болам, ҳаққа топширдим.

Аваҳон Гўрўғли отасидан бу сўзни эшишиб, отасига қараб, отасидан оқ фотиха сўраб, хушлашиб, айтатётган сўзи:

¹ Оғирдир.
² Жохилдир.

Ошмоққа қойимдир тоғларининг бели,
От чопишиб юрган Новкариниң чўли,
Соф-саломат бориб, ўйнаб келайин,
Шоду хуррам юрган, Чамбилининг эли.
Остима минганим қиз белли тулпор,
Шикор қип отландим, кўп узоқ йўллар,
Излаганим бўлди пари зулфакдор,
То кўргунча, каъбам отам, хўш энди.
Оҳ урганда кўздан оққан ёш энди,
Омон бўлса налар кўрар бош энди,
Оша юргатга ёр ахтариб бораман,
Омон бўлинг, то кўргунча, хўш энди.

Эй отажон, дуода бўлинг, омон-эсон бориб, соғ-саломат келайин, деди. Чамбилининг эл-юрти Авазжоннинг отланиб бораётганини кўриб, пўш-пўшлаб, Чамбил амалдорлари, сипоҳилари, беклари Авазхонни жўнатмоқчи бўлибди. Чамбилининг ҳамма қиз-хотинлари том-томнинг бошида туриб томоша қилиб турибди. Авазни Чамбильдан чиқариб; «Ой бориб, омон кел», деб жўнатиб юборди.

Аваз жўнағандан сўнг, Аҳмад сардор, йигитларини иигиб, маслаҳат қилиб айтди: — Гўрўғли отиши Авазга борди; остига мингандир Фиротни, ҳар ерга борса топади муродни. Шу баччагарниң бор гайрати; бир куилари Маликани олиб келар, кейин номи бекликка уят бўлар. Ҳов йигитлар, бир наъра шер бормисан? Аваз йўл билан кетди, сизлар тиклаб йўл тортсанглар, олдидан ўтсанглар, Аваздан илгари Полопон тогига етсанглар. Авазни отсанглар, ўлжа қилиб Фиротни миссанглар, Торкистондан Малика парини олиб келсанглар. Гўрўғли Малика билан овора бўлиб қолар; шунда юрти ўз қўлимизга олсак. Бир наъра шер бормисан?

Асад, Шодмон деган ботирлар бор эди. Шодмони найманнинг ботири эди. Асади қипчоқнинг ботири эди. Асад мерган парли ёй тортар эди. Шодмон мерган ашрафи милтиқ отар эди. Бу иккови ҳам Чамбильда дафтари мерган эди, улар күшнинг кўзидан отар эди. Илгаридан ов овлаб юриб, йўлпинг тўтасини кўрган эди. Асад, Шодмон; — Бу хизмат биздан бўлсин,— деб иккови Гаждим, Маждим деган отларни миниб, ашрафи милтиқни осиниб, парли ёйни эгарнинг қошига солиб, Авазхон йўли билан кетди, бу икки мерган йўлпинг тўтасини олиб, Авазнинг олдини тўсиб, қистаб йўл тортди.

Дубулга бошда дингкиллаб,
Карк қубба қолқон қарқиллаб,
Тилла поянак урулган,

Узангиларда ширқиллаб,
Равшан кўзларин ёшлаб,
Урди қамчини қулочлаб,
Остидаги маждим оти
Иргир эди яшин ташлаб.
Тоғларда бордир зараиги,
Эгнида бордир паравиги,
Ойлар ҳам тошдай қороғи,
Шуйтиб мерганлар йўл тортди.

Бедов отга қамчи чотди,
Урган қамчи симдай ботди.
Остидаги бедов оти,
Кечакундуз шабгир тортди.
Ҳавода бор ёрут юлдуз,
Дарёда ўйнайди қундуз,
Мерганлар қилди гайратни,
Йўл тортди уч кечакундуз.

Чамбильдан чиқиб, уч кечакундуз йўл юриб, Полопон тогига етди. Тогининг белини мерганлар кўрди. Авазнинг оти ҳали бу ердан ўтгани йўқ экан. «Аваз биздан кейин экан», деб бир арчанинг панасиға отларини бойлаб ташлаб, бел бўгоридан келгудай, ўзлари пана бўлгудай ерии ковлаб, ашрафи милтиқни ўқлаб, парли ёйни қўлига олиб, Авазнинг йўлини тўсиб ётди. Пешин вақтида Авазхон ҳам Полопон тогининг яқинини олиб етди. Шунда Гўрўғлиниң Фироти қадамини бир босиб бораёттир. Авазхон бунга тепсиниб, жайрагур тўппайтиб туриб қолди, деб буларнинг борлигини билмай бораёттир. Мерганлар қараса, Авазхон иргалиб келаёттир. Авазни кўриб, Шодмон мерганга Асад мерган қараб, бир сўз деб турибди:

Хабар беринг, Шодмон ака,
Энагарни отсаммикин,
Устига минган мардини,
Дам шу дам, сулатсаммикин?

Остидаги Фирқўкини,
Ўлжа қилиб кетсаммикин?
Торкистонга етсаммикин?
Ойим Маликайни олиб,
Бир куни Чамбильга келиб
Гўрўғлига нешкайн қилиб
Чамбильбелда тортсаммикин?

Бу сўзни эшитиб, Шодмон мерган айтди: — Икковимиз Авазни ўлдирамиз деб келганимиз, агар кўлингдан келиб Авазни ўлдирдинг-у, мен сенинг кўлингдан айириб олаётиманми? Сен Авазни отиб ташласанг, сенга ора тушиб айириб олаётган одам йўқ.

Шуида Асад мерган: — Ундей бўлса отмоқ фақирнинг тани-да,— деб қўлига ёйни олди:

Гамли куида торттар эди охувой,
Шиқирлатиб кўлга олди парли ёй,
Гап эшитинг мерганларнинг ишидан,
Парли ёйга шундай ўқни солади,
Чоқлади Авазни қордай тўшидан.
Жафо тиги бу куи жондан ўтади,
Айрилиқ ханижари багрини йиртади.
Яшиндай бўб ёйнинг ўқи етади;
Кўринг, бекнинг назаркарда Фироти,
Кирқ газ ўқдан баланд сачраб ўтади.
Жозойилга олов берди Шодмонхон,
Шодмон мерган бўшатгацдир баланддан,
Назаркарда бекнинг оти қаради,
Жазойилнинг ўқи баланд келади,
Тапна тушиб бедов ётиб қолади,
Кирқ газ баланд бошдан ошиб боради,
Икки ўқдан Аваз омон қолади.

Ана энди, Аваз, «бу қандай аломат бўлди», деб ҳар тарафга қаради. Ўзи билан бирга юрган мерганларни кўриб, дарғазаб бўлиб, илон тилли Исфаҳон қилични яшиндай қилиб, гилофдан сугуриб олиб, мерганларга сиёсат қилиб, бир сўз айтиб бора берди:

Шуидай бўлди менга ҳақдан фармонлар,
Чамбильбелда бирга юрган мерганлар,
Не сабабдан отим ўққа бойладинг?
Кўзингдан тўқарман қонли ёшингни,
Қилич уриб кесай тандин бошингни,
Сулатай, мерганлар, гавда-лошингни,
Кўролмайсан қавму қариндошингни,
Не сабабдан отим ўққа бойлайсан?!
Мерганлар, эшитгии айтгани сўзимни,
Кўролмайсан энди ўғил-қизингни,
Икки мерган, сенга ўлим лозимдир,
Не сабабдан отим ўққа бойлайсан?
Асад, Шодмон нега кўнглим бўласан,

Душман бўлиб, йўлим тўсиб келасан,
Қазонг етди — икковиниг ҳам ўласан,
Не сабабдан отим ўққа бойлайсан?

Авазнинг сиёсатидан икки мерган тақбиридан адашиб, нима деярини билмай, Авазга қараб бир сўз деб турибди:

Ўз элингда шоҳнинг гамини еб эдик,
Кўрқоқмикин, ботирмикин деб эдик,
Пахтабанд бўшатиб ҳазил қиб эдик,
Ҳазилимни кўнглиингга олма, Авазжон.
Отга солдик арпа билан ийирди,
Кор ёққанда карвон солар чийрди,
Қиласмидик, қиласмидик ҳазилни,
Чамбильда Гўрўғли отанг буюорди.
Бизлар ҳам Чамбильда дафтари мерган,
Учиб юрган қушнинг кўзидан урган,
Бир четини, Аваз, ўзинг ҳам кўрган,
Пахтабанди қиб-е ҳазил ҳам қилган,
Ҳазилимни кўнглиингга олма, Авазжон.
Нодон кўнглиинг ҳар хаёлга бўлмагин,
Бизларни, Авазхон, душман билмагин,
Рам билан саргайиб гулдайин дейдар.
Бизлар сенинг бес отангга хизматкор,
Отангнинг амрин қилган мерганлар,
Ҳазилимни кўнглиингга олма, муқаррар.

Бу сўзни Авазхон эшитиб мерганларга: — Ундей бўлса мен ботир эканманми, кўрқоқ эканманми?— деди.

Мерганлар: — Авазжон, сиз ботир экансиз,— деди.

Аваз: — Ҳа, мен ботир бўлсам, қайтиб кетаверинглар,— деди.

Мерганлар ўйлаб фикр қилди: «Бу ерда қулайга туширолмадик, бирор ерда қулайга туширсан, ўзи билан бирга бўлсан», деб: — Авазхон, борадиган еринг яқинми, узоқми? Биз ҳам бирга бориб келсан, фасли баҳона жаҳонни сайр этиб, кўриб келсан,— деди.

Авазхон айтди: — Сизлар қайтиб кетаверинглар. Сизларнинг фойдаларингдан зиёнларингиз кўпроқ тегиб қолар.

Мерганлар айтди: — Авазхон, бизларнинг нима зиёни миз тегади? Отингга мингаштири демасак, жон харжи бер демасак, ўз отимиз, ўз харжимиз.

Авазхон: — Ундей бўлса, йўл бошланглар,— деди.

— Сиз тургандага йўл бошламоқлик нечук,— деди.

Аваз илгари, мерганлар орқасидан Торкистон шаҳрини, Малика айёр парини излаб юра берди. Ўорама-кора бораётуб, {мерганлар} анча орқада қолиб бораётуб эди. Асад Шодмон мерганга қараб бир сўз деди:

Хазон бўлиб боғда гуллар сўлади,
Шум фалак бошига савдо солади,
Шу вақтда чоқласак қандай бўлади?..
Кўзидан тўкайик селоб ёшини,
Қарга-қузгуни есии Аваз гўшини,
Ўлжа қип мирайик аспи қушини,
Сулайтайик унинг гавда-лошини,
Бораётир Аваз ўғлон бехабар,
Кейинидан чоқлаб олсан муқаррар,
Армон билан ўлар Аваз зўрабор,
Бу сўзларни айтди энди мерганлар.
Шу замон англади Аваз зўрабор,
Отнинг тизгинини тортди, муқаррар,
— Қистаб юринг энди, мерган ботирлар!
Авазнинг кейинидан етди мерганлар.
От тизгинин тортди Аваз номдор,
Илгарига ўтди икки мерганлар,
Авазнинг баҳодирлик номи бор.
Тоша келар Авазхоннинг гайрати
Шундай бўлар сипоҳининг одати,
Қўлида ярқиллар кескир пўлати,
Ҳар замон мерганларга қиласар сиёсатди,
Қолмади-ку, мерганларнинг тоқати,
Чув, деб Гиркўкка қамчи чатди.
Мерганларни қувиб чўлда йўл тортди.
Чамбил элда Аваз ўғлон туради,
Ҳар на қисла қисматдагин кўради,
Мерганларни қувиб солиб олдига,
Изгор чўлда қувиб кетиб боради.

Қирқ кеча-кундуз йўл тортди, ҳориб мерганларнинг мазаси кетди, беш юз тогнинг тўқиниши Очгаза Дарбанд тогига етди. Асад, Шодмон чечиниб ётгандан кўзи уйқуга кетди. Ҳориб, чарчаб қўниб ётди. Авазхон бувунчоги билан ечинмасдан ётди, ухламоқчи эди, оти тишлаб ухлатмади. Аваз айтди: «Чамбилда хон Гўрўглибек отам айтар эди: «Шу Гиркўк от, миниб юрганда, қабатидаги жўраси кейинида бирор ганим душмани бўлса, шу от тишлаб ухлатмас эди», — деб. Менга ё шу иккови душман, ё булардан бошقا ҳам душман бор, нимаики бўлмаса, мени от ухлатмайди. Бу тогни Дарбанд тог дер экан; нарёгини Бадбаҳт чўл

дер экан; кел-е, шу тогнинг бошига чиқиб Бадбаҳт чўлига қарайин, агар Дарбанд тогининг нар ёгида, Бадбаҳт чўлда бирор душман бўлмаса, келиб шу икковининг бошини ола-йин. Бадбаҳт чўлда душман бўлса унинг билан бўлайин.

Аваз бу ўйни ўйлаб, отланиб, Дарбанд тогининг бошига чиқиб қаради, Бадбаҳт чўлда бир нарса, Авазнинг кўзига гивирлаб кўрина берди. Авазхон: «бу кўринган қандай қора экан, бунга бориб келай, қандай жой экан, кўриб келай, анигини билиб кетай», — деб ўйлаб бораётуб эди, олдидан бир газадан лоп этиб бир одам чиқиб қолди. Қаради: бир филни минган, икки оёғи чим ерни омоҷдай тилган, со-қол-мурти ўсиб кетган, аймашиб келиб, оғзи-бурнини босиб кетган.

Аваз бунинг қадди-қоматини кўриб, таваккал қилиб, йўлдан четга чиқиб турди: «Кел-е, бундан бир савол сўрайин, қайси мамлакатга бораётган экан, билайнин», — деб сўз деди:

Сен эшитгин менинг айтган тилимни,
Бошингга соларман қайғу-зулмни.
Менга баён айла борар элингни,
Фил минган армани, қайда борасан?!
Остимда бедовим ўйнар юз алвои,
Сўзимни эшитгин /фил минган/ душман.
Давлатимдан шоли-шолдам ўрайин,
Борар мазгилингни сендан сўрайин,
Фил минган армани қайда борасан?

Бу сўзни Аваз айтди, кофирнинг қулогига етди. Киприги, қошлирини туриб, чўгариб қараса, олдида бир ёш бачча: «Қайда борасан», — деб сўз сўраб турибди. Фил минганинг қўнглига келди: «Бу, ўроқчига ош бериб келаётган ёш бола экан. Бизнинг подшоларимиз: «Ўзбакнинг чивиндайи ҳам дўқчил бўлади, дўқидан кўркма», — деб эди. Дарвоқе, подшомизнинг айтгани рост экан. Шундай баччалар менинг тарзимни кўриб, қўрқиб, шайтонлаб қолмай, мендан «Қаёққа борасан?» — деб гап сўрайди; айтганда нима гапни билар экан бу, — деб бир сўз деди:

Юрган йўлинг адир эмас, жўнагар,
Найза тегса оқ бадандан қон оқар,
Бирор ўнгга, бирор сўлга юради,
Сўраб сенинг не ишинг бор, энагар?
Ошиқнинг фаҳмидир қоронги кеча,
Йигласам, ҳолимга йиглар бир неча,
Бирор ўнгга, бирор сўлга юради,

Мендан савол сўраб ишларинг қанча?!
 Миниб юрган чигирткадай отинг бор,
 Қумурскадай сенинг бир жасадинг бор,
 Тур йўқол, йўлингга боргин энагар.
 Остингга минибсан кўк ола тойди,
 Ола тойинг менга таътил бўлмайди,
 Сендай одам резгиси ҳеч қолмайди,
 Тур, йўлингга бора бергип, энагар!
 Мендайн номдорнинг кўнглим бўласан,
 Сен ўзингни одам чоқлаб турасан,
 Одам резги армон билан ўласан,
 Кета бергин, ёш боласан, ўласан,
 Нима учун йўлим олиб турасан.

Бу сўзни Авазхон эшитиб, бир сўз деб турибди:

Қозининг олдида шабгир нойиби,
 Йигитга панд берар отнинг майиби,
 Сўраганинг ҳеч бўлмайди айиби,
 Фил мингаи армани қайда борасан?
 Филии миниб гайрат билан юрасан,
 Хабар бергин қай шаҳарга борасан,
 Ёлғон айтма, сен баъдахт, ўласан.
 Худо дейин, яратганга йиглайин,
 Нор кесар олмосин белга чалайин,
 Ёлғон айтсанг бошингни олайин,
 Борар мазгилингни сендан сўрайин.
 Фил минган армани қайда борасан,
 Баъдахт, кофир, сенга бермайман омон,
 Соларман бошинга қайғули туман,
 Бу сўзларни сенга айтди Авазхон.
 Борар еринг айтгин менга, сен душман.

Бу сўзни эшитиб: — Бу мендан борар еримни қайта сўрай берди, энди айтиб кетайин, қайсар экан,— деб бир сўз айтиб тургани:

Отга солиб арпа билан ийирди,
 Қор ёққанда карвон солар чийирди,
 Арботининг шоҳи бизни буюрди,
 Мени сўрсанг, Арботиндан келаман.
 Сафар қилиб Чамбил элга бораман,
 Чамбилнинг юртини вайрои қиламан.
 Гўрўғлининг тандан бошин юламан
 Ўлжа қилиб Фиротини оламан.
 Авазхондай ўғлини олиб келаман,

Авазхонни косагул қиб юраман,
 Авазнинг хуштори ўзим бўламан,
 Эшит Мақотилнинг айтган сўзини,
 Олиб кёлсан Чамбилнинг Авазини,
 Шоҳим берар юз бешга кирган қизини.
 Шу хизмат деб Чамбил элга бораман,
 Чамбил юртин ебир-есир қиласман,
 Қайтиб келиб шоҳ қизини оламан.
 Шоҳ қизи билан ўйнаб-куламан.
 Ростин айтсан шу хизматга бораман.
 Сўзимни сўрасанг, эй ёш ўғлон,
 Ўзбаклар юртига бермасман омон.
 Шу учун ўзбакқа қиласман охир замон,
 Авазни Чамбилдан олиб келаман,
 Бу сўзларни сенга айтдим бегумон.

Авазхон бу сўзни эшитиб: «Бу ёмон кофир экан. Шу тарзда Чамбилга борса, Чамбил элининг турпогини ғалвирдан ўтказиб кетар. Отамнинг оти менда бўлса, ёби отлар урушда ҳожат бермаса. Энди таваккал, овлоқ ерда бунга маълум қилайин»,— деб Авазхон ўзини маълум қилиб, бир сўз деб турибди:

Чарқиллаб учади кўлларининг гози,
 Чўлларда кўп бўлар улогман қўзи,
 Остимда иргиди Гиркўқдай този.
 Сўзимни эшитгин, Арботин бози,
 Мен бўламан Гўрўғлининг Авази.
 Чамбил элда элнинг гамин еб эдим,
 Сендан зўрни излаб шикор қиб эдим,
 Мен ҳам Арботинга борсан деб эдим.
 Душман излаб элдан чиқиб келганман!
 Чамбилбелда мен ҳам бекман, тўраман,
 Нор кесар олмосин белга чоламан,
 Излаганга сўраганинг бўламан,
 Овлоқ ерда сенга дучор келаман,
 Чамбилбелнинг Авази ўзим бўламан,
 Мен ҳам Арботинга излаб бораман,
 Қўлингдан ҳар нима келса, кўраман.
 Қалпоги манглайга тўрт энли ботган,
 Ўн саккиз юз хотин олиб—
 Дунёдан мужкаррад ўтган,

¹ қилиб эдим.

Ҳасан бобо хизматига бораман,
Шоҳнинг юз бешга кирган қизини
Ҳасан Қўлбар бобомга обкеб бераман,
Чамбильбелдан шу хизматга бораман,
Арботин шаҳрини горат қиласман,
Чамбилининг Авази ўзим бўламан.

Бу сўзни Мақотил эшитиб: — Ўзбакнинг тати чапаниси шунча экан. Бу ҳам ўзини Аваз қилиб ётири. Мен Авазхонни кўрмасам ҳам таърифими эшитганиман. Сен ўзингни Авазхонга менгзама,— деб бир сўз деди:

Жамоллари ойу кундан галибди(р),
Кўргацларнинг бекой ақлии олибди,
Кўрмасам ҳам таърифими эшитдим,
Сен ўзингни Авазхонга менгзама.
Қийигир деган қуш учади қияда...
Хуснин кўрсанг, шоҳлардан ҳам зиёда,
Жамоллари ойу кундан зиёда,
Сен ўзингни Авазжонга менгзама.
Авазхонман деб лофни урасан,
Одам резги армон билан ўласан,
Сен ўзингни Авазжонга менгзама,
Чамбилининг Авазини худой урдими.
Той устинда чивиндай бўб жалпайиб,
Гўрўглиниг отини худой урдими—
Шундайгина кўк ола той бўлиб,
Кўрмасам ҳам таърифими эшитдим.
Сен ўзингни Авазжонга менгзама.
Зуваласи ортиқ тушган лойидан,
Авазжон деб тилар эдим худойдан,
Жамоли галибди осмонда ойдан,
Кўрмасам ҳам эшитганиман Авазни,
Сен ўзингни Авазхонга менгзама.

Аваз бу сўзни эшитиб: «Менинг Аваз эканлигимни билмади, ишонмади; энди бу кофирга Аваз эканлигимни билдирайин»,— деб Мақотилга қараб, бир сўз деди:

Майдонда иргитай аспи-қушини,
Қамсаб кесай душмайларнинг бошини,
Солайинми Алиининг савашини,
Мақотил, кўр, Авазхоннинг ишини.
Остимда иргийди Фирқўқдай тулпор,
Ўзга деб, Мақотил, бўлма бехабар,

Файратимдан йиглар сендаи кофирлар,
Савашли кун мен мингингга баробар.
Отим Аваз, ўзим мисли аждахор,
Ишқирсам дамимга кетар душмайлар,
Майдон бўлса мен сотарман ширин жон,
Олмосимдан қуяр эдим қирмиз қон.
Гўрўғли ўглиман, отим Авазхон,
Чангалимдан қутулмоғинг кўп гумон.
Армон билан ўлар бўлдинг, эй душман.
Нор кесар олмосни қўлга оламан,
Кўрмаган қунларни сенга соламан,
Танимасанг, кофир бошинг оламан.
Дод айласанг эшитмасдан сўзингни,
Хар бобдан ¹ ўйман икки кўзингни,
Бадбаҳт душман, сенга ўлим лозимдир!
Танитайин сенга мен Авазингни.

Бу сўзни фил мингап душман эшитиб: «Бу Авазман деб айта беради, Аваз бўлса Аваздир-да, узоқдан таърифи борар экан-да. Бу Аваз бўлса, миниб юрган тойи Гўрўглининг Фироти шу. Энди менинг ишим ўйлдан битди; Чамбилига бормайман. Излаганим Гўрўглиниг оти билан Авази эди. Шу ердан олдимга солиб ҳайдаб, Арботинга бораман, деб кўнглида ўйлаб, Авазга қараб, бир сўз деди:

Аваз деб югардим сенинг изингдан,
Қуралайдай келган жоду кўзингдан,
Бир бўса бер, Аваз оқча юзингдан.
Гап эшит, Авазжон, айтган тилимдан,
Худой ўнглаб чиқиб қолдийг ўйлимдан,
Ароқ ичиб юрай сенинг қўлингдан.
Юр энди, Арботин бирга, Авазжон.
Бизман бирга Арботинга борасан,
Хар кечা бобойингга базм берасан,
То ўлгунча косагул бўи юрасан,
Юр энди Арботин бирга, Авазжон...
Арботинда мен ҳам бекман, тўраман,
Арботинга сизни олиб бораман.
То ўлгунча сизни олиб юраман.
То ўлгунча косагул қиласман,
Юр энди, Арботин бирга, Авазжон.
Толқошовлик қилиб бунда турмагин,

¹ боб билан

Сен кулимсив мени ошиқ қилмагин,
Узоқ яша, кўп йилгача ўлмагин,
Юр энди, Арботин бирга кетамиз.

Авазхон бу сўзни эшитиб, газаби келиб, Мақотилга қараб, Авазхон бир сўз деди:

Аё кофир, билиб сўзла сўзиғни,
Тилларинг сугуриб, ўйай кўзингни,
Танидингми бу қўчкор Авазингни!
Аваз эканимни ўзинг биласан,
Манманлик билан бунда турасан,
Ундай деб очма сен гайри оғзингни,
Танидингми бул шунқор Авазингни.
Ханижар чекиб, мен кесарман бўғзингни...

Мақотил бу сўзни эшитиб, Авазга қараб айтди: — Сен биз билан урушадиганга ўхшайсан. Йккови шу майдонда урушмоқчи бўлиб туриби.

Авазхон айтди: — Бобо, сиз катта экансиз, уруш, калтак навбати сиздан бўлсин.

Мақотил айтди: — Менга навбат бериб нима қиласан, бир урсам ўлиб қоласан, аввал сен ур.

Ўнда Аваз: — Сен ёввойи экансан, менинг ўлган-ўлмаганим билан ишинг бўлмасин. Сен катта экансан, навбатни сенга бердим,— деб ўзи қалқонни бошига жомилиб турди. Бобойнинг уч ботмон калтаги бор эди, шуни кўтариб: — Хабардор бўл, Аваз, ё Лот! — деб Авазнинг бошига урди... калтаги тариқдай бўлиб тирқираб кетди. Яна олти ботмон чўян калтаги бор эди, буни ҳам «ё Лот, энди, Аваз, ўлдинг!» деб сиёsat қилиб урди... калтаги тариқдай бўлиб тирқираб кетди. Яна тўққиз ботмондан бўлган калтаги бор эди. Буни ҳам кўтариб: «Аваз, энди ўлдинг, хабардор бўл, ё Лот»,— деб сиёsat қилиб урди... Калтак тариқдай бўлиб тирқираб кетди. Мақотилнинг навбати ўтди. Авазнинг навбати етди. Аваз илон тилли олмос-пўлатини шириллатиб ғилофдан сугуриб олди. Буни кўриб Мақотилнинг туси қочди, ранги заъфарондай бўлиб қолди. Шунда Аваз ўн етти газ олмос пўлатини қўлига олиб етиб борди. Бобо айтди: — Аваз ўрлим, тўхта. Аваз айтди: — Мени тўхтатиб нима қиласиз? Бобо айтди: — Менинг умид билан тўққиз қават қарқ терисидан қилган қолқоним бор, шуни бошимга жомилиб турдии. Аваз: — Хайр, жомилиб туринг,— деди. Бобо қалқонини бошига жомилиб турди. Авазхон «Облоҳу акбар», деб қўлидаги олмос-пўлатини қулоchlаб бобойнинг бошига

урди. Олмос бобосининг бошидан ўтиб эмчагигача кесиб бориб турди. Яна даргазаб бўлиб қўлидаги олмосини сугуриб олиб, қулоchlаб урди, Мақотилнинг ўзидан ўтиб, филининг ҳам ярмидан кесиб ўтиб ерга ботиб турди. Мақотил икки бўлинниб, аниаб қолди, кони дарёдай оқиб кетди...

Авазхон буни ўлдириб, кўкайи ўсиб, кўтарилиб, отидан тушиб, яёв бўлиб, Мақотилнинг қадди-қоматини кўриб, жасадига қараб, ҳеч ерда бундай душман ўлгани йўқ, деб ўз шаънига бир сўз айтиб туриби:

Қийғир деган қуш ўлтирас қияда,
Не кўриб кечирдим фоний дунёда,
Ғайратимдан шоҳлар юрар пиёда,
Қизлган ишим ҳар одамдан зиёда.
Бизлар кўрдик Қисакўзининг зўрини,
Уч йил кеб қамади Чамбил элини,
Гўрўглибек чиқиб қирди барини,
Ўлжа қилиб олдин молу зарини,
Шу урушда бундай душман ўлган йўқ.
Майдонда чиқарди Фирнинг бувини,
Қонга бўяб Зарчашманинг сувини,
Йиқитди Бектошнинг беш миниг тувини,
Шул урушда бундай душман ўлган йўқ.
Ҳасап ўглон от белига мингандা,
Арзиумдан Хон Даллини олганда,
Догистонда уч ой уруш бўлганда,
Шу урушда бундай душман ўлган йўқ.
Юсуф сulton отга қамчи согланда,
Иромондан Хиромонни олганда,
Тошотар полвоини побуд қилганда,
Етти йил тинмайин уруш бўлганда,
Шу урушда бундай душман ўлган йўқ.
Не кўриб кечириб фоний дунёда,
Қилган ишим ҳар одамдан зиёда,
Ҳар урушда бўлар душман пиёда,
Ҳеч урушда бундай душман ўлган йўқ.

Бу сўзларни айтиб, нарироқ бориб қараса, олдидан йигирма тўрт шаҳарга борадиган кўп йўл чиқди. Бу ўлларнинг у ёғига, бу ёғига қаради. Қараса, бир йўлда байроқ-байроқ кўп лашкар келаётir — сони йўқ. Келаётган лашкарбошлири ҳам Авазни кўрди. Ораси яқин қолган экан, бири-бирига қараб турди. Аваз: «Бу лашкар қандай лашкар экан», деди.

Бу лашкарлар Арботиндан келаётган эди. Бу лашкарнинг

лашкарбошлиғи ҳалиги фил минган полвон эди. Чамбил юртига, Гўрўғлиниг устига қўшин тортиб бораётган эди.

Лашкарбошилари айтди: «Гўрўғли битта ё иккита бўлиб юрар эмиш, деб эшитар эдик. Бу — тайин Гўрўғлига ўхшайди,— деб лашкар туриб қолди, «келаётган одам Гўрўғли бўлмаса, фил минган полвондан бу ёққа омон ўтмас эди. Бу — тайин Гўрўғли экан, фил минган полвонни ўлдириб, бу ерга келаётир»,— деб булар ҳам уруш асбобини тайёрлаб туриб қолди.

Авазхон бу чорраҳа йўлда уруш бўларини билиб, Фиротнинг айил-пуштанини маҳкам тортиб, совут, қалқонни жомилиб, отига миниб урушга тайёр бўлиб, лашкарга қараб, бу сўзни айтиб, юзланиб бора берди:

Икки дунёда ҳамроҳим,
Марди майдоним, ё Али,
Изларман сиздан мадад,
Чобуксуворим, ё Али.
Етти ёшда эр атанган,
Йигирмада шер атанган,
Тоғларни отиб юборган,
Дулдулсуворим, ё Али.
Йигит пири Шоҳимардон,
Мадад беринг шерияздон.
Бу дунёни барбод этиб,
Комил пирларни ёд этиб,
От қўйди душман устига,
Тоғдаги шердай оҳ уриб,
Йўлбарсдай бўп чопиниб,
Халилулло, оллоҳу акбар.
От қўйди душман устига,
Қарамай баланд-пастига,
Олмос олганди дастига,
Ярашиққа тикиб чотир,
Фаранг милтиқ патир-патир,
Отилди майдон ичинда.
Чаппалашиб сатта ботир,
Тўкилди майдон ичинда.
Кўрганларнинг ақли кетиб,
Яна кўрсан деб бўлиб интиқ,
Оғзи катта қора милтиқ
Отилди майдон ичинда.
Бедовга заррин айиллар,
Қилганга душман қойиллар,

Шабнам милтиқ, жазойиллар,
Тўп бузар майдон ичинда.

От чопади аста-аста,
Қўпdir душман, даста-даста,
Уруш бўлди, чопар аста
Қон тўкар майдон ичинда.
Саф-саф туриб ақли хўплар,
Аждоҳодай катта тўплар
Ишқирап майдон ичинда.
Душманларнинг ақли шошиди,

Ота боладан адашди,
Авазхон танҳо саваши,
Қон тўкар майдон ичинда.
Қилич келар алаб-ялаб,
Истар кўнгил қиласар талаб,

Олтин коса, гулгун шароб
Ичилди майдон ичинда.
Асли този не бедовлар
Кетди эгасиз бош олиб,
Чодир-чаман, либослар

Қолди шундайин тўшалиб.
Ҳар дараси мурдага тўлиб,
Қон деганинг селдай бўлиб,
Тог аскарин чалди туман,
Душманларга бермай омон,

Шул сабабдан бек Авазхон
Қон тўкар майдон ичинда.
Тинмай оқар кўзнинг ёши,
Кесилар душманнинг боши,
Шулдир Авазнинг саваши,

Қон тўкар майдон ичинда.
Авазхон майдонда танҳо саваши,
Ғайри душманнинг ақли шошиди.
Аваз душманларни қувиб тўплаб,
Авазнинг кўйглига менманлик тушди,
Авазнинг кейнидан шайтон этишиди.

Авазнинг кўйглига бу сўз тушди:
Учраса ёрният марди,
Кўзга дори пои гарди.
Бизлар Чамбилнинг жўмарди,
Қирмаганлар номард бўлсин!

Учраса ёри Қабил,
Ҳар маҳал ваъдадан тобил,
Майдонли кун пўлат добил,
Туймаганлар номард бўлсин!

Йигит пири ҳазрати Довуд,
Оқ кировка, олтик совут
Киймаганлар номард бўлсин,
Душманларнинг мурдасини
Уймаганлар номард бўлсин,
Олмасидан қизил қонни
Куймаганлар номард бўлсин!

Эрлик билан бу майдонга
Кирмаганлар номард бўлсин!

Қилич силтаб, бедов қистаб,
Турмаганлар номард бўлсин!

Бул сўзни айтиб Авазхон,
Даста-даста қочиб душман.
Душманларнинг ақли шошди,

Аваз ўғлон бунида танҳо савашди,
Байдоқ-байдоқ яна лашкар етишиди.
Аваз ўғлон бу лашкарни кўради,
Ғиротига аччиқ қамчи солади,
Байдоқ-байдоқ лашкар келиб олади,
Аваз ўғлон бу ўртада қолади.

Жафо тиги букуп жондан ўтади,
Айрилиқ ханижари бағрин йиртади,
Шакаман душманлар чоқлаб отади,
Жазойилнинг ўқи туйраб ўтади.

Авазхоннинг қадди-бўйи букилди,
Кўздан ёши қатра-қатра тўкилди,
Шу савашда юриб эди Авазхон,
От ёлини ушлаб бу мард йиқилди.

Тўхтаб қолди Гўрўглиниг Ғироти,
Фарид бўлди Гўрўглиниг фарзанди,
Хеч кимсага келмай қолди ҳолати.
Бир оллога етар мардининг поласи,
Фарид бўлди Гўрўглиниг боласи,
Жазойилнинг ўқи етиб Авазга,
Оҳ тортиб йиқилди Чамбил тўраси.

Ботинолмай туриб қолди кўп душман,
Ичи тўлди, юракка бўлди кўп армон,

Ярадор бўлди-ку бекнинг фарзанди,
Қолмади-ку Авазхоннинг тоқати.

Кўринг назаркарда бекнинг Ғироти
Мардим қилса душманларда, уят-да,
Олдига ташласа ёл билан суяр,
Кетинга ташласа қўйруқман суяр.
Майдондан бурилиб назари тулпор,
Тоққа қараб жўнай берди жонивор,
«Бу баччагар бизга ҳийла қилас», деб
Ботинолмай бораётир кофирлар.
Яра тегди Чамбилнинг ғўччогига,
Баракалла бекнинг тўбичогига.
Неча ул душманга Ғирот рад бериб,
Авазни обкетди Ҳулкар тогига.
Фалак титрар Авазнинг нолишига,
Кўзлар губор бўлар оққан ёшига.
Кўп душманга минган оти рад бериб,
Олиб чиқди Авазди тогнинг бошига.

Ғирот жонивор Авазнинг ярадор бўлганини билиб, ийқилиб қолмасин, ийқилиб қолса менга кўп ёмон таъна ишлар бўлади, деб кейинига кетайин деса, қўйруги билан суяб, илгари кетайин деса, ёли билан суяб, Авазхонни авайлаб, астаса суяб олиб Ҳулкар тогининг юқори баланд чўққисига олиб чиқди. Ул тогнинг чўққиси така-ёвмит, туркман отидан бошқаси чиқа олмайдиган ер эди. Буни душманларнинг лашкари кўриб, вақти хуш бўлиб, «То бу тогни қулатиб, ийқиб олмасак бўлмас», — деб бир хили тўпни ётқизиб, бир хили қўлига метинни олиб тогни қулата берди, дунё кўп талотўп-шовқин, галва бўлиб кетди. Бу галва билан уйқуда ётган Асад мерган билан Шодмон мерган уйқудан уйғонди. Қараса, олдида Аваз ўйқ. Қаёққа кетди, деб қараса тогнинг сиртида тутуннинг буруқсагани қўринди. Тўплар гумбирлаб, отилиб, товуши дунёни бузгундай бўлиб бораётир. Бу буруқсиганларни, бу аломатларни кўриб, Асад мерган Шодмон мергана гараб, бир сўз деб турган экан:

Шодмон ака, эшит айтган сўзимди,
Кўролмай ўларман ўғил-қизимди,
Энди турмай бундан кетмоқ лозимди (р),
Англа, оға, менинг айтган арзимди.
Изламаймиз Авазхондай тўрани,
Жўуринг, оға, Чамбил элга борайик.

Хазон бўлмай бодга гуллар сўлибди,
Аваз бориб, ташо саваш қилибди,
Тогнинг парёғига лашкар келибди,
Кун туман, илговли кунлар бўлибди,
Журинг, ога, Чамбил элга борайик.
Душманлар кесмасин тандан бошимни,
Сулатмасин гавда билан лошимни,
Кўрса албат қилар менинг ишимни,
Бориб кўрай элда тенгу тўшимни,
Журинг ога, Чамбил элга жўнайик.

Бу сўзни Асад мергандан эшитиб, Шодмон мерган Асад мерганга қараб, бир сўз деди:

Майдон бўлмай бедов отлар чопилмас,
Кўп чопилса, хаса тулпор совулмас,
Излаганда бундай майдон топилмас,
Жургин, Асад, ният майдон, борайик.
Майдонда кесилар душманинг боши,
Қиёматча бўлар мардинг саваши,
Бу майдондан қочган помарднинг иши,
Жургин Асад, ният майдон, борайик!
Бу ишларни қилган Чамбил Авази,
Ўлсангиз шаҳид, ўлдирисанг гози,
Бу ишларни қилган бекининг ёлгизи,
Жургин, Асад, ният майдон, борайик.
Сенга айттай мен сўз билан жавобди,
Душмандан шаҳид ўлмоқ савобди.
Мард йигит олдидан майдон чиққан сўнг
Номард бўлиб, қочмоқ бизга не бўпти,
Жургин, Асад, ният майдон, борайик...
Чамбил элда баҳодирлик қиласан,
Гўрўғиндан оту анжом оласан,
Майдон кўриб қандай қочиб борасан,
Чамбилда сўраса баҳодир беклар,
Уялмайин қандай жавоб берасан?
Жургин, Асад, ният майдон, борайик!

Бу сўзни эшитиб, Шодмон мерганга қараб Асад мерган бир сўз деб турибди:

Шу кунларда сўфи-дарвеш бўлибман,
Ғайри диннинг воллоҳ, юзин кўрмай, деб
Кеч-кундуз аҳду паймон қилибман,
Журинг, ога, Чамбил элга жўнайик.

Борар бўлсанг, Шодмон ога, бора қол,
Ўвол-савобингни ўзинг ола қол,
Ўлдирисанг ҳам мен бормайман, кўя қол,
Журинг, ога, Чамбил элга юрайик.
Мендайин ўғлоннинг кўнглини бўласан,
{Синамаган ёвда} нима қиласан,
Қазом ётиб ўлиб кетсан майдонда,
Сен менинг қонима зомин бўласан,
Журинг, ога, Чамбил элга жўнайик.

Бу сўзни Шодмон мерган эшитиб: — Мен бир ўзим ёлгиз майдонга борадиган бўлсан, аввал сени ўзим ўлдириб, сўнгра ёлғиз ўзим борайнин деб қўлини олмос-пўлатига узатиб, қиличини қўлига ола берди. Шодмондан Асад мерган ѕўрқиб: — Ундей бўлса, юрсанг юра бер, майдонга борамиз, — деб мерганинг орқасидан юра берди.

Иккви бирга-бирга тогнинг бошига чиқиб қараса, тогнинг у тарафидан душманинг кўп лашкари бор. Буни булар кўрди. Асад мерган айтди:

— Эй, Шодмон ака! Бу душман кўп экан, уларнинг устига босиб бормоқ мушкул-да. Лекиц булар ҳам ўзлари кўн баҳодир-зўрабор эди. Урушни кўп кўриб, урушдан тайсаллаб қолган эди. Урушга кирганда, лак-лак лашкарлар билан ҳар қайсилари баробар урушар эди, ҳийлай ҳийлагар бўлиб қолган эди. Душманларга узоқдан кўриниш бериб, Асад мерган бу сўзни айтиб бораётир: — Душманга сиёсат қилайик, урушга Гўрўғли келди деяйик, Гўрўғлининг донги Доғистонга қетган. «Гўрўғли келди» деса, бешикдаги боласи йингламай ётган, душманга Гўрўғлининг зарбаси ўтган, — деб бу сўзни айтиб келаётир;

Бўви Ҳилол гўрда туққан,
Қиличини қон билан ювган,
Чамбилдан Гўрўғли келди.
Хон Гўрўғли Чамбил элнинг тўраси,
Кўринади ботирларнинг донаси,
Чамбилдан Гўрўғли келди, душманлар
Бул охини бир оллога еткариб,
Душман кўрса тифи-дамдай ўткариб,
Душманни ўлдириар барин ўнгариб,
Чамбилдан Гўрўғли келди, душманлар!
Душман, кўргин Гўрўғлининг ишини,
Қамсаб кесар сендаларнинг бошини,
Сулатар душманинг гавда-лошини,
Чамбилдан Гўрўғли келди, душманлар!

Ейди душманинг бу кун гўшини,
Қойил бўлар анга халқи замона,
Душманлар, сепга бермас амон-а,
Душманлар билмас қилас ишини,
Ёмон кунда тўкар кўздан ёшини.

Бу сўзин душманлар эшитдӣ. Шундай қараса, икки отлиқ тогдан бақириб-чақириб, сиёсат қилиб келаётир. Буни кўриб: «Бояги Гўрўглиниң одами экан, бу келаётганинг бирори тайин Гўрўгли», — деб душманлар зангловини ташлаб, отини битта-битта ушлаб, қочар йўлини бошлиб турди. Мерганлар шундай қаради, лашкар кўзголди. Уруш кўриб юрган гираёнда эмасми, Гўрўглиниң отини тутиб: «Мана мен урушга кетдим, Гўрўгли бўламан, қаёққа қочиб қутуласизлар». — деб отларига даб бериб, икки мерган бирдан душманинг устига қараб от кўйди. Душманлар кўриб, ақли шошиб, такбиридан адашиб, Асад мерган кўнглини ушлаб, душманларниң лашкарини қира бошлиди.

Душманларни тўплаб олиб,
Етганига қилич солиб,
Ҳар дара ўликка тўлиб,
Бош кесар майдон ичинда.
Тоғ аскарин чалиб туман,
Душманларга бермай омон,
Шу сифатда Асад, Шодмон
Бош кесар майдон ичинда.
Кесилди душманинг боши,
Сел бўлгандир кўзда ёши,
Шулдир мерганлар саваши—
Бош кесар майдон ичинда.
Ошиқ фаҳми оқшом-кечা,
Холии билмайди бир печа,
Душманлардан ўлди анча,
Қирилди майдон ичинда.
Етганига қилич солди,
Қочқинчиси йўлга кириб,
Тўпу тўпхоналар қолди.
Эшитингиз мерганларниң сўзини,
Қамсаб кетди душманларниң ўзини,
Ногаҳондан бораётib мерганлар,
Йўлда кўрди Фирқўк отининг изини
Хазоп бўлиб боғда гули сўлибди,
Шум фалак бошига савдо солибди,
Отининг изи қизил қонга тўлибди,
Ё ярадор ёки Аваз ўлибди.

Мерганларниң хаста кўнгли бузилди,
Кўздан ёши қатра-қатра тизилди.
Гиротниң изини кўриб мерганлар,
Тоққа қараб бурди отиниг бошини.

Шунда душманларни ўлгани ўлди, қочгани қочиб қутуди, тўпа тўпхоналар ўлжаб бўлиб қолди. Бу ўлжаларга мерганлар қарамай, Гиротниң изидан эргашиб, тогнинг бошига қараб, Аваз билан Гиротни ахтариб бораётир.

Тогнинг устига чиқиб борди. Мерганларниң отини кўриб, Фирқўк кишинаш кўя берди. Буниң кишинағанини Авазхон эшитиб, «Душманлар келиб қолди», деб икон талвасасида бошини кўтариб қаради. «Булар мерганлар, ўзимизнинг одамларимиз экан», деб яна бошини кўйиб ётди.

Мерганлар Авазниң бу ҳолини кўриб: — Энди Авазни ўлдирмақ керак. Бу ўлган йўқ, ярадор экан, ҳеч нимага ҳолати келмай қолган экан,— деди. Яна ўйлаб айтди: — Авазни ўлдирсан, ўлар-кетар, бундай ўғил пайдо бўлмай қолар, Авазни ўлдирисб, Фирқўкнинг ўзини Чамбилга қуруқ миниб олиб боролмасмиз, Торкистон шахрида Малика парини ҳам икковимиз ололмасмиз. Эндиғи маслаҳат: доридармон қилайик, Авазни тузатиб олайик. Аваз ўзи учун ўзи хизмат қилиб Торкистоңга борар, Малика парини олар, бизлар шаҳарларни томоша қилайик, кўрганимиз қолади. Қайтиб шу ерга келганда Авазни ўртага олайик, бошини юлайик, бехавотир маликани Чамбилга олиб борайик. Гўрўгли: «Авазим, қаёққа кетди, қаёқда қолди», — деб сўраса, «Авазинг бир девнинг қапжигасига илиниб бекорга ўлиб кетди», — деб айтайик. «Барақалла, мерганлар, тила мақсадларингни», — деса, Ҳазорасп шаҳрини тилаб олайик,— деди. Асад мерган айтди: — Эй Шодмон ака, тила деганда Ҳазорасп шаҳрини тилаб ўтирма, Болқиён шаҳрини ҳам қўшиб тила! Бола-чақанг ризқи-да, бир шаҳар бизларга нима бўлади?!

Икки мерган бу сўзни кўп ўйлаб, маслаҳат қилиб, Авазниң олдига бориб, баданига теккан ўқларни сугириб олиб, ўқнинг жойидаги қора қонларини сўриб ташлади. Иккови ҳам Чамбilda дафтари эмасми, Авазга дори тоғмоқ учун тоққа чиқиб кетди. Ногаҳон олдидан бир айиқ чиқди. Uriб отиб олиб, ўтини олди. Яна бир қашқирни отиб олиб, картини олди, тошбақанинг моягини олиб, уччовини бирга қўшиб аралаштириб, юмуртқа малҳам қилиб, Авазниң яраларига тортди.

Авазниң яраси андак тузалиб, отга мишидиган бўлди.

Учкови отланиб, отларига миниб, тогдан пастга тушиб, Торкистоннинг чўлига Малика парини ахтариб кета бердилар. Шунда Асад мерган Авазга қараб, Аваз сен менинг эсонлийгимда ғам ема, деб бир сўз деб бораберди:

Ушбу дамнинг дамларини дам дема,
Шукур қилгин, давлатингни кам дема,
Мен эсон-да, Аваз ўғлон, ғам ема!
Ҳамроҳ бўлдинг Аваз, Шодмон тўрага,
Рад этарман кўқдан келган балога.
Мен эсонман, ғам емагин садага.
Отим Асад, ўзим мисли аждахор,
Савашли кун юз мингига баробар,
Ғайратимдан бўзлаб кетар душманлар,
Бош эсон-да, ғам емагин Авазжон,
Қабатингда Асад билан Шодмон бор.
Остимда юз алвон ўйнайди отим,
Белимда ярқиллар кескир пўлатим,
Шундай бўлар сипоҳилик одатим,
Мен эсон, ғам ема, Авазбек зотим!
Ғиротни ўйнатиб әлдан чиқибсан,
Баҳодирлик дағдагасин қилибсан,
Душманлардан кўп жафони кўрибсан,
Тоғ бошида гарип бўлиб қолибсан.
Худойим сақлагай бандани омон,
Бошингдан кетгандай қайгули туман,
Иш кўрсатди Асад билан бек Шодмон,
Жафо кўриб, ҳафа бўпсан Авазжон.

Бу сўзни Асад мерган айтиб бораётир. Авазхон индамай: «Кўтарилсанг кўтарила бер», — деди. Асад мерганнинг кўзи фил мингап душманинг ўлигига тў shedi. Кўркиб отининг жиловини тортиб, нашъаси учиб, хаёли қочиб турди. Аваз айтди: — Ботирлар, ҳайдай беринг, бу ётган ўлик.

Мерганлар айтди: — Авазжон, буни ким ўлдирди?

Аваз айтди: — Мен ўлдирдим.

Мерганлар айтди: — Эй, Авазжон, шуни ўлдирган бўлсанг, сен ҳам яхши бўлиб қолган экансан.

Бундан ўтди, Бадбахт чўлга етди. Ўлик деган боядай бўлиб қийраб ётиди. — Буни ҳам мен ўлдирдим. Шу ерда ярадор бўлган эдим, — деди.

Мерганлар айтди: — Авазжон, сен шуларни ўлдирган бўлсанг, дуруст бўлиб қолган экансан, урушнинг тартибини бизлар билан юриб, бизлардан олсанг, сенинг ҳам оёқ олишинг дуруст экан, бизлар билан бирга юриб урушнинг

тартибини таълим олсанг, бизлардай бўлиб қоласан экан,— деди. Лекин Əваз буларниңг сўзига индамади, жавоб ҳам бермади. Учови қирқ кечак-қирқ кундуз ўйл юрди.

Йўл юра-юра айни савр деган кунларда Белдоқ деган бир қирга етиб, беклар отдан тушиб, отларни ўтлатиб ётди. Мерганлар айтди: — Авазжон, бора турган жойинг яқинми? Ўзинг биласанми, неча кунда борасан, қайси шаҳарга борасан? Кунма-куп бедов отлар билан йўл тофтамиз, сира стмаймиз, ўзинг ўйлни биласанми, ё бекорга юриб, адашиб кетиб бораётимизми? Дунёнинг юзидан чиқиб кетдик. Энди дунёнинг четига бораётимиз.

Аваз айтди: — Мен ҳам кўрганим йўқ. Отам шу ёқда, деб айтган эди. Учови сўзлашиб гаплашиб туриб эди, бир тепадан тутун чиқаётир. Мерганлар айтди: — Эй, Авазжон, ҳов, анов тепадан тутун чиқаётир, борадиган шаҳарни шу тепанинг остида бўлмасин?

Авазхон айтди: — Бўлса бўлар, иккенинг бир бориб, хабар олиб келсаларинг-чи.

Мерганлар айтди: — Авазжон, сен ёш боласан, чопқиллаб бориб хабар олиб келсанг; шу шаҳар бўлса, келиб бизларга хабар берсанг, ундан кейин борамиз.

Авазхон хайр деб ўриидан туриб, пиёда бўлиб, тепани айлапиб бориб қараса, олдидан бир гор чиқди. Горга бора берди. Қараса, горда бир дарвоза кўринди. Дарвозани очиб ичкари кириб қараса, қирқ дев ароқ-шароқ ичиб маст бўлиб ўтирибди. Чиқиб турган тутун арак ичиб шагал маст бўлиб ўтириган девларнинг дами эди. Бу қирқ девнинг каттасини Йпроқ дев дер эди. Авазжонни қўриб, вақти хуш бўлиб кулиб, «худодан ҳар нима тиласақ берар экан, маст бўлиб ёдик, устидан сайдиган барра кабобни ҳам берди», деб олдидаги хизматкор девларига қараб бир сўз деди:

Ёш ўғлоннинг билмагани билдиринг,
Урмай, сўкмай шодиёна кулдиринг,
Барра гўштин канорага илдиринг,
Ҳаяллатмай ёш ўғлонни ўлдиринг!
Қулоқ солгин мендай шоҳнинг полишига,
Кўнглим кетди ёш ўғлоннинг гўшига,
Шоҳинг боссин унинг гўштин тишига,
Ундай-бундай деса уринг бошига,
Қавоб қилиб келтир шоҳнинг қошига.
Дод айлса, эшитмагин сўзини,
Зулм билан ўйинг икки кўзини,
Ажал ҳайдаб бунда келган ёш ўғлон,
Ҳаяллатмай ўлдиринглар ўзини.
Хазон бўлиб боядага гулни терибида.

Ажал етиб паймонаси тўлиби,
Бу ерларга ажал ҳайдаб келиби,
Дамга қўймай ёш ўғлонни ўлдиринг,
Ризқимизга шундай қавоб бериби.
Тўкинглар кўзидан селоб ёшини,
Ҳаяллатмай, дарров кесинг бошини,
Ўртага олиб енг бунинг гўшини.
Мен билмайман қай шахардан келиби,
Ризқимизга худой буни бериби.

Авазхон бу сўзни девдаи эшитиб, девларга қараб бир сўз деб туриби:

Баҳорда очилган боғиниг гулиман,
Юнусман Мисқолнинг жону дилиман.
Отим Аваз, Гўрўғлиниг улиман,
Бу ерларга девни излаб келдимман.
Отга солиб арпа билан ийирди,
Қор ёққанда карвои солди чийирди,
Чамбильда Гўрўғли отам буюрди.
Девларга бўлганди менинг сафарим,
Чамбиль элда бордир менинг лашкарим.
Чамбилининг қўргонии бошқадан қилди,
Фиркўк отни отам миниб чоп, деди.
Эшитмаган, тайин девларни топ, деди.
Чамбиль элда мен ҳам бекман, тўраман,
Қилич урсам дарров бошиниг оламан,
Чамбиль элтиб сени лойга соламан,
Чамбилининг қўчкори ўзим бўламан.
Остимда ўйнайди юз алвои отим,
Майдонли кун тоша келар гайратим,
Йўлда қолди, девлар, сенинг жасадинг.
Аё девлар, тимсол айтай бир алвои,
Бу давлатни менга берганди раҳмои,
Ул мени буюрган Гўрўғли султои,
Гўрўғли ўғлиман, отим Авазхон.
Ҳаяллама, олдимга туш бу замон,
Йўқса қиласман бошлариннга охир замон.

Гўрўғли деган сўзни эшитгандан пойгода турган девлар қочиб тўрга ўта берди. Бир-бирини босиб, такбиридан адабишиб, ақли шошиб, тўполон бўлиб қолди. Шунда Япроқ дев айтди: — Эй, девлар, шошманглар, ҳовлиқманглар. Мен гапининг ростини сўрайин, қўрқманглар, бу келган жондор жиянимиз бўлар экан,— деб Авазжонга қараб, бир сўз дегани:

Асқартогнинг бошини чолган туманми,
Ғамли қулга мудом охир замонми,
Танимасни сийламас дер, Авазжон,
Чамбиль элда Мисқол опам омонми?
Гам билан сарғайди гулдайин дийдор,
Бир нечалар ўз холидан бехабар,
Чамбиль элдан келган бўлсанг, бек-тождор...
Чамбильбелда Юпус, Мисқол опам бор,
Юпус нари, Мисқол опам омонми?
Хазон бўлиб боғда гуллар сўлмасин,
Ҳаёлингга бошқа гаплар келмасин,
Бу сўзни одамхўр езнам билмасин,
Қўнглига оғир олиб қолмасин,
Қаҳр айлаб одамхўр жезнам келмасин.

Бу сўзни Авазхон девлардан эшитиб, девларга қараб бир сўз деб туриби:

Юрагимга солма дугу аламни,
Бориб обод қилсан қулбахонами,
Девлар-а сўйлайсан пари энамни,
Шул энамнинг сен нимаси бўласан?
Давлатимдан шоли-шолдам ўрадинг,
Гул тарзинг сарғайиб менга қарадинг,
Паризод энамни мендан сўрадинг,
Шул энамнинг сен нимаси бўласан?

Бу сўзни эшитиб, Япроқ дев Авазхонга қараб, бир сўз деб туриби:

Сен эшитгин тогаларини сўзини,
Бизлар кўрдик бек сизнанинг ўзини,
Ўн ярим лак девга зўрлик етқизиб,
Олиб кетди Шоврубшоҳнинг қизини.
Бир кунлари келди дарёдай тошиб,
Эрам боғда девлар билан савашиб,
Девлар қолди унда ақили шошиб,
Бир-биридан девлар юрган адашиб.
Олмадайин сўлган, гулдай тарзим бор,
Аваз ўғлон, сенга айтар арзим бор,
Энанг париларга подшоҳ вақтида,
Бизлар эдик ул энангга хизматкор.
Айтган сўзин поён ниқоби эрдик,
Энанг париларга подшоҳ вақтида,

Шул энангниң бизлар мешкоби әрдик,
«Танимасни сийламас» дер, Авазжон.
Бул тоганг бўлмасин яна гуноҳкор,
Отангга айтмағин, Аваз зўрабор.

Шунда бу қириқ дев Авазхонга узр маъзурлар айтиб, танишиб, сўрашиб, ҳаммаси бўлакдан кўришиб ётиди: — Отингиз, жўрангиз йўқми, ўзингиз пиёда келдингизми? — деб сўради.

Аваз айтди: — Отимиз, меҳмонимиз ҳам бор.

— Унда бўлса бирориниң бориб олиб кел! — деб Япроқ дег буюрди.

Бирори югуриб, тепанинг орқасига қараб чопиб чиқди. Мерганлар қараса, тепада бир дег яланглаб келаётir. Мерганлар буни кўриб, ақлидан шошиб, кўзи қамашиб. Асад мерган Шодмон мерганга қараб айтди:

— Эй, Шодмон ака, бу ер девнинг жойи экан, Аваз борган сўйиг Авазни еб туриб, «Бунинг жўраси бордир», деб бизларни ахтариб келаётir.

Икковининг ақли шошиб, девга қарамай кета берди, дег қўл булгаб қанча чақирди, булар қарамади; ночор, қайтиб Авазнинг олдига келди.

— Жияним, у меҳмонларниңиз қандай? Бу ёққа юринг деб чақирсан, қарамай, у ёққа бораётibdi. Югуриб жиловлаб қайтарайн десам, сизнинг қўнглинигизга, «қўрқитисан», дегай гап келар деб, қайтаролмай югуриб келдим, — деди.

Авазхон айтди: — Сизлардан қўрқмоқ қайда! Уларни Чамбил элда Асад, Шодмон шер дейди, ҳар қайсиси таътилига тўқсон девни ер дейди.

Дев айтди: — Менинг етмаган ажалим; етмаганим, жиловлаб қайтармаганим яхши бўлган экан.

Аваз айтди: — Отам мени сизларга буюрганда иккови бирга чиқиб эди: — «Аваз билан бирга бораийк, ҳориган-чарчаган девларни еб келайик» деб келган эди. Улар қўрқиб қайтиб кетган эмас: уларнинг оти ҳуркиб, жилов бермай кетаётгандир. Мен, сен ҳаяллаб кефганда, сени улар еб ётган экан, деб гумон килиб турган эдим. Унда бўлса, мен ўзим бориб, уларни олиб келайин, — деб Авазхон гордан чиқиб қаради, кўз кўрим ерда қорайиб кетиб бораётir. Аваз уларга қараб, қўл булгаб чақирди. Авазнинг товуши уларниң қулогига борди. Мерганлар: «Аваз бор экан-ку», — деб Авазнинг олдига қайтиб келди. Айтди: — Авазжон! Бу ерда дег бор экан. Сен девни кўрсанг, ога, тога чиқиб қоладиган касалинг бор. Бизларни энди эргаштириб девларга седириб қўймагин.

Аваз айтди: — Бир дег экан, уни мени катталик қилиб, «айтиб кел», деб буюриб эдим. Бир дег бўлса, сенинг бирориниң ҳам бас бўласап.

— Унда бўлса, хайда, борамиз, — деб мерганлар Аваз билан бирга келиб, шердиллик билан дарвозадан кириб қолди. Гўрўглиниң ҳурматидан қириқ дег бирдан югуриб қелиб, отининг жиловидан ушлаб қолди. Бу девларни кўриб, мерганларниң ранги-туси ўчиб, қони қочиб, кўзи олайиб, бўгини қалтираб, мазаси кетиб қолди. Шодмон мерган отга сяяниб базур тушди. Асад мерган қўрққанидан кургур ўзини тўхтатолмади, тушаётib бир бўғи узангода қолди. Девлар ҳайрон қолди.

— Бу меҳмон нимага йиқилди? — деди.

Шунда Авазжон бу сўзни айтиб турган экан:

Меҳнат тортиб Чамбил элдан келасан,
Дев гўштига хумори бўб юрасан,
Девнинг мўлин бу ерларда кўрасан,
Қириқ тогамниң барин нобуд қиласан.
Сен эшитгин Авазнинг иолишини,
Елвориб ўртага солган ишини,
Бу орада Аваз ўглон бўлмаса,
Сен ейсан-ку қириқ тогамниң гўшини.
Нодон қўнглиниң ҳар хаёлга бўлмагин,
Қириқ тогамниң барин нобуд қилмагин.
Сендейин мардларниң ҳолин билар-да,
Айрилиқ ғамлари бағрин тилар-да,
Қириқ тогамниң барин нобуд қилмагин,
Бирорин ўзингга сўйиб берар-да.

Бу сўзни айтиб мерганларни сўз билан каттайдириб, қўнглини хушлаб, майхонага эргаштириб бошлаб олиб борди. Девлар Аваздан вақти хуш бўлиб «Аваз бўлмаганда булар ҳаммамизни ўлдириб ер экан», деб Аваздан миннатдор бўлиб меҳмонхонага киргизиб, меҳмонларниң остига тўшак ташлаб ўтиргизди, кўп сийлади, югуриб қилди хизматни, қилди зиёфатни. Бир қўйни сўйиб, шўрвасига тўйиб, гўштини пишириб, корсонга солиб, буларниң олдига олиб келиб қўйди. Авазхон гўштдан олиб еяётir. Шодмон мерган ҳам гўштдан олиб еяётir. Асад мерган ҳам бир туюрини олиб, смокчи бўлиб оғзига солди. Қўрққан кургур гўшти томогидан ўтказолмай ютуниб, томогида қолди. Шунда девлар сўради: — Аваз жияним, бу меҳмон нимага гўштдан смайди?

Унда Авазхон айтди: — Бир туюрни олиб, «Дев гўш-

тимикини», деб оғзига солди, қўй гўшти эканлигиши билиб емай қолди. Буниси одамнинг айтганига уича-мулча кўнади, шунисига битталариниги сўйиб бермасаларинг бўлмайди.

Девлар ҳам Асаддан қўрқди. «Ҳони суюқ, рангида қони йўқ, қўзи олайга ёмон йигит экан», деб девлар қўрқиб турибди.

— Эй, жияним! Бизларни кам қилиб нима қиласиз, бизлар қирқтамиз. Мунов ерга борсаларингиз, қочиб юргаи, учиб юргаи оқсоқ-тўқсоқ девлар кўп, шулардан ушлаб олиб босиб еб кета берасизлар,— деди. Асад мерганинг бўгини бўшаб кетди. «Девларни шулар десам, булардан бошқа девлар ҳам бор экан, энди мен қандай қиламан»,— деб қўзи бўзарив, туси қочиб кета берди. Шу қўргиликда шу оқшом булар девларнинг майхонасида ётди.

Эрта билан тонг отди. Кун чошгоҳ ҳаддига етди. Лекин девлар, «Ҳашарга олиб бораман» деганини эшитгац эмасми, кўнглида ўйлаб, «Ҳайдаб кетиб қоладими», деб ҳайрон бўлиб турибди. Аваҳон индамай, дам бўлиб ўтирибди. Шунда девлар: «Энди булардан қайси ишга борувини, нима иш учун юрганини билайик. Йўл бўлсин деб сўрайик, кўнглида нима борини билайик»,— деб Япроқ дев Аваҳонга қараб бир сўз деди:

Гап эшит, Аваҳжон, айтган тилимдан,
Олмос-пўлат айрилмайди белингдан,
Не сабабдан чиқдинг Чамбил элингдан,
Йўл бўлсин, Аваҳжон, қайга борасан?
Елгон чиқсин Чамбильдаги ҳашаринг,
Бўлак юртга бўлсин сенинг сафаринг,
Елгон айтма, ростин сўзла, шунцорим,
Йўл бўлсин, Аваҳжон, қайга борасан?
Жаҳонни сайр этиб мунда келдингми
Е узоқ ерларга сафар қилдингми,
Йўқса бир парига ошиқ бўлдингми,
Йўл бўлсин, Аваҳжон, қайга борасан?
Остингдаги бек отангнинг тулпори,
Сен бўласан Чамбил элнинг кўчқори,
Е тегдими бир парининг хабари,
Йўл бўлсин, Аваҳжон, қайга борасан?

Бу сўзни Аваҳжон Япроқ девдан эшитиб, девларга қараб, сир-ҳолини ҳабар берив, бир сўз деб турибди:

Шакаркўлга отам овга борибди,
Маликадай паризодни кўрибди,

Олтмиш йиллик йўлни қарор берибди,
Торкистон деб пари ваъда қилибди.
Шу сабабли чиқдим Ёвмит элимдан,
Торкистон йўлини бошлагин, девлар,
Торкистонгачайин бўлинг хизматкор.
Сен эшитгин Аваҳоннинг сўзини,
Кучук босмас йўлбаре, шернинг изини,
Излаб чиқдим Қосимшоҳнинг қизини,
Олеам Торкистоннинг сарвинаозини.
Ваъда берган Маликадай тажакдор,
Кўрсат, девлар, менга Торкистон шаҳар,
Ҳаялламай бўлинг менга хизматкор,
Отам амри билан келдим мұқаррар.
Бу айтгаи сўзимни ҳазил билмагин,
Гадбаҳт девлар, тарқашовлик қилмагин,
Ҳазил билиб, гарив бўлиб ўлмагин,
Торкистонгачайин бўлинг хизматкор,
Бек отам бўлмасин йўлга пинтизор.

Япроқ дев Аваҳга қараб айтди: — Жияним, бизлар Ямандан Ясарни, Хитой-Хўтани, барча жаҳонни, Шахри Бежонни қолмай учамиз, ҳалигачайип бундай парини, бундай шаҳарни ҳеч ердан эшитганимиз йўқ, янгитдан сиздан эшитиб турибмиз.

Унда Аваҳжон: — Эшитган бўлмасаларинг энди бизга хизмат қилсаларингиз,— деди. Япроқ дев: — Хайр, бизлардан нари — йигирма йиллик йўлда Қизил дев деган бир дев тогангиз бор, шундан сўрайсиз-да, шу билмаса, бизлар билмаймиз, дев тогангизнинг хизмати, Гўрўғли езпамнинг ҳурмати,— деб Япроқ дев бир тилсимот ўқиб, учовини учта олма қилиб, ёқасига солди-да, қўйди, яна бир тилсимот билан уч отни уч тўргай қилиб, қўйнига солди, шундай қилиб, осмонга учиб кета берди.

Аваҳонга девлар бўлди хизматкор,
Фалақда булутман бўлди баробар,
Олма бўлиб Аваҳондай зўрабор,
Тўргай бўлиб чулдирайди бедовлар...
Торкистон деб кўзлаб учади девлар,
Бу ишлардан Аваҳ ўғлон бехабар,
Олма қилиб исказ қўради девлар.
Бир нечаси бул қўнглига келади,
Хабар топса ўлдиради Гўрўғли зўрабор,
Қўнглини бўлмай уча берди ул девлар.
Ўн кечак-ўн кундуз учгандир шу дев,
Бир ерга қуюлиб тушди мұқаррар.

Бир тилсимот дуо ўқиб дам қилди. Аваҳон қадимги аслига келди, отлари ҳам аслига келди. Шунда Аваҳон айтди: — Тога, Сизнинг жойингиздан бери қанчалик йўлга келдик? Дев айтди: — Жияним, мен кечакундуз учиб келаётиман, менинг юришимга йигирма кунилик йўлга келдик, сенинг бу отларингниг юришига йигирма йиллик йўлга келдинг.

— Тағин йўл бошлиаг,— деди.

Унда дев айтди: — Мен ўз чегарамизга келдим, бу ёғига боролмайман, менинг хизматим шу бўлди, энди сизларга қувват берсин,— деб Аваҳонлар билан омонлашиб, Япроқ дев орқасига кетди. Беклар йўл бошлади.

Шунда Асад мерган билан Шодмон йиглайди: «Энди бизлар элни, одамиң кўрмай ўламиш. Девлар билмайди, бу қандай билади?! Бу Аваҳоннинг ўзи ўлган одам эди, бунга қўшилиб, эргашиб юриб бизлар ҳам ўлдик. Энди ҳали ҳам бўлса жавоб сўрайик, элимизга борарни кўзлайик»,— деб иккови Аваҳондан жавоб сўраб, бир сўз деди:

Илойим биз ботир бўлмай, кетайик,
Жавоб берсанг, Аваз, элга қайтайик
Аввал бошлаб биз йўлиқдик девига,
Энди йўлиқмайик одамовига.
От чопса гумбурлар тогнинг дараси,
Ботирни ингратар наиза яраси,
Узоқ экан Торкистоннинг ораси,
Бизларга рухсат бер, Чамбил тўраси.
Билдик, биздай мерган гариб ўлади,
Гулсанамдай ёрим кимлар олади,
Бола-чақам етим-есир бўлади,
Жавоб берсанг, Аваз, қандай бўлади?
Кетмади бошимдан бир зарра туман,
Қайтиб элни кўрмак бизларга гумон,
Энди бизга жавоб берсанг, Аваҳон,
Жавоб тилаб туриби бу Шодмон.

Бу сўзни Шодмон мергандан, Асад мергандан эшишиб, Шодмон мерганга қараб, жавоб сўранг, бирга-бирга кетайин, деб бир сўз деди:

Жавоб тилаинг, бирга-бирга кетайик,
Ўлмай юринг, Чамбил элга етайик,
Хар на кўрганимиз бориб Чамбилга,
Дўст-душманларга бориб айтайик.
Йўлимиизда кўпидир девлардан душман,

Аваҳондан жавоб сўранг, Шодмонжон,
Кечакундуз ҳаққа фигон этайик,
Жавоб тилаинг, бирга-бирга кетайик.
Сенинг ёринг бўйта, менга учда,
Каттакони қаламқошда.

Ўртапчаси жуда бўйда,
Сўнгги олганим ёшда.

Ўйнаб-кулар эдик чошгоҳли тушда,
Жавоб сўранг, бирга-бирга кетайик.
Асад-Шодмон икки мерган бўлди,
Чамбил деган эллар қолди,
Тор тўшакда ўйнаб-кулган
Мурчамиёни беллар қолди,
Қулоп-кайик овлаб юрган
Зебит деган чўллар қолди.
Сўна-суксур отиб юрган
Шакар деган кўллар қолди.
Қуруқ борсанг, ота, деган
Ўпкалаган уллар қолди.
Шодмон ака, эшишт сўзди,
Фалак уриб қолди бизди,
Кўролмаймиз улу қизди,
Иккимизга на бўлди,
Жавоб тилаинг, бирга-бирга қайтайик.
Айролик ўтига багримиз додглаб,
Биз кетайик Чамбил элни сўрголаб,
Жавоб тилаинг бирга-бирга қайтайик,
Бола-чақа қолмасин-да қон йиглаб.
Шодмон ака, эшишт айтган сўзимди,
Саломат кўрайик ўғил-қизимди,
Бу гапларга жавоб берса Аваҳон,
Бу ерларда турмай, кетмоқ лозимди (р).

Бу икки мерган бу сўзларни айтди. Аваҳон Асад мерган билан Шодмон мерганнинг сўзини бирдай кўриб, бу икки мерганга дилдорлик бериб, бир сўз деди:

Кўзда ёшинг муичоқ-муичоқ тизилди,
Дийда гирён бўлиб багринг эзилди,
Йиглама, мерганлар, кўнглим бузилди,
Саломат кўрассан ўғил-қизингди.
Баҳодирлик даъво қилиб келасан,
Не сабабдан бекор кўнглинг бўласан
Жаҳонни сайр этиб мунда кўрасан,
Ўлмасанг бир куни Чамбил борасан.

Бедовман¹ йўллар тортсам керак-да,
 Кумса-кундан зўрга етсак керак-да,
 Ер остига тушиб кетсак керак-да,
 Ундан сўнг Торкистон етсак керак-да.
 Сен эшитгин менинг айтган сўзимни,
 Олмадай сўлдирма гулдай юзингди,
 Кўзларингда селоб ёшинг тизилди,
 Йиглама, мергаилар, кўнглим бузилди.
 Чамбил ўлкаларим ёдима эди,
 Саломат кўрасан ўғил-қизинги.
 Чамбилбелда сен ҳам юрган тўрасан,
 Улмасанг, бир куни Чамбил борасан,
 Уғил-қизинг сог-саломат кўрасан,
 Не сабабдан, мерган, кўнглиниг бўласан?!

Бу сўзларни айтди Чамбилининг марди,
 Остида ўйнайди бекининг Фироти,
 Мергаиларга зўр айлади, Авазжон,
 Бош бўлиб жўнай берди шу замон,
 Нима дерин билмай Асадман Шодмон.
 Богбои бўлса богининг гули терилди,
 Ярашицқа от кокили ўрилди,
 Ногаҳондан борар эди бу беклар,
 Ярқилаб Гулшанинг боғи кўринди.

Беклар Гулшан чорбогига йўл юриб етди, отинги жиловини торти, бедовларни тўхтатди. Мергаиларга қараб Авазхон айтди: — Эй, мергаилар! Сизлар шу ерда отларни ушлаб туринглар. Бу бир боққа ўҳшайди, мен бориб бу боготни кўриб келайин, қандай жой экан, билиб келайин.

Мергаилар айтди: — Авазжон! Бошқага бандаргоҳ бўлса, кириб чиқмоққа расм бўлса, сенга касм бўлди. Сенинг отингни ушлаб турмоққа ҳам бизда жон қолмади. Кечакелаётган ерда бизларга от ушлатиб ўзинг кетдинг, бизларга девни юбориб юрагимизни ёрдинг. Энди борар бўлсанг, кўнглининг хушла, отингни бир тошга бойлаб ташла, бизлар анови тепани бетга олиб, орқа сиртида қорувуллик қилиб турамиз. Бу ер девнинг макони бўлса, «Мехмоним бор», деб бизларни айтмаёқ қўя қол, девлардан қўрқиб ҳам ўлдик, девларнинг қилгац зиёфатидан ҳам кечдик.

Бу сўзни Аваз мергаилардан эшишиб, кўнглинини хушлаб, отини бир тошга бойлаб ташлаб, боготга қараб юриб кетди. Мергаилар шу ерда панароқ срии олиб туриб қолди.

Авазхон боготга етиб, эшикни очиб ичкарига кирди. Шундай қараса, олмалар пишиб ётири, остига тушиб ётири, бир нақш олма Авазнинг бошига тегайин деб турибди. Олмадан емоқчи бўлиб қўй узатди, олма дариллаб осмонга чиқиб кетди, қўли стмай ҳайрон бўлиб ўтди. Яна бир ерга бориб қараса, бир туп анжир пишиб-илиб турибди. Анжирдан емоқчи бўлиб қўй узатди, анжир томири билан қўпорилиб осмонга бу ҳам чиқиб кетди. Бундан ўтди, бир сарҳовузга етди, суви лабба-лаб бўлиб турибди. Сувидан ичайин деб қўлини узатди, суви қирқ газ пастга тушиб кетди, қўли етмай, бундан ҳам ҳайрон бўлиб ўтди. Бундан ўтди, бир боққа етди. Ҳусайн узумлар, қора узумлар пишиб шалвираб турибди. Авазхон: «Улар баланд эди, паст эди, қочиб пастга тушиб қутулди, порбаста ерда бу узумларни босиб олсан ҳам булардан бир бошини оламан», — деб кўнглинини хушлаб, токларнинг устига ўзини ташлади, бир шингил узумни оғзига олиб тишлади. Бир токнинг нарти келиб, Авазнинг бўйиндан ўриб қолди. Авазхон токка ўралиб, бўйни бўғилиб ўлаёзид қолди. Оғзидағи узумни ташлади. Сўнгра тоқнинг нарти қўйворди. Бундан ўтди, уч кўшкка етди. Уч кўшк: ичкима-ички, зертаңг-забартанг, обод жой. Пастки кўшкда ош дамланиб турибди. Авазхон айтди: «Бу ангга хўп қулагай ўйлиқдим, буни сузиди бе олайин». Товоққа қўлини узатди, товоғи чўпчиб, унча ерга бориб турибди. Авазхон «Бу қозонни қанталимда босиб ушлаб олмасам, қозони ҳам қочиб қутилиб кетса ажаб эмас», — деб кўнглинини хушлади, қозоннинг устига ўзини ташлади. Қапгир Авазнинг қўлтиғидан чиқиб кетди. Юқоридан келиб Авазнинг манглайига қўйиб юборди. Авазнинг манглайи ёрилиб қолди. Қапгирдан таадди кўриб, манглайи ёрилиб, «Бу қандай жодугарнинг макони экан, унинг эгасини бир кўриб кетмасам бўлмас», — деб қозоннинг бошида ёнбошлаб, бу сўзларни айта берди:

Одамман деб чиқдим Чамбил элимдан,
 Гарид бўлиб ҳеч иш келмай-қўлимдан,
 Қандай айёр манзилига келдим ман,
 Жабр кўриб, жафо тортиб қолдим ман.
 Баҳодирлик даъво қилиб юардим,
 Душманларга шўр гавголар солардим,
 Бунда келиб гарид бўлиб қолибман,
 Қандай айёр манзилига етишдим.
 Егани дарахти мева бермаса,
 Ичай десам обираюн бўлмаса,
 Ошин ей десам қапгири урса,
 Қандай кашимир манзилига қелдим ман!

¹ От билан.

Бунда келиб гарип бўлиб зор-зор,
Не қилса ҳукми бор қудратли жаббор,
Е парими, ё девмикаи, жодугар,
Бу жойга бошқарди ҳақ-парвардигор.

Авазхон капгирдан таёқ еб, таадди еб, бу қандай мәнзил
экан деб турди. Бу жой Гулқиз деган парининг макони
эди. Гулқиз, нарилар юқори-паланд кўшида эди. Гулзамон
деган ошпаз канизи бор эди.

Гулқиз: — Ошинг пишган бўлса, бориб сузуб кел,— деб
Гулзамонга буюрди. Гулзамон пастки кўшкка келиб Аваз-
жонни кўриб, ошиқи бекарор бўлиб: «Шундай йигит ёринг
бўлса, муидан ёмон бўлса, садқайи саринг бўлса, мундай
йигит ҳар кимга ўнггай кела бермас, ҳеч бўлмаса бир
ваъдали ёринг бўлса»,— деб Авазнинг олдига яқинроқ бориб
қаради. Қараса, Юсуф талъатли, Искандар савлатли, Рустам
жасадли, ажаб суратли йигит қозоннинг бошида, хаёли
қочиб, ҳеч қаёққа қарамай, ёнбошлаб ётибди. Гулзамон
ўйлади: «Бунга бир сўз айтиб кўрайин, агар ихтиёр қилса,
бувишим ҳам билмай қолсин, мунинг билан бир ағнашиб
олайин, ўйнаб-кулиб бир шекилли бўлайин». Авазга қараб,
сўз қотиб деди:

Кокилларим эшилгандир тол-тол,
Ҳар толига берса етмас дунё мол,
Бу сўзга, давлатли ҳоним, қулоқ сол,
Магар душман келса, бўлади поймол.
Оша элдан меҳнат тортиб келдингми,
Сен ҳам менинг харидорим бўлдингми,
Оша элдан мени излаб келдингми?
Сен агар қўшилсанг бул бувишинга,
Қўл солиб ўйнасанг қордай тўшима,
Борайинми, тўрам, сенинг қошинга?
Остингда кўрмадим араби тулпор,
Бу сўзларни айтар мендай гажакдор,
Сен бўлиб келдингми бизга харидор,
Тортишмайин жавоб бергии, муқаррар.
Сендан савол сўрас мендай нарилар,
Қўнгил қилсанг, келгин, давлатли шунқор,
Ўйнаб-кулиб тарқат қўнгилдан губор.
Яна баҳор бўлса очилар гуллар,
Гулни кўrsa, маст бўб сайрап булбуллар,
Сендан савол сўрдим мендайин дилбар,
Ўйнаб-кулсанг, келгин, давлатли шунқор.

Бу сўзларни Гулзамон Авазхонга айтди. Диққат бўлиб
ётган Авазжон Гулзамонга сўйламади ҳам, қарамади ҳам,
сўз қотмади ҳам. Унда Гулзамон айтди: «Бу одам мартабали
одам экан, менинг кўзга илмади, писанд қилмади. Бу йигит
менинг тенгим эмас экан, бекорга гапирибман. Энди мунинг
таърифини бувишимга айтайн, агар бувишим қабул тутса,
ҳеч бўлмаса, уч кечадан бир кечасини тилаб олайин, бўл-
маса, учтап бир бўлайин. Қандай бўлса, муидан қуруқ
қолмасин»,— деб орқасига қараб дурсса қўйиб, «ердан те-
миртак топган қулдай» бўлиб чопиб, баланддаги кўшиққа
етди. Бувишининг олдига бориб қаради. Гулқиз парини
гала-гала қиз канизлар чалқараман қилиб, чандирдай чўзиб,
ўртага олиб ўқалаб, юмалатиб, юмалатиб-ижумалатиб, ходими
қилиб ётиб эди. Гулзамон бориб, бувишига бир сўз деди:

Ҳай деганда ҳаққа етгай иолишим,
Жон олгувчи жонон кўрдим, бувишим.
Жамоллар ойу куидан голибди,
Кўрганларниң бежой ақлини олибди,
Мен билмайман қай шахардан келибди,
Жон олгувчи жонон кўрдим, бувишим.
Қийғир деган қуш ўлтирас қиёда,
Жамоллари ойу куидан зиёда,
Хусни кўрса шохлар юрар пиёда,
Жон олгувчи жонон кўрдим, бувишим.
Мен билмайман қай шахардан келибди,
Жамоллари, воллоҳ, сиздан голибди,
Шундайин давлатли ҳон бунда келибди,
Билмам сизга ё харидор бўлибди.
Айтган сўзниң поёмини билсангиз,
Шундай шунқор билан ўйнаб-кулсангиз.
Уч кечадан бир кечани берсангиз,
Агар бизни учдан бир қиб қўйсангиз.
Жон олгувчи жонон кўрдим, бувишим,
Хумор кўзли жонон кўрдим, бувишим.
Белида ярқиллар кескир пўлати,
Не жойларда билмам ўсган элати,
Ҳар ким кўрса қолмас анинг тоқати,
Рустамдан ҳам зиёдадир жасади.
Жон олгувчи жонон кўрдим, бувишим,
Жоду кўзли, ширин сўзли, бувишим.

Гулзамондан Гулқиз ойим бу сўзни эшитиб, ўрнидан
тургани малол келиб, канизакларига қараб, бир сўз деб
турибида:

Ҳазон бўлмай боғда гуллар сўлибди,
 Мазгилима қандай одам келибди,
 Гулзмон кеб таъриф қилиб турибди,
 Бориб қўринг, қандай меҳмон келибди.
 Бу сўзларни айтар мендай гажакдор,
 Бирга-бирга бориб қўрсақ, канизлар,
 Гап эшигинг мен айтган иолишимдан,
 Имо билан суяб кўтар бошимдан,
 Мақонима қандай йигит келибди,
 Аста суяб кўтар менинг тўшимдан,
 Гап эшит, канизлар айтган тилимдан,
 Имо билан аста кўтар белимдан.
 Ўзимизга оро-торо берайик,
 Саф-саф бўлиб бирга-бирга борайик.
 Қандай йигит экан, бориб қўрайик,
 Нима ишда юрган экан сўрайик.
 Ўнг қўлима ўн бир юзук
 Тақиб қўйинглар, қизларим,
 Зарли кавуш чанг бўлмасин,
 Қоқиб қўйинглар, қизларим,
 Бу қошима машати ўсма,
 Жёеиб қўйинглар, қизларим,
 Рўмолим қийшиқ бўлмасин,
 Туртиб қўйинглар, қизларим.
 Бувишинг йўлга энади,
 Ҳовлиқсан ичим куяди.
 Елпид қўйинглар, қизларим.
 Ўн канизи ўйлини бошлаб,
 Ўн канизи белин ушлаб,
 Ўн канизи пўш-пўшлаб,
 Ўн канизи зулфак ташлаб,
 Юрап бўлди йўлни бошлаб.
 Жўнади гул юзли дилбар,
 Саф-саф турғанди парилар.
 Ҳаммаси унга хизматкор,
 Париди ўзи гажакдор.
 Кийгани гул-гул ёнади,
 Қўрганинг ақлини олади,
 Гулшан боғнинг сарвинази
 Пастки кўшкига жўнади.
 Бувишин ўртага олиб,
 Хипча беллари буралиб,
 Бир нечаси метар чалиб,
 Қўрганларининг ақлини олиб,
 Нозик беллари буралиб,

Пастки кўшкига жўнади,
 Жўнади ойим, жўнади,
 Жўнади пари, жўнади.
 Боғда очилган гулгунчалар,
 Гулга ярашган найчалар,
 Пўш-пўшлашиб ойимчалар,
 Паски кўшкига жўнади.
 Жўнади ойим, жўнади,
 Жўнади пари, жўнади.
 Қоши қўзига муносиб,
 Қўрганинг кўкайин кесиб,
 Мушку амбар, йипор сасиб,
 Оёқларин бир-бир босиб,
 Пастки кўшкига жўнади.
 Яиги очилган гулдай бўлиб,
 Ҳаммалари бирдай бўлиб,
 Бадарапари қордай бўлиб,
 Жўнади ойим, жўнади,
 Пастки кўшкига жўнади.
 Бир-бирининг беллини ушлаб,
 Ҳар зинага қадам ташлаб,
 Ўйин-кулгусини бошлаб,
 Жўнади пари, жўнади,
 Жўнади қизлар, жўнади.
 Жўнади гул юзли дилбар,
 Неча пари хизматкор,
 Жўнади қизлар, жўнади,
 Бари бирдай жоду қўзлар.
 Ҳафадир Чамбилинг шоҳи,
 Нимадир бунинг гуноҳи.
 Жарқиллаган гулдай бўлиб,
 Гулшан боғнинг пари шоҳи.
 Қандай ўглон, борайн деб,
 Бориб ҳолин сўрайин деб,
 Худа-яй менга насиб қилса,
 Бориб ўйнаб-кулайин деб,
 Жўнади пари, жўнади.
 Жўнади ойим, жўнади.
 Жўнади барно, жўнади.
 Жўнади мастан, жўнади.

Пастки кўшкига етиб, Авазжоннинг қадди-коматини кўриб, ошики бекарор бўлиб, «Марднинг боши ерда қолмасин», деб Авазжонпинг бошини тиззасига олиб «Қайси мамлакатдан келдинг?» — деб сўраб, бир сўз деди:

Бир лочин боқишли Жаброил барлим,
 Бир лочин боқишилим, қайдан бўласан,
 Қайси элдан, қайси юртдан келасан,
 Қандай шоҳнинг, қандай бекнинг ўғлисан?
 Искаб кўрсам, магар, жашнат гулисан,
 Хабар бергин, қайси элдан келасан?
 Жамолинг менгзайман осмонда ойта,
 Жасадинг менгзадим бўз қарчиғайга,
 Қошингни менгзайман эгилган ёйга,
 Тарзингни менгзайман бўз қарчиғайга,
 Ўзингни менгзайман минг қўйли бойга,
 Бойвачча сифатлим, қайдан бўласан?
 Бино бўлдинг қайси гавҳар донадан,
 Парвоз қилдинг қайси маизил-хонадан,
 Баланд парвоз хоним, қайдан бўласан?
 Шундай бўлди менга ҳақнинг фармони,
 Сизни тукқанларнинг борми армони,
 Сизни кўрганларнинг кетар дармони,
 Аслинг одам десам, беҳишт гилмони,
 Беҳиштнинг гилмони қайдан бўласан?
 Менга теккан эронларнинг назари,
 Ҳар кези йўқ ота билмас безори,
 Тарзинг кўрдим бир мамлакат шунқори,
 Бул ўлкага нечук тушди гузари,
 Гузар солган хоним, қайдан бўласан?
 Зуваланг тушгандир бир муштдай лойдан,
 Жамолинг тушгандир осмонда оидан,
 Сиздай ёрии тйлар эдим худойдан,
 Ростин дегин, хоним, қайдан бўласан?
 Бу сўзларни айтди мендай гажакдор,
 Сўзимга қулоқ сол, давлатли шунқор,
 Хизматимда саф-саф турган парилар,
 Ҳолингни сўради мендай гажакдор,
 Хабар бергин, хоним, қайдан бўласан?
 Сен эшитгии Гулқиз ойим арзини,
 Кўриб томоша қил гулдай тарзини,
 Ёлғон дема Гулқиз пари сўзини,
 Хабар бергин, хоним, қайдан бўласан?
 Менга айтгин, жоним, қайдан бўласан,
 Ҳудо қўшса, бирга ўйнаб-куласан,
 Ё билмайман, бирор ерга борасан?

Авазхон манглайнинг ёрилганидан хафа бўлиб, бошини
 кўтармай ётган эди. «Энди бошимни кўтармасам бўлмайди.
 Бу қизлар билан бир-икки гаплашай», — деб бошини кўтар-

ди. Бошини кўтариб қараса, бир паризод бошини тиззасига
 олиб ўтирибди. Атрофини кўп барно қизлар қуршаб турибди.
 Буларни бу холда кўриб, димоги чоғроқ бўлиб, бу пари-
 ларга қараб, бир сўз деди:

Баҳорда очилган богнинг гулиман,
 Юнус ҳам Мисқолнинг жону дилиман.
 Чамбил элда Гўрўглиниг улиман¹,
 Чамбил элдан, жоним, мунда келаман.
 Сўзимни эшитгии, гул юзли жонон,
 Отимни сўрасанг, дейди Авазжон,
 Отим Аваз, Чамбил элдан келаман,
 Бу сўзимни апгла, позасип жонон.
 Сен эшитгии Авазжоннинг сўзини,
 Излаб чиқдим Қосим шоҳнинг қизини,
 Малика айёр деган сарвинозини,
 Пари дейди шоҳнинг жоду кўзини,
 Миниб чиқдим элдан Гиркўкдай тулпор,
 Сўзимни англасин сендай гажакдор,
 Юрсам етарманми Торкистон шаҳар,
 Билсанг, йўл бошлагин, гул юзли дилбар,
 Малика деб бунда бўлдим хору зор,
 Бу йўлларда йўл юраман гажакдор.
 Ҳазил билма Авазжоннинг сўзини,
 Кучук босмас йўлбарс, шерпинг изини,
 Олсам Маликадай сарвинозини,
 Излаб чиқдим Маликанинг ўзини.
 Яна баҳор бўлса очилар гуллар,
 Малойик сифатли, гул юзли дилбар,
 Агар билсанг, мени бугун йўлга сол,
 Тараҳхум айлабон йўл бошла, дилбар.

Гулқиз Авазхондан бу сўзни эшитиб, айтди: — Чамбил
 элидан бўлсангиз, Юнус, Мисқолнинг жони-дили бўлсангиз,
 Гўрўглиниг ўғли бўлсангиз, менинг туғишгангина аммам-
 нинг ўғли бўласиз экан. Бундан илгари Юнус, Мисқол
 аммам бу юртларга тўрт кунлаб келиб, ҳамма қизларнинг
 ичиди мени яхши кўриб, балки сизга муносиб кўриб, боши-
 дан рўмолини олиб, мени сизга баҳшанда қилиб, рўмолини
 ўратиб кетган эди. Малика бўлса, худо подшодир, ҳозир-
 гисини кўраберинг, — деб Авазнинг қўлидан ушлаб, юкори
 кўшигига йўл бошлади.

Авазжоннинг остига зар-зарбоб лиboslarни ташлаб,

¹ Улиман.

Гулқиз ойим билан Авазжон бир ерда ўтириб, ҳамма қизлар-царилар, бу икки жононга хизматкор бўлиб, олдиларига рус-дастурхон ташлаб, Авазнинг кўнглини хушлаб, писта, руста, қанд, новвот аралашди, бунинг устига олиб келди қовурма гўштди, Гулқиз билан шундай қилиб ўтиришди. Авазхон кўнглини хушлаб, думоги чоқ бўлиб, у еридан, бу еридан ушлаб, Гулқиз ойимнинг кўнглини хушлаб, хузур қилиб, икковининг думоги чоқ бўлиб, ўтираберди. Қирқин қизлар булаарнинг хизматида хизмат қилиб тура берди.

Бу маконда булаар билан қўшии учта дев бор эди. Каттасини Қизил дев дер эди. Девлар бу ерда йўқ эди. Кўйикоф тарафига овга чиқиб кетган эди.

Энди бу девларнинг келадиган вақти бўлди. Қор, ёмғирлар учқунлаб, шопири келди. Гулқиз ойим ўрнидан туриб, Авазхонга билдирамаган киши бўлиб: — Авазжон, энди сизни мени сандиққа солиб қўяйин, — деб сандиққа солиб қўйди. Аваз ҳайрон бўлиб сандиққа кириб ётди. Бир вақти эди, девлар қаҳраниб кириб келди. Гулқизга қараб, Қизил дев бир сўз деб туриди:

Гулқиз ойим, эшит айтган сўзимди,
Олмадай сўлдирай гулдай юзингни,
Хизматкор қиб тўрдинг ҳамма қизингди,
Ўйлаб турсам, сенга ўлим лозимди (р).
Сайил этиб тогларда овлаб юрганимай,
Кўйикоф устида туриб кўрганимай.
Очилар боғларда боғнинг бодоми,
Бу ерга стишган одам қадами.
Қулоқ сол, Гулқизой, айтган тилима,
Қаандай одам келди мазгил, элима,
Келган одамизодни бергил қўлима,
Бундай ишлар дуруст эмас шаъннинг!
Тўксам сенинг кўздан селоб ёшишни,
Даргазаб бўб кессам таидан бошингни,
Кўриб қолдим одамзод ўйнашингни!,
Қилайинми дарров сенинг ишишни?
Бир одам наслиман ўйнаб-куласан,
Девларнинг юзини тубан қиласан,
Келган одамзодни бергил қўлима,
Армон билан, Гулқиз, энди ўласан.
Бошдан тожи, қўлдан бериб давлатди,
Бир одаммана қурдинг сен ҳам сухбатди,
Бу қилган ишларнинг, билсанг, уятди,
Ул одам бу ерда пинҳон бўлибди.
Бирга ўтириб бунда ўйнаб-куласан,

Канизларни хизматингга соласан,
Буидай қилсанг армон билан ўласан,
Ўйнашингни қайда пинҳон қиласан?

Бу сўзни Гулқиз ойим эшитиб, Қизил девга қараб, Гулқиз ойим ҳам бир сўз деди:

Олмадайин сўлган, гулдай тарзим бор,
Бадбаҳт дёвлар, сенга айтар арзим бор,
Сен тилингни тортиб сўйлагин, девлар,
Чамбидан келгандир Аваз зўравор!
Кўрганинг йўқ, Гўрўглиниң улини,
Юнусман Мисқолнинг жону дилини,
Кўрса горат қиласар девлар элини,
Сен тилингни тортиб сўйлагин, девлар.
Чамбидан келибди Аваз зўрабор,
Тортиб сўйла бу тилингни, дев аждар,
Тойрилди бошингдан тожу давлатинг,
Ажал етди, балки тўлди муҳлатинг,
Чўлда қолар, девлар, сенинг жасадинг,
Чамбил элдан қайсар Аваз келибди,
Девни излаб қайсар Аваз келибди.
Сизларни Чамбилга ҳайдаб боради,
Юнусман Мисқолга сўйлаб беради,
Йиглай бергин умринг охир бўлади,
Неча кунда сенинг кунинг тўлади.
Бормаган дев дарров шунда ўлади,
Бу ишларни ўйла, қандай бўлади?!
Дод аиласанг, эшитмайди сўзингди,
Ҳарбоб билан ўяр икки кўзингди,
Эрта чошгоҳ ҳайдаб кетар ўзингди,
Чамбил элтса, сенга ўлим лозимди (р).
Ҳолинг билмай бунда лофни урасан,
Эрта чошгоҳ Чамбил ҳайдаб боради.
Чамбил борсанг, икки бошдан ўласан,
Билмайман ҳолинг, қандай бўласан.
Хунхор Аваз кесар сари-бошингни,
Париларга берар сенинг гўшишнини.
Қарға-кузғун ейди сенинг лошишнини,
Аё девлар, ўйлаб қилгин ишишнини.
Авазжоннинг баходирлик номи бор,
Мунча катта лоф урмоқлик на даркор,
Улар вақтинг яқин келгандир, девлар,
Излаб келган қайсар Аваз зўрабор.

Бу сўзни девлар эшитиб, ақли шошиб, такбиридан адашиб: — Аваз келгап бўлса, бизларнинг жондай жиянимиз келган экан. Бизларга аввалдан нимага хабар бермадинг? Авазжон қаёқда? Кўрайик, танийик, Юнус, Мисқол опамизни, Гўрўғли езнамизни сўрайик,— деб девлар уриниб, ҳовлиқиб, лоловлашиб, ҳар нимани бир нима деб, Аваэни бундан илгари кўриб юргандай, согиниб қолгандай бўлиб, уялгандан ҳар нимани бир нима деб, Аваэни келди, деб отини эштиб, қўрқиб, у ёққа-бу ёққа /кўзини/ юбортиб, Аваэни сўраган киши бўлиб турибди. Шунда Гулқизой пари Аваэжонни сандиқдан чиқарди. Айтди: — Мен буни сизлардан қўрққандан яширганим йўқ. Сизларни бундан қўрқиб кочиб кетади, деб яшириб қўйган эдим.

Аваз сандиқдан чиқиб, синойи кўз билан, ҳайбатли сифат билан девларга қаради. Девлар югуриб бориб Аваэ билан қўришиб: — Гўрўғли езнамиз, Юнус, Мисқол опамиз омоними? Чамбил юрти тинчликми? Чамбилдаги катта-кичик беклар, полвонлар омоними? Ҳормай-чарчамай, омон-эсон келдингизми?— деб, қўрққандан Аваэхонга қараб, ҳар нимани бир нима деб ялиниб-ёлвораётир. Аваэхон буларнинг қўрқицанини билиб, сўзига яраша жавоб бериб ўтири.

Қизил дев: — Бу ерга пиёда кэлдингизми? Отингиз, жўрангиз йўқми?— деди.

Аваэхон айтди: — Отимиз ҳам, жўрамиз ҳам бор.

Қизил дев: — Уидай бўлса бориб олиб келасизми, ё биронни юборайми,— деди.

Аваэхон чиқиб, бориб Гиротни ечиб устига минди. Қаради, Асад мерган, Шодмон мерганинг оти бир тепанинг устида турибди, ўзлари йўқ. «Булар қаёққа кетди экан», деб қаради. Асад мерганини кўрди, бир сув ювиб кетган жираандада ўзини ҳар бир ерга уриб яширина олмай юрибди. Асад мерганини бу туришда кўриб, Шодмон мерган қаёқда экан, деб қаради. Қараса, Шодмон мерганини бир тулкининг инида кўрди: белбўгаридан юқориси инга кирган экан, икки бути зинкийиб турган экан. Аваэнинг шўхлиги келиб, кўнглини хушлаб, Шодмонинг бутидан ушлаб, аста-аста узанги ташлаб Шодмон мерганини торта бошлади. Булар девларнинг ҳавода келаётганини осмонда кўриб, девлардан қўрқиб, ўзларини яширинтиrmокчи бўлиб, ҳар ернинг пана-сига солиб, абгор бўлиб юрган экан. Шодмон мерган калласи ининг ичida бу сўзни айтиб турган экан:

Беклигимда суриб қилдим миннатим,
Бир тулкини қувиб келиб инлатдим.
Оҳ урганда хаста кўнглим хушладим,

Хар ерда ғанимнинг сирин фошладим,
Жониворнийг қўйруғидан ушладим.
Оёғимдан аста ушла, Аваэжон,
Ушлаб олсан, овнинг олди бўлмасми?
Кўздан ёшим мунчоқ-мунчоқ тизилар,
Дийда гирён бўлиб, бағрим эзилар,
Оёғимдан аста тортгин, Аваэжон,
Бу тулкимнинг қўйруқлари узилар.
Мендайин мардларнинг кўнглин бўлмагин,
Кўп яшагил, кўп йилгача ўлмагин,
Оёғимдан аста тортгин, Аваэжон,
Тулкимнинг терисин нобуд қилмагин.
Мендайин мерганинг кўнглин бўласан,
Шўхлик қилиб, Аваэз, ҳазил қилмагин.
Соғ-саломат бу тулкини олайик,
Яна ҳам Торкистон элга борганча,
Терисини сотиб ҳаржи қилайик,
Яхшимикан, ёмонмикан, қўрайик.

Аваэз Фиротга қамчи чотди. Шодмон мерганини индан сугуриб олибди. — Қани инлатган тулкинг?— деб турибди. Шодмон мерган айтди: — О, мен инлатган тулки, бир тулки эди. Қўйруги узилмасин, териси бузилмасин деб авайлаб туриб эдим, сени одам бўлган десам, бачча кундаги хабалоқлаганинг қолган йўқ экан, илкисдан тортиб юбординг, қўйруги қўлимдан чиқиб кетди. Инининг тўри узоқ экан, инига қараб уриб кетди,— деб уялмай-суялмай бу сўзни Аваэжонга айтиб турибди. Аваэхон: «Мен ёш боламан. Бу сўзларнинг билмайман-да»,— деб кулимсиб турди. Бу иккенини кўриб Асад мерган ҳам келди.

Аваэжон: — Сен қаёқда эдинг?— деди. Асад айтди: — Шодмон мерган тулки инлатиб юриб эди, тулкиси чап бериб кетмасин, деб тулкисининг олдини олиб юриб эдим.

Буларнинг бу ишини кўриб: — Йўқ тулкини инлатиб юрган ботирлар,— деб Аваэнинг думоги чоқ бўлиб айтди: — Уидай бўлса, қуруқ овчилик қилманилар. Мана кўрининган кўшк Гулқиз парининг макони экан. Бу маконда бир неча девлар бор экан. Бориб кўриб, овлаб олиб, улар билан сухбат қилмоқ керак.

Унда мерганлар қўрқиб, қўрқса ҳам бошқа кетмақнинг иложини тополмай: — Эдиги ихтиёр сизда, йўл бошланг, сиз билан бирга борамиз,— деди.

Мерганлар Аваэжон билан бирга-бирга отланишиб Гулқизнинг жойи маконига бордилар. Девлар йўлга қараб туриб эди. Буларнинг келганини кўриб, югуриб чиқиб бек-

ларнинг отининг жиловини ушлаб, кўнглини хушлаб, манзил жойига йўл бошлаб, ичкарига олиб кириб, остига яхши тўшаклардан ташлаб, бекларнинг вақтини хушлаб турди. Девлар зиёфатга қўйни сўйди. Пишириб гўштини олиб келиб қўйди, югуриб қилди хизматди.

Булар Гулқизнинг маконида ётди. Эрта билан тонг отди. «Ҳайдаб кетмаса», — деб девлар ҳам жуда қилпиллаб турибди. Кун чошгоҳ ҳаддига етди. Шунда девлар Авазга қараб: — Ў, жияним! Йўл бўлсин, гапнинг ўроли бўлади, сизларга йўл бўлсин? — деди.

Шунда Аваз: — Олой бўлсин, йўл бўлса сизлардан бўлсин, — деди. — Торкистон шахрига, Малика парига бораёттирибди. Бизларни отам — Гўрўғли сизларга буюриб эди. «Дев тогаларнинг бор, шу дев тогаларнинг уйига борсанг, тогаларнинг бирга бориб, сенга йўл кўрсатиб, Маликани топиб беради» — деб эди. Шунинг учун бизлар сизларнинг уйларнингизга келиб эдик, — деди.

Қизил дев айтди: — Ў жияним! Бизлар кун ботиш билан кун чиқарни, ер юзини қолмай учамиш. «Торкистон деган шаҳар бор, Малика деган пари бор» деб эшитганимиз ўйқ. Янгutta сизнинг оғзингиздан эшитдик. Манзили щу ердан етмиш йиллик йўл келади, бир Боймоқ дев деган тогангиз бор, шу билмаса бизлар билмадик.

Бу сўзни Авазхон эшитиб, ўйланиб индамай қолди. Унда Қизил дев айтди: — Жияним, нимага индамай қолдингиз? Боймоқ дев деганга поми пастроқ учрадими? Боймоқ дев тогангизнинг давлати катта; Боймоқ девнинг етмиш минг кўк қашқа девдан жиловдори бор. Дев тогангиз кўп катта, уни унча-мунча девлар қатори, деб кўнглингизга келмасин.

Авазхон айтди: — Ундей бўлса, сизлар бизга хизмат қилсаларнингиз, — деди. Қизил дев: — Хўп, Гўрўғли езномизнинг хурмати, дев тогаларнингизнинг хурмати, — деб бир тилсимот дуо ўқиб, учковини уч олма қилиб, олмаларни ёқасига солиб, уч отни тилсимот ўқиб, тўрғай қилиб, қўйнига солиб осмонга кўтарилиб, етти кечакетти қундуз осмонга учиб, куйилиб бориб бир ерга тушди. Бир тилсимот дуо ўқиб олмаларни одам қилди, тўргайларни от қилди.

Авазхон қадимги — аслига келиб айтди: — Эй тога! Сизнинг жойингиздан бизлар қанча ерга келдик? Дев айтди: — Бизлар, кечакундуз учиб келаёттириб. Бизнинг юришилизга ўн тўрт кунлик ерга келдик, сизнинг бу отларнингизнинг юришига ўн тўрт йиллик йўлга келдик.

Шунда Авазхон айтди: — Бу йўлни етмиш йиллик йўл деб эдингиз, бу ёғига нимага кўтариб учиб еткизмадингиз?

Дев айтди: — Бундан бу ёғи Боймоқ дев тогаларнингизнинг чегараси. Бундан бу ёғига сиздай эўравонлар йўл юриб ўтмаса, бизлар бир қадам босиб ўтолмаймиз. Агар биз бир қадам босиб ўтсак, Боймоқ девнинг ўтина териб юрга, ов овлаб юргаи девларидан биронтаси қўриб қолса, қўлимизни болгаб, сийнамизни додглаб, банди қилиб, арбаглатиб, ҳайдаб олиб кетиб қолади.

Дев бу сўзларни Авазхонга айтиб, Авазхон билан хўшланишиб, омонлашиб, орқасига қараб қайтди. Унда Авазхон билан Шодмон, Асад мерган — уччовлари бирга йўл тортиб, бу сўзларни айтиб, йўлда кетиб бораётир:

Ишқ ўтида ёна-ёна,
Хафа фалак дўна-дўна,
Гул юзим сўлди, пайлайнин.
Устимиздан ўтган ойлар,
Бу юракда оҳувойлар,
Сар жигали майин жойлар,
Жигадор бўлди, пайлайнин.
Келиб кишишининг юртига,
Куйиб айрилик ўтига,
Икки кўзим ёр ортига
Термилиб қолди, пайлайнин.
Булбулнинг маскани боғлар,
Айрилиққа бағрим додглар,
Усти қорли баланд тоглар.
Гул юзим сўлди, пайлайнин.
Фиротимга қамчи чотдим,
Кечакундуз шабгир тортдим,
Гул юзим сўлди, пайлайнин.
Айрилиққа бағрим додглаб,
Узоқ йўлга ўзим чоғлаб,
Ер юрти деб қонлар йиғлаб,
Гул юзим сўлдим, пайлайнин.
Жафо тиги жондан ўтиб,
Айрилиқ бағримни йиртиб,
Кечакундуз шабгир тортиб,
Малика, деб қонлар ютиб,
Гул юзим сўлди, пайлайнин.

Бу сўзларни Авазхон айтиб, Қизилқум деган ерга етиб борди. Шундай қараса, қип-қизил Қизилқум, ундан бошқа њеч нима ўйқ, кўкарган гиёҳ ҳам йўқ, лекин кумнинг чеккасида бир чинор зинкийиб турибди. Жўда катта чинор. Унинг ён ёгини қўргон қилиб, девор қилиб қўйибди. Қўргон-

нинг девори қалайидан. Буни кўриб, Авазхон отини мергандарга бериб: — Сизлар шу ерда туриңглар, бу чинор қандай чинор экан, бу қўргон қандай қўргон экан, мен бориб, кўриб кёлайин,— деб шу чинорга, Қалайи қўргонга қараб жўнаб кетди. Бориб Қалайи қўргоннинг дарвозасини очиб ичкарига кирди. Кўрса, чинорнинг ости сарҳовуз. Катта чинорнинг шоҳлари ҳар ёққа шоҳлаб кетган, шоҳларида тўти, майна, булбуллар бола очиб, сайраб ётган. Овозаси оламга кетган, ажаб чинор экан. Бу қандай чинор экан, деб қараб туриб эди, дарвозадан бир қаландар ичкарига қараб кела берди. Қаландарнинг хайбатини, жасадини кўриб Аваз қўрқиб ўзини ҳар ерга урди, ҳеч пана бормади. Авазхон ақли шошиб, иложини топа олмай, ноилож чинорнинг устига чиқиб олди. Қаландар келиб чинорнинг остига қўпди. Кади-мудбак, сўталарни дараҳтга илди. Бангни уриб, кайфини суриб, думоги чоқ бўлиб, телпагининг таркидан бир олмани чиқариб, жагига бир уриб, паризод қилиб, бунинг билан ўйнаб-кулди, думогини чоқ қилди. Буни Авазхон чинорнинг бошида кўриб турди. Қаландар парининг тиззасига бошини қўйиб, жамолига тамоша қилиб, ухлаб қолди. У паризод қаландарнинг бошини ерга олиб қўйди.

Ўзининг ёқасидан бир жуволдизни олиб, уни бир шапати уриб барзанги қилиб, бу билан ўйнаб-кулиб думогини чоқлаб, ўтира берди. Қаландарнинг уйғонадиган фурсати яқин бўлди. Барзангининг жагига бир уриб, қадимгидай жуволдиз қилиб, ёқасига туйраб қўйиб, қаландарнинг бошини тиззасига олиб, қадимгидай бўлиб ўтира берди. Буни ҳам Авазхон чинорнинг бошида кўриб турди. Қаландар уйқудан туриб, паризоднинг жагига бир уриб олма қилиб, телпагининг таркига солиб, кади-мудбак, сўталарни олиб, оллоҳ, билоллоҳ, деб йўлга кириб жўнай берди. Авазхон шошиб-пишиб чинордан тушиб, қаландарга товуш қилиб, чақириб, бу сўзни айтиб, қаландарга етиб олмоқчи бўлиб бораётир:

Гам билан саргайди гулдайин дийдор,
Телпагинг қаққаймай ўлгур, қаландар,
Еринг бир десам, иккови бор экан,
Ерингнинг ўйнаши сендан зўрабор.
Армон билан билмаганинг билдирав,
Ханжар чекиб, қора багриниг тилдирав,
Иккови бирикса, сени ўлдирав,
Сенинг гулдай юзинг бир кун сўлдирав.
Кўриб қолдим ул икки ўйнашингни,
Иккови бирикиб кесар бошингни,
Хабардор бўл, бу ишлардан, қаландар,

Қарға-қузгун ейди сенинг гўшингни.
Ерим бор деб мағрур бўлиб юрасан,
Иккови бирикса тайин ўласан,
Ўзинг ўлиб, гўштинг бунда қолади,
Уқағар, қаландар, қайда борасан?
Бу сўзни айтиб, Аваз қўнглии хушлади,
Қаландарнинг белбоғидан ушлади,
Шул замон энига қоқиб ташлади,
Чинорнинг остига об кеб¹ муштлади.

Аваз қаландарга айтди: — Бобо, сиз гадой экансиз, парча-пурча ионингиз борми, деб сўраётиман,— деди. Қаландар: — Бирордан бир нарса сўраган одам уриб сўрайдими, бор бўлса, урмасанг ҳам ўзим бераман,— деб қўлбарини қараб, қаттиқ қулча бор экан, чиқариб Авазхонга берди. Авазхон кулчани тўрт синдирим қилиб: — Олинг бобо,— деди. Қаландар бирорини олди, Авазхон бирорини олди, икки синдирими одамсиз қолди.— Бу икки синдиримнинг эгасини топинг,— деди.

Қаландар айтди: — Ўзинг кўрган ёлғиз қаландарман, менда қандай одам бор?!

Авазхон қаландарга сиёsat қилди: — Ўлдираман,— деди. Аваздан қўрқиб, ёқасидан олмани олиб бир урди, паризод бўлди. Бир синдиримини бу олди. Сўнгра парига Авазхон: — Жўрангни топ! — деди. Пари улай-булай деди. Бунга ҳам дўйклаб, сиёsat қилди. Аваздан қўрқиб ёқасидан бир жуволдизни чиқарди. Чаккасига бир урди, бир барзанги пайдо бўлди. Кулчанинг бир синдиримини бу олди, тўрт синдирими ҳам эгалик бўлди.

Авазхон ўридан туриб барзангини чопиб ташлади. Қаландар ҳам телпаги қайқайиб: «Бир одам деб икки одамни кўтариб юрган эканман»,— деб ўрнидан туриб, бу ҳам хотинини чопиб ташлади. Шунда Авазхон қаландардан сўради: — Бобо, бу хотинни қаердан олиб эдигиз?— деди.

Қаландар айтди: — Мен бундан илгари Гулшанинг боғидан тиланиб гадойлик қилиб юриб келаётib эдим. Гулшан боғининг ичиди, шиша ховузда ҳамма парилар чўмилиб ётган экан. Баданлари қордай, бари бирдай. Муни шу ерда бир гулбутанинг тагига ўтказиб қўйиган экан. Тилсимот дуо ўқилиб, муни олма қилиб, телпагимнинг таркига солиб, парилардан қочиб қутулиб кетиб эдим. Менинг чангалимга туштанига ўн саккиз йил бўлди. Шундан бери буни бир нарсага жонзодга кўрсатмай юрган эдим. Ўглим, мени аҳмоқ

¹ олиб келиб.

бўлиб, пари деб икки нарсани зилдай қилиб кўтариб юрган эканман.

Бу сўзни қаландар Авазга айтиб туриб эди, яна бир қаландар «олло бир, оллоҳ», деб дарвозапинг эшигидан кириб кела берди. Авазжон қаландарнинг қадди-қоматига шундай қараса, бошдан-оёғи бирдай қаландар, ҳар ягрини қирдай қаландар, бошида кулоҳ, қўлида сўта. Сўта билан чинорни бир урди. Чинордан бир эшик очилди. Авазхон қараса, чинорнинг ичига дарчама-дарча уч кўшк бор экан, кўшкларни кўриб, қаландар айтди: — Оббо шаллақи, бу ерда ҳам йўқ экан.

Аваз айтди: — Бобо, сиз кимни излаб юриб эдингиз, кимни тайинлаб қўйиб эдингиз, бу ерга, нима ишда юрибсиз, кимни ахтарасиз?

Шунда қаландар Авазга қараб, юрган юришини, чиққан юртини, қилиб юрган ишларини баён бериб, бир сўз деб турибди:

Сўзимга қулоқ сол, турган ёш ўғлон,
Мени сўрсанг Чин-Мочиндан келаман.
Сенга қурбон мендай бобонгнинг жони,
Чин-Мочинда билсанг, бобонг макони,
Қаландар деб, болам, гофил бўлмагин
Аслими сўрасанг, Чин-Мочин хони.
Ер ишқида, болам, бўлдим қаландар,
Ваъда бериб кетди гул юзли дилбар,
Отини сўрадим — Малика айёр,
Шу чинорни ваъда берган гажакдор.
Торкистонда деган эрди шаҳрини,
Кўп ерни ахтардим — дунё борини,
Хеч бир ердан тополмадим парини,
Кўп ҳалак айлади харидорини.
Соқолим оқариб ёшим қайтганда,
Ер ханжари ўртаб кетди багримни,
Тишим тушиб, оёқ гўрга етганда,
Ахтараман Маликадай парини.
Излаб топсам маликадай гажакдорни,
Сабил қиласай Чин-Мочиннинг шаҳрини.
Сен эшигинг мендай бобонг сўзини,
Кучук босмас йўлбарс, шернинг изини,
Излаб чиқдим Қосимшоҳнинг қизини,
Эллининг Маликадай сарвинозини.
Чин-Мочин шаҳрида қолди кирдикор,
Кўп ҳалак айлади гул юзли дилбар,
Излаганим Маликадай суяр ёр,

Ул сабабдан, болам, бўлдим қаландар.
Чин-Мочин шаҳрида мамлакатимди (р),
Хон қаландар дейди менинг отимди,
Излаб чиқдим Малика паризотимди,
Беэга қилганман ўсган юртимди.

Қулоқ сол, эшигинг айтган иолага,
Шоқаландар дейди мени, садага,
Эшиг болам, бу кун менинг нидога.
Девни кўрсам қамсаб бошин оламан,
Дев битганинг кущандаси бўламан.
Насиб қилса, Маликани оламан.

Оtim Қаландардир, ўзим зўрабор,
Лак-лак девлар бўлолмайди баробар,
Ғайратимни кўрса йиглайди девлар,
Маликага бўлиб чиқдим харидор.

Торкистонда кўргин бобонг ишини,
Сулатаман девнинг гавда-лошини,
Охир қиласай девлар ўтиришини,
Шуйтиб олай Малика бувишини.

Бу сўзларни айтди бобонг қаландар,
На жойлардан келдинг давлатли шунқор?
Мен қаландар Маликага харидор,
Бу ерларда, болам, нима ишинг бор?

Авазхон бу сўзни эшитиб, қаландар бобосига қараб, Авазхон ҳам бошидан ўтган ишларни бир-бир айтиб, жавоб бериб, бир сўз деб тургани:

Аё, бобо, тимсол айтай бир алвон,
Олмос-пўлат белда, эгнимда қалқон.
Гўрўгли ўглиман, отим Авазжон.
Сиру ҳолинг, бобо, баён айладинг,
Мен ҳам, бобо, сендай юрган, саргардон.
Чамбилинг элида даврон суребди,
Фиркуқ отни бир қун отам минибди,
Шакар кўлга бир қун овга борибди.
Овда юриб паризодни кўрибди,
Сиру ҳолин отам шундан сўрабди,
Торкистон деб анга хабар берибди.
Малика эканин аниқ билибди,
Пари билан неча ваъда қилибди,
Ул сабабдан шунга кўнгил берибди.
Қулоқ солинг, бобо, айтган тилима,
Етармани Торкистоннинг элига,
Отам ошиқ Маликанинг ўзига

Маликанинг ойдай тўлган юзига,
Ошик бўбди Қосимшоҳнинг қизига,
Торкистоннинг шундай жоду кўзига:
Яна баҳор бўлса очилар гуллар,
Гулни кўрса маст бўб сайрап булбуллар.
Миниб чиқдим Фирқўқдайин тулпорни,
Борар бўлсанг, мени ҳам ҳамроҳ қаландар!

Чамбил элда мени ҳам бекман, тўраман,
Ўз элимдан меҳнат тортиб келаман,
Насиб этса Маликан оламан,
Мени ҳам Маликага кетиб бораман.

Ана шунда бу сўзни ўтирган қаландарлар эшилди. Хотинини ўлдирган қаландар Авазжонга қараб, у ҳам бир сўз деди:

Кўздан ёшим мунчоқ-мунчоқ тизилди,
Дийда гирён бўлиб, бағрим эзилди,
Маликанай айтдинг, кўнглим бузулди,
Борар бўлсанг, мени ҳам ҳамроҳ, Авазжон.

Мени сўрсанг! Рум элидан келаман,
Жафо тортиб Торкистонга бораман,
Бир қиз учун жафо тортиб юраман,
Борар бўлсанг, мени ҳам ҳамроҳ, Авазжон.

Ғам билан саргайди гулдайин дийдор,
Излаб чиқдим мен ҳам Торкистон шаҳар.
Сен эшилгин мэндай бобонг сўзини,
Олмадай сўлдириб гулдай юзини,
Топарманими Оқдевшоҳнинг қизини,
Борар бўлсанг, мени ҳам ҳамроҳ, Авазжон.

Айролиқ ўтига бағримни дотглаб,
Мени юрибман Тиллақизни сўроглаб,
Тиллақиз деб шундай бўлдим қаландар,
Кўп жафони солди гул юзли дилбар,
Шу сабабдан мени ҳам юрган қаландар,
Румнинг ютида қолди кирдикор,
Тиллақиз деб мени ҳам бўлган қаландар

Қийғир деган қуш ўтирас қияда,
На кўриб кечирдим фоний дунёда,

Ёр ҳашжари ўртаб менинг бағримни,
Беш юз йиллик йўлдан пою пиёда.

Рум элида мени ҳам Ҳасан подшоман,
Ёр ишқидан қаландар бўп юраман,
Рум элидан ўзим ошиб келаман,
Бу йўлларда сарсон бўлиб юраман.
Лақабимни дейди устайи заргар,
Торкистонда Тиллақиздай ёрим бор,
Маликанай айтсанг, кўнглим бузилар,
Борар бўлсанг, мени ҳам йўлдош, Авазжон.

Қулоқ солинг мейдай бобонг тилига,
Подшо эдим, болам-еъ Рум элига.
Ёр ишқидан бўлиб кетдим қаландар,
Ахтариб кўрганиман жуда қўп шаҳар.
Борар бўлсанг, мени ҳам ҳамроҳ, Авазжон,
Борар бўлсанг, мени ҳам йўлдош, Авазжон.

Сен эшилгин Шозаргарининг сўзини,
Оламапми Оқдевшоҳнинг қизини,
Тиллақиздай тажакдорнинг ўзини,
Жаҳонни сайр этиб ўйнаб-куламиз,
Насиб бўлса бирга-бирга борамиз,
Бу йўлларда ҳар на бўлса, бўламиз,
Борар бўлсанг, мени ҳам ҳамроҳ, Авазжон!

Шунда Авазжон қаландардан бу сўзни эшилди: Мунинг подшолигини билди. «Мунинг бирори Рум мамлакати подноси экан, бирори Чин-Мочин элининг подноси экан», — деди. Айтди: — Икковинг ҳам бир ёр учун йўлларда қўп сарсон бўлиб, шунча подшоҳлик шавкатидан, аркони давлатдан кечиб, яёв мундай қаландар бўлиб юрмоқ не даркор? Бу йўл узоқ бўлса, сувсиз қип-қизил Қизилқум бўлса, бу қумни беш-үн кунда босиб ўта олмай юрса. Бу қип-қизил қумда пиёда юриб, очликдан, сувсизликдан сувсаб, очқаб, овора бўлиб, икковинг ҳам ўласан. Подшо бўлсанглар, отланниб юрсанглар бўлмайдими? Бу қандай расвочилик. Ўзларинингизни мунча аброр қилиб, бу чўлда қўп сарсон бўласизлар, — деди.

Шоқаландар айтди: — Сенинг отангнинг чилтоналар тарбия қилган оти бор, ҳар ерга борсанг, учар қушидай, қамчи урсанг, учар қушдан ўтади. Қандай душманини қувсанг, етади. Ул отангнинг отини минган киши нима қиласман деса, муродига етади. Бизлар подшо бўлганимиз билан биз-

нинг бундай чилтани тарбия қилган отимиз йўқ. Бошқа отлар бу йўлларда юра олмайди, ҳожат бермайди. Сен от, яроқ-асбобинингга ишонсанг, биз худойимизга ишонниб, телпагимизни қайқайтиб келётшибиз. Бизнинг телнагимизнинг қайқайганини бизга таъна қилма! Йўлда кўрамиз, бирга бирга бораётшибиз, бизларнинг ким эканимизни сен кўрасан, сенинг аҳволининг биз кўрамиз, йўл узоқ бўлса ҳам пойгаси ёвуқ. Мана бу Қизилқумни, омон бўлсак, бориб кўрамиз,— деб икки қаландар, Авазхон учови чипорининг олдида ќўп сўзларни гаплашиб, маслаҳатни бир ерга қўйиб: — Эй болам, гандан нима чиқади, йўл юрмоқ аъло-роқ. Энди йўл юрайик,— деди.

Аваз айтди: — Ундан бўлса, э боболарим, менинг яна иккита жўра-йўлдошим, отларим бор эди. Энди йўл юрар бўлсак, жўраларимни бориб айтиб келайин, ундан сўнг бирга бирга жам бўлишиб йўл юрамиз.

Боболари: — Бориб айтиб кел, ундан бўлса дарров кел,— деди.

Авазхон Асад мерған билан Шодмон мерғанинг олдига бориб, отини миниб, икковини эргаштириб, чинор ёнига, сарҳовуз олдига олиб келиб, боболарни кўрсатди. Мерғанлар қаландар боболари билан кўришиб, сўрашиб ўтирилар. Бу икки бобосига билдиримаган киши бўлиб, Авазхон кўнглида: «Ажаб шаҳарларни, ажаб сирларни бу баҳона билан кўрдим, ажаб жаҳонгашта бўлдим. Жаҳонни, ажойиб-гаройибларни кўрдик»,— деди. Энди йўл юрмоқни бўлиб, маслаҳатни бир ерга қўйиб, Авазхон, Шодмон мерған, Асад мерған учови отланиб, икки қаландар яёв, телпаги қақайиб бу икки жобоқлик одам бўлиб, Қизилқумга тушиб жўнай бердилар.

Азаматлар олмос бойлар дастига,
Ганим тушар камдавлатнинг қастига,
Беклар миниб бедов отиниг устига,
Қумни юзиб иргир эди бедовлар,
Чув, деб қамчи уриб, ҳов, бир беклар,
Лига ҳамроҳ бўлди икки қаландар,
Тушиб жўнади бари қизил қумига.
Узоқ йўлдир Қизилқумнинг ораси,
Маст бўлғандир Чин-Мочиннинг тўраси.
Маст бўлиб сўтасин отди қаландар,
Қизилқумни тўзон тутди муқаррар,
Қистаса ҳам етолмайди бедовлар,
Шайдилло деб йўл тортади қаландар,
Кўзидаи ёшини тизиб боради,

Қаландарлар отдан ўзиб боради,
Бедовлар қумларни юзиб боради,
Кун-бакун бадани қизиб боради.
Аваз ўғлон кўнглни бузиб боради.
Дунёдан умидини узиб боради.
Тавакқални бу худога қилади,
Аваз ўғлон яратганга жилади,
Чув дейди, Фиротга қамчи уради,
Қаландарлар отдан ўзиб боради.
Қумларда ҳорииди мингданда тулнор,
Аваэжоннинг баҳодирлик номи бор.
Қамчи урди Аваэжондай зўрабор,
Яшин ташлаб иргир эди бедовлар,
Маст бўлиб боради икки қаландар,
Қистаганиман етолмайди бедовлар.
Юрса Қизилқумни тўзон олади,
Маст бўлиб қаландарлар боради,
Ҳарчанд қичаб баҳодир беклар,
Қичаганман етолмайди бедовлар,
Маст бўлиб боради қаландар,
Ҳайрон бўлиб бораёттир зўрабор.
Давлат қўпса гар чибиннинг бошига,
Семург қушлар салом берар қошига,
Банда кўнгар тангри қилган ишига,
Аваз қамчи урар аспи қушига.
Чў! — деди Фиротга қамчини чотди,
Тиллари танглайга борди-да, қотди,
Сувсилиқдан оша жаблар ўтди,
Қизилқумда қаландарлар йўл тортди.
Ташна бўлиб қумда бедовлар ётди,
Мерғанлар ҳам Аваэжонни йиглатди,
Қаландарга Аваз қараб кўз тутди,
Қаландар қайқайиб шунда йўл тортди.
Армон билан ўлдим, гаминг е, деди,
Фарид бўлдик, бобо, бери кел, деди,
Фариблиқда мендан хабар ол, деди.
Ҳеч кимсага келмай қолди ҳолатим,
Ташна бўлиб йиқилгандир Фиротим,
Қумда қолар ўхшар менинг жасадим.
Учқур эдим, қанотимдан қайрилиб,
Югрук эдим, туёғимдан тайрилиб,
Қумда қолдим мен отимдан айрилиб,
Мўмин бўлсанг, менга ҳамроҳ, қаландар,
Ташна бўлиб қолдим мунда мунгойиб,
Мурдам мунда бўлмасин-да бесойиб.

Илоҳим раҳм айласанни қонли ёшимга,
Хафа фалак огу кўшди ошимга,
Мўъмин бўлсанг, бобо, келгин қошимга,
Кўп кулфатлар тушди менинг бошимга.
Қизилқумда, бобо, бўлдик хору зор,
Ҳолатдан кетди-ку мингани бедовлар.
Ташна бўлиб йиглар Аваз зўрабор.
Мўмин бўлсанг, менга ҳамроҳ қалаандар.
Бу сўзни айтиб Аваз ўғлон йиглади,
Қалаандар бурилиб шундай қаради,
Бу сўзни айтиб Шоқалаандар келади:
Заргар сизмана бирга-бирға бўлайик,
Ўғлонларининг бориб ҳолин сўрайик,
Қумда гариб бўлди Чамбилининг марди,
Ташна бўлиб йиқилиби Гироти.
Ҳар на хизмат бўлеа, бориб қиласайк.
Бу сўзни ўйлаб Шоқалаандар келади,
Келиб Авазжоннинг ҳолин сўради.

Қалаандарлар Авазхоннинг олдига келиб:

Ҳаққа етгай айтган полам,
Обод бўлгай кулбахонам.
Сенсан менинг Аваз қўзим,
Сарғайгаңдир гулдай юзинг,
Сен ҳам айрилмагин мендан,
Мен ҳам айрилмайин сендан!
Баҳорда очилган гулим,
Сенсан менинг жону дилим,
Гариб бўлган Аваз улим,
Сен ҳам айрилмагин мендан,
Мен ҳам айрилмайин сендан!
Мундан Торкистон боргуича,
Дўшиангага қирғин солгуича,
Шоҳнинг қизини олгуича,
Сен ҳам айрилмагин мендан,
Мен ҳам айрилмайин сендан!
Қайтиб Қизилқум келгуича,
Девлари қирғин солгуича,
Уидан Ўртачўл боргуича,
Ойим Маликани олгуича,
Сен ҳам айрилмагин мендан,
Мен ҳам айрилмайин сендан!
Мундан Чамбила боргуича,
Номдор отангни кўргуича,

Дунёнинг даврии сургунча,
Сен ҳам айрилмагин мендан,
Мен ҳам айрилмайин сендан,
Жоним, айрилмагин мендан!..

Шунида қалаандарлар бу сўзларни айтиб, Авазхон, Асад, Шодмон мерғанларнинг олдига келиб, бирори бир тилсимот қилиб, Шоқалаандар бу уч полvonларни олма қилиб, телпагининг таркига солди, Шозаргар ҳам бир тилсимот ўқиб дам қилиб, уч бедов отни тўргай қилиб, кади-мудбакига қамаб олди.

Шоқалаандар бекларни кўтариб, Шозаргар бедов отларни кўтариб, телнаги қайқайиб, маст бўлиб, Қизилқумга тушиб, кетиб бораётир. Аваз ўғлон Чамбильдан баҳодирлик номини қилиб, бу Торкистон шаҳрига бормоққа бел боғлаб, баҳодирман деган Аваз, бугунги кунда қалаандарларнинг қўлида олма бўлиб, бедов отлари тўргай бўлиб жулбираб қола берди... Ана шундай қалаандарлар буларни кўтариб, хизмат қилиб, қумда печа муддат ўйл юриб, бир қумнинг устига тушиб: «Энди бир қайф қилиб, бағни уриб, нашалашиб, ундан сўнг ўйлга тушиб жўнаймиз», — деб ўтириб, димоги чоғ бўлиб айтди: — Энди мазгил яқин қолди. Булар ҳам дамини олгаидир. Энди буларни аслига келтирмоқ лозим. Булар билан ҳангамалашиб, гаплашиб кетайик.

Бир тилсимот ўқиб, Аваз билан мерғанларни, ҳам отларини аслидаги хуснита келтирди. Шоқалаандар айтди: — Эй, Авазжон, энди ўйл яқин қолди, ҳангамалашиб борайик, — деб сени аввалдаги хуснингга келтирдик. Энди бирга-бирга ўйл юрайик.

Авазхон мерғанлар билан учови отланиб, бедовларни миниб олди. Қалаандарлар телнаги қайқайиб яёв ўйл бошлаб, бешовлари отлиқма-яёв бўлиб, Қизилқумда ўйл юриб бора берди.

Худо қилган ишга баnda қўпади,
Бедов миниб, энди, беклар жўнади,
Қалаандарлар уига ҳамроҳ бўлади,
Ҳар на бўлса тақдиридан кўради.
Эшитингиз бундай шоҳнинг сўзини,
Қумларда қичайди аспи тозини,
Излаб чиқсан Қосимшоҳнинг қизини
Маликадай унинг сарвинаозини,
Яргоқ бўлди жонивориниг сиёги,
Тос тепада қолди икки қулоги,
Йигирма уч кечакундуз югуриб,
Корсонидан ивиб тушди түёғи.

Йигирма беш кеча-кундуз ўтганда,
Корайиб кўриди Кўкламанинг тоги,
Етмиш йиллик йўлдир бошдан-оёги.
Хориб бораётир бедов тулпори,
Оҳ тортиб қарайди Чамбил беклари,
Ярқиллаб кўринар девлар шахари,
Ҳар чашма бўйида беш юз чипори.
Шунда бу кўринидиг тогининг қораси,
Буниинг бордир уч юз олтмиш дараси,
Кўп бўлади Оқ девшохнинг хийласи.
Ҳар дарадан тўққиз чашма оқади,
Ҳар чашмага ботмои заҳар қотади.
Ташна беклар заҳар сувга етади,
Мавж урган дарёни беклар кўради.
Ташна эдик,— деди шунда бу беклар,
Вақти хуш бўб шоду хуррам бўлади,
Ичмакка Авазхон кўнгил қилади.
Шоқаландар энди буидан хабардор:
Мундан тотган одам тайни ўлади!

Ичарман деб, Аваз, кўнгил қилмагин,
Рариб бўлиб бу ерларда ўлмагин!
Дарё деб буларга магрур бўлмагин!
Бу элларда бордир жодугар девлар,
Бу ишлардан Аваз ўғлон бехабар,
Тотган жонзод омои қолмас муқаррар,
Бу сувларга заҳар қўшгандир девлар.
Бу сўзларни айтгандир Шоқаландар,
Бу ишлардан сендай беклар бехабар,
Ҳар ким ичса ўлар, Аваз, зўрабор,
Насиҳат беради Шоҳиқаландар,
Ташниаликдан йиқилдилар бу беклар,
Худо дейиниб, ҳамроҳ бўлиб Шозаргар,
Ҳожкатини тилаб йиглар мерганилар.

Шунда Авазхон, мерганилар қаландардан бу сўзни эшитиб,
сувга заҳар қўшганини билib, ташна бўлган бек хафа бўлиб
йиглади.

Ташниаликдан тиллар таңглайга қотди. Худо, деб беклар,
қаландарининг Шоҳзаргари буларга қўшилиб йиглай берди.
Йиглаб-йиглаб сувсизликдан иложини тоғолмай, қандай қи-
ларини билмай, кўкрагини нам ерга бериб ётди. Бедов
отлари ҳам сувсизликдан кўп ҳориб-чарчаб, тили оғзи-
дан бир қарич чўзилиб, бу бедов отларининг ҳам юарага
ҳолати қолмай, булар ҳам таппа тушиб ётди. Булар Кўклам

тогда шу кўргилликда кўп сувсаб, ҳориб-чарчаб, йиғлаб, чу-
виллаб ётиб қолдилар:

Ана шунда жўраларининг Кўклам тогда сувсаб, чарчаб
қолганини Шоқаландар қўриб, буларнинг ҳолига раҳми ке-
либ, азиз авлиёлардан сув тилаб, аэзизларга ялиниб-ёлбориб
бир сўз деб турибди:

Барчанинг отаси ҳазрати Одам,
Пайгамбарлик анга бўлди мусаллам.
Иброҳим, Исмоил, Макка муаззам,
Динларнинг чироги Имоми Аъзам,
Муҳаммадга уммат, ҳаққа мусаллам,
Ташниаларни сероб айлар кун бўлди...
Руҳинг бино бўлди оламдан буруп,
Аршу курси, ловхи қаламдан буруи.
Ҳақ Расул, мен сизга сингидим бугун,
Ғамли қуллар йиғлашар йгин-сигин,
Йиглаганинг бўлур кўз ёши тугун,
Ташниаларни сероб айлар кун бўлди.
Садқаиг бўлай эр Сулаймон пойтоқ,
Қўқонга юбординг мўйи муборак,
Зиёрат айлади насиб қилган ҳалқ,
Каримсан, Саматсан, расулинг барҳақ,
Ташниаларни сероб айлар кун бўлди.
Майдонда қилмадим Рустамининг жангги,
Ҳайбатимдан титраб кетса фараонги
Тошкентининг элида эр бобо Зангти,
Ташниаларни сероб айлар кун бўлди.
Тавба қилдим, мен гапиресам баланд-пас,
Бул баандагдан баланд бўлди чўпу хас,
Соқининг сардори эр Саъди Воққос,
Отингдан айланай ё Говси Фиёс,
Ҳақнинг хазначиси Хизир Илёс,
Ташниаларни сероб айлар кун бўлди.
Ҳақ, деб чиқар, ғамли қулпинг овози,
Садқаиг бўлай Хўжа Ҳофиз Шерозий,
Гуноҳкор баандагман, раҳмон, бўл рози,
Ташниаларни сероб қилас кун бўлди.
Садағаиг бўлайин Расул — Муҳаммад,
Рӯзи Маҳшар айласиги-да шафоат,
Сен ўзинг, баандам, дениг Қозиул-ҳожат,
Ташниаларни сероб қилас кун бўлди.
Ўлимнинг кечин бер, имонга қувват...
Шайтондан имонни сақланг саломат,
Мерғаниларнинг пири замчи Аҳмад,

Ташиаларни сероб айлар кун бўлди.
 Умид қилиб йиглайман ҳазрати Нурдан,
 Мискин умидвордир Алидай шердан,
 Аввали оллоҳдан, дуюми пирдан,
 Гам тортган лочинни кутқоргии тўрдан,
 Лочининг қаноти бўлмасин майиб,
 Фалакка саир этган ҳазрати Люб,
 Уч юз олтмиш ўтган мардони гойиб,
 Кам бандалар мақсад тилар мунггойиб.
 Па иш келси камбанданинг қўлидан,
 Е мадад тилар ҳазрати Алидан,
 Умид қилдим Ғовсул Аъзам валидан,
 Олгин хабар ташналарнинг ҳолидан,
 Ташналарни сероб айлар кун бўлди,
 Қодир оллоҳ сен биларсан ҳолимни,
 Ёд айлаб йигларман Жаббор-каримни,
 Доно эгам, бевақт берма ўлимни.
 Менким почор, сенга ҳолим маълумдир,
 Ҳолиқсан, каримсан, қаҳрингдан кутқар,
 Гуноҳкор бандаман, мақсудга еткар,
 Садқаиг бўлай, хўжай қаъба, ол хабар,
 Ташналарни сероб айлар кун бўлди.
 Ҳар па бўлса ўзингдадир ихтиёр,
 Самарқанданинг чорбоги дерлар —
 Шоҳизинда, эр Дониёл пайғамбар,
 Ташналарни сероб айлар кун бўлди...
 Садагаиг бўлайин имом, чилтанлар,
 Шайдулло, деб йиглар, Авазман Заргар,
 Ер юзинда жумла ўтган валилар,
 Бу сўзларни айтар Шоҳиқаландар,
 Сўтасини ерга урди баяқбар,
 Қўл кўтариб дуо қилди чилтанлар.
 Бир чанима оқиб ҳақ-парвардигор,
 Ичиб сероб бўлди ул танина беклар...
 Шоду хуррам бўлиб бу ташна беклар,
 Сероб бўлди бедов билан полвонлар.
 Буларнинг йиглаганин худо эшитди,
 Ташналик кулфати бошидан кетди,
 Димоқлари чоқ бўлишиб барининг,
 Югуришиб келишиб бу сувдан ичди.

Ана шунида Шоқаландарни мурожатини қабул қилиб,
 сўтасининг остидан бир ҷашма-булоқ пайдо бўлиб, беклар,
 қаландарлар, бедовлар ичиб, ҳаммаси сувга тўйиб, сероб бў-
 либ, димоги чоғ бўлишиб, маслаҳат қилиб ўтирганда, Шоқа-

ландар айтди: — Эй Аваз ўғлон — бўлам, эндиги маслаҳат
 шул: Торкистон шаҳар бир бўлса, шу тоннинг остида, ё
 устида бўлар. Сизлар энди шу ерда ўтиргилар, мен бориб
 бу тоннинг у ёқ-бу ёгини кўриб, мўлжаллаб келайин. Агар
 Торкистон шаҳаридан дарак топсан, келиб сизларга хабар
 берайин, — деб ўрнидан туриб кетди. Аваражон, Шозаргар,
 мергаiplар бу ҷашманинг олдида қолди.

Ана шунда Шоқаландар бораётib эди, олдидан бир оёқ —
 бир товои йўл чиқди. Бу йўл билан бора берди. Қаради,
 йўли пастга тушди, тушиб кета берди. Қирқ зинапоя пастга
 тушиб кетди, бир катта — мисли шаҳри азимдай ерга борди.
 Жонзод ўйқ, одамзоднинг суяги тог-тоғ, том-том бўлиб уюлиб
 ётибди. Қаландар бу суякларни оралаб дар ҳайрон бўлиб
 юриб эди, фалакдан бир дев учиг қуялиб келаётir, етмиш
 минг қўкқашқа девдан жиловдори бор, тиззаларида бир би-
 нойи-яҳши бессақал баччаси ҳам бор. Бу девнинг сиёсатини,
 ҳайбатини қаландар кўриб, ўзини ҳар ерга урди, ҳеч ер пана
 бермай қолди. Шунда уювли турган суяклардан овоз чиқиб,
 қаландарга қараб, бир сўз деб турибди:

Ўз элимда шоҳлик гамин сб эдик,
 Маликани биз олармиз деб эдик,
 Тўқсон тўрт лашкар билан кеб эдик,
 Шу девининг чангига бўлдик гирифтор.
 Ҳеч ким бўлмас ушбу девга баробар,
 Етмиш беш шаҳарнинг бунида қони бор,
 Малика деб ўлди неча гўзаллар,
 Ҳеч ким бўлолмади девга баробар!
 Сен ҳам бўбсан Маликага ҳаридор,
 Одамзодга бу одамзод жой берар,
 Суякининг остига киргии, қаландар,
 Шундай кўрса, армон билан ўлдирап!
 Дод айласанг, эшитмайди сўзингни,
 Зулм билан ўяр икки кўзингни,
 Ўлдиради, девлар кўрса, ўзингни,
 Суякининг остига киргии, қаландар!
 Ушбу девга сен ҳам бўлмагни дучор!
 Девлар кўрса, тўкар кўздан ёшигни,
 Зулм билан кесар таандан бошнингни,
 Ўртага олиб бари ейди гўшигни,
 Кўролмайсан қовму қарибонингни,
 Охир қиласар девлар ўлтиришингни.
 Малика деб жафо тортиб келасан,
 Одамзодсан бунда гарип бўласан,
 Девлар кўрса сен ҳам биздай ўласан,

Суякнинг остига киргин, қаландар!
Бу дев ҳайбатлиди, оша зўрабор,
Одам насли бўлолмайди баробар,
Суякнинг остига киргин, қаландар,
Шу дев кўрса, тайин сени ўлдира!

Ана шунда қаландар, уюлиб ётган суяклардаш бу сўзни эшишиб, ўзи қайси ерга борарини билмай, нима қиларини ўйлаб турар эди, «Бу яхши бўлди», деб хирмон бўлиб турган суякнинг олдига бориб, суякка қараб зарб қилди: «Ерил!» — деди. Суяклар ўртасидан ёрилди. Қаландарга жой берди. Қаландар суякнинг орасига кириб жо бўлди.

Шунда Боймоқ дев етмиш минг дев билан осмондан учиб келиб тушиб, бир шосупа бор эди, шунга келиб ўтири. Мингта кўк қашқа девлари қўлини қовуштириб Боймоқ девга қараб хизматида турди. Боймоқ девнинг тиззасидаги бола бу қаландарни кўрган эди. «Бу одамзод экан, одамнинг иси чиқади, бу шўрли қаландарни Боймоқ девнинг девлари ё ўзи еб қўймасин», — деб ўйлаб Боймоқ девга жанжал қилди. — Менга мана бу турган хирмондай суякнинг устига жой солдириб беринг.

Боймоқ дев хизматкорларига буюорди: — Муни хафа қилинглар, айтган жойидан жой солиб беринглар, — деди. Боймоқ девнинг хизматкорлари қаландар кирган суякнинг устига болага жой солиб берди. Бола шул хирмондай суякнинг устига чиқиб ўтири. Шунда бола айтди: — Мен шу ерда пичадамимни олайин, кўи чарчадим.

Боймоқ дев: — Хайр, сен ўтирасанг, ўтири, — деб бунга жавоб бериб, етмиш минг кўккашқа хизматкор девларига қараб айтди: — Эса, бизлар далага чиқайлик, ов-овлаб келайлик.

Бари бирдан тайёрланиб, далага қараб чиқиб кетди. Қаландар бу баччанинг кўрганини билгани йўқ эди. Боланинг бир ўзи бу ерда қолди. Шунда бола суякнинг устида туриб, қаландарга ганириб, бир сўз деди:

Ўз элимда шоҳлик ғамин еб эдим,
Маликани мен оларман деб эдим,
Ўн саккиз лак лашкар билан кеб эдим,
Малика деб қолдим девнинг чангидан.
Рахм айламай кўздан оққан ёшима,
Хафа фалак огу кўшди оshima,
Кўшилолмай мен ҳам тенгу тўшима,
Малика деб қолдим девнинг чангидан!
Кечакуандуз мен йиглайман мугойиб,
Камолимдан мурдам бўлди бесойиб,
Ота-онам қолди сочини ёйиб,

Малика деб қолдим девнинг чангидан!
Подшо эдим, шундай бўлдим хор-зор,
Малика деб бўлдим девга гирифтор,
Суякнинг остида ётган, қаландар,
Сирлашайлик, сенга айтар арзим бор!
Малика деб ўлгац исча гўзалилар,
Сен ҳам бўбсан Маликага харидор,
Оҳ ургаида кўзда ёшим сел бўлар,
Суякнинг остида ётган қаландар,
Сирлашайлик, жоним бобо, бермаи кел!
Мени кўйда олиб юргандир душман,
Кўйда юриб, бобо, сени кўрдим мен,
Сирлашайлик, жоним бобо, бермаи кел!
Ховдак кўлда мен қуш солиб юргайман,
Жаҳоши сайр этиб ўйнаб-кулгайман,
Малика деб лашкар билан келгайман,
Лашкаримнинг барни побуд қилгайман,
Малика деб бу срларда қолгайман,
Ғарип бўлиб дев чангига тушганиман.

Шунда қаландар: «Оббо, мени кўрган экан, эди чиқмасам бўлмайди», — деб суякнинг остидан чиқди. Шундай қараса, одам наслидан экан.

— Эй болам, сен одам наслидан экансан, нима қилиб бу девларнинг чангалида юрибсан? — деди.

У бола қаландарга айтди: — Эй бобо, Зебит шаҳрининг шаҳзодаси эдим. Ховдак кўлида қуш солиб, ов овлаб юрган вақтимда бир Малика деган қиз менга ўйлиди, менга ваъда берди, шу ерини кўрсатди. Шунда мен ўн саккиз лак лашкар билан Маликани излаб этиб ёшимда шу ерга келдим. Мунда келган сўнг лашкарларимнинг барисини шу девлар саб юйди, лекин мени ўлдираги кўзи қиймади, орадан этии йил ўтди, мен ҳозир ўн тўртга кирдим, этии йилдан бери девларнинг кўлида косагули бўлиб юрибман.

— Девларга косагули бўлсанг, кўи нафни егансан. Шунча хизмат қилиб Торкистон шаҳрини кўрдингми, билдингми? — деб қаландар сўради.

Бола: — Эй бобо, мен Ховдакнинг кўлида Торкистон шаҳрини Маликаннинг ўзидан эшитганим. Бу девлардан, ё бошқа девлардан ёки бошқа жонизоддан эшитганим йўқ. Етти йилдан бери девларнинг кўлидан айрила олмай, банди бўлиб юрибман, — деди.

Қаландар боладан бу сўзни эшишиб, болага қараб: — Эй бола, Маликаннинг шаҳрини — Торкистон элини шу девлар билади. Девлар келганда, сен девларга ишоқ экансан, сўрагин.

Боймоқ дэв Маликанинг хизматкори бўлди, ҳамма ишдан хабарӣ бор, бу ишлариниг барини Боймоқ дэв билади. Лекин сўраганинг билан девлар сенга Торкистонни, Маликани айтмас, «Сенинг нима ишинг бор?», дер. Шунда сен улай-булай дес, ўзимни ўлдирман, деб жўрттага бир пичоқни олиб қорининг урмоқчи бўл. Бу дэв сенга ошиқ бўлиб қолган. Сенинг ўлиб кетганингни яхши кўрмас. Сенга бир сўзни айттар, Маликанинг элидан, Торкистон шахридан, ўзидан хабар берар. Шунга қараб иш қиласиз. Болам, сен ёш бола экансац, хафа бўлма. Мен шу девлариниг қўлидан сени кутқараман, ота-энангга, қовму қариндошингга омон-эсон еткарарман. Сен, болам, бу ёмои девлариниг ичидаги бўл, мен ташқаридан бўлайин, ишқилиб, икковимиз ўлмаслик чорасини кўрайик,— деди. Шунда бола айтди:— Эй, бобо, сизнинг сўзингиз менга жуда маъқул бўлди. Шундай қилинг. Лекин энди, бобо, девларнинг келар вақти бўлди, жойингизга киринг,— деди.

Қаландар бу сўзни эшитиб, бир тилсимот дуо ўқиб, бир юроннинг суратида бўлиб, суюклариниг остига шумгиб кириб кетди. Шунда девлар ҳам овдан қайтиб кириб келди. Боймоқ дэв шосупага келиб ўтириди. Зиёфатга қўйни сўйди, мажлис бўлди. Ана шунда қаландар бобо усти-устига тилсимот дуо ўқиб, девлардан баидча олаётир. Бола шу мажлиса косагул бўлиб, соқийлик қилиб, девларга май қўйиб бераётир.

Шунда бола девларга қараб:— Эй девлар. Менинг сизларга айтадиган арзим бор. Шу мен етти яшарлигимда Маликанни оламан деб келиб эдим. Етти йилдан бери косагул бўлиб юрибман. Ўн тўртга кирдим. Маликанни оламан деб элу халқимдан айрилдим, гариби гўристон бўлдим. Мен энди ўладиган еримга етдим, қандай қиласа Маликанни олади? Мёнга бир дуо айтсанглар, менинг армоним юрагимда қолмас эди,— деди.

Шунда бир дэв боланинг жагига урди:— Баччагар! Маликанни олмоқ тами билан нима ишинг бор?!— деди. Шунда бу бола қўлига бир пичоқни олди:— Сизлардан кунда мундай таъна, зулм кўриб юргандан, бу кун ўзимни ўлдирайин, бир бошга ҳама вақт бир ўлим-да,— деди. Шунда ишқибоз бўлиб қолган девлар келиб:— Ундаи қилма,— деб қўлини ушлади:— Малика бўлса, бизлар айтайн, — деди. Маликанни айтмоқчи бўлди, ҳамма девлар қўлини кўтарди:— Эй, девлар, балонинги қадами етса етсин, Шоқаландарининг қадами етмасин,— деб дуо қилди. Етмиш беш шаҳарининг хони излаб келди, ҳаммаси бизларнинг қўлимиизда побуд бўлди. Улар ернинг устида деб излаб келар эди, лекин Торкистон шахри, Малика пари ернинг остида, қоронгилик ернинг остида.

Торкистон шаҳар шу қоронгилик ерда, Малика ҳам шу шаҳарда. Лекин қандай бўлса ҳам балонинг қадами етса, етсин, Шоқаландарининг қадами етмасин,— деб ҳаммалари ҳар гапида дуо қилади. Муни бола билан Шоқаландар ҳам эшитиб турибди. Девлар яна айтади:— Бу тогни Кўкламтоғ, дейди. Бу тог эмас, бизлар буни тилсимот билан суратини тогнинг суратига ўхшатиб, Торкистон шаҳрининг дарвозасининг оғзига кўндаланг қилиб ташлаб кўйибмиз. Бу ишдан хабари бўлса, Шоқаландар келса, «Ёрил!»— деб, Кўкламтоқка зарб қилса, Кўкламтоғ ёрилиб Шоқаландарга йўл беради. Торкистоннинг бўсағасини кўради. Унинг остидан бир катта лавҳи дарё чиқиб оқади. Торкистоннинг бўсағасининг ўнг ёғидан бир яйдоқ қора тулпор чиқиб шу сувдан сувлайди. Шу толпорни мингани киши Маликанни олиб кетади, агар бошқа киши, бошқа мол, от-бедов ё бошқа нарсалардан мингани кини бўлса, бандаргоҳда қирқ минг аждарҳо буни кўрса пишқиради, бўлак мол мингани киши аждахорининг дамида йўқ бўлиб кириб кетади. Бу тулпорни мингани киши ўлмай, қутулиб, Маликанни олиб кетади. Балонинг қадами етса етсин, Шоқаландарининг қадами етмасин,— деб девлар гуриллаб, чувиллаб, дуо қилди.

Боймоқ девнинг хизматкор девларидан Шоқаландарни мундай қилиб мақтаб, дуо қилиб турганини Боймоқ туриб, эшитиб айтди:— Бу ишдан хабари бўлса, Шоқаландардай наърашер келса, «Ёрил» деб Кўкламтоқка зарб қилса, Кўкламтоғ ёрилиб йўл берса, қоратулпорни мисса, Малика парини олса, қайтиб яна Кўкламтоқка келса, исча вақтлар саваш бўлар, сувсизликдан жабр ўтар, тиллари танглайди қотар, «Сув бўлса ичар эдим» деб ҳасрат тортар. Шунда мен бир меш сув бўлиб ётаман. Мени сув деб ичиб кўрар, заҳар бўлиб ичига кетиб ўлдириб, олиб қоламан. Балонинг қадами етсан, Шоқаландарининг қадами етмасин, ҳар ким бу сўзни айтса, тош бўлиб қолсин! Бу заҳардан омон ўтса, сарховузининг олдига етса, қўниб меҳмон бўлиб ётса, бир туп қизил гул бўлиб тураман, гул деб исқаб кўфар, заҳар бўлиб димогига жойланиб оламан. Шунда ўлдирилмасам, унда ўлдирман. Балонинг қадами етса етсин, Шоқаландарининг қадами етмасин, ҳар ким бу сўзни айтса, тош бўлиб қолсин! Ундан ўтар, ўртачўлга етар. Бир тилсимот дуо ўқиб дунёнинг ҳаммасини олов бўлиб ёниб, оламан. Мунда ўлмаса, унда ўлар: Шунда қаландар: «Тириклай жаҳаннамга кетдим», деб безор бўлиб, Маликанни ташлаб кетар. Балонинг қадами етса, етсин, Шоқаландарининг қадами етмасин, ҳар ким айтса тош бўлиб қолсин. Ундан кейин ҳам ўлмаса, Маликанни ташлаб кетса ҳам, олмаймиз, Малика Шоқаландарга ош бўлсин!

Шоқаландар юмрон бўлиб бир кам қирқ тилсимотни ўқиб бўлганда қирқ тилсимотига етмай, девлар осмонга кўтарилиб учиб кетди. Девларнииг кўтарилиб кетганини юмрон бўлиб турған Шоқаландар «оббо баччагар девлар, тилсимотни қириқса етказганча кўтарилиб учиб кетди. Қирқ мартаба тилсимот ўқинганимда учиб кета олмас эди», деб қараса, девлардан ҳеч ким қолмабди, болани ҳам кўтариб олиб кетибди.

Қаландар шунда бир тилсимот duo ўқиб асли қадимгидай одам хуснинг келиб, бояги чашма-булоқнинг олдига, жўраларинииг олдига борди. Жўралари сўраб қолди. Боя кетаётганида «хабар топсан, сизларга келиб айтаман», деган эди. Шунда жўралари Шоқаландардан Маликани кўрдингизми. Торкистон шаҳарини билдингизми? — деб сўради. Шунда жўраларига қараб, кўрганинг айтиб, бир сўз деди:

Хар қайсингиз бир мамлакатнииг хони,
Ер остида экан ёрнинг мақони.
Хабарни бергандир бизларга девлар,
Маликани излаб келгандир беклар,
Бормоқни ихтиёр қилди қаландар,
Бизман бирга борасизми, йигитлар.
Кел-а, беклар бугун ҳаққа жилайик,
Омин деса париштаю малойик,
Яратган раҳмондан мақсад тилайик,
Ер остида экан ёрнинг мақони,
Торкистон шаҳрини излаб кўрайик,
Келинг, беклар, Торкистонга борайик,
Насиб этса, Маликани олайик.
Сен эшитгин қаландаринииг сўзини,
Кучук босмас йўлбарс, шерпинг изини,
Излаб чиқсак Қосимшоҳнинг қизини,
Юринг, беклар, Торкистонга борайик,
Насиб этса, Маликани олайик.
Румнииг ютида қолди кирдикор,
Кулоҳ кийиб, сен бўлибсан қаландар,
Ер остида экан ёрнинг мақони,
Бизга ҳамроҳ бўласанми, Шозаргар,
Ер остида экан ёрнинг мақони,
Юринг, заргар, Торкистонга борайик,
Насиб этса, Маликани олайик.
Баҳодирлик даъво қилиб юрибсан,
Бек отангинииг тулпорини минисан,
Малика деб кўп жафони кўрибсан,
Торкистонга борарсанми, Авазжон,
Борар бўлсанг, Торкистонга борайик,
Насиб этса, Маликани олайик!

Кўмларда қичадинг аспи тозини,
Изладинг Торкистон сарвиизини,
Қосимшоҳнинг Маликадай қизини,
Бизга ҳамроҳ бўласанми, Авазжон?
Насиб қиласа Маликани олайик,
Шу йўлларда ҳар на бўлса бўлайик.
Ҳар қайсингиз бир юртни сўраган беклар,
Бир нечанг минибсан араби тулпор.
Бир почант пиёда юрган қаландар,
Бораравчи бирга юрган йигитлар,
Юринг, беклар, Торкистонга борайик,
Насиб этса, Маликани олайик.
Туриб мингни бедовингинииг белига,
Ошиқ бўлсанг Маликадай нарига,
Биз борайик, Торкистонииг йўлига,
Бориб киреак Маликанииг элига,
Жўринг беклар, Торкистонга борайик,
Насиб этса, Маликани олайик!
Чин-Мочиндан меҳнат тортиб келаман,
Дев деганинг кушандаси бўламан,
Сен бормасанг, ёлгиз ўзим бораман,
Насиб этса, Маликани оламан.
У девларга кўн қиргинни соламан,
Девлар билан борсам саваш қиламан.
Жўринг, беклар, Торкистонга борайик,
Насиб этса, Маликани олайик!
Ҳаяллаб ўтириб қолма, Шозаргар,
Сен бўлгансан Тиллақизга ҳаридор,
Мен биламан Торкистонда ёринг бор,
Тиллақизинииг ўзи дилбар, гажакдор,
Жўринг, беклар, Торкистонга борайик,
Насиб этса, Маликани олайик!
Остингда ўйнайди Ғиркўқдай ҳайвои,
Гўрўғли ўғлисан, отинг Авазжон,
Малика деб кўн бўлибсан саргардон,
Торкистонга ҳамроҳ бўлгин, Авазжон,
Юринг, жам бўб Торкистонга борайик,
Насиб бўлса, Маликани олайик!
Сог-саломат чиқсанак девицииг чаңгидан,
Кўнглинг хафа бўлмасин-да, Авазжон,
Ёш ўлонсан, Маликани берайик,
Жўринг, дўстлар, Торкистонга борайик!
Ҳижколатда туриб эди Авазжон,
Бошидан кетгаандай қайгули туман,
Сараб ўрнидан турди, Авазжон,

Шоду ҳуррам бўлиб энди бу замон:

— Борар бўлсанг, мен ҳам ҳамроҳ, бобоҷон.
Излаганим менинг гул юзли дилбар,—
Сачраб ўрнидан турди Шозаргар.
Йўл бошлаб юра берди қаландар,
Хафа бўлиб эргашгандир мерғанлар.

Ана шунда бу сўзларни Қаландар айтди. Шозаргар билан Авазхон цолови, Асад, Шодмон — ҳаммалари Шоқаландарга ҳамроҳ бўлиб, йўлга тушиб жўнай бердилар. Шу тогда, бир ерда бир мурват қора тош бор эди. Шу тогининг остидаги Торкистон шаҳар дарвозасининг бўсағаси шул мурват билан очилар эди. Буни Шоқаландар билар эди, одига бориб, бир тилсимот дуо ўқиб қўлига сўтасини олиб, урмоқчи бўлиб, бир сўз деб туриди:

Инжилма, йўл бергин тоглар, жодугар,
Ўзга эмасман-ку, бил — Шоқаландар!
Айролик ўтига багримни дөглаб,
Ёр ишқида жабр кўрдим, қон йиглаб.
Келдим мунда Малика деб сўрoglаб,
Инжилма, йўл бергии тоглар, жодугар!
Кечакуна доду фигон этарман,
Қиличимга қирмиз қоплар қотарман,
Душман қўреам бошин олиб кетарман,
Инжилма, йўл бергии тоглар, жодугар!
Жафолар солғаним таандаги жонга,
Хазон бўлса гозлар қўниар гулшанга,
Ажалли касратки тегар илонга,
Индин чиқиб пишак билан хазиллар,
Магар ажал қамсаб келса сичқонга,
Меи чирпип отарман сени осмонга!
Инжилма, йўл бергин тоглар, жодугар!
Бу сўзларни айтиб Шоҳи қаландар
Шайдулло, деб дуо қилиб Шозаргар.
Худо дейди гариб кўнглини бўлади,
Ҳожатини яратгандан тилади,
Қўл кўтариб беклар дуо қилади,
Қўкламтогни сўта билан уради,
Қўкламтоги қоқ ёрилиб боради,
Торкистонининг бўсағасин кўради,
Бирор лавҳи дарё оқиб жўнади.
Дарёдан сувлади ул Қоратулнор,
Югуриб бориб минди Шоқаландар,
Мин! — деди, мингашди келиб Шозаргар,

Мин! — деди, мингашди Аваздай қўчкор.

Учовлари бир тулпорга мингашар,
Қолдик; — деб йиглайди икки мерғанлар.
Қулоқ солинг мерғанларниң тилига:
— Учовинг мингашдинг тулпор белига,
Бизлар ҳамроҳ эрдик узоқ йўлига,
Кетар бўлдинг Торкистоннинг элига,
Бизни ташлаб кетдинг девнинг мўлига,
Бир келар мўлжалинг бизлар сўрайик,
Неча кунгачайин, беклар, турайик?
Бошима тушмасин қайгули туман,
Бу сўзларни англаб билгин, Авазжон,
Олмосингдан қуяр эдинг қирмиз қон,
Бизни мунида қилиб кетма саргардон,
Келар мўлжаллингни айтгин, Авазжон!
Бизларга омонат қолди Гиротинг,
Неча кунда сенинг келар мухлатинг,
Бир келар мўлжаллинг айтгин, Авазжон!
Давлатимдан шоли-шолдам ўрайик,
Кеч кўрган тушни қундуз жўрайлик,
Бир келар мўлжаллинг сендан сўрайик,
Неча кунгачайин йўлга қарайлик.
Кетгайда бошимдан қайгули туман.
Барқарор қиб сўзлаб кетгин, Авазжон,
Сендан савол сўрар, билсанг, Шодмонхон.
Гам билан сарғайди гулдайни дийдор,
Миссанг парвоз қилар остингда тулпор,
Борар бўлдинг, энди, Торкистон шаҳар,
Келарингни ҳабар бергин барқарор,
Келарингни сўраб турар мерғанлар.
Бу сўзин эшитиб унда Авазжон,
Бул сўзларни айта берди шу замон:
— Англаб билгин бу сўзимни, Шодмонжон,
Насиб этса, қирқ кунда келаман.
Тойрилмасин бошда тожу давлатим,
Сизларга омонат қолди Гиротим,
Қирқ кун бўлди менинг келар мухлатим,
Қирқ кунгача бул йўлима қарагин.
Жаҳонни сайр этиб ўйнаб-кулмасам,
Нор кесар олмосни белга чолмасам,
Қирқ кунда ҳам Торкистондан келмасам,
Авазжонни гариб бўлиб ўлди де,
Якка мозор бўлиб, шунда қолди де,
Излаб топсанг Чамбидайин шаҳарни,
Албатта, отама бергин ҳабарни,

Қирқ кун бўлди менинг келар муҳлатим.
 Хафа бўлма, беклар, ўйнаб-кулинглар,
 Таваккални бир худога қилинглар,
 Қирқ кунгача шунда қараб туринглар,
 Бу сўзларни айтди Аваз зўрабор,
 Омин-олло, — деди энди мерғанлар.
 Форга бошқарилди ул Қоратулпор,
 Қараб туриб энди шунда мерғанлар,
 Қўздан гойиб бўлди кетди у тулпор,
 Яшиндайин оқиб боради тулпор.
 Неча вақт юрганин беклар билмади,
 Коронгидир, куннинг кўзин кўрмади.
 Азамат мард эдим, бўлмайин иочор,
 Дўстга зор айлама, душманларга хор,
 Сўз айтиб боради Шоҳиқаландар,
 Ҳақнинг яшинидай оқади тулпор,
 Садағанг бўлайин имом, чилтанлар,
 Албатта бу йўлда бўлниг мададкор...
 Бу сўзларни айтиб қаландарлар боради,
 Бетларга энкин шамол келади,
 Бир маизилга етгандай бўб қаради,
 Қоронги губорда кетиб боради.
 Бу сўзни айтиб йиглаб ҳаққа зору зор,
 На қилса ҳуқми бор қудратли жаббор,
 Бандаргоҳ устида қирқ минг аждаҳор,
 Аждаҳор устига етишди беклар,
 Ҳақнинг яшинидай оқади тулпор,
 Ишқириб дамига тортди аждаҳор.
 Буни кўриб Аваз ўғлон йиглади,
 Йиглаганин йима илож қилади,
 Қоронги губорда кетиб боради,
 Аваз йиглаганин билиб, қаландар,
 Авазхонга бир тасалли беради:
 — Ушбу дамдир, ўзга дамин дам дема,
 Бошинг эсон, бу давлатни кам дема,
 Аждаҳорни кўриб, Аваз, гам ема.
 Бе амир чиқмайди чибиннинг жони,
 Кўнглиниг бўлмагин Чамбилиннинг хони.
 Йигламагин Гўрўғлиниг ўғлони...
 Бу сўзни айтиб Шоҳиқаландар,
 Яшиндайин оқиб боради тулпор,
 Аждаҳордан ўтиб кетди муқаррар.
 Усти-устига тилсимотдан қаландар,
 Үқиб бораётир Шоҳиқаландар.
 Шайдуло, деб Аваз билан Шозаргар,

Неча куплар юрганини билмади,
 Қаландарлар кун юзини кўрмади,
 Қаерларга борарини билмади.
 Ошиқнинг фаҳмидир қоронги кеча,
 Йигласа ҳолига йиглар бир неча,
 Бандаргоҳда ётган қирқ минг шербачча,
 Шер устига стиб борди қаландар.
 Ул шерлар чобиниб йўлни олади,
 Шоқаландар, Аваз, Заргар елади,
 Неча шерни сўта билан солади,
 Кўп шерларни ерга яксон қиласди.
 Маст бўлиб боради Шоҳиқаландар,
 Йўлга чиқиб побуд бўлғандир шерлар,
 Душман шерлар ўз ҳолидан хабардор,
 Бир зўр қаландарга бўлғандир дучор.
 Ғам билан сарғайди гулдайин дийдор,
 Армон билан ўлиб кетди кўп шерлар.
 Неча шерлар бўлолмади баробар.
 Зарбасидан побуд бўлғанди шерлар.
 Душман бўлган шернинг қолмас тоқати,
 Тоша келар Шоқаландар гайрати,
 Сулаб қолди йўлда шерлар жасади,
 Кўп ҳам ошди бу шерларнинг ҳасрати...
 Ўз элида булар бекди, тўради,
 Кўп шерларга иш кўрсатиб боради,
 Етармизми, деди, шунда қаландар.
 Ул шерларнинг билмаганин билдири.
 Душман бўлган кўп шерларни ўлдири.
 Ҳон қаландар шундай ўзи тўради (р),
 Ҳар қисмат — ёзилганин кўради,
 Кўп шерларни ерга яксон қиласди,
 Шер мурдаси бодгай қийраб қолади,
 Ажаллиси шунда ўлиб қолади,
 Бу шерлардан энди ўтиб боради,
 Парвоз қилиб учар остида тулпор,
 Кўринас кўзига Торкистон шахар,
 Неча вақт юрганин билмайди булар,
 Қистаб ўйл тортади шундай гўзаллар.
 Яшиндай оқади гойибнинг куши,
 Кўп жафо тортдирап ошиқлик иши.
 Излагани Торкистоннинг бувиши,
 Остига мингани ул аспи-қуши.
 От чопса, гумбурлар тогнинг дараси,
 Ботирни ингратар пайза яраси,
 Қарар эди Чин-Мочиннинг тўраси,

Кўриди ул Торкистоннинг қораси;
 Ярқиллаб кўриди ёрииг шаҳари.
 Неча вақт юрганин беклар билмади,
 Қоронгида-юрган, кун кўзин кўрмади,
 Ёргуликка энди чиқиб қолади.
 Кўз жубортиб ҳар тарафга қаради,
 Торкистон шаҳрини яқин кўради.
 Ой-кундан мунда кўрмади хабар,
 Тулпорни зўрлиқман тўхтатди Шоқаландар.

Шунда Шоқаландар тулиорнинг тумшугидан ушлаб, зўрлик билан тўхтатиб олди. Учкови тулиордан тушди. Шоқаландар айтди: — Эй, Шозаргар, Авазжон, биз учовимиз бу бедов-тулнир отин эгасиз ерда юрган еридан ушлаб миниб олиб эдик. Бу тулиорнинг, мабода, шу шаҳарда эгаси бўлмасин. Эгаси ушлаб бизларни гаранг қилиб юрмасин. «Пиёда қўноқ — яхши қўноқ», деган сўз бор. Бирорининг отини миниб бормаганимиз яхши. Мана кўрииган шаҳарга яқин қолди, пиёда бўлсак ҳам этиб қоламиз,— деб учови маслаҳат билан тулиорни қўйиб юборди.

Бу тулиор Маликапинг яхши кўрган тулиори эди. Шунда бу тулиор булардан қутилганига ҳимоги чоқ бўлиб, тўпнатуғри Торкистонга, Маликанинг қўшикига қараб чопиб борди. Маликанинг хизматкорлари: — Тулиоригиз келиб қолди,— деб Маликага хабар берди. Малика, ушлатиб қўшиканинг олдига «Менинг тулиорим келиб қолди» деб бойлатиб қўйди. Бундан илгари Маликалар ўзлари ҳам қуръа ташлаб кўрар эди. Қора тулиорни мингани Маликани олиб кетади. Бўз тулиорни мингани Тиллақизни олиб кетади, деган қуръа чиқар эди. Буни Маликалар билар эди. Лекин бу дафъа бу тулиорни қаландарлар миниб келганини Малика билгани йўқ эди. Маликалар ўз кайф-сафоси билан тура берди.

Энди Шоқаландардан эшитинг.

Шоқаландар айтди: — Мен Чин-Мочиннинг шаҳрида қуръа ташлатиб кўрар эдим. Торкистон шаҳри кенг мамлакат. Девлар, парилар, тилсимот дуо билан кеча-кундуз ёргу бўлиб турагар, деб эди. Ана кўринилар бу шаҳарни,— деб жўраларига шаҳарни кўрсатди. Бу учови ҳам қаландар бўлиб, йўлга туниб жўпай берди. Торкистон шаҳрини Авазжон қўриб, ҳайрон қолиб бораёттир эди. Шоқаландар Авазга қараб, шаҳарларни мақтаб бир сўз деди:

Жаҳонни сайр этиб, болам, юрасан,
 Ўлмасанг бир куни Чамбиль борасан,

Кўрганингии сен ҳикоя қиласан,
 Ажойиб юртларни кўргин, Авазжон,
 Неча вақтлар бўлдинг Чамбильнинг хони,
 Сенинг отаиг йигитларнинг сultonни,
 Келган жойинг париларнинг макони,
 Ажойиб юртларни кўргин, Авазжон.
 Майдон бўлса, сотар эрдинг ширин жон,
 Олмосингдан қуяр эдинг қирмиз қон,
 Сен излаб келибсан, гул юзли жонон,
 Булбуллар сайраган ажойиб жаҳон,
 Ажойиб шаҳарни кўргин, Авазжон.
 Бир ёр истаб мусофири бўб юрибмиз,
 Парилар шаҳрини келиб қўрибмиз,
 Бу ишларга ҳўп табассум қилибмиз,
 Ажойиб шаҳарни кўргин, Авазжон.
 Бизга ваъда берган гул юзли дилбар,
 Қуйиб, ёниб бизлар мисли Самандар,
 Сенга ҳамроҳ, болам, мендай қаландар,
 Ажойиб юртларни кўргин, Авазжон.
 Қийтириб деган-қуш ўтирас қияда,
 Не қўриб, кечириб фоний дунёда,
 Неча вақтлар юрдик пою пиёда,
 Ер ахтариб бўлди дардим зиёда,
 Ажойиб шаҳарни кўргин, Авазжон.
 Кўз югуртиб ҳар тарафга қарагин,
 Билмаганинг, болам, мендан сўрагин,
 Бу манзиллар пари-дилбарнинг жойи,
 Сизга сўз айтади Чин-Мочин шойи,
 Юрган жойинг, болам, парилар жойи,
 Томоша қил, болам, Чамбильнинг шойи.
 Кўкламтогда қолди Гиркўқдай тулиор,
 Кўнглинигни бўлмагин, Аваздай шунқор,
 Томоша қил, кўргин ажойиб шаҳар,
 Кўлга тегсин Маликадай гажакдор,
 Ажойиб шаҳарни кўргин, Авазжон.
 Яна баҳор бўлса очилар гуллар,
 Гулни кўрса маст бўб сайрап булбуллар.
 Малайик сувратли, гул юзли дилбар,
 Малика дер, ўзи шундай гажакдор,
 Томоша қўрсатар мендай қаландар,
 Ажойиб юртларни кўргин, Авазжон.
 Ганим кўрсанг, бу шаҳарда ўлдирсак,
 Армон билан билмаганин билдирсак,
 Сўзимизга Маликани кўндирысак,
 Кўлга келса, Маликадай дилбарни,

Бояги ул тулпор отга миндирсак,
Ажойиб шаҳарни кўргиши, Авазжон.

Бу сўзларни Шоқаландар Авазхонга айтиб, Торкистон шаҳрини оралаб бора берди. Торкистон шундай шаҳар: буни қоронгиликда парилар, девлар сехр, жоду билан ясаган эди. Ўзи қоронгилик дунёдан эди. Бу қоронгилик дунёга ёруғ дунёнинг куни билан ойининг шуъласи урмас эди. «Бу ой билан офтобга муҳтож бўлмайик», — деб яхши олмослардан, дур, гавҳарлардан ой, офтоб қилиб, майда, ўткир қимматбаҳо тошлардан юлдузлар қилиб қўйган эди. Бу қоронгиликда Торкистоннинг шаҳри шундай ёруғ, ярқиллаб турган. Тупроқ ўриига заъфарон ёйиб қўйган бир ажойиб шаҳар эди. Гуллар очилган, чаманлар яшиаган, сувлар оққан, гулистон-бўстон, булбуллар сайраб мааст бўлиб қолган, кўрмаганилар армонда, кўрганилар дармоңда. Ҳеч бир бунинг мисоли ўхшашини айтиб бўлмайди. Авазхон ҳам кўриб: «Хўп яхши ажойиб шаҳарлар экан», деб томоша қилиб бораётуб эди. Шундай қарасалар, олдиларидан бир кўшк чиқди. Шоқаландар Аваз билан Шозаргарга айтди: — Бу кўринган кўшк Маликанинг кўшки-да!

Шунда кўшкни кўриб, яқинлаб, айланиб бориб қарасалар, Малика шу кўшкнинг устида бир шерни ўртага олиб, кўп паризодлар билан ўйнатиб ўтирибди. Ўйнаб турган шер буларни кўриб, Шоқаландарнинг ёқасидан ола кетди. Маликанинг шерини Шоқаландар кўтариб олиб осмонинга отди. Шер осмонда карт-карт бўлиб кетди.

Буни кўриб Малика паризод отасига арза хат қилиб жўнатди: «Менинг отам подшо бўлса, менинг олдимдаги ўйнатиб юрган шеримни уч қаландар келиб буқун ўлдириди. Шулардан шеримнинг хунини, қонини олиб бересин», — деди.

Арзани хизматкорлар олиб бориб, Қосимшоҳга тутди. Қосимшоҳ ўқиб кўриб, ҳар тарафга от чоптириб, қаландарларни ахтариб олиб бориб, қаландарлардан шерининг хунини талаб қилиб сўраб турибди:

Сен эшитгии Қосимшоҳнинг сўзини,
Шоҳнинг Маликадай сарвииозини,
Кўнглини изза қилдинг шоҳнинг қизини,
Ўлдириман гуноҳкорининг ўзини.
Майманилардан ҳаддан ошиб юрибсан,
Маликанинг шерин побуд қилибсан,
Қаландарлар гуноҳкор бўб қолибсан.
Хазон бўлиб богда гуллар сўлмасми,

Ажал етиб шум паймоцанг тўлмасми,
Ҳолинг билиб, тўғри юрсанг бўлмасми,
Ўлдириар қўлимдан менинг келмасми?
Ажал тортиб сендай шўрли ўлмасми?
Арза обкеб берди париён сардор,
Арзанинг сўзидаш бўлдинг гуноҳкор,
Шер хунига жавоб бергин, қаландар,
Сенга сўз айтар Қосимхон тождор.
Дод айласанг эшитмаймац сўзингди,
Гуноҳкорсан, ўйи икки кўзингди,
Қаландарлар, сенга ўлим лозимди (р),
Хафа қибсан менинг ёлгиз қизимди.
Оҳ уриб тўқарман кўздан ёшингни,
Жаллод чарлаб торттираман тўшингни,
Кестирай танингдан азиз бошигни,
Хафа қилдинг Маликадай бувишингни.
Бу шоҳлик шавкатим, гадо кўрасан,
Ҳолинг билмай гуноҳкор бўб қоласан,
Шер хунига жавоб айтгин, қаландар,
Қаҳр айласам армон билан ўласан!.
Шер ўлдириб, сен бўлибсан гуноҳкор,
Эшитса келади парию сипор,
Қаландарлар бўлиб қолдинг гуноҳкор,
Армон билан ўлиб кетма, қаландар.
Маликанинг кўшкисига борибсан,
Париларнинг ўйинини кўрибсан,
Шер ўлдириб гуноҳкор бўб юрибсан,
Ростин сўзла, ёлғон дессанг, ўласан.
Бу сўзларни айтар шоҳи муқаррар.
Ҳаялламай жавоб айтгии, Қаландар,
Шоҳнинг газаби келса қаландар,
Беажал ўласан, келган меҳмонлар.
Соларман бошингга қайғу-зулмни,
Бошинг кесиб дорга тортай лошингни,
Кўнглини аза қилдинг муштипаримпинг,
Билмабсан-ку, сен ҳам ўлар холингни.
Бу сўзларни шоҳи айтар муқаррар,
Маҳтал қилмай жавоб айтгии, Қаландар,
Ишоратман келиб қолар жаллодлар,
Ишоратман сенинг қўлини боғларлар,
Фарид ўлма, жавоб қилгии, Қаландар,
Ўз ишингга ўзинг бўбсан жавобгар.

Бу сўзни Шоқаландар эшитиб, Қосимшоҳга қараб: —
Шер хунига жавоб шу,— деб турибди:

Гамли куида тортар эдим оху воҳ,
 Бандам десин, раҳм айласин бир худой.
 Йўл юрганда ҳар ким берар бир пано,
 Бу кунингдан ўлсанг бўйми, Қосимшоҳ.
 Элинингниг расими шуидай бўларми,
 Ҳеч замонда кучуїка хун оларми,
 Бу кунингдан ўлсанг бўйми, Қосимшоҳ,
 Қизларинг кучукман базм қиласми?
 Сен эшитгиң мендай шоҳнинг тилини,
 Гадойликман гамлаб келдинг пулини,
 Бу кунингдан ўлмайсами Қосимшоҳ,
 Мана, оласами шернинг хунини?
 Ҳар шаҳарда юргани гадо, қаландар,
 Кучукни ўлдириб, бўлдик гуноҳкор,
 Сўраганинг бўлса кучукниг хуни,
 Сенга мунча шаъни шавкат на даркор?
 Қизинг бизни оша мажниу қилибди,
 Хун бермоққа қаландарлар қолибди.
 Жафолар соларман тандаги жоцига,
 Ҳазон бўлса зоғлар қўнар гулшанга,
 Подшоҳ, ҳазиллашма мендай ўғлонга,
 Ҳали ҳам подшолигинг хурмати,
 Тахту баҳтиғ отайними осмонга.
 Бу сўзларни айтар мендай қаландар,
 Дијлбар қизинг бизни қиласа гуноҳкор,
 Шер'хунига жавоб айтмоқлик даркор.
 Сагал ишга гуноҳкор қиб турасан,
 Бизни почор, жуда почор биласан,
 Шернинг хунин балки берсам оласан,
 Қаҳр айласам, эй Қосимшоҳ, ўласан!

Бу сўзни Қосимшоҳ эшитиб, атрофидаги амалдорлари-
 га қараб қулиб юборди: — Бизлар хўп одамларга даъво
 қилибмиз. Булар бир юрган мажниу қаландар экан. Шулар-
 дан оладиган шернинг хунидан ўтмак керак. Булар бу под-
 шоликда ҳукмкушдан қўркмай, бизларни назар-гузар қил-
 май, ўйламай гапиради. Буларга бошиқа гап сўйламоқ даркор
 эмас, — деди.

Шунида қошида турган амалдорлар айтди: — Эй подшоҳи
 олам, сultonи бокарам! Шунчалик шаъни шавкатга беадаб-
 лик қилиб муничалик сўзни гапиради, булар ўзларининг сўз-
 лари билан ўзлари гуноҳкор бўлди, буларниг ўлмагига ўз
 сўзлари гувоҳ бўлди, буларга ўлим лозим бўлди.

Қосимшоҳ: — Рост айтасизлар, — деб жаллод чакириб ту-
 риби:

Бўлмасми.

Сен эшитгиң мендай шоҳнинг тилини,
 Келиб боғланг қаландарлар қўлини.
 Қаландарлар ўз тилидан гуноҳкор,
 Келинг энди мунда миргазаб, жаллодлар.
 Кесинг энди қаландарлар бошини,
 Бошин кесиб, дорга осинг лошини.
 Гуноҳкорни дорга ҳайдаб боринглар,
 Кўрмаган кунларни унга солинглар,
 Ҳар на деб амр этсам, ани қилинглар,
 Қаландарлар бўлиб туур гуноҳкор.
 Келиб қолди миргазаби, жаллодлар.
 Ҳукмкушга, шоҳим, уни буюрди,
 Гирдини олиб турди жаллодлар.
 Ҳар на қисмат ёзилганин ўйлади,
 Жаллод келиб қаландарни ҳайдади.
 Учови ҳам энди бўлди гуноҳкор,
 Газаб билан ҳайдай берди жаллодлар,
 Дим индамай туриб қолди Қаландар.
 Кўнглии бўлиб, энди Аваз номдор:
 — Сенга эргашиб энди бўлдик гуноҳкор,
 Белимга бойлаган заррин пўтамди(р),
 Ҳудойим кечиргай қилган хатомди,
 Кўра олмадим мен ўзим отамди,
 Сенга эргашиб гарип бўлдим, қаландар.
 Бошимга солибди қайгу-зулмни,
 Жаббор эгам барвақт солди ўлимни,
 Кўролмадим ўйнаб-ўсган элимни,
 Сенга эргашиб гарип бўлдим, қаландар.
 Бошим кесиб, дорга тортса танами,
 Кўролмадим ул паризод энами.
 Ўз элимда мен ҳам юрган тўраман,
 Охир келиб сенга ҳамроҳ бўламан,
 Сендан қилган фойдам шул, қаландар,
 Армон билан, энди ўлиб бораман.
 Ўз жонимга ўзим қилиб зулмни,
 Иложи йўқ, бойлатибман қўлимни,
 Кимга айтай энди ўлар холимни,
 Кўролмадим ўйнаб-ўсган элимни.
 Сенга эргашиб гарип бўлдим, Қаландар.
 Оёғимга урса эди бир тикон,
 Нолиш билан титрар ер билан осмон,
 Пари энам бўлса қиласар юз фигон,
 Армон билан ўлар бўлдим бу замон,
 Қутилмағим бўлди менга гумон.
 Қочган билан энди қайда эл энди,

Ох урганда кўзда ёшим сел энди,
 Фариблиқда кўрган қуилар шул энди.
 Бу сўзларни айтиб йиглар Авазхон,
 Бошим кесиб дорга тортади душман;
 Қора қуида йиглар эдик бу замон.
 Бандадан умиддир, худодан раҳмат,
 Балки рўзи маҳшар бўлди қиёмат,
 Қутимогим йўқди менга саломат,
 Қора қуида қолдим, қаттиқ қиёмат.
 Бу сўзларни айтиб йиглар Авазхон,
 Фариблиқда ҳамроҳ бўлган қалаңдар.
 — Ушбу дамдир ўзга дамии дам дема,
 Бошинг эсон, давлатингни кам дема,
 Ўлдим деб, Авазхон, сира гам ема,
 Азалининг бу кун биносин мотам дема.
 Ўлдирар буларнииг қўлидан келами,
 Мард киши номард қўлида ўлами,
 Худодан беамр ишлар бўлами,
 Ажали етмай, бунда чибин ўлами?!
 Кўнгилни бўлмагин Чамбилинг хони,
 Ажал етмай, чиқмас чибининг жони,
 Бизни ўлдиролмас Торкистон хони,
 Сенга қурбон мендай бобонгнинг жони.
 Бизни гуноҳкор айлаган бу шоҳнинг қизи,
 Устига кийибди гулгун қирмизи.
 Кўнглипгни бузмагин, энди, Авазжон,
 Бу ишлар билгайсан дилбарнинг нози.
 Қарамайди йиглаб баланд-пастига,
 Ҳалойиқлар йигилгандир устига,
 Яқинлаб қолди-ку дорнинг остига,
 Ўлдирмакка гуноҳкорнинг қастига,
 Шундай бўб бориб қолди дорнинг остига.
 Ғулгула бўб қолди Торкистон шаҳар,
 Томошага келар ҳамма парилар,
 Саф-саф бўлиб ҳалойиқлар йигилар,
 Улуғ-кичик томошага келдилар,
 Келиб дор тегинда қараб турдилар.
 Уч қаландар гуноҳкор бўб келибди.
 Ҳар ким борса томоша қиб турибди,
 Бошин кесиб уни дорга тортади,
 Ҳар ким борса томоша қиб қайтади.
 Уч қаландар бу дунёдан ўтади...
 Уч қаландар бўлган экан гуноҳкор,
 Билолмадик бу ҳайбатли қаландар,
 Маликанинг сухбатига борибди,

Паризодга бориб назар солибди,
 Ўйнаб турган шери буни кўрибди,
 Шу шерни қаландар иобуд қилибди,
 Шу сабабдан гуноҳкор бўб турибди,
 Қазо етса қаландарлар ўлибди.

Ана шунда паризодлар бу сўзларни бир-бировига сўйлай берди. Маликанинг энаси Юсуфбар пари ҳам келиб, томоша қилиб турган эди.

Маликанинг энаси Юсуфбар,
 Атрофида қапча пари ҳизматкор,
 Ўйнаб турган қапча пари санамлар,
 Улуғ-кичик йигилганда муқаррар.
 Ўлдирмакка чоқланганди жаллодлар,
 Ҳалойиқни кўриб Шоҳиқаландар.
 Тилсимот дуони ўқиб боякбор.
 Ҳар тарафга энди назар солади,
 Уч юз киши шунда тош бўб қолади.
 Бу сирларни шунда кўрган жаллодлар
 Қосимшоҳга энди хабар беради.

Ана шунда жаллодлардан бирори Қосимшоҳга бориб бир сўз айтиб турибди:

Уч қаландар дор остига келибди,
 Уч юз киши бунда тош бўб қолибди,
 Келиб бу хабарни жаллод берибди.
 Булар нечук юрган гадо қаландар,
 Қараса, тош бўлди турган шаҳарлар,
 Бу сирларни кўриб келди жаллодлар,
 Шоҳим, сизга жаллодлар хабар берар,
 Бу ишларнииг охири нима бўлади?

Шунда Қосимшоҳнинг олдига жаллодлар бориб баён берибди: — Уч қаландар гуноҳкор бўлди. Бир қарагани билан уч юз киши тош бўлиб қолди. Биз бу ишларни қаландарлардан деб биламиз. Бу қандай иш бўлди, сизга хабарга келдик, — деди. Шунда Қосимшоҳ бу сўзни эшишиб: — Уйдай бўлса, қаландарларни мунда олиб келинглар, мен гап сўрайни. Буларни билайни, синайни. Ўйни-ҳазил билан бир жодуга, сеҳрга дуч бўлиб қолмайик. Буларнииг қандай жон эканини сўрайик. Қайси элдан келган, бошқа юртларда юрганими, билайик, деди. Жаллодлар бориб, уч қаландарни олиб келди, Шунда Қосимшоҳ қаландарларга қараб: — Қайси шаҳардан келдинглар? — деб сўраб, сўз қотиб, бир сўз деди:

Сенга сўз бердими Малика айёр,
 Қай шаҳардан мунда келдинг, қаландар,

Одаммисан, башармисан, жодугар,
 Қай шаҳардан мунда келдинг, қалайдар?
 Асли наслинг хабар бергин, меҳмоилар,
 Не иш учун мунда меҳмон кеддинглар?
 Мен билмайман қай шаҳардан келибсан,
 Бу шаҳарда иш кўрсатиб юрибсан.
 Авлодингни хабар бергин, қалаандар,
 Нима учун қалаандар бўб юрибсан?
 Сўз сўрасам мажнунидайин бўласан,
 Бу элларда иш кўрсатиб борасан,
 Авлодинг не, ўзинг кимсан, қалаандар,
 Қай шаҳардан, қай эллардан бўласан?
 Қанча халойиқлар тош бўб қолибди,
 Бул ишлар сендан содир бўлибди.
 Одаммисан, паримисан, қалаандар,
 Авлодингни хабар бергин жодугар,
 Қандай шаҳарлардан келдинг, меҳмоилар?
 Сендай гадо бизнинг элга келади,
 Сенга дучор бўлган одам ўлади,
 Халойиқлар сендан гумон қилади.
 Кашимирмисан ёки ўзинг жодугар,
 Сиру ҳолинг хабар бергин, қалаандар,
 Сендан гумон қилар барча одамлар.
 Бу сўзни айтади Төркистон шоҳи,
 Мен бўламан Торкистоннинг подшоҳи.
 Қосимшоҳ дер, эшит айтган отимни,
 Торкистон дейдилар мамлакатимни.
 Бу сўзима хабар бергин авлодингни,
 Менга билдири сен ҳам исми-зотингни?

Бу сўзни Қосимшоҳдан Шоқаландар эшитди. Шунда Шоқаландар: «Энди биз ҳам одам қатори бўлдик, биздан Қосимшоҳ жавоб сўради, бунга мени ҳам бир жавоб айтмасам бўлмади», — деб Қосимшоҳга қараб, жавоб бериб, бир сўз деди:

Сўзимни эшитгин, шоҳим, муқаррар,
 Отим ўйлчи, ўзим юрган қалаандар,
 Тарки дунё қилдим, ватан на даркор,
 Қаҳр айласам вайрон бўлар шаҳарлар!
 Аслзода, балки эшон муқаррар,
 Ҳар ерда қўл берар сендайин шоҳлар,
 Сендай шоҳлар бўлар менга жиловдор,
 Комил пирлар бўлар менга мададкор.
 Тарки дунё қилиб бунда келаман,
 Валийиллоҳ ном кўтариб юраман,
 Сендайин шоҳларнинг қўлини оламан,

Ҳар киммикӣ, маимандик қиласа менга,
 Аларнинг шаҳрини вайрон қиласа-
 Ҳар ким ихлос билан хизматим қиласа,
 Ихлос қиласа; уни қўллаб оламан,
 Тарки дунё қиласа эшон бўламан.
 Қалаандар суратли зоҳир муқаррар,
 Маликадай қизинг қилди гуноҳкор,
 Беадаблик сендан ўтди боякбор,
 Бўлма, шоҳим, яна биздан бехабар.
 Бу сўзларни айтар мендай қалаандар,
 Шоҳим, бўлма энди биздан бехабар,
 Мададкорим, билсанг, и мом, чилтаилар,
 Аввал оллоҳ, дуюм бўлса наби ёр,
 Ҳар иш келар шулар бўлса менга ёр,
 Гофил қолиб ўлиб кетма, э тождор.
 Нима бўлса ўйлаб қиласин ишингни,
 Сўзима қулоқ сол, кўтар бошингни,
 Бу сўзимни ҳазил билма, подшоҳим.
 Ўйлаб қил-да, бундан кейин ишингни.

Бу сўзни эшитиб Қосимшоҳ айтди: — Булар тарки дунё қиласа қалаандарлар экан, ўзини билдиримай бизнинг элда юрган экан, лекин биздан кўтоҳлик ўтган экан, биздан зиён ётган экан, — деб ўрнидан туриб, қалаандарларни пир билиб, туриб ўйл бериб, ёшу қариси қўл бериб, назру ниёз мўл бериб, сийлаб турганида бу хабар Маликага етди. Малика эшитиб «Отам менинг шеримнинг хунини олиб беради, десам қалаандарларни пир билиб, ёшу қариси қўл бериб, назру ниёзни мўл бериб ётган эмиш», — деб яна арза қилиб Қосимшоҳга жўнатди. Хизматкорлар арзани ола бориб Қосимшоҳга тутди. Қосимшоҳ арзани ўқиб кўрса, Малика шундай деб ёзибди: «Ота, Сиз сўрай олмадигиз энди бир кунлик подшолигини гизни менга беринг, мен ўзим тахтиниг устига ўтириб, шеримнинг хунини қалаандарлардан талаб қилиб олайин». Отаси Қосимшоҳ қизининг бу хат-арзасини ўқиб кўриб, қизига жавоб беролмай, хеч нима деёлмай, қалаандарларга ҳам гап қотломай, индамай қараб қолди.

Шоҳнинг фикрда қолганини билиб: «Менга энди навбат келди, бунга бир нарса деб сўз қотайин», — деб Шозаргар қалаандар ўрнидан туриб, Қосимшоҳга қараб, бир сўз деди:

Аё шоҳим, сенга дейин сўзимди,
 Холингга инграндим, билгин, ўзингди,
 Мунинг учун хафа бўлма, сultonим,
 Бу хизматни қилмоқ мендан лозимди (р),
 Шоду хуррам кулдиарман қизингди,

Уйингдаги сенинг сарвииозингди.
 Эшит мөйдай гариб гадо тилини,
 Биздан кўргин кароматининг мўлини,
 Ясаб берай Маликанинг шерини.
 Кароматим барин анга билдириб,
 Тилладан ясайин жонлар эндириб,
 Малика қизингни хуррам кулдириб.
 Атглаб билгин Заргарбекдай валини,
 Биздан кўргин кароматининг мўлини,
 Ясаб берай Маликанинг шерини.
 Бошдан тожи, қўлдан бермай давлатни,
 Қирқ кун берсин яна бизга овқатни,
 Қирқ кунгача мен қиласман хизматни.
 Зулғига бойлабди баҳосиз гавҳар,
 Шерини ўлдирган ушбу қаландар,
 Унинг учун мен бўламан хизматкор,
 Қирқ кун мухлат берсин гул юзли дилбар,
 Бу хизматни қиласар, билинг, Шозаргар,
 Шерни ўлдириб бўлди шўрли гуноҳкор,
 Тилла шерни ясаб берар Шозаргар.

Бу сўзни Қосимшоҳ Шоҳзаргардан эшитиб, Қосимшоҳнинг димоги чор бўлиб кулди. Заргарининг сўзини айтди: «Шерингни бу қаландар қирқ кунда тилладан ясаб берар экан, асли шерингнинг ўзидаи бўлар экан» — деб қизининг хатига жавоб бериб, «қирқ кунда тилладан ясалган, жон эндириган шердан хабар олинглар», — деб қизига юборди. — Унда бўлса, шер ясасаларингиз, нима керак бўлади? Кераклиларингизни айтингизлар, — деди. Унда Шозаргар: «Шоқаландар айтса озоқ айтиб қўяди, мен кўпроқ айтийин, — деб, — қирқ ботмон тилла беринг, қирқ ботмон гуруч билан қирқта яхши катта қўй, бир қанча қанд билан чой, шаҳрингизнинг яхши еридан — саройидан жой беринг. Бизлар шу тилла шерни ясанганимизча еб ётамиз, овқат қиласмиш», — деди.

Қосимшоҳ булаарнинг айтганини дарров хозирлатди. Қаландарларга яхши жойлар тайин қилди, ҳар иш истаганиларича берди. Ана шунда қаландарлар вақти хуш бўлиб, димоги чор бўлиб, шер билар ишлари йўқ, овора бўлиб юрган беклар эмасми, Қосимшоҳнинг берганини олиб, Торкистонни айланниб томоша қилмоқдан бошқани билмай, шерга таради қилмай юрдилар. Шу орада бир кам қирқ кун ўтди, бир қўй билан бир ботмон гуруч, кундан бир кун қолибди. Қаландарларнинг шерни ясамоқ дим эсига келмади.

Шунда Авазхон айтди: — Телиқларнингни қайқайтиб юрасизлар, эрта подшо чақириб, шерни сўраса, нима жавоб

берасизлар? Шозаргар Авазхонга қараб: — Лодон кўнглини бўласан, ажалинг стмаса ҳам ўладиган бўласан, — деди. Авазхон хафалик тортди.

Шозаргар айтди: — Эй Авазжон, қозонни ос, тиллани эрит, сенга шер ясаб берайни.

Шоқаландарга айтди: — Сен қўйни сўй, ошни дамла, ошни ейик, бу сұхбатни охир қиласик, қорнимизни тўйғизайик.

Авазхон қозонни осиб, тиллани эритиб турди. Шоқаландар қўйни сўйиб, ошни дамлаб, бу ҳам тайёрлаб қўйди. Шунда Шозаргар шер ясамоққа иш бошлади, Авазнинг кўнглини хушлади.

Шозаргар шерни шундай ясаб созлади, ичидан мурват билан очадиган қилиб боллаб ясади. От жасадли, жиниқарча, мусича, муроталибачча, тўти, қумри, майна, булбул — шундай қушларнинг суратини шу шернинг жасадига қўшиб, жуда чоқлаб, ҳеч ким кўрмаган шер қилиб қўйди. Учовлари ошни еб, Авазжонининг димогини чоглаб Шозаргар айтди: — Эй Авазжон! Сенга шундай сўзни айтайни, сен хабардор бўл: бу шернинг ичига сени солиб қўяман! Шернинг ичидан турасан. Тилла шернинг устига одамзод, паризод минса, мурватини бурайсан. Қаттиқ бурасанг, у йўрғалайди, аста бурасанг, юради, ўрта бурасанг, жебалайди, — деб Шозаргар шернинг ҳамма мурватларини кўрсатиб, таълим бериб ўргатди. Авазжон барисини ўрганиб олди.

Авазжонга таълим бериб: — Эди бизлардан бугун хабар олар мухлати етди, энди бирор келиб қолмасин. Қир, нима тақдир бўлса кўрайик, — деб Авазжонни шернинг ичига киргизиб, мурватларини ҳам маҳкамлаб, беркитиб, созлаб, шерни тезлаб, мухтасар қилиб қўйди.

Қирқ кун мухлати тамом тўлди. Малика Қосимшоҳ отасидан шерини сўради, Қосимшоҳ хизматкорларига буюрди. Келиб кўрса, қаландарлар шерни ясаб, созлаб, ўхшатиб қўйибди. Хизматкорлар бориб подшога хабар берди: «Шерни ясаб қўйибди», — деди. Қосимшоҳнинг димоги чор бўлиб, Қизи Маликага хабар юборди. Буни Малика эшитиб, шод-хўррам бўлиб: «У шерни бир кўрмак лозим бўлибди», — деб ўзининг хизматкорларидан қирқта қизини «олиб келинглар», — деб буюрди. Хизматкор қизлар, хўб, — деб жўнаб, Шоқаландар билан Шозаргар кўнглан саройга қараб кела бердилар.

Булаарнинг келаётганини Шоқаландар қўриб, Шозаргарга қараб айтди: — Бу аёллар эркаклардан шумроқ бўлади. «Кеча кўрганимизда учов эдингизлар, бугун нимага икк韶 бўлиб қолибсизлар?» деса, жавоб беролмай қолмайик; булаарга хийла қилиб бир-бировимизга сўзлашгаандай бўлиб, турайик, — деб Шоқаландар Шозаргарга қараб сўзлаб турибди:

Ҳаզон бўлиб бодга гуллар сулибди,
 Ажал етиб поймонаси тўлибди,
 Уч қаландар икков бўлиб турибди,
 Бири охиратга сафар қилибди.
 Мусо фирмиз — бизлар ушбу шаҳарга,
 Сог-саломат столмайин кирдикорга,
 Кечакошгоҳ қўйиб келдик мозорга.
 Фам билан саргайди гулдайин дийдор,
 Қараса, келади қирқин парилар,
 Бизга зулмат бўлди Торкистон шаҳар,
 Бири ўлиб, йиглаб турган, қаландар.
 Ҳар шаҳарман шул шаҳарни кўрганимиз,
 Жаҳонни сайл этиб бунда келганимиз.
 Афмон билан тўрамиздан айрилиб,
 Гарип бўлиб бунда йиглаб турганимиз,
 Учов эдик, икков бўлиб борамиз.
 Бизда йўқдир бу шаҳарда кирдикор,
 Бенаво юрганимиз, бунда қаландар,
 Шерга келаётир хуру парилар,
 Қовогингни уюб ўтири Шозаргар.
 Жафо тиги бу кун жондан ўтади,
 Айролиқ ханжари багрин йиртади,
 Бири гойиб бўлиб ушбу шаҳарда,
 Уч қаландар икков бўлиб кетади.
 Аё сенга тимсол айтай, Шозаргар,
 Дўзахининг бир белгиси — феъли тор,
 Бу шаҳардан энди кетмаклик даркор,
 Бизга суд айламас Торкистон шаҳар.
 Бу шаҳарга келиб хурсанд бўлмадик,
 Учовимиз шоду хуррам юрмадик,
 Тенгу тўшман ўйнаб юриб, кулмадик.
 Энди бу шаҳарда турмоқ на даркор,
 Кетмоқни қилайик ихтиёр,
 Уч қаландар икков бўлди, парвардигор,
 Шул замон етиши сатта қиз — дилбар,
 Бу сўзни айтиб йиглаб турди қаландар,
 Бу шаҳардан кетмоқ даркор, Шозаргар.

Бу сўзни Қаландар айтиб туриб эди, шунинг устига
 қирқин қизлар этиб келиб қолди. Шундай қарадилар. Йигари
 кўрганда қаландарлар учов эди, бугунги кунда икки киши бў-
 либ қолибди. Унинг устига икки қаландар дод деб йиглашиб
 турибди. Қизлар айтди: «Булар ҳар қандай вали бўлсалар
 ҳам, бирори ўлибди; ажали етса ўлади-да. Хайр, ҳар нима
 бўлса бўлибди, ажали етгани ўлибди. Шерни кўрайик, томо-»

ша қилайик», — дейишиб, қаландарларниг ҳолига раҳм қил-
 гандай бўлиб, булар шерни кўрмоқча бошладилар. Шоқалан-
 дар, Шозаргар ўз қайгуларида қолиб турди.

Қизлар шерниг олдига келиб қараса, мусича, қўумри, бул-
 буллар сағраб тургандай, тўтилар гапираётгандай, париларга
 тиклаб қараб тургандай, бир яхши ажойиб шерни ясабди,
 айтган билан таърифга тўғри келмайди. Қирқ қиз, шерни
 бундай ўхшатиб ясаганига ҳайрон қолиб, бир-биридан шерни
 қизганиб, югурнишиб, талашиб, қирқин қизларниг каттаро-
 ги — маҳмадона чапсанроги шерниг олдига келиб: «Шерни
 шер суратли қилиб усталик билан ясабди. Бир миниб кўра-
 йик», — деб минди. Бунинг минганини Аваҳон билib, мурва-
 тини аста буради, юрди; удан қаттиқроқ буради, жебалади.
 Қизларниг димоглари чоғ бўлди. Буларниг думоқлари чоғ
 бўлганини кўриб, Аваҳон мурватни илгаригидан қаттиқ-
 роқ буради, шер йўргалади. Қирқин қизлар жуда ҳайрон
 қолиб: «Бу турган қаландарлар жуда уста экан. Булардан бир
 нарсани олган олиб қолади, қолган булардан ҳеч нимани
 ололмайди», — дейишиб, қаландарларга сўз қотмасдан шерни
 ўрталарига олиб, кулиб, нечовлари шерни талашиб, шер гоҳ
 жебалаб, гоҳ йўргалаб йўлга кириб, нечовлари шерни миниб,
 ўйнаб-кулиб, Заргарниг қилгани қирқин қизнинг ақли
 олиб, Маликанинг олдига, кўшкига яқинлаб борди. Мали-
 ка шундай қараса, шер гоҳ йўргалаб, гоҳ жебалаб ке-
 ляяпти.

Малика пари ҳам кўшкисидан беш юз парилари билан
 пастга тушиб, қаландарларниг қилган ишига ҳайрон қолди.
 Айтди: Эй қирқин қиз париларим! Тилладан шер қилиб
 юргизган одамзодни кўрмак тугил, эшиганимиз ҳам йўқ,—
 деб, вақти хуш бўлиб, гоҳ муниси, гоҳ униси минишиди.
 Малика пари айтди: — Бу қизиқ — изи тоғилмайдиган қалан-
 дарлар экан. Биз парилар шоҳликда юрамиз, бизларга бундай
 кишилар жуда керак. Бу қаландарлар бизларга ҳамма вақт
 даркор кишилар экан. Буларни олиб келиб, вақтини хушлаб,
 димогини чоғлаб, остига палос ташлаб, шу қаландарлар
 учун пастки кўшикиниг остидан жой-ётоқ бермогимиз яхши.
 Бу қаландарларни олиб келиб, назри-ниёзини бериб, дуосини
 олмогимиз лозим. Бундай яхши шарофатли одамлар излаган-
 да тоғилмайди, деди.

Унда шерга борган қизлар Малика паризодга айтди: —
 Ишари кўрганимизда қаландарлар учов эди, ҳали бориб
 қорасак, бирори ўлибди, иккени йиглашиб қолибди, хафа бў-
 линиб туришибди.

Малика айтди: «Сизлардан ўлганий сўраганим йўқ.
 Ўлган бўлса, ўлигини олиб келинглар деганим йўқ. Қолган

иikki қаландарни бориб, эргаштириб келинглар,— деб ўнта қизин буюрди.

Бу ўи қиз Маликанинг хизматини ўринига келтириб, қаландарларнинг олдига келиб:— Юринглар, сизларни Малика пари чақиради,— деб бир сўз деб туриди:

Яна баҳор бўлса очилар гуллар,
Гулни кўреа, маст бўб сайрап булбуллар,
Биз бўламиз наризодга хизматкор,
Келсин деб чорлайди Малика айёр.
Сўзимни эшитинг Шоқиқаландар,
Малиқамиз йўлларингга интизор,
Биз бўламиз Маликага хизматкор,
Хаялламай юрингизлар, қаландар.
Устига кийгани гулгун қирмизи,
Ақлингизни олар жодугар кўзи,
Биз бўламиз Маликанинг канизи,
Келсин деб чорлайди бувишим сизни.
Элчи қиб юборди, қайтайик, бизни,
Келсин деб чорлади ойимим сизни,
Шерингизни кўриб хурсанд бўлибди,
Ўйнаб-кулиб, шоду хуррам бўлибди,
Ул сизларний келсин дебон туриди,
Шерингизни яхши кўриб минибди.
Ғамдан озод бўлинг, энди қаландар,
Юринг, шер исагаи, устай Заргар,
Қараб турган йўллингизга ичеволар,
Сизга хизмат қиласр ича гажакдор.
Малиқамиз:— Келсин,— деган,— чорлаган,
Сизлар учун яхши жойлар созлаган,
Кўрмакчи сиздайни уста Заргарни,
Йогуришиб ичеволари хезлаган.
Богда очилган гулгуичалар,
Келсин,— деган ойимчалар.
Журинг энди, уста Заргар,
Ҳамроҳ бўлинг, Шоқаландар,
Сўз айттар мендай хизматкор,
Неча қизлар хизмат қиласр,
Борсангиз кўнглиниг тўлар,
Шойим сизга инъом берар.
Эшитингиз айтган сўзни,
Маҳтал қилмайт канизларни,
Қўймай об кетамиз сизни.
Дарров бўлинглар тайёр,
Чоқиради Малика айёр,
Чорлаган сизни зулфакдор,

Юринглар, бобо, бўлиб тайёр,
Ҳамроҳ юринг, Шоқаландар.
Тез бўлинг, бирга кетамиз,
Зулфакдорга биз етамиз,
Бормасангиз, эй, бобоюни,
Хафа бўлиб кетамиз.
Бобо, бориб инъом олинг,
Парилар сухбатин кўрине,
Жоним бобо, тура келинг,
Бизлар билан бирга юринг,
Инъом олиб ўйнаб-кулинг.
Париларга иш билдирган,
Тилла шерга жон эндирган,
Ул сабабдан бизлар келган,
Жоним бобо, бирга юринг,
Бизлар билан бирга юринг.
Тилла шери ўйин қиласр,
Саф-саф турган санам — дилбар,
Ҳамма кўриб, ҳайрон қолар
Жоним бобо бирга юринг.
Беҳад дунё инъом берар,
Нечя қизлар хизмат қиласр,
Агар борсанг кўнглиниг тўлар,
Душман бўлса қуйиб ўлар,
Дўст бўлғанилар шодмои бўлар.
Жоним бобо, бирга юринг,
Хаялламай йўлга киринг.
Йиғилишган наъмакорлар,
Саф-саф турар зулфакдорлар,
Келар дебон қаландарлар
Агар борсанг, ақлинг олар,
Олдиғизда метар чалар,
Нечя қизлар ўйин қиласр,
Сизлар билан ўйнаб-кулар,
Борганиларниг ақлин олар,
Етолмаган йўртиб юрар,
Тезроқ бўлинг, Шоқизаргар,
Ҳамроҳ бўлинг, Шоқаландар.
Жоним бобо, бирга юринг!
Хафа бўлмай ул гажакдор,
Маҳтал бўлмасин зулфакдор,
Нечя қизлар йўлга қарап,
Йўлингизга қўп интизор,
Бобо жоним, юрингизлар,
Қаландарлар, турингизлар.

Шоқаландар билан Шозаргар қизлардан бу сўзни эшишиб:
• Бу яхши бўлди. Эди бу қизлар билан бирга борайик,
ҳар нима бўлса, кўрайик; бизларниг ишимиз Малика билан
бўлади», — деб икковлари бир-бирлари билан маслаҳатлашиб
ўриниларидан туриб, қирқин қизлар билан бирга жўнай
бердилар.

Қирқин қизман, бирга бўлиб,
Неча қизлар ўйни қилиб,
Қаландарлар ақлини олиб,
Шул замонда йўлга кириб,
Маликага жўнай берди.
Санам қизлар йўл бошлади,
Бир-бирига қўл ташлади,
Хур сифатли жонон қизлар,
Меҳмонлар кўнглини хушлади.
Йўлга киргандир қаландар,
Маликага кетди хабар,
Шер ясаган уста Заргар,
Ҳамроҳ бўлган Шоқаландар,
Пешвуз чиққиб неча қизлар,
Бошлаб бораёттир қизлар.
Келаётгандир усталари.
Пешвуз чиққан кўп қизлари,
Ҳамма парининг сарвари,
Маликадай гажакдори,
Ул шерининг олдига келиб,
Қаландарининг ишини кўриб,
Кўп қизларни хизматкор қилиб,
Караиди интизор бўлиб,
Неча қизлар ўйнаб-кулиб,
Кўп юғуриб хизмат қилиб,
Пастки кўшикidan жой бериб,
Нари, ҳурлар саф-саф турар.
Қаландарлар ақлини олиб
Нарилариниг бу хуснинг
Қаландарлар жуда толиб,
Туришибди бу нарилар
Тол чивиқдайин иргалиб,
Бир нечасен зулфин ушлаб,
Қаландарлар кўнглини хушлаб.
Неча хизматкор капизлар
Қаландарларининг остига
Тезлик билан тўшак ташлаб.
Қаландарлар ақлини олди,

Олдига дастурхон солди.
Қаландарлар кўнгли хушдир,
Париларман ўтиришди,
Шу замонда кўп таомлар,
Ниста-руста ҳам қандолат
Усти-устига аралашиб,
Олиб келаёттир қизлар
Боз устига қовурма гўштди,
Иzzат билан Малика айёр
Қаландарларман кўришди,
Бир-биридан ҳол сўрашиб
Париларман қаландарлар
Қилаёттир ўтиришди.
Кўрган эмас ҳеч бир киши
Шу дунёда бул бувинди.
Ажаб қизиқ бўлди базм,
Бир-бирига жуда жазм,
Хизматкорга буюргандир:
— Чой устидан майлар лозим.
Шундайин овоза бўлди,
Хар шаҳардан одам келди.
Булариниг ишини кўриб
Хаммалари ҳайрон қолди.
Бу хизмат ишини кўриб,
Бехад дунё инъом берди.
Мудом ўйнаб-кулинг, деди,
Томоша қиб кўринг, деди,
Қайдা борсанг томошага,
Бу маизилга қаландарлар
Яна қайтиб келинг, деди,
Бу инъомни олинг, деди,
Биз борамиз сайилбоққа,
Хамиша шундай туринг, деди,
Кўп шаҳардир бул шаҳарлар,
Томошани қилинг, деди.
Торкистоцииниг шаҳарлари
Чор хоким шаҳар, деди,
Хўб ўйнашиб юринг, деди...

Қаландарлариниг вақтини хушлади, зиёфат устига зиёфат, қанд устига шарбат қўйдирди, кўп инъомлар бериб, яхши жойлар тайинлаб, қаландарлар Маликанинг инъомларини олиб димоқлари чоқ бўлиб турди. Малика айёр қаландарларга қараб айтди: — Эй, меҳмон қаландарлар! Сизлар эди шу пастки кўшқдан чиқмай ўтира берингизлар, шаҳарни томоша қилмоқчи бўлсаларингиз, томошани қилиб, яна қайтиб келиб,

шұ ерда юраберинглар. Сизларга ҳеч кимниң бу ерда иши йўқ. Бизлар гоҳида у ёққа-бу ёққа сайри боғларга чиқиб, томоша қилишиб келамиз, сизларниң ишларингиз бўлмасин. Сизлар бизлар билан, бизлар сизлар билан,— деб Шоқаландар билан Шозаргарга кўп яхши қаради. Қаландарларниң димоги чоғ бўлиб қолди. Малика айтди:— Сизлар эса, бу ерда ўтира берингизлар, бизлар бугун бир сайри боғ қилиб келайик.

Қаландарлар «Хайр»,— деб қолди. Шунда Малика айёр кўп қиз нарилари билан боққа жўнамоқчи бўлди. Хизматкорлар:— Бугун маликамиз боққа боради, йўлни созланглар,— деди. Фаррошлар йўлларни шупурди, мешкоплар йўлга сувларни сепди. Шахариниг ўлидаги одамзод, наризод қандай нарса бўлса, «қочинглар, йўлни бўшатинглар, бугун Малика йўлдан ўтади, қочмасанглар ажалларниг стади», деб йўлни одамлардан холи қилиб, кўчаларни созлаб-боплаб Маликага, йўллар созланди, деб хабар берди.

Малика кўп қизлари билан, жоду кўзлари билан, барно санамлари билан шерининг олдига келди. Маликанни иззат билан шерга минидирдилар.

Зулфига бойлабди баҳосиз гавҳар;
Малойик суратли, гул юзли дилбар,
Ой туққандай бўлиб Малика айёр,
Атрофида турган ича гул қизлар,
Бардор-бардор қилиб ича қаизлар,
Тилла шерга минидирди ул барно қизлар,
Атрофини олиб бари қаизлар,
Тилла шери йўлга кирди муқаррар,
Мурватини бурар Аваздай помдор.
Ҳаммалари бирдай бўлиб,
Биҳиштдаги ҳурдай бўлиб,
Янги очилган гулдай бўлиб,
Жўнай берди ул нарилар,
Бадашлари қордай бўлиб.
Маликанниг кўнглини хушлаб,
Еир-бирига қўлини ташлаб,
Неча қизлар ўйни бошлаб,
Ҳар бир хилда юриш бошлаб,
Бир-бириман вақтин хушлаб,
Бораётинти иўни-пўшлаб,
Ҳар қайсиси нози билан,
Қора қоши, кўзи билан,
Бир-бирига сўзлашади,
Ширин-шакар сўзи билан.

Шундайни пари жўнади,
Мастона қизлар жўнади.
Ойим келади киш-кишлаб,
Хизматкорлари пўш-пўшлаб.
Келаётир кўп қизлари,
Кийгани гулгун қирмизи,
Хурсанд бўлиб шоҳиниг қизи,
Ўз таврига сингни ташлаб.
Сайри боққа йўлни бошлаб.
Оlamга овоза бўлиб,
Тилла шердан кўнгли тўлиб,
Шоҳиниг қизи хурсанд бўлиб,
Бораётir ича барнио.
Ноз билан йўлда иргалиб,
Маликанни ўртага олиб,
Маликаннинг ҳуснини кўргаи
Неча қушлар маст бўи қолиб,
Шундай бўй пари жўнади,
Кўрганиниг ақлини олиб.
Богда очилган гулгуичалар,
Барни бирдай ойимчалар.
Сайри боққа кирсан, дейди,
Шер ўйини кўрсан, дейди,
Ҳаммалари чувлашади,
Боққа тезроқ етсан, дейди.
Парилар шундай жўнади,
Кўрганиниг ақлини олади.
Неча қизлар куйиб-пишиб,
Йўлларда терлаб боради,
Шер ичинда Аваз помдор
Мурватини қаттиқ буради.
Кўриниг энди тилла шерни
Майиндан келиб йўргалади,
Шундай қилиб ҳийлагарлар
Парининг ақлини олади.
Атрофида беш юз қизлар
Жуда ҳам чарчаб боради.
Кўп қизларниг ақли шошиб,
Тилла шерга эргашиб,
Кўп қизларман Малика айёр
Келди сайри боққа этишиб,
Гулховуз бўйига келишиб,
Қумри булбуллар сайраб турди,
Ранг-бараиг гуллар очилиб.
Маликанни шердан тушириб,

Зарли-зарбоб лиbos ташлаб,
Үтирибди кўнглин хушлаб,
Неча қизлар ўйин бошлаб,
Созандалар созин ушлаб,
Гажақдорлар ўйнашади,
Тол-тол қилиб зулфин ташлаб.
Ўйнашади паризодлар
Бир-бирига ўйин қилиб.
Шундай қилиб, ойимчалар,
Ўйнашади гулгунчалар,
Бир-бирига сўзлар қотиб,
Ўйнашади бир неchalар.

Малика парининг сайр боққа борамиз дегани, шернинг юришини, туришини кўрмоқчи бўлиб, сайр боққа келган эди. Маликанинг фикри шерни овлоқ ерларда юргизиб, йўргалатиб кўриб, бир қанча ўтириб, ўйнашиб-кулишиб, димоқларини чоқ қилиш эди. Ўйнашиб-кулишиб димоглари чоғ бўлди. Малика айтди:— Эй, санам қизларим! Мен шернинг юришини кўрмоқчи эдим. Кўрдим, бўлар. Ўйнаб-кулиб бўлдик, энди шаҳарга қайтайник!

Шунда беш қиз хизматкорлари шерни олиб келди, Малика шерни миниб олди. Қизлар Малика билан биргабирга ўйнашиб-кулишиб, ҳазил қилишиб, қайтишиб, шерни гоҳ юргизиб, гоҳ жебалатиб, гоҳ йўргалатиб, думоги жуда чоқ бўлиб, Шоқаландар билан Шозаргарининг олдига этиб борди.

Малика шердан тушиб, қаландарлардан ҳол-аҳвол сўраб, ўзининг кўшикига чиқиб кетмоқчи бўлиб, шунда канизларидан Ҳадича деган канизига буюрди: «Бориб менинг дўстим — Тиллақизни айтиб кел, ўз қизлари билан бирга келсин. Дўстим мендан ўнkalab юрмасин, у ҳам бизнинг усталаримизга тилла шер ясатиб олсин. Ѓўстим билан икковимиз сайри боғларда шерларни миниб, бирга-бирга юрамиз». Ҳадича каниз «хўп» деб Маликадан жавоб олиб, Тиллақизга қараб жўнаб кетди. Малика Ҳадичани жўнатиб, ўзи юқори кўшикка қараб чиқиб кетди, шерни пастки кўшикниң қизлари олиб келди, яхши ерга жойлаб кўйди. Булар буnda турсин. Ҳадичадан эшитинг.

Ҳадича Тиллақизга етди, хизматкорлар Тиллақизнинг олдига олиб борди, Тиллақиз Ҳадичадан келганини сўради. Ҳадича Тиллақизга қараб, бир сўз деди:

Олмадайин, сўлган гулдай тарзим бор,
Эй бувишим, сизга айтар арзим бор.

Яна баҳёр бўлса, очилар гуллар,
Гулии кўрса, маст бўб сайрап булбуллар
Малойик суратли, гул юзли дилбар,
Келсин, деб буюрди Малика айёр.
Оша элдан уч қаландар келдилар,
Бири ўлиб, икковлари қолдилар,
Бувишинга бир шер ясаб бердилар,
Бувишинг шери бутуни патьмакор.
Келсин, деб чорлади Малика айёр.
Жаҳонни сайр этиб ўйнаб-кулсин, деб,
Келиб бизнинг тилла шерни кўрсин, деб
У ҳам келиб шер ясатиб олсин, деб.
Тилла шерга жонни ато қилади,
Кўрган одам жуда хайрои қолади,
Хизматкор айлади бувишим бизни,
Келсин, деб чорлаган ойимча сизни.
Тилла шер қошида ажойиб қизлар,
Усталарга бўлиб туур хизматкор.
Ҳар ким кўрса унинг ақлини олади,
Бизнинг элга иш кўрсатган усталар,
Келсин, деб чорлаган Малика айёр.
Сиз эшитинг энди сўйлаган сўзни,
Келар деб юборган Малика бизни,
Хизматкор айлаб юборган неча кацизни
Қайси элдан келган устай Заргар,
Шерни ясаб, тиллага жон эндирад,
Унга ҳамроҳ бир ҳайбатли қаландар,
Келсин, деб чорлади Малика айёр.

Бу сўзни эшитиб: — Бор, боравер, мен бормайман,— деб Тиллақиз Ҳадичага қараб, сўзлаб турибди:

Бор, боравер, Ҳадича,
Йўлингдан қолма, ғалча!
Бундай сўзни айтмагин.
Кета бергин ийлдан қолмай, Ҳадича,
Менинг учуй сарсон бўлган бир неча,
Кет дейман ийлдан қолма, Ҳадича,
Йўлимизга бош беради бир неча.
Кўздан ёши селоб бўлиб тизилди,
Торкистон шаҳридан риски узилди,
Бора бергин, майлисига бормайман,
Туз-насибалари бўндан узилди.
Шакар кўлда хонга ваъда бергандир,
Чамбилбелдан қайсарbekлар келгандир,

Бувишинг бу элдан кетмоқ бўлғандир,
 Бор, боравёр, майлисингга бормайман!
 Айрилик ўтига бағрипгни даглаб,
 Қайсан беклар бунда келган сўрглаб,
 Эрта чошгоҳ сен қоласан қон йиглаб,
 Бора бергин, майлисингга бормайман!
 Танимайсан, излаб келган бу беклар,
 Зўр чаңгига бўлиб қолар гирифттор,
 Армои билан кетар Малика айёр,
 Уюлиб қоларсан бунда, канизлар.
 Сен эшитгии мендай ойим сўзини,
 Олиб кетар Қосимшоҳнинг қизипи.
 Анга ҳамроҳ бўлган устаи Заргар,
 Кошидаги зўр ҳайбатли қаландар,
 Ҳеч бир киши бўлолмайди баробар,
 Қон йиглашиб қолар бунда канизлар.

Шўнда Хадича каниз бу сўзи эшитиб, Тиллақизга қараб,
 бир сўз деди:

Меи йиглайман яратганга доду дод,
 Бандам, деб раҳм айлар Қозиуло-Хожат.
 Бувишим элларда согу саломат,
 Ундаи деб гапирманг, бўлар маломат.
 Бувишим эшитса, хафа бўлмайми,
 Кўнглига оғир олиб қолмайми,
 Бу гапни эшитса, ўпка қилмайми?!
 Ҳеч ким келолмайди Чамбил әлидан,
 Қандай ўтар бу бандаргоҳ ўлидан,
 Агар келса ҳеч иш келмас қўлидан,
 Бувишим айрилмас ўсган әлидан!
 Бизнинг элда бордир шоҳи зўрабор,
 Душман келиб бўлолмайди баробар,
 Сог-саломат элда гул юзли дилбар,
 Бир афсона сўз айтмоқлик на даркор?!
 Душман келса, жабру жафо кўради,
 Гарibi гўристон бўлиб ўлади,
 Душман келиб бунда пима қиласан,
 Тоза бўлса, раиги гулдай сўлади.
 Бунда бордир ичча деву парилар,
 Лак-лак девлар бўлса, улар ўлдирав,
 Душман эмас, булар устаи Заргар,
 Анга ҳамроҳ бир худотарс қаландар.
 Бу сўзларни айтма, гул юзли дилбар,
 Душман эмас, улар уста қаландар,
 Уларнинг сиридан сизми хабардор?

Келган киши қандай дейсиз гажақдор.
 Бу гапни кўнглига оғир олади,
 Айтиб борсам анча гина қиласан.

Бу сўзни Хадича каниз гапириб туриб эди. Тиллақиз:
 Менинг сўзимни қайтардинг,— деб аччиғи келиб, Хадичага
 қараб, бир сўз деди:

Ошиқнинг фаҳмидир қоронги кеча,
 Йигласам, ҳолимга йиглар бир ичча,
 Бу сўзларни айтар мендай ойимча,
 Келган йўлга кета бергин, Хадича!
 Учкур бўлсанг, қанотиингдан қайрилиб,
 Югрук бўлсанг, түёғингдан тойрилиб,
 Сен қоларсан бувишингдан айрилиб,
 Келган йўлга кета бергин, Хадича!
 Ҳазон бўлмай боғда гуллар сўлибди,
 Оллоҳ уининг ақли-хушии олибди,
 Илоҳим ўлсин-да, Малика дўстим,
 Ерининг устига миниб юрибди.
 Келган ерга кета бергин, Хадича,
 Бувишингга айтиб боргин, Хадича!
 Кўп ўйланиб туриб нима қиласан,
 Борсанг, душманларнинг ишин биласан
 Бувишингни излаб келган зўрабор,
 Деву пари бўлолмайди баробар,
 Ўзин заргар қилиб келган — ҳийлагар,
 Ҳар юртдан келгандир баҳодир беклар.
 Савашли куни юз минг қулга баробар,
 Жасадин кўрасан битта қаландар,
 Ишқирса дамига тортар аждаҳор,
 Бўлолмайди ҳеч бир нарса баробар!
 Айтган гапнинг поёмини билсан-а,
 Бунда турма, ул манзилга борсан-а,
 Тилла шерни бирор тепиб кўрсан-а!
 Ярқиллаб очилса шернинг мурвати,
 Шернинг жони Гўрўғлининг фарзанди.
 Бора бергин, бунда турма, Хадича,
 Бул сўзларни айтар мендай ойимча.

Тиллақиз яна айтди: — Эй Хадича каниз, бунда кўп турма,
 менинг айтган сўзимни бувишингга айтиб бор. Келганлар
 қаландар эмас, ҳийлагар бўлади. Шерни ясаган қаландар
 эмас, у ҳам ҳийлагар жодугар. Шернинг жони йўқ. Шернинг
 жони Гўрўғлининг ўғли, Авазхондир. Шернинг жони бор деб

Малика айёрининг Авазхон ёрини миниб шармандаси чиқиб юргандир. Менинг сўзимга ишонмасаңг, бориб шу шерни бир төпib юборгин. Мен бормайман, менинг сўзимни Малика айёрга бориб айтгин,— деб Хадичани жўнатиб юборди.

Шунда Хадича Тиллақиздан бу сўзни эшишиб, ердан темиртак топған қулдай бўлиб, чопиб орқасига қайта берди. Кўшканинг олдига бориб қараса, Малика айёр, канизлари — ҳаммаси шернинг олдига олиб томоша қилиб туриб эди, Хадичани кўрди, Малика сўради:— Менинг дўстим келмадими?

Хадича индамасдан шерга қараб ўта берди. Қизлар, Маликалар «Индамайди», деб қараб туриб эди, Хадича буларапнинг сўзига жавоб бермай, тилла шернинг олдига бориб, у ёқбу ёғига қараб тилла шерни төпib юборди. Тилла шернинг муровати шарқиллаб очилиб кетди. Ичидан Авазхон лўп этиб чиқиб, пастга тушди. Шунда қизлар, парилар қарасалар, шернинг ичидан бир одамзод ерга тушди. Буни кўриб Малика, қизлар гуриллаб қочиб кетди. Шунда Авазхон ҳайрои бўлиб, нима қиласини билмай туртган эди, шундай қараса, Маликанинг Қоратулпори кўшканинг олдидага бойловли турибди. Кўрқанидан югурниб бориб тулпорни ушлаб, устига миниб олди. Буларапнинг ишларини Шоқаландар кўриб турибди. Қараса, шер очилибди, Малика, қизлар қочиниқираб кетаётир. Авазхонга қараса, Авазхон Қоратулпорга миниб турибди. Буни кўриб, қаландарлар иккови ҳам ўриниларидан туриб, белини бойлаб, созланди. Қаландарининг сифати шул эди: Шоқаландар сўтасини кўлига олиб, «Сулаймон пайғамбарнинг нафаси»,— деб сиёсат билан бақирса, ҳар қандай жонли жонивор қўрқиб, хушидан кетиб, бехуш бўлиб қолар эди. Ана шунда Маликанинг кетаётганини кўриб, Шоқаландар бир наъра тортди, Маликанинг ҳуши учди, Гўёки осмондан яшин тушгацдай бўлди. Торкистон шаҳарини ер торадигандай, кўзи коронги бўлиб: «Энди ўлмай менга нима қолди»,— деб қўрқанидан Қоратулпорга минмоқчи бўлди. Кўзи қамашиб, қўрқиб қолганидан Авазжонининг Қоратулпорга миниб олганини билмай, Малика бориб, бу ҳам Авазжонининг олдига миниб қолди. Маликанинг Қоратулпорга мингашганини кўриб Шоқаландар ҳам Маликанинг олдига минди. Учови Қоратулпорга мингашиб олди. Қоратулпор йўл юриб суриб чопиб кетди. Шоқаландар Шозаргарга:— Мингаш!— деди. Мингашмади, пиёда қолди. Қоратулпор келган йўлига қараб яшиндай бўлиб оқиб кетди. Шозаргар ҳам бу ерда турайин деса кўрқади: «Торкистон шаҳари ғалა-гул, чувиллашиб қолди, мени ушлаб олиб ўлдириб кўймасин»,— деб буларапнинг орқасидан қорама-қора чопиб, бир ўзи кетиб бораётир:

Илгарида кетди Шоҳи қаландар,
Қўлга тегиб Маликадай гажакдор,
Ҳақининг яшинидай оқади тулпор,
Пиёдалаб иргий берди Шозаргар,
Кейинидан жўнади қанча амалдор,
Ҳар тарафдан отланғандир зўр девлар.
Қулоқ сол алариниг айтган додига,
Ерлар титрар анинг сиёсатига,
Ғулгула тушди Торкистон юртига,
Ғазаб билан Оқдев минди отига.
Қани мен ҳам қаландарга бораӣ, деб,
Кўрмаган куиларни унга солай, деб,
Агар кўрсам, пора-пора қилай, деб,
Маликанни ҳам ажратиб олай, деб,
Кўрсам; душманлариниг бошин юлай, деб.

Бу сўзларни ўйлаб келади девлар,
Илгарида кетган Шоҳи қаландар,
Пиёдалаб бораётир Шозаргар.
Шозаргар шуидай бурилиб қаради,
Келаётган Оқдевшоҳни кўради,
Худо деди, яратганга жилади,
Талабини бир олладан тилади.
Ғайрат билан бадбахт девлар келади,
Бир тилсимот дуо ўқиб Шозаргар,
Бир отнинг изига кириб қолади.

Шозаргар бир юзук бўлиб отнинг изига кириб ётибди. Оқдевшоҳ буни кўрибди. Кўнглига келибди: «Маликага қаландар ҳарба қилибди, юзуги ўлда туниб қолибди. Кел-е, бу юзукни олайин, Тиллақизима элтиб берайин, шод-хуррам қилайин, қайтиб келиб қаландарни кўрайин, кўрмаган куиларни унга солайин»,— деди. Юзукни олди, Тиллақизга жўнаб кетди.

Шоқаландар, Малика, Авазжон — учови мингашиб йўл юриб, қоронгиликдан неча кунда ўтди, нима ҳодисалар бўлди, билмади. Қоратулпор яшинидай бўлиб оқиб кетди, бир вақт ёргу дунёга, ҷашманинг лабига етди. Авазжон қараса, мерган жўралари йўқ. Ҳафа бўлди. Шоқаландарга айтди:— Мергандар йўқ, Гирот турибди. Энди менга жавоб берсангиз, жўраларимни ахтариб бу Кўкламтогни кўрсам, ўликми-тирикми билсан.

Шоқаландар айтди:— Борсанг бор. Мен сен келганча айдак ётиб, ёнбошлаб олайин. Сен ўзингга эхтиёт бўл. Бу ерлар ёмон, хатарлй. Ҳаялламай, тезроқ борли-йўқли хабарни

олиб кел, Шозаргар орқада, қандай бўлади, ундан ҳам хабар-пабар оламиз, ҳали,— деди. Авазжон:— Хўп,— деб жўнаб кетди. Шу юрганича Кўкламтогнинг ҳамма ерини ахтарди, тополмади, хафа бўлиб юраберди. Сўзни Оқдевшоҳдан эшигини.

Оқдевшоҳ юзукни олди, Тиллақизга борди. Қизига айтди:— Ногаҳондан борар эдим, йўлимдан бу юзук чиқди. Маликанинг бодга гули сўлибди, қаландарлар унга ҳарба қилибди, юзуги йўлда тушиб қолибди, ўйнаб-кулгини, деб сенга олиб келдим. Кел болам, олгини, қўлининг солгини, бу юзукни сенга берай, душманининг кейинидан борай, қаттиқ кунини унга солай. Маликаши олиб келай,— деди.

Бу сўзни эшитиб Тиллақиз отасига қараб бир сўз деди:

Хазон бўлмай бодга гуллар сўлмасин,
Оллоҳ менинг ақлу ҳушим олмасин,
Ота, эшит менинг айтган сўзимни,
Қаландарнинг бирп юзук бўлмасин.
Юзук деб, сен қўлдан берма қизинги,
Оҳ уриб тўкарман қўздан ёшимни,
Ёт элларга гарип қилма бошимни,
Охир қилма, менинг ўтиришимни.
Учкур бўлсанг, қанотинидан қайрилиб,
Югрок бўлсанг, туёғингдан тоирилиб,
Отажоним, гофил бўлиб сўзлама,
Армон билан қолма мендан айрилиб.
Дод айласанг эшийтмайди сўзингни,
Саргайтади сенинг қизил юзингни,
Кўйгин, ота, бундай юзуги қурсин,
Юзук дебон қўлдан берма қизинги,
Тополмассан, ота, менинг изими.
Шердай бўлиб юзукни олиб келибсан,
Бир айёрга, ота, дучор бўлибсан.
Эрисин, тогларнинг қори эрисин,
Ҳар киши олгани билан қарисин,
Ер остида душман тани чирисин,
Кўйгин, ота, бундай юзуги қурсин!

Оқдевшоҳ қизидан бу сўзни эшитиб, зөхни қойиб, хафа бўлиб, қизига қараб, аччиғлапиб, бир сўз деди:

Ёш бошинигга бундай шунгугут бўмасан,
Бу юзукдан исега ҳадик оласан,
Дўстингнинг юзуги, тайин биласан,
Бундай бўлсанг, сен жувонмарг, ўласан!
Ғаним бўлиб сенинг йўлини тўсдими,
Фариблика кўкайингни кесдими,

Нега ҳам бир шунгугут бўлдинг, жувонмарг,
Хаёлинингга неча ганлар келарми,
Юзукдан кишига душман бўларми,
Бирор ерда сени юзук босдими?
Мендайни отангга кўяглиниг бўласан,
Бир юзукдан муича ҳадик оласан,
Бундай бўлсанг, сен жувонмарг ўласан,
Еш бошинигга мунча шуцгит бўласан.

Ана шунда Оқдевшоҳ қизига юзукни берди. Тиллақиз юзукни олмади. Отасининг аччиғи келиб, қизига қараб, койиди, урушди. Оқдевшоҳнинг аччиғи келганини Тиллақизнинг олдидағи санам қизлар кўриб:— Отангизни хафа қилингиз, қўлидаги юзугини олинг,— деди. Шунда Тиллақиз отасидан уялиб, «Хафа бўлмасин», деб юзукни олди, қўлига солди, ўлчагандай қўлига лоп-лойик келди, «Юзук бердим», — деб Оқдевшоҳ димоги чоғ бўлиб, қаландарларнинг орқасидан кетди...

Шунда Тиллақизнинг канизлари айтди:— Эй бувишим, сиз ўзингиз жуда ҳадикчил бўлибсан. Қўлиниздаги юзук заргарлар ўдчаб ясагандай, лоп-лойик экан,— деди. Юзук қўлида туриб айтди: «Бошдан бошга биз бунга лоп-лойик».

Шунда Тиллақиз: «Бу сехгарми, жодугарми?» — деб қўлидан чиқарип ташламоқчи бўлиб, қўлини сиқаётir, канизлари тортаётir, юзук қўлидан чиқмай бу сўзларни айтгаётir:

Сени излаб чиқдим Ҳурум¹ элимдан,
Ўлдирсанг ҳам айрилмайман қўлинигдан,
Ўлмасам кучарман нозик белингдан!
Кечакундуз мен йигладим зор-зор,
Сенинг ишқиниг мени қилди қаландар,
Малойик суратли, гул юзли дилбар,
Юзук бўлиб сенга келган Шозаргар,
Кўп тортиб жафолар қилмангиз, қизлар,
Ҳарчанд тортесанг айрилмайди Шозаргар,
Оша бизга озор берма, канизлар!..
Айрилик ўтига багримини додглаб,
Кўп юрганиман ҳар шаҳарни сўрглаб,
Бу дилбарнинг фироқида қон йиглаб.
Фам билан саргайди гулдайин дийдор,
Бир исчалар ўз ҳолидан бехабар,
Тиллақизнинг ишқи қилган қаландар,
Исча вақт ахтариб бўлдим хору зор.

¹ Рум.

Кучук босмас йўлбарс, шернинг изини
Излаганимай Оқдевшоҳнинг қизини,
Нодон кўнглиниг ҳар хаёлга бўлмагин,
Сен канизлар, менга озор бермагин,
Кўйгин энди, менга зулм қилмагиц,
Излаб келиб янги тоидим ўзини.

Бошинг тожии, қўлдан бермай давлатди,
Бирга қисак ўтиришиман сухбатди,
Рўп силкилаб торта берма уятди (р.).

Бу сўзларни айтар мэндайин почор,
Оша менга таъзир берма канизлар,
Сен сўрагни, бувинингниг кўнгли бор,
Биз билан ваъдалаш гўл юзли дилбар,
Бунинг ишқи бизни қилган қаландар.

Бу сўзни юзук айтадиги, Тиллақиз қўлини силкаётадиги, канизлар тортаётадиги. Уйтиб-буйтиб тортишиб-тортқиллашиб, юзукни Тиллақизнинг қўлидан чиқариб олди. Шунда Тиллақиз хизматикор қизларига буюрди: — Тўқсон уста дев олиб келинглар, қути ясад берсин, юзукни кутига солиб маҳкамлаб қўйин, — деди.

Унда қизлар бориб, тўқсон уста дев айтиб келди. Девларга тўқсоңта қути қилирди. Юзукни кутига солди. Тўқсоңта қутини ичкима-ички қилиб бир-бирига кийдирди, ўраб-чирмаб маҳкамлаб қўйди. Шунда Шозаргар бир тилсимот дуо ўқиб, бир сичқон бўлиб, тўқсон қутини тешиб, қулоги қамишдай бўлиб чиқди. Канизлар буни қўриб: «Бу сеҳгарми, жодугарми?» — деб ўргатага олиб қолди. Сичқон яна бир аганаб юзук бўлиб қолди. Уни Тиллақиз қўриб айтди: — Эй қизлар, девлардан айтиб келинглар. Қирқ газ қудук қилиб, юзукни қудукқа ташлаб, устидан қудукни яrim қилиб тош тўқтириб, устидан кўроғини эритиб ташланглар, ер остида бу юзук чириб, йўқ бўлиб кетсан!

Девлар қизнинг айтганидан ҳам зиёдароқ қилиб, маҳкамлаб, созлаб, қудуқнинг оғзини қўроғин билан маҳкам қилиб келди. Тиллақизга: — Маҳкам қилиб қўйиб келдик, — деди. Тиллақиз: — Яхши бўлипти, эйди қудуқнинг ичидаги чириб йўқолиб кетади, дуёда менинг буидай душманим қолмади, — деди.

Шунда юзук — Шоҳизаргарга тошларнинг остидан — қудуқдан чиқмоқ қийин бўлиб қолди...

Бир зўр айтиб Шозаргар йиглади,
Хожатини яратгандан тилади,

Тиши олмос бир қаламуш бўлади,
Кеча-кундуз тош кемириб ётади,
Неча муддат Заргар тошни кемириб,
Энди қўроғини келиб қолади.
Кўроғини экациин Заргар билади,
Бир тилсимот дуо ўқиб Шозаргар,
Боши олмос бир ўқилои бўлади,
Лойдайин чилиплаб ботиб боради.
Фалак титрар Шозаргар полинига
Кўзлар губор кўздан оққап ёшига,
Ўи саккиз кун тош кемириб Шозаргар,
Илони бўлиб чиқди чохнинг бошига.

Шунда Шозаргар ўи саккиз кеча-кундуз қаламуш бўлиб кемириб, аста-аста қудуқнинг ичидан қудуқнинг бошига чиқди. Қудуқнинг бошида илон бўлиб, бир тошиниг устида ўралиб ётди. Шунда одамларнинг қимордан гаплашиб кетаётганини эшилди: «Қиморни Тиллақиз чиқарган экан, Тиллақиз ҳар ким билан қимор ўйнаса Тиллақиз ютиб олар экан», — деди. Булардан Тиллақизнинг қиморбозлигини билиб олди. Шунда Шозаргар ўйлаб айтди: «Энди йўл устида илон бўлиб ётмайман. Одамлар кўрса, зааркунанда-зарар қилувчи ёмон нарса экан деб ўлдириб қўймасин. Тиллақиз қиморбоз экан, қиморнинг пайидан бўлайин», — деб тилсимот дуо ўқиб бир кал бўлди. Оғзидан танглайигача кал, ярим белидан бу ёгининг бари кал, ўзининг отини Яллокал қўйиб олди. Тарадди дунё қилиб, уч ошиқни танлаб олиб, Тиллақизга талаб қилиб, кўшкисининг олдидан сув оладиган, Тиллақизга кўрниадиган ерда қимор ўйнамоқчи бўлиб, ошиқни хуй уриб, ўз шаънига қиморбозман, деб бир сўз деб турибди:

Менинг ўзим худойимдан,
Кенг карамли подшойимдан,
Бир мулку давлатли қиласман.
Етмиш йил гўлоҳда ётдим,
Қиморбозга пир бўп ўтдим,
Тогни қўйса гардкам отдим,
Ким талаб қилганин ютдим.
Эрта билан ўрнимдан турсам,
Такияни баланд курсам,
Тиллақизни гардкам урсам,
Уч олчи дуқор тиларман.
Ўин қисса шоҳнинг қизи
Кийгани гулгун қирмизи,
Ақлинг олди жоду кўзи.

Ҳар кимсадан гап эшитиб,
Талаб қилган калнииг ўзи.

Ана шунда бир калнииг бундай сўзлаб-гапириниб ўтирганини Тиллақиз эшитиб: — Ҳа, ана у жонига теккан, ёнида беш-олти пули ётган, қиморни ўйнаб чангга ботган қандай қиморбоз экан. Уни буида олиб келинглар, мен бир кўраини, — деди. Қизлари айтди: — Эй бувиншум, у жуда ёмон кал экан. Сизнииг қимор ўйнаганингиз курсин, ундан ютиб оладиган пулнингизни билар берайик. Унинг билан қимор ўйнаманг, ёмон сассиқ кал экан, — деди. Унда Тиллақиз: — Сизлар қизиқ экансиз. Сизлардан пулни олиб, мен пулга муҳтояжманими. Қиморбозлиқ бир ёмон ишми, бу қиморбозлик-ку, — деди. — У ёмон кал бўлса, пастки кўшикдан жой солинглар. Пастки кўшикка бориб қимор ўйнайман, — деди. Қизлар ўриниларидан туриб, пастки кўшикдан жойини созлаб, кигизни паст-баланд ташлаб, устига пишиқ гиштдан такия ташлаб, кални сув олгич билан олиб борди. Баланд кўшикдан Тиллақиз шигилаб тушди. Иккови такияда ўтириб, бирбирига уч ошикни олчи қўйиб «Сен ол — сен ол!» — деб навбат бериб, ўтириб, савол-жавоб қилиб турибди. Калнииг сўзи:

Устингга кийганинг гулгин қирмизиј
Лақлимни олади жодугар кўзи,
Жасадингдан, Оқдевшоҳнинг бир қизи,
Кўлингни олгии, навбат сендан, гул юзли.

Тиллақизнииг жавоби:

Кокилларим эшилгандир тол-тол,
Ҳар толига берсанг, етмас дунё мол,
Магар душман келса, бўлади поймол,
Эркаксан-да, улугсан-да, Яллокал,
Аввал навбат сеникидир, қўлинг ол.

Калнииг сўзи:

Аввал оллоҳ, дуюм бўлса Наби ёр,
Бизни ҳайдаб келди ҳақ-парвардигор,
Қаддингдан айланай, гул юзли дилбар,
Энди навбат бердим, сен ҳам қўлинг ол!

Тиллақизнииг жавоби:

Сен эшиитги айтган сўзни,
Маҳтал қимма сарвииозни.

Гуноҳкор айлама бизни
Эркаксан-да, улугсан-да, Яллокал.
Аввал навбат сеникидир, қўлинг ол.

Бу сўзни айтиб шундай навбат беради.

Беҳад дунё ойим ўқиб туради,
Уч ошикни чикка териб олади.
Сенсан энди ошиқ, бужил,
Қилмагин кўиглимни хижил.
Гардкам, деди, уч ошикни тайлади,
Яллоники яксар, дуқор айлади.
Жафо тиги бул куни жондан ўтади,
Лайролиқ ханжари бағрии йиртади,
Бўлдими-бўладига ўқиб ётади,
Гардкам, дейди, яна Ялло отади.
Бу яксарнииг орти омон ўтади,
Тиллақизга энди навбат етади,
Бу ҳам топгапини ўқиб ётади,
Гардкам, дейди, Тиллақиз ҳам тайлади,
Тилланики яксар ола айлади,
Бўлдими-бўладига ўқиб ётади,
Яна навбат Яллокалга етади,
Бу сўзларни Яллокали айтади:
— Ўқий бергни қатор-қатор порингни,
Ўқиб қўйгин пор устига зарингни,
Камсиз гардкам ураман-ку борингни,
Ташимайсан қўллайдиган пирингни.
Бул сўзни эшитиб, ул шоҳнинг қизи,
Ўқий берди қатор-қатор иорини,
Нор устига ўқий берди зарини,
Ўқиб қўйди бисотида борини,
Боз устига ўқиб қўйди қирқин канизларини.
Эшигандир тарафининг сўзиши,
Бадани қизиди шоҳнинг қизини,
Озодига ўқиб қўйди ўзини,
Қўймай ўқиб қўйди қирқин қизини.
Қўринг энди Яллокалии,
Уч ошикни қўлга олди.
— Ҳафа бўлмай ўйнаб-кулдим,
Озод-позодингман келдим,
Тогни қўйсанг, гардкам урдим,
Ютиб олар чоққа келдим.
Сен ҳам яллоли, мен ҳам яллоли,
Ерим яллоли, бор, гардкам.
Тарам тараалли бор гардкам.

Гардкам дейди, Яллокали тайлади,
Икки олчи, бири чикка айлади.
Шул замон Яллокал қўнглии хушлади,
Сочраб ўриидан тўриб Яллокал
Тиллақизининг билагидан ушлади:
— Бир бошига ўзинг бўлсанг, эй дилбар,
Икки бошини топиб бергии, гажакдор.

Тиллақизининг сўзи:

Ҳаққа етгай оху зорим,
Сабил бўлиб кирдикорим,
Кетди менинг помус, орим,
Бир бошига ўзим бўлсанам,
Икки бошга икки порим,
Кўна қолгин энди, жоним.

Яллокал сўзи:

Излаб келса Шоҳизаргар,
Яллокал бўлар гуноҳкор,
Бир бошига ўзинг бўлсанг,
Икки бошим топиб бергии?

Тиллақизининг жавоби:

Мендай ойим ҳозиргисин кўрар-да,
Заргар келса, бир йўриги бўлар-да.
Хафа бўлмай доим ўйнаб-кулдирди,
Хол бўлсени, деб оқ юзини тилдирди,
Миннатдор бўб Яллокалини кулдирди,
Яллокал дер, ўз элида тўради.
Шоҳнинг қизи кўп миннатдор бўлади,
Инжилиб, Яллокал базур кўнади.
Асал-болча билди лабининг учини,
Бонига йигидирмай катта-кичини,
Уч ошиқ ҳукмиман ютиб Заргарбек,
Оқ юзидан олди олти муччини,
Энди тилаб турар, бойқуш, пициини...
Кўрсатади Тиллақизга кучини...

Ана энди шунда Шоҳзаргар илоилиқдан бир тилсимот дуо ўқиб, бир кал суратида бўлиб, отини Яллокал қўйиб, қиморбоз бўлиб, Тиллақиз билан қимор ўйнаб, ҳарна борини, қатор-қатор норини, нор устида зарини, манглайнадаги борини, ўзини бирга ютиб олиб, қолганини Тиллақизга сўйлади. Унда Тиллақиз: — Мен сизнинг кучингизни синамоқчи бўлган эдим, бўлмаса аввалдан таниган эдим. Худонинг тақдири

га тан бердим,— деб шул оқшоми билан сўзлашиб, ўйнашиб, кулишиб, сўрашиб, бошдан ўтганиларни гаплашибгина ётди. Эрта-мэртан тонг отди, қирқин қизлар йигилиб етди.

Заргаршоҳнинг қўнглии хушлаб,
Бир-бирининг қўлии ушлаб,
Баланд қўшкисига бошлаб,
Яхши зарли либос ташлаб,
Қоч-қоч дейишиб, пўшт-пўштлаб,
Келаётириргалашиб,
Нозик беллар тенгсалишиб,
Бир-бирининг қўнглии хушлаб,
Нозик тилман сўзлар бошлаб,
Келаётирийимчалар
Ярашиққа енгни тишлаб.
Саф-саф турган санам қизлар,
Хизмат қилди сарвинозлар,
Тиллақизман сухбат қурган,
Интиқ бўлган Шоҳизаргар,
Таом буюрди гажакдор.
Хизмат қилар кўп канизлар.
Бир-бириман ўйнашади,
Гаплашади ширии сўзлар,
Бу дунёда кўргани йўқ
Шоҳизаргар муидай қизлар.
Бир-бирига қўлии ташлаб,
Заргарбекининг вақтии хушлаб,
Ясов бериб, ўйнаб-кулиб,
Жонон қизлар лабни тишлаб.
Кўп қизиқлар бўлди ўйин,
Обод қилиб манзил-жойин.
Томошани кўриб заргар:
«Худо тақдир қиласа бир кун,
Биз қиласиз бунинг тўйин».
Кўрганинг қўнгли ўсади,
Душмани бошини кесади.

Ана шунда Шозаргар Тиллақизни қимор ўйнаб ютиб олиб, Тиллақизни қойил қилиб, тақдирига тан бериб, иккovi бир-бири билан кайфу сафо қилиб ўтириб эди, шунда Шозаргар Тиллақизга қараб, ўтган ишларини, сиру ҳолини маълум қилиб, бир сўз деди:

Арзимни эшитгин, гул юзли дилбар,
Ишқингдан бош олиб бўлдим қаландар,
Эсимга тушгандир қадрдан беклар,

Кетсам деб хаёлим, кўнглим толпинар.
 Ўйласам, минмакка йўқдир бир тулпор,
 Едимдан кетмайди Аваз, Қаландар,
 Улардан айрилиб қолсам, эй дилбар,
 Менга бўлар бунда қабоҳат кунлар.
 Тапҳо қолсам, девлар кўпdir, зўрабор,
 Қувватим бўлмаса унга баробар,
 Минмакка остимда йўқдир бир тулпор,
 Сен менга маслаҳат бергин, эй дилбар,
 Эсимга тушганди қадрдан беклар,
 Жўнасам, деб менинг кўнглим талпинар.
 Остимда бўлмаса араби отим,
 Менда йўқдир кескир ханжар, пўлатим,
 Ҳурумнинг юртида шоҳлик-шавкатим,
 Ҳозир сенинг билан менинг сухбатим.
 Гам билан сарғайди гулдайин дийдор,
 Бир нечалар ўз ҳолидан бехабар.
 Миниб чиқмабман-ку юртимдан тулпор,
 Ишқингда бўлибман бенаво, қаландар.
 Малайик суратли, гулюзли дилбар,
 Хотирамдан кетмас бу соҳиб беклар.
 Бу сўзимга жавоб бергин гажакдор,
 Жўнасам, деб менинг кўнглим талпинар.
 Албатта тургандир Шоҳқаландар,
 Менга ҳамроҳ бўлган қадрдан беклар.
 Бу сўзларни айтар сенга Шозаргар,
 Сўзларимга жавоб бергин, гажакдор.

Бу сўзларни Шоҳзаргардан Тиллақиз эшишиб айтди:
 Эй Шозаргар, хафа бўлманг, сиз кетар бўлсангиз, бирга
 кетамиз. Менга сиздан бошқа ичкуярим йўқ. От-асбобдан
 хафа бўлманг, от-аижомдан топилар, деб Шозаргарга қараб
 бир сўз деди:

Дам шу дамдир, ўзга дамин дам деманг,
 Бон эсонда давлатингиз кам деманг;
 Хафа бўлмай, даврон суринг Шозаргар,
 От, ярог-асбобдан сира гам еманг.
 Майдон бўлса, бедов отлар чопилар,
 Кўн чопилса, хоса тулпор совилар,
 Ўйнаб-кулиб даврон суринг, Шозаргар,
 От, ярог-асбоблар биздан топилар.
 Остингга миндирай араби отни,
 Белингга бойлайин кескир пўлатин.
 Дуниманиларга қилар бўлеант газотин,

Шоду хуррам қилгин бу паризодин.
 Бир от учун гам емаклик уятдир,
 Насиб тортса, минарсан-да тулпорни.

Шунда Шозаргар айтди: — Эй пари, Тиллақиз, бизлар бир
 неча киши бўлиб келган эдик. Аваҳон, Шоқаландар Малика
 билан бир тулпорга миниб кетди. Мен буларнинг орқасидан
 бормасам бўлмайди. Борайин десам отим, яроғим йўқ, — деди.

Тиллақиз: — Эй Шозаргар, сиз кетар бўлсангиз, мен ҳам
 кетаман, сиздан айрилмайман. От учун, яроқ-асбоб, пўлат-
 ханжар учун хафа бўлманг, ҳар нима десангиз, Тиллақиз
 ёригиздан топилади, — деди.

Тиллақизнинг ҳам Малика айёрнинг Қоратулпоридай бир
 Бўзтўлпори бор эди. Қоратулпор билан бирга турар эди. Тиллақиз хизматкорларига буюрди: — Менинг тулпоримни
 олиб келинглар, — деди. Тиллақизнинг Гулчорбог деган боги
 бор эди. Бўзтўлпор шунда турар эди. Хизматкорлари Гул-
 чорбоққа бориб, Бўзтўлпорга эгар, аижом солиб, олиб келди.
 Сермаса қирқ газ узун бўладиган кескир ханжарларни
 олиб келиб, Шозаргарга берди. Яхши, подшолик кийимлардан
 Шозаргарга ёптириди, ҳеч еридан камсиз қилди. Тиллақиз ҳам
 ўзининг керакли аижом-асблорини, яхши кийимларини
 кийиб чоқ бўлди.

Тиллақиз: — Энди кетар бўлдим. Отам, қаинча қовми-қа-
 риидошларим йўқ, бунда бўлгандা, улардан мен ҳам оқ фоти-
 ха олар эдим, — деди.

Шозаргар айтди: — Торкистоннинг ҳамма катта-кичикла-
 ри Малика билан Шоқаландар, Аваҳонни қувиб кетган эди.
 Мен Торкистон шаҳрининг одамларини кўзим билан жўнат-
 ганларнинг ҳоли нима бўлганини билмайман.

Тиллақиз айтди: — Ундан бўлса, ҳаммаси қочиб-қувиб,
 бир-бирининг орқасидан Қўкламтоққа боргайдир. Қўклам-
 тогдан ҳали ўтиб кета олган эмас, ҳали ҳеч қайсиси ҳеч срга
 боргани йўқ. Бизлар қичаб борсак, улардан дарак топамиз,
 бизлар ҳам етиб қолармиз. «Кетар кишига йўл яхши» деган
 экан, эй Шозаргар, энди жўнайик, — деб ясаниб-тараниб туриб
 эди. Шунда Тиллақизнинг кўп каниз-жўраларидан бирор Оқ-
 қиз, наясси йўқ, наҳд қиз, таинбал эмас соғ қиз, узун эмас,
 ўрта бўйли чоғ қиз, тишлари гуручдай оқ қиз, қошлиари
 қалам, ўзи яхши, барно санам, Тиллақиз ойим бувишининг
 кетарини билиб, юрак-бағри эзилиб, кўзидан ёши тизилиб,
 бурни оқиб, нима қиласини билмай; — Эй санам, Тиллақиз
 бувишим! Бизларни қандай қилиб ташлаб кетасиз. Бизлар-
 нинг сиз кетган сўнг кунимиз қандай кечади, — деб дод-фарёд
 қилиб йиглаб, Тиллақизга қараб, бир сўз деди:

Зарғарбек этагин ушлаб,
 Сен кетарсан қўнгил хушлаб,
 Қон йиглатиб бу манзилда
 Сен кетарсан бизни ташлаб.
 Айролиқ ўтига дөглаб,
 Биз қоламиз қоплар йиглаб,
 Боролмаймиз биз сўрглаб.
 Энди кетдинг, поми-нишон қолмади,
 Кетдинг буидан жоду кўзлар.
 Сени олиб Шоҳизаргар
 Юрган кунлар эсга тушса,
 Шу замон йиглар канизлар.
 Бир ёр деб этагин тутиб,
 Қолдик бизлар қонлар ютиб;
 Жигар-багрим кабоб этиб,
 Юрган кунлар эсга тушиб,
 Йиглашармиз биз дод этиб,
 Сенинг учун қоплар ютиб,
 Қайтиб яна изинг кўрсам,
 Юрар эдим тавоф этиб.
 Сенга ҳамроҳ бўлди Заргар,
 Кўзингга кўринмас қизлар,
 Кўнглиңг топган бу қаландар,
 Қон йиглаган бу канизлар.
 Оша юртга қилдинг сафар,
 Олиб кетар бу зўрабор.
 Ота-эна, денгу душлар,
 Ҳаммаси қолди бехабар,
 Кечачуандуз биз йиглармиз,
 Ҳар замон сенга иштизор.
 Сизни йўқлаб фарёд этиб,
 Кечачуандуз афғон этиб,
 Сен кетасан бу куни буидан,
 Ошицлик йўлини тутиб,
 Ёдимизга сизни олсак,
 Биз йиглармиз қон ютиб.
 Мени ўртаб сенинг дардинг,
 Кўзга дори пойи-гардинг,
 Ҳурум юртими ахтардинг,
 Заргаршоҳга ҳамроҳ бўлдинг.
 Кийганинг гулгун қирмизи,
 Юртимизда шоҳдинг қизи,
 Оқдевшоҳнинг сен ёлгизи,
 Сен кетган сўнг йиглаб қолар,
 Буида турган қирқин қизи.

Сен кетган сўнг тинмай фифон қиласиз,
 Ажал етса биз ҳам бир кун ўлармиз,
 Билдим сенинг кетишингни, бувишим,
 Тағина маҳшар куни сизни кўрармиз,
 Қонлар йиглаб бизлар мунда қолармиз.
 Қайтиб энди бизни ташлаб кетасиз,
 Заргар шоҳман сухбат қуриб ётармиз,
 Сиз бизларни тоза унугиб кетарсиз,
 Жаҳонни сайр этиб элга етарсиз.
 Кўзда ёшим мунчоқ-мунчоқ тизилди,
 Дијда гирён бўлиб бағрим эзилди,
 Кетарингни энди билдим, бувишим,
 Шунинг учун мепинг қўнглим бузилди.
 Сабил қилдинг Торкистондай юрtingни,
 Ташлаб кетдинг бундай мамлакатингни,
 Кўролмаймиз сендан паризотимни,
 Қонлар ютиб ёд қиласиз зурриётингни.
 Сўз айтиб йиглайди биздай муштипар,
 Тулпорнинг белига минди Шозаргар.
 Юлдузни кўзлайди араби оти,
 Белида ярқиллар кескир пўлати,
 Эсга тушар Заргарнинг мамлакати,
 Англишлайди Заргарнинг мингани оти.

Ана шуида Тиллақиз канизи Оққиздан бу сўзни эшишиб,
 тасалли берди. Тиллақизнинг канизлари олдида эди,
 отига минидирмоқчи бўлиб турган эдилар. Шозаргар
 Бўзтулпор отга қайқайиб куёв йигит бўлиб миниб:
 «Минса экан, кета қолсак экан, полвои Аваз билан Шо-
 қаландарга ета қолсак экан»,— деб Тиллақизни шошин-
 қириб турибди. Шунда Тиллақизнинг канизларига айтаттган
 сўзи:

Айрилиқ ўтига бағрини тузлар,
 Олдимиэда хизмат қилгани канизлар,
 Ёшларга тўлмасин у жоду кўзлар.
 Шоду хуррам бўлиб, ўйнаб кул энди,
 Хафа бўлмай сен дуода бўл энди.
 Мени кетди дебон кўнгил бўласан,
 Сизлар ҳам биромман ўйнаб-куласан.
 Кўнглим бўлманг, хизмат қилгани канизлар,
 Сизларга йўлиқса шундайин шунқор,
 Мендан зиёд бўлиб қоларсиз, канизлар,
 Шундай бўлди менга энди фармонлар,

Қолмас юрагимда черу армонлар,
 Сирли устун, мунда кўшк-айвонлар.
 Мунаққашли кўшк, айвон, хуш энди,
 Шунда турган манзилжойлар хуш энди.
 Оҳ урсам тўқармана кўздан ёшимни,
 Елбориб худога солдим ишимни,
 Ет элларга гариб қилдим бошимни,
 То кўргунча канизларим, хўш энди.
 Қулоқ солинг мендай ойим тилига,
 Мен минарман Бўзтулпориниг белига,
 Тақдирим тортибди Ҳурум элига,
 Дучор бўлдим Заргарбекиниг қўлига,
 Шоду ҳуррам ўеган эллар хўш энди,
 Канизларим, жоду кўзлар хўш энди.
 Аскартогининг бошин чалмасин туман,
 Ҳар кимса йиғлаб охират замон,
 Тенгу тушим қайтиб кўрмагим гумон,
 Менинг бундан олиб кетар Заргархон.
 Айролиқ ўтига бағримни даглаб,
 Заргарбек келганди менинг сўрголаб,
 Душманининг юрак-бағрини даглаб,
 Канизларим, бунда қолдингиз йиғлаб.
 Тенгу тушим, канизларим, хўш энди,
 Ўйнаб юрган жоду қўзим, хўш энди.
 Заргар билан бирга-бирга кетармиз,
 Отамнинг савашини қўриб ўтармиз,
 Агар қўзи тушса подшоҳ отамнинг,
 Қандай бўлса бир хўшлишиб кетармиз,
 Кўрган кўзлар, сарвинозлар, хўш энди,
 Санам юзли, жоду кўзлар, хўш энди,
 Хизмат қилган меҳрибонлар, хўш энди,
 Бафоли канизлар, қолинг, хўш энди.
 Ҳафа бўлиб иоди кўнглиниг бўлмагин,
 Мен кетгандан қонлар йиғлаб юрмагин,
 Яна, қандай бўлса, ёмон кўрманглар,
 Гарифликман иоди кўнглиниг бўлманглар.
 Тақдир тортса, Ҳурум элга борармиз,
 Ҳар замонда сизларни ёдга олармиз,
 Туз-насиба тортса қайтиб келармиз,
 Соғ-саломат келиб, сизни кўрармиз,
 Сизларни ҳам ёдга олиб юрармиз,
 Сизларнинг яхшиликларинг билармиз.
 Шоду ҳуррам канизларим, хўш энди,
 Ўйнаса тахту бахтим, хўш энди:
 Неча вақт бизларга хизмат қилгансиз,

Пайровлик қиб менинг ақлим олгансиз,
 Менинг билан бирга ўйнаб-кулгансиз,
 Даврон сурин, бирга-бирга юргансиз,
 Ўйнаб-ўсан қадроилар, хўш энди,
 Тенгу-тушим, ширин сўзим, хўш энди.
 Қайтайни, жўнатдинг мендай санамни,
 Кўролмадим оқ сут берган энамни,
 Сизлар айтинг мендан тегар саломни,
 Менинг учун кўриб келинг энамни,
 Обод қилинг менинг вайронхонами,
 Албатта сўранглар менинг энамни,
 Сўрангизлар Гулсанамдай энамни.
 Вошимиздан кетсин қайтули тумаи,
 Дуо қиласин оқ сут берган меҳрибон,
 Маҳтал бўлиб мунда турар Заргархон,
 Розилашиб келолмадим шул замон.
 Албатта сўранглар менинг энамни,
 Етқизинглар мендан айтган саломни.
 Мен кетган сўиг лодон кўнглиниг бўлмасин,
 Фарзандим, деб қонлар йиғлаб юрмасин,
 Бу сўзларни айтар мендай гажакдор,
 Саломни энамга еткар, канизлар,
 Дуода бўл қирқин қизлар, муштипар,
 Бу сўзларни айтар ҳур юзли дилбар.
 Менинг учун ул энамни сўранглар,
 Айтингизлар Тиллақизининг сўзини,
 Фарзандим, деб койитмасин ўзини,
 Үлмаса кўради мендай қизини.
 Кийганим ишқдан, олтиндан ёқа,
 Кўрган бўлар жамолимдан садага.
 Салом айтган меҳрибоним тогамга,
 Катта-кичик, улуғ шоҳу оғага.
 Мен минарман энди аста қушимга,
 Арзу ҳолим айтдим деңгу душимга.
 Менинг учун салом еткир қовму қариндошимга,
 Хўшилашгани улар йўқдир қошимда,

Шунда Шозаргар ёри Тиллақиз билан канизларининг
 сўзи узайиб, чўзилиб кетганини қўриб: — Гапни жуда узун
 қилиб, йилдан ҳам узоқ қилиб юбординглар. Менинг жўра-
 ларимнинг ҳоли қандай бўлди. Бўл-ҳа, бўл, кел-ҳа кел,—
 деб Тиллақизга қараб, аччиғи келгандай бўлиб, бир сўз деди:

Очилган жиггадай гул юзиниг сўлиб,
 Йиғланиб гапирма ҳижронга тўлиб.

Айтган сўзинг, эй гул юзли, бас бўлиб.
 Мен кетарман бу ерлардан мас бўлиб,
 Сендай ёрни бу ерлардан миндириб.
 Кўп гапирма сен зардамни қайнатиб,
 Кел мингашгин энди, гул юзли дилбар,
 Мен жўпарман бундан отим ўйнатиб.
 Даргазаб бўлди-ку ул Шозаргар.
 Тарзига қаради гулюзли дилбар,
 Хижил бўлди шунда турган канизлар.
 Тиллақизни ўртага олганди қизлар.

Апа шунда Шозаргарнинг хафа бўлиб сўзлаганини кўриб, тарзига Тиллақиз қараса, жуда хафа бўлиб туклари типпактик бўлиб, оғзи-кўзи бежо бўлиб, оғзи қибирлациб, бижирланиб бораётир. Буни Тиллақиз кўриб: — Хайр энди, омон бўлинглар, — деб отга мимоқчи бўлди. Шунда қирқин қизлар Бўзтулпор отнинг жиловини ушлади, бирори узангисидан ушлади. Бир хили Тиллақизни кўтариб минидирмоқчи бўлди. Бўзтулпор отга бундан илгари бирори мингашган эмас эди. Турмай жуда безор¹ бўлди. Упдай қилиб, бундай қилиб,² канизлар бир ёқдан, Шозаргар бир ёқдан отни маҳкам ушлаб, Тиллақизни отга минидирди. Шозаргарни хушвақт қилиб кўйдирди. Тиллақиз тулпорга мингашиб эди, тулпор от тишилраб турмай динггиллади. Тиллақиз ўзини отнинг устида тургиза олмай, сапчиб динггиллаганига ўрнидан тушиб қолгудай бўлиб, шошиб қолди. Эгарнинг қошини ушлаб олди... Канизлар йиглашаётир, от безор бўлаётир, заргарнинг кўнгли тинаётир, Тиллақиз ёрини синаётир. Шунда Заргаршоҳ: «Бу менинг янги олган ёрим бўлса, бу юрт, кўп узоқ ёмон юрт бўлса, девлар, парилар, катта душманлар кўп бўлса, мабодо бирори зўрлик қилиб орқамдан тортиб, бир силкиб олиб кўймасин», — деб Тиллақизнинг белидан маҳкам боғлаб олди. Оти терлаб турмаётир. Тулпор анггишлаб, жиловини кўйса учқур күшдай учмоқчи бўлиб турибди. Қоратулпор қандай кетса, шундай кета берди:

Минидиргандир паризодди,
 Жўнатди-ку бедов отди,
 Кўринг Заргар азаматди,
 Шундайни қилди гайратди,
 Бўзтулиорга қамчи чотди,
 Урган қамчи симдай ботди,

¹ Безовта

² Кўлёзмада — уйта-бўйта.

Тиллақизни олиб қайтди.
 Шундай бўлиб йўлга кирди.
 Қирқин қизлар қараб қолди,
 Кўзларидан гойиб бўлиб,
 Ҳақнииг яшипидал кетди.
 Сабил қилиб ўсган юртини,
 Жўнатгаиди паризотин,
 Дуо қилиб қирқин қизлар,
 Энди узди бу умидини.
 Шундай бўлиб бу канизлар,
 Манзилда қолди канизлар.
 Кўздан пана бўлди дилбар,
 Кўрингиз Заргар зўрабор,
 Паризодни олиб қайтди,
 Энди кўрининг шердай қайсар.
 Яшиндай бўб оқади тулпор,
 Кўлга текканди гажакдор,
 Эсига тушганди қаландар,
 Тошишам, деб қистаб кетди,
 Пари олган Шоҳизаргар.
 Ери билан мингашиб,
 Тулпор миниб йўлга тупиб,
 Кетмайни деб адашиб,
 Бораётир Тиллақиз билан.
 Гуркирайди шердай шопниб.
 Тулпор боради анггишлаб,
 Кўлтигидан буқлаб ташлаб,
 Тушиб қолмайни, деб ойим,
 Шозаргарни маҳкам ушлаб,
 Шозаргар Тиллақизни,
 Тушиб қолмасин деб турмушилаб.
 Тулпор боради ҳарсиллаб,
 Тўғи ерга дурсиллаб,
 Бўзтулиор от оғзини очиб,
 Тўзон бўлади қарсиллаб.
 Бораётир оғзин очиб,
 Парқинидан кўпик сочиб,
 Шозаргарни олиб қочиб,
 Паризоддиниг баҳрин очиб.
 Йўлда бир-бирига қарар,
 Бир-бирининг ҳолин сўрар,
 Ўйнаб-кулиб қўл узатиб.
 Бораётир Шоҳизаргар.
 Заргарбекининг кўнглини хушлаб,
 Урди қамчини кулочлаб,

Остидаги Бўзтулпори,
 Иргир яшин ташлаб.
 Қистайди тулпор отди,
 Заргар қилди гайратди,
 Миндирган паризодди,
 Шуйтиб заргар йўл тортди.
 Ўр келса ўмгаплатди,
 Қир келса қиппиллатди,
 Ариа келса иргитди,
 Шуйтиб заргар йўл тортди.
 Остидаги Бўзтулпор
 Йўлда бўйин узатди,
 Миндирган паризотди,
 Шуйтиб Заргар йўл тортди.
 Заргар қилди гайратди,
 Кўрингиз тулпор отди,
 Жилов бермай Бўзтулпор.
 Заргарни олиб кетди,
 Заргар шундай йўл тортди.
 Ҳар замон бурилиб қараб,
 Торкистондан узаб кетди.
 Ўйнап остида Бўзоти,
 Белда кескир пўлати,
 Тоша келар Заргарнинг гайрати,
 Маст бўлиб боради Заргар зўрабор,
 Остида ўйнайди араби тулпор,
 Кейнига мингашган шундай гажакдор,
 Ҳар замон эсига тушар қалаидар,
 Еруғ ердан ўтиб шунида бу Заргар,
 Қоронгилик срга етди муқаррар.
 Худо дейди, яратганга жилайди,
 Ҳожатини бир олладан тилайди,
 Қоронгилик срга кириб боради,
 Таваккалини бир худога қиласди.
 Паризод ҳар тарафга қаради,
 Қайси ерга борарини билмади,
 Худо, деб боради эди бу Заргар.
 Ҳақнинг яшинидай бўб оқади тулпор.
 Қарамайди номдор баланд-пастига,
 Олмос ярашгандир мардининг дастига,
 Яшиндай оқиб борар Бўзтулпор,
 Бориб қолди аждарҳонинг устига.
 Аждарҳони шундай кўриб қолади,
 Аждарҳони кўриб кўнглини бўлади.
 Бу ётган-ку беҳад аждаҳор,

Ул ўтганда ҳамроҳ эди қалаидар,
 Эди қандай иложини қиласман.
 Эди қандай бўлар, деди бу шунқор.
 Унга шундай сўз айтади гажакдор:
 — Отниг тизгинини тортмаиг муқаррар,
 Буни дамга ололмайди аждаҳор,
 Омон-асон ўтиб кетар бу тулпор.
 Бу тулпор ҳам у тулпорман баробар,
 Юғанини кўйиб ташлаиг жиловдор.
 Яшиндай бўй оқар шунида Бўзтулпор.
 Етолмайди дамга тортеа аждаҳор.
 Бўзтулпор жонини сотди,
 Заргар қилар гайратди,
 Тикланиб ўрга етди.
 Кечами билмайди кундуз,
 Йўл тортади гаргарман ойимқиз.
 Шундай чопиб, яшиндай бўб оқади,
 Бўзтулпор жонини қийнаб қочади.
 Заргар билан Тиллақиз нари
 Бирор-бировига қараб боқади.
 Кетиб боради, «чув-ҳа», дейишиб,
 Тулпор чонганига ақли шошиб,
 Заргарбек сўрайди сўйган ёридан.
 Таги ҳам кетмайиқ йўлдан адашиб.
 Заргарбекка Тиллақиз ойим сўйлайди:
 «Бу йўл, бир йўл, бошқа йўл йўқ», — деди
 Тулпор боради йўл бошлаб,
 Чонгандай аждахордай вишиллаб,
 Қистаб борар Бўзтулпори,
 Ерини босганди ворсиллаб.
 Тулпор боради арқираб,
 Отган ўқдайни зирқираб.
 Яшин ташлаб иргигаиди,
 Тоғнинг тошлари тирқираб.
 Бораётир ўйдии бошлаб,
 Заргарбекнинг кўнглини хушлаб,
 Тиллақизни маҳкам ушлаб,
 Боради тулпор кини-кишлаб,
 Бу бекларининг кўнглини хушлаб.
 Отган ўқдайни зарплаб,
 Бораётир Тиллақизи,
 Ваданлари зириллаб.
 Үзини босиб тўхтатолмай,
 Юраклари зириллаб.
 Кўклам тоги девга тўлиб,

Бедовининг аргигацига
 Ҳар дараси ларzon уриб,
 Гурсиллаб боради Бўзтулпор.
 Қоронгиликнинг оғзида,
 Қўринди ёруғ дунё юзи.
 Ҳуррам бўлди шоҳнинг қизи.
 Оқдев шоҳнинг бу ёлгизи,
 Заргарбекнинг жоду кўзи,
 Балки оғзидағи сўзи,
 Жуда яхши, нозик ўзи,
 Қўйдирғандир Заргарбекни
 Қилиғиман апинг нози.
 Юрса беллари буралиб.
 Заргарбекнинг ақалин олиб,
 Шундай санам бир қаради,
 Қоронги дунё ёруғ бўлиб.
 Ёруғ дунёни кўради,
 Заргарбекдан бул сўради:
 — Ёруғ дунёга чиқдинг,— деди,
 Хафа бўлмай, ўйнаб-кулиб.
 Ёруғ дунёни кўрайик.
 Хафа бўлмані, Заргарбек,
 Қаландарман Авазхонга етишдик,
 Омон бўлсак буларман эпди тошшидик,
 Малика билан кўришдик,
 Эсон-омон бўлсак бизлар шунда,
 Ота-онамиз билан топишдик,—

деб қоронги ердан чиқиб, шуидай ёруғ дунёга Шозаргар қаради. Қараса, Шоқаландар Малика билан бояги ўзининг тилаб олган чашмасининг олдида турибди. Буни кўриб димоги чор бўлди. Лекин Авазхонни кўрмади. Қоратулиор ҳам шу ерда — чашманинг лабида бойлогли турибди. Буни узоқдан кўриб, худога шукур қилди. Авазхоннинг йўқлигига бир мунча хафа бўлиб келаётир. Лекин Авазхоннинг қўйиб кетган икки жўрасидан ҳам хабар йўқ, отлари ҳам йўқ. Заргарбек ҳайрон қолиб келаётib эди, бир вақти Бўзтулпорнинг қўзи Қоратулиорга тушиб, гулдираб кишиаб юборди. Худди ер қимирлаб, осмон ёрилгандай бўлиб кетди. Бунинг товушини Қоратулиор эшишиб, бир кишинади. Нимкала тўп хотинлар бўғоз бўлган бўлса, боласини ташлаб қўядигандай, Кўкламтоги ларzon уриб кетди. Икки тулпор бир-бири билан кишиаша берди.

Шунда Тиллақизининг келаётганини Малика пари кўриб, Тиллақизга қараб, мийигидан кулиб, табассум қилиб: «Эй

шўрли дўстим, шумсишибгица юриб эдинг, бу кунда сен шўрли мендан ҳам ўҳшалиб, созланиб келаётгана ўҳшайсан», — деб узоқдан кўргандан бу Тиллақизининг ахволини Малика пари билиб, ўзига тўнига-тўғри айта олмай, ичидан билиб келсин, деб йўлига қараб турди.

Ана шунда куйиб-пишиб, пишиаб, чарчаб-ҳориб Шозаргар билан Тиллақиз ойим Шоқаландар билан Малика айёр нарининг олдига етиб келди. Буларнинг келаётганини Шоқаландар кўриб: «Менинг чўлдаги гариб йўлдошим келаётир», — деб ўрнидан туриб, шу замонда Заргарбек отдан тушиб, Қаландарбек билан кўришиди. Малика ҳам ўрнидан туриб, Тиллақиз олдига келиб, тулпор отдан тушириб олди:

Жуда сиз ҳам шунгит бўлиб,
 Бўзтулпорни мингашиб,
 Бўладиган ишни билиб,
 Қани энди билганингиз,
 Заргардан қутулганингиз,
 Қани бизни мазах қилиб,
 Қанизакка кулганингиз,
 Қани сизнинг шунгит бўлиб,
 Эл ичидা қолганингиз,
 Заргарбек чангига тушиб,
 Биздан ёмои бўлганингиз.
 Кулишиб, ўйнашиб, кўришиб, сўрашиб қолди.
 Бизлар бунда омон келган,
 Сизга ташҳо қолган сұлтон,
 Мен шундайин гумон қилдим,
 Бирор кеча ўйнаб-кулган,
 Сизни билганидай қиласан,
 Олиб келган Заргар сұлтон.

Бу гапнинг устига Авазжон етиб келди. Ана шуида Авазжон Заргарни кўриб, кўнгли тўлиб, вақти зиёда хуш бўлиб, отдан тушиб, икки подшо билан кўришиб-сўрашиб, тошиниб, бир-бирини «ҳорманг-бор бўлинг» дейишганда, Шоқаландар Авазхондан: — Бирга келган мерған жўраларинингиздан хабар борми? — деб мерғанларни сўраб айтган сўзи:

Жаҳонни сайр этиб ўйнаб-кулдингми,
 Норкесар олмосни белга чалдингми,
 Сўзимни эшиггин, Авазжон,
 Бирга келган мерғанларни билдингми?
 Фиротингга ачиқ қамчи чалдингми,
 Ҳар тарафни сўраб, назар қилдингми,
 Девларнинг ҳам манзилини кўрдингми,

Мерганиларнииг хабарини билдингми?
 Хеч кимсадан сўрамайин юрдингми,
 Мерган деб юрдингми тингсалиб қараб,
 Хеч кимдан сўрамай, бекор юрдингми,
 Мехнат тортиб бирга келган, Авазжон,
 Мерганиларнииг хабарини билдингми,
 Ё бўлмаса, бекорига юрдингми?

Авазжон Шоқаландардан бу сўзни эшишиб, Қаландарга
 қараб бир сўз деди:

Мен тоғмадим мерганиларнииг тўрасин,
 Кўп ахтардим Кўкламтогнииг дарасин,
 Энди тоғмай кела бердим дарани,
 Ахтариб, кўрмадим мерганиларнииг қорасин.
 Ўлмасак бир куни Чамбил борамиз,
 Ўғил-қизи йиглаб чиқса олдимга,
 Билмай қолдим, қандай жавоб берармиз.
 Ёқамни чок этиб, йигларман фарёд.
 Ниқилени, бузилени ул чархи пошод,
 Ҳайф, навижувонлар — қомати шамшод,
 Бўлган ўхшар мерганиларга қиёмат,
 Бўлганга ўхшайди турли аломат,
 Кўп қарадим, Кўкламтогнииг дарасин,
 Қолган йўқдир бу девлардан саломат.
 Ҳазон бўлиб бoggда гуллар сўлгандир,
 Ажал этиб поймонаси тўлгандир,
 Ёғафлатда девга дучор бўлгандир,
 Девларнииг чангиди улар ўлгандир.
 Ҳарчандки изладим тоғнинг дарасин,
 Билолмадим Асад, Шодмон тўрасин,
 Кўп ерларни мен ахтардим от қувиб,
 Хеч кўрмадим Асад, Шодмон қорасин.
 Бобо, эшиш, Авазхоннииг сўзини,
 Ҳар тарафга термулиб шуидай қарадим,
 Тополмадим мерганиларнииг изини,
 Дев егандир мерганиларнииг ўзини,
 Етим-есир қилган ўтли-қизини
 Қўзидан тўйкандир селоб ёшини.
 Дев егандир мерганиларнииг гўшини,
 Ўляка қин олгандир асин қушини.

Шунда Авазхон:— Эй Шоқаландар, мен туновги кундан
 бери Фиркўк отими миниб, Кўкламтогнииг уч юз олтмиш
 дарасинииг ҳамма ерини қарадим. Лекин заҳар қотган

сувларнииг тарафига девлардан қўрқиб бора олмадим. Девлар
 жуда кўп экан. Кўкламтогнииг у ёғидан бу ёги етмиш
 йиллик йўл бўлса, буни қандай қилиб қараб бас келиб
 бўлади. Мен шу вақтгача юз олтмиш дарани қараб ахтардим.
 Хеч бир ному нишон топа олмадим. Ўзим кўп чарчадим,
 ҳам Маликани кўзим қиймай, мерганилар ўлса ўлар, қолса
 қолар, ҳар нима тақдирдаги бўлар, деб қайтиб келдим, ҳеч
 бир дараги йўқ,— деди.

Шоқаландар:— Ундаи бўлса, бу ёмон бўлибди, ўлигини
 ётиригни билмогимиз лозим эди,— деди. Ана шундай
 қилиб Шоқаландар, Авазхон, Шозаргар, Малика айёр пари-
 зод, Тиллақиз паризод, Фиркўк — булар тўп бўлиб шу чаш-
 манииг олдида турди. Бекларнииг мерганилар учун жуда
 хаёллари қочгаи эди. Буларни шу ерда шундай ўтқизиб
 турайик. Эндиғи ганини бу ёқдаги шоҳнииг элчиларидан
 эшитиниг.

Оқдев шоҳнииг учуб юрадиган элчилари осмонда учив
 юриб, ердаги одамзодини кўриб, Малика нари билан Тил-
 лақизни бу уч ўғлон билан ҳамроҳ кўриб, қайтиб бориб
 кўрган ишларини Оқдевшоҳга билдириб, элчи девлар бир сўз
 деб турибди:

Аё, шоҳим, сизга дейман сўзимни,
 Малика билан кўрдим қизингни.
 Маликаман ҳамроҳ икки қаландар,
 Тиллақизман бешов бўлган муқаррар,
 Билмам қайдан келди ундаи зўрабор,
 Бу ишлардан сендай шоҳим бехабар.
 Ҳазил билма, шоҳим, айтган сўзимди,
 Олиб келибди сенинг Тиллақизингди,
 Гайрат билан қон тўкишмоқ лозимди(р),
 Англаб билгии менинг айтган сўзимди.
 Одамзод қадами бунда етарми,
 Уч одамзод иш кўрсатиб кетарми,
 Ҳар қайсимиз гуруллашган айдаҳор,
 Одамзодман қон тўкишмоқ даркор,
 Ул чангтадан озод бўлсин нарилар.
 От ўйнатиб, лашкар тортиб борайик,
 Кўрмаган қуиларни анга солайик,
 Тўтидай бўб қафаедаги қизингни,
 Юринг шоҳим ажиратиб келайик.
 Сабил бўлибди ўсган жойи-кирдикор,
 Балки чўл бўб қобди Торкистон шаҳар,
 Торкистоннииг ободи Тиллақиз, Малика айёр,
 Қаландар чангалига бўлибди дучор,

Борцуб энди қон тўкишмогимиз даркор,
 Ул қафасдан озод бўлсени парилар.
 Дод айласа эшитмагин сўзини,
 Телмуртирас паризодлар кўзини,
 Чашманинг олдида ўлтирур улар
 Кўриб келдим сендей шоҳининг қўзини,
 Тиллақизнинг ойдай ёргу юзини.
 — Ундай бўлса отлана бер, лашкарлар,
 Ҳайда лашкарингни, байроқ-туғдорлар,
 Энди майдон бўлсин, қонлар тўкишиниг,
 Ев-ярогинг кийиб олгин, сардорлар!
 Қорни очин хўрак бериб тўқлади,
 Етган лашкар милтиқларин ўқлади,
 Энди қўриинг, Оқдевшоҳининг лашкари,
 Урушга барини чоппа-чоқлади.
 От чопилар баланд тоғнинг пастига,
 Девлар тушган уч одамнинг қасдиға,
 Жур-ҳа, жур,— деб борди кўп девлар,
 Саф-саф бўлди Кўкламтогнинг устига.
 Девларнинг губори олами тутди,
 Кўкламтог устида девлар саф тортди,
 Пар-парлатиб қарнай тортиб кўп девлар,
 Одамзод устига урушга етди.
 Шоқаландар энди қилди гайратни,
 Туриб минди асл тулиор Гиротни,
 Тоғ устида саф-саф турган девларга
 Шоқаландар ҳайбатини кўрсатди.
 Шозаргар ҳам энди белин бойлади,
 Бу ҳам туриб Бўзтулпорни шайлади,
 Гайрат билан миниб отнинг белига,
 Шозаргар девларга талаб айлади.
 Девлар келгани неча тоғлардан оша,
 Оқдев кетгани ёнар ўтга туташа,
 Шоқаландар, Заргар кирсиин саваша,
 Авазжон, ўтириб қилгин томоша.
 Икки полвон шу майдонга киради,
 Аждаҳордай иккови ишқиради,
 Талаб қилиб адади йўқ девларга,
 Боз Аваздан оқ фотиха сўради.
 Ҷуо олиб Авазхондай ўғлондан,
 Худо деб иккови жангга киради.
 Дуо қилди Аваз полвон аждаҳор:
 — Мададкоринг бўлсин гойиб эронлар,
 Бор энди топширдим яратган ҳаққа,
 Худо ёрининг бўлсин, оллоҳу акбар!

Олами кишт ўзган етти қаландар,
 Үн икки имом, чилтан бўлсин жиловдор,
 Бу девлардан асло қўрқманг, ёронлар,
 Жавоб бердим от қўйинг, Шоқаландар,
 Девларни аяманг, ўлдириинг, Заргар,
 Боринг энди уруш бўлди, туриш йўқ,
 От қўйинглар, энди жавоб, оллоҳу акбар!
 Тил билмасга жазо, деди,
 Кел нияти газо, деди,
 Наъра тортиб Шоқаландар,
 Алию Муртозо, деди.
 Сизлар девнинг эли, деди,
 Ўнгги билан сўли, деди.
 Шозаргарман Шоқаландар,
 Е, Муртозо, Али, деди.
 Ҳақни ёд этибди дам-бадам,
 Ўзинг қил деб лутфи карам.
 Шозаргарман Шоқаландар
 Сермайди мисли Рустам.
 Кўп девлар саф тутиб келиб ётири,
 Талабгор деб қичқиради бул ботир,
 Бул иккови талабгор деб қичқириб,
 Терак япрогидай титрайди кофир.
 Томоша қил Шоқаландар ишини,
 Кўзга илмай тогни босган кишини,
 Томоша қинг Заргар билан Қаландар,
 Баб-баробар кўйди отнинг бошини.
 Буни кўрган тогнинг ақли шошади,
 Икки полвон бирдай бўб савашади,
 Қириб девни икки бирдай аждаҳор,
 Аралашиб дарёдай бўб тошади.
 Қочмоққа қўймайди икки аждаҳор,
 Анов қочди, олдини ол, дейшади.
 Энди қўриинг Шоқаландар қаллобди.
 Миниб олди назаркарда Гиротди.
 Нечовни ушлади, осмонга отди.
 Зўр девларни томошага қаратди,
 Кел-ҳа, кел, деб Гиркук отни ўйнатди,
 Не девларнинг зардасини қайнатди,
 Бир оралаб ўтиб кетса Гиркук от
 Нечовининг калласини об кетди.
 Бир ёқдан Шозаргар жонин сотади,
 Қўлига илинса силтаб отади,
 Қандай девни келиб урса Шозаргар,
 Қимирламай урган ерда ётади.

Ким кўндаланг бўлса икки аждарга,
 Ҳаяллатмай ерман яксон этади.
 Ҳар сифатли бўлиб олса икки аждар,
 Уйорсимон қириб-жўйиб ўтади.
 Йочганлари кутулмайди девларнинг
 Гиркўк тулпор қадалганга этади,
 Йиличин ўйнатиб икки аждаҳор,
 Ким ёндашса, икки бўлиб ўтади,
 Икки ботир тушиб опти ўртага,
 Лямай девларни хўп майдада этади.
 Савдо солди Оқдевшиоҳнинг бошига,
 Ҳеч дев келолмайди булар қошига,
 Ҳамма қойил бўлар қилган ишига.
 Шунча дев столмай икки кишига.
 Етиб солиб ҳар девнинг бошига,
 Бошларипи тушириб ёнбошига.
 Икки ботир от қўйди,
 Қассоб бўб девни сўйди,
 Гаров қилиб иккови,
 Санамоқ бўб калла қўйди.
 Иккови ҳам ёш ботир,
 Шунча девга ажал бўп,
 Шунча девга кеп етди.
 Вой-войлади қўрқоқлари,
 Бари деви йигиб девни,
 Йоч-қоч дейиб бақиради.
 Мана ёқдан келиб қўйди,
 Бола экан иккови,
 Баб-баробар бўлиб қўйди.
 Ана ёққа қаранглар.
 Катта сафни олиб қўйди.
 Зўрининг бўлса ана у,
 Қарагин, ағнаб қўйди.
 Туг ушлаган зўр бўлса,
 Унинг жойин олиб қўйди.
 Дев булардан қолмайди,
 Боймоқ деви ҳам жолмайди,
 Дим чарчамас баччагар,
 Сира булар толмайди,
 Оқдевшиоҳнинг лашкари,
 У ҳам баробар бўлмайди.
 Ана унисига қарагин,
 Девни писанд қилмайди,
 Мана буниси ҳам бало-ку,
 Девни қўзига илмайди,

Селдай бўлиб келади,
 Паст-баландни билмайди.
 Энди қўринг Оқдевни
 Зор йиглайди, кулмайди.
 Тиллақизинг кетган-ку,
 Энди қайтиб келмайди.
 Бунда барин қирилдинг,
 Ҳеч ким омон қолмайди,
 Сенми девнинг ботири,
 Олдин дессанг бўлмайди.
 Шоқаландар уриди,
 Томошани қўр энди,
 Бир худога сингниб,
 Ўзинг обрўй бер энди,
 Нодон девнинг қўзига
 Биттаси минг қўриди.
 Заргар қилди хурушди,
 Энди қўринг урушди,
 Шунча девга иккови,
 Ур-ҳа, ур, деб суришди.
 Ялангочлаб олибди,
 Иккови ҳам қиличди,
 Бир силтаса кесади,
 Адади йўқ кўп бошди.
 Қўрқиб қолибди қўп девлар,
 Бари эндичувлашди.
 Шоқаландар ишқириб,
 Аждар бўлиб аралашди,
 Шозаргар ҳам шердай бўб,
 Бир ёқдан ҳамдамлашди,
 Бундай зўрни қўрмаган
 Девларнинг ақли шошли.
 Золим девнинг ўлиги
 Тогда қанордай шишиди,
 Аҳмоқ девлар калласи.
 Баланддан юмалашди.
 Ана ўлим келди, деб
 Қўрқоги тура қочди.
 Икки ботир девларнинг
 Энди уйқусин очди.
 Икки тулпор шу тогда
 Чачасидан қон кечди.
 Шоқаландар, Шозаргар
 Қилди тантси саващди.
 Қиргинидан буларнинг

Караган кўз қамашди,
 Девлар келар қамалаб,
 Урамиз деб чамалаб,
 Йқинлашса буларга,
 Қолаётир думалаб.
 Писиб юрар нечовлар,
 Кўрмасин, деб панараб,
 Нечовлари вой-войлаб,
 Итдай бўлиб айқайлаб,
 Бораётир иккови,
 Жундай қилиб савалаб,
 Девлар қаргаб йиглайди,
 Қора-ерни тўбалаб¹.
 Шоқаландар оралаб,
 Емонрогин яралаб,
 Бошин узуб боради
 Полвонини саралаб,
 Зўр, ман-ман не девлар
 Қочиб юрар мўралаб,
 Неча девлар ўлдик деб,
 Тогнинг тошин панараб,
 Қириб кетиб боради,
 Жанақ² ерман панараб.
 Заргар маст бўб боради,
 Ким йўлиқса қиради.
 Иккови ҳам чин ботир,
 Бир-биридан саради.
 Аямаси девларни,
 Хўп майда қип қиради,
 Ҳеч ким бўлмас баробар,
 Шердай бўлиб боради.
 Ким йўлиқса қўлига,
 Ерга тоблаб уради.
 Қайси девни ушласа,
 Ўлдим деб қичқиради.
 Нечовлари эмаклаб,
 Соғга қочиб боради.
 Қочмаса ҳам қўймайди,
 Бу ҳам етиб уради.
 Қўлида бор қиличи,
 Қайтиб³ қочмай туради.
 Таёқ-маёқ бўлмаса,

Қилич билан уради,
 Каллаенини юлиб об,
 Чопиб кетиб боради.
 Бул Аваздай баҳодир,
 Кўп қизиқни кўради.
 «Кўрдингми?» — деб Авазга
 Булар шовқин беради.

Ана шунда Аважон, Малика айёр, Тиллақиз — учви чашманинг лабида ўтираН эди, олдида Қоратулпор бойлоглик эди, устига Шозаргар билан Шоқаландар чиқиб келди. Чашмадан сувлаб, чечиниб, шамоллаб ўтириди.

Шоқаландар Заргарга қараб айтди: — Сен билан менинг икковимизга яна тагин бир хизмат бор, уни сен билмайсан, мен сенга билдирайин. Асад, Шодмоқ ва сизларни шу чашманинг лабида қўйиб, Боймоқ девнинг манзилига бориб эдим. Шунда Боймоқ девнинг қўлида шахри Зебит элининг подшобаччасини қўриб эдим. Унинг билан сўрашиб, танишиб, шуни Боймоқ девга жонсиз¹ қилиб эдим.

«Шу шаҳарни олиб, Маликани қўлимизга олсан, шу девнинг қўлидан ажратиб оламан», — деб эдим. Шу Зебит шаҳрининг шаҳзодасини ажратиб олиб кетмогимиз даркор. Ўн саккиз минг лак лашкар билан келган экан. Ҳамма одамларини ўлдириб, ёлгиз шаҳзоданинг ўзи қолган экан. Бунда гарibu гўристон бўлиб кетмасин. У вақтда айтган эдим: «Девлардан сўраб, Маликага борадиган йўлни қўрсатдирсанг, сени ота-энангга омон-эсон олиб бориб қўяман», — деб ваъда қўлган эдим. Ваъдамиз ёлгон бўлмасин, энди бориб шуни ажратиб олиб келайик.

Бу қаландарлар бу маслаҳатда эди. Боймоқ девнинг манзилининг олдини кўп лашкарлар олган эди. Ўлгани ўлган, қолгани қолган эди. Боймоқ девнинг лашкарлари, Оқдевшоҳнинг лашкарлари, Қосимшоҳнинг лашкарлари — ҳаммасидан жам бўлиб шу ерда ётган эди. Лекин осмонда учиб юрадиган айёр, жодугар, сеҳргар, девлар буларнинг мажлисида йўқ. Улар ҳам «нимаган бўлар экан», деб узоқдан буларга қараб ўтириб эди. Бу девлар — ҳаммалари шу ажносда турди. Ана энди, қаландарлардан эшитинг. Қаландарлар шунда, уруш асбобларини, кескир хапижарларини олиб, Аважонга айтди: — Эй болам, бизлар яна бир ерга борамиз, шунда боргандা, уруш бўлиб қолса ҳам ажаб эмас. Сенинг бизлар билан ишинг бўлмасин. Сен энди Малика айёрга, Тиллақизга, Қоратулпорга эҳтиёт бўл. Бу девлар сенга бирор кулфат бермасин. Булар индамаган билан осмонда учиб юрадиган айёр, жодугарлардан эҳтиёт бўл! Тагин яна бу

¹ Тепкилаб.

² Ен ер, кия ер.

³ Қандай қилиб.

девларниң бирори сенга душманлик қилиб, қўлийгдан Маликани ё Тиллақизни, ё Қоратулпорни олиб қочиб кетмасин. Ухлаб ётиб қолма, уйқу яхши иш бўлмайди. Бу турган Малика, Қоратулпор сеники. Сен буларга эҳтиёт бўл! — деб уруш ярогини ғамлаб, кескир исфиҳонни қўлига олиб, белини маҳкам бойлаб, Шоқаландар Ғиркўк отни, Шозаргар Бўзтулпорни миниб, девларга қараб «кел-ҳа, кел» деб бора берди.

Шунда девлар Қаландар шоҳ, Шозаргарниң келаеттанини қўриб, уруш асбобини созлаб, саф-саф бўлиб, яқинлаб қараб тура берди. Шоқаландар: «Ғиркўк от урушга устади, бошиқа отлар қастади», — деб отлан'иб, яқинлаб бора берди. Буларни девлар қўриб, Оқдевшоҳ газоланиб қаландарларга гапиради:

Қаландарлар, кел-ҳа, деди,
Келиб уруш кўр-ҳа, деди,
Кел майдонга, жур-ҳа, деди,
Кел майдонга, қаландарлар,
Урушимни кўр-ҳа, деди,
Қазонг етса ўл-ҳа, деди,
Икки беклар, урушамиз,
Жовлик девлар кел-ҳа, деди,
Уруш қиласанг кел-ҳа, деди,
Ажал етса ўл-ҳа, деди,
Бизлар билан уруш бошлаб,
Кўрмаганин кўр-ҳа, деди.
Арқираган эрдай бўлиб,
Тогда ақирган шердай бўлиб,
Борди девларниң устига,
Иккови ҳам бирдай бўлиб,
Оғзидан қўниги оқиб.
Маст бўлган шердай бўлиб,
Девларга қараб боради,
Чанқаб ётган нордай бўлиб.
Оқдевшоҳ даргазаб бўлиб.
Шу замон тулипор миниб,
Чув, деб тулпорга қамчи уриб,
Қаландар қошига яқинлаб етди.

— Холинг билмай бу майдонга келибсан
Ночор кўп лашкарни побуд қилибсан!
Ажал ҳайдаб менга дучор бўлибсан!
Оқдевшоҳ ҳайбати олами тутди,
Зўр дев эди, ўтдай туташиб кетди,
Қаландарга бадбахт қўлини узатди
Қаландар узалиб болидан тутди

Бошдан айлантириб осмонга отди,
Ҳавода кўринмай ул дев кетди.
Қаландар зарбидан Ғиркўк букилди,
Дев келиб ҳаводан ерга йиқилди.
Дўстуман бўлиб йиқилди,
Жони оғзига тиқилди,
Ўлиб пора-пора бўлди,
Юраги садпора бўлди.
Оқдевшоҳниң ўлганин кўриб у лашкар,
Қаландардан жон қутилмас, ёронлар,
Бундай бало билмам қайдан келади,
Бунга дучор бўлган жонизод ўлади.
Остида ўйнатган араби тулпор,
Лак-лак душман бўлолмайди баробар,
Ҳеч ким билмас бу қаландар ишини.
Душман бўлса кесар анинг бошини.
Рустамдай бўб иш кўрсатиб кўради,
Ким рўпара бўлса, тайин ўлади,
Кимнинг ажали етса шунида боради,
Устимизга келган шундай қаландар,
Ул жўраси ҳам шунинг билаи баробар,
Хоҳи тургин, хоҳи қочгии, эй девлар.
Бошида бор экан жига давлати,
Урушили кун Рустамча бор гайрати.
Биз билмаймиз қай шаҳариниң бекзоди.
От ўйнатиб Кўклам тогда турибди.
Шу қаландар қасдимизга келибди.
Яқинлаб етишар турган қаландар,
Агар наъра тортса у зўрабор,
Юраги ёрилиб ўлар кўп девлар,
Лак-лак бўлса, бўлолмайди баробар,
Хар ким дучор бўлса муқаррар.
Буни айтиб ўнглади барча девлар,
Беэга қолди Торкистон шаҳар.
Қаландардан жон қутилмас, ёронлар,
Қараб турар нарироқда Шоқаландар.
Бу сўзларни девлар шундай айтади,
Бир нечаси орқасига қайтади.
Бу сўзни эшитиб шундай қаландар,
Халилуллоҳ, дейди, оллоҳу акбар.
Иккови от қўйди девга баробар,
Майдонда кимлар ўлади, ким қолар,
Бу сўзни айтар Шоқаландар.
Менга ҳамроҳ Шоҳизаргар.
Бу бекларниң зарбин қўриб,

Дуриллаб қояди девлар.
 Кўи девларниң ақлини олиб.
 Чопараста қилич солиб,
 Қаландарлар қиришга толиб,
 Мурда деган каш-каш бўлиб,
 Ўликка сойлари тўлиб.
 Урушмоққа беклар толиб.
 Кўзидан тўқади ёшли,
 Девлар билан кўп саваши,
 Чопараста кесиб бошди,
 Бир неча бир қўрқоқ девлар
 Панаалаб ҳар ёққа қочди.
 Ботирлари гуруллаши,
 Қўрқоқлари ақли шоши.
 Заргар билан Шоқаландар,
 Девлар билан кўп саваши.
 Пўлат билан қирди девни,
 Кескир ханжарини урди,
 Ялангочлаб қилич солди.
 Бедовларга қамчи чолиб,
 Кўп девларнинг ақлини олиб,
 Чопараста қилич солиб,
 Кўкламтогда ўлик деган,
 Жийилиб қолди бовдай¹ бўлиб.
 Зўр деган девлар йиқилиб қолди,
 Икки бути товдай бўлиб.
 От чопади алвои-алвои,
 Бандам десин қодир мавлон,
 Қиргин қилди қаландархон,
 Зарбин кўриб йиглашади.
 Бу девлардан келган душман
 Тоғ аскарин чалсин туман,
 Бу девларга бермай омон,
 Мисли қилди охир замон,
 Қаландарнинг гайратидан
 Ўлиб кетди қанча душман.
 Қаландар зарбини кўриб,
 Бекорига ўлди девлар,
 Қаландарман тараф бўлиб.
 Остида ўйнайди тулпор,
 Худо, деди Шохизаргар,
 Анга ҳамроҳ Шоқаландар,

Богдай.

Раббим, дейди, қилич сермар,
 Қилич сермаса, қаландар,
 Ҳар тарафда думалаб қолди,
 Саф-саф турган неча девлар.
 Ҳон қаландар саваш қилиб,
 Ҳар тарафга хабар қилиб,
 Ҳар шаҳардан лашкар келиб,
 Қирган билан озаймайди,
 Девларга келиб қўшилиб.
 Шундай қиргин бўлди қизик.
 Девларниң орқаси ёзиқ.
 Қаландарлар қиласи ишни,
 Девларга қилади босик.
 Шундай катта уруш бўлди,
 Майдонда яхши туриш бўлди,
 Девлар билан қаландарлар
 Ажаб қиргин суриш бўлди.
 Қаландарлар жондан кечиб,
 Нечасига кафсан бичиб,
 Бир нечаси йиглаб қочиб,
 Қаландарлар туриш қилди,
 Қиличидан қонни сочиб.
 Бу сўзни айтар қаландар:
 — Учираса ёрнинг марди,
 Кўзга дари пои гарди,
 Бизлар бир юртнинг жўмарди,
 Қирмаганлар номард бўлсин.
 Учираса ёри қобил,
 Ҳар маҳал ваъдадан топил,
 Майдонли кун пўлат довул
 Туймаганлар номард бўлсин.
 Йигит пири Ҳазрати Довуд.
 Оқ кировка, олтин совут
 Киймаганлар номард бўлсин.
 Бу девларнинг ўлигини
 Үймаганлар номард бўлсин.
 Олмосидан қирмиз қонни
 Қуймаганлар номард бўлсин.
 Бу сўзларни айтар ўғлон,
 Даста-даста бўлиб душман.
 От қўйиб душман устига
 Қарамай баланд-пастига,
 Қон тўкилиб шу замоида,
 Қўкламтогининг устига,

Келган девларнинг қасдига
 Қилич келиб алаб-ялаб,
 Истар кўнгил қилас талаб,
 Олтин коса, гулгун шароб,
 Ичилиб майдон устинда.
 Асби қуши не бедовлар
 Қутулди майдон ичиnda.
 Тор биқинли қазоқилар
 Тутилди майдон ичиnda.
 Қанча девлар ўлжака бўлиб,
 Хон Қаландар қиргии солиб,
 Бош кесар майдон ичиnda.
 Кўздан оқар кўзнинг ёши,
 Кесилар душманинг боши,
 Шулдир Қаландарнинг иши,
 Бош кесар майдон ичиnda.
 Ўнги-сўлни олиб туман,
 Кўп девларга охир замон.
 Кўп девларни тўплаб олди.
 Тўш-тўшидан қилич солди.
 Гайрат қиласди Қаландар.
 Қочма деди Шозаргар.
 Фиркўкотга қамчи чотиб,
 Қочганинг устига етиб,
 Бошин кесар ўмгаплатиб,
 Бедовлар мурдани босиб,
 Дев ўлиги этдай сасиб.
 Гапиромай қўрқоқ девлар,
 Пана ерда юрар писиб.
 Гап келмас девнинг тилига,
 Душман бўлган зўрининг қўлига,
 Етолмайди мазгилига.
 Иш кўрсатди Шоқаландар,
 Гарид ўлди неча девлар,
 Бўлолмади қаландарга баробар,
 Қаландарни кўрган вақтда,
 Чувлаб йиглаб қолган девлар.
 Қарамай баланд-настига,
 Шул сифатда қирғин қилиб,
 Борди Боймоқ дев устига.
 Боймоқ дев ҳам қаландарни кўргандир,
 Неча марта урушида бўлгандир.
 — Келган экан бунида қайсар қаландар
 Жон қутулмас, қоча бергии, шўр¹ девлар.

Илгари кўрганман бунинг ишини,
 Баланд ерда туриб кўрдим савашини,
 Шуида кеёди ўи лак девнинг бошини,
 Қилди шунда Алининг савашини,
 Шуида кўрдим қолдирлар ишини.
 Дучор бўлсанг, омон топмайсан, девлар,
 Ўз бошиниг кутқариб қоча бергии; укагар,
 Бу сўзларни айтib Боймоқ дев,
 Етмиш минг лашкари билан жўяди.
 Бизлар эдик Қосимшоҳга хизматкор,
 Гузар солиб бунда келибди қаландар,
 Бунда турсанг, тайин ўласац, девлар.
 Боймоқ дев кетди-ку бошини олиб,
 Етмиш минг девни ҳамроҳ қилиб,
 Кетди булар ўз бошини кутқариб,
 Қаландар шундайин гайратни қилиб,
 Қистаб, қимтиб Қосимшоҳга еткариб,
 Қосимшоҳ лашкари турар жам бўлиб.
 Тортинмай от кўйди шердайин қайсар,
 Иккови ҳам, кўринг, мисли аждахор,
 Зарбидан титрайди шунда бу девлар.
 Девларнинг ақли шошиб,
 Юрар йўлидан адамиб,
 Йигилди бирдай лоловлашиб,
 Девларнинг бошини кесиб,
 Борди-ку, устига босиб,
 Душманлар ўлиги сасиб.
 Заргарбек юриб савашди,
 Кўп девларнинг ақли шошиди.
 Каллалар капитардай учди
 Қўлга олганди қиличди,
 Чапараста кесиб бошди,
 Бир тарафдан Шоқаландар,
 Бир тарафдан Шоҳизаргар
 Девлар билан кўп савашди.
 Сулатди говдадан лоиди,
 Бу девларнинг ақли тоиди,
 Ўликка қўз қамашиди,
 Кам юраги алангашди,
 Девларга қилди савашди,
 Уйиб ташлади-ку лоиди,
 Бунида девлар кўп йиглашиб,
 Бир нечасин ақли шошиди,
 Бир нечасин писиб кочди.
 Беҳад девлар бунида ўлиб,

Қўкламтогда саваш бўлиб,
 Ҳар дара мурдага тўлиб,
 Қон оқар селдай бўлиб,
 Ҷевлар қочар жундай бўлиб.
 Берди девларнинг жазосин,
 Урушда тоимай азасин,
 Кўрди қаландар иззасин,
 Сайлаб санчади тозасин,
 Қочиб кетган Боймоқ девнииг
 Бузди қўргон аидазасин.
 Шоқаландар излаб қарап,
 Илгари қўрган шаҳзодасин.
 Ҷевлар бошин олсам, деди,
 Охирзамон қилсанам, деди,
 Бунида турган кўп девларнинг
 Мурдасини уйсам, деди.
 Олмосимдан қирмиз қошии
 Майдонли кун қўйсанам, деди.
 Дев қўлиндаги баччани
 Қўриб тошиб олсанам, деди.
 Манглайимга келган девни
 Қилич билан урсанам, деди,
 Жазосини берсанам, деди.
 Биронтасин омон кўймай,
 Қора кунни солсанам, деди.
 Ҷушман бўлган бу девларни
 Мурдасин хирмон қилсанам, деди.
 Бу сўзни айтиб, Шоқаландар,
 Қирғин қилиб Шоҳизаргар,
 Остида ўйнайди тулпор,
 Заргарбекнинг зарбин қўриб,
 Изиллаб йиглайди девлар.
 Чонааста кесиб бошди,
 Заргарбек қилди савашди,
 Уйиб ташлади-ку лошди,
 Бир неча дев таихо чиқиб,
 Заргарбекман бул савашди.
 Ажаллиси кўп ёнашди,
 Ажал ани ботир қилиб,
 Заргарбекка кўп ёнашди.
 Заргарбекдан зарба кўриб,
 Ажал шаробин ичди.
 Бўзтулпорга қамчи уриб,
 Кўп девларни тўплаб олиб,
 Ҳар тўпига қилич солиб,

Мурда дегап қийраб қолиб,
 У девларнинг ақлини олиб,
 Гайрат қилиб Шоҳизаргар,
 Бу девларга қирон солиб.
 Үлик-ўликкага айқашиб,
 У девларнинг ақли шошиб
 Қайсар Заргар қилич солса,
 Икъилар девлар шақирлашиб.
 Нега бунда келдик, дейишиб,
 Зўрга дучор бўлдик, дейишиб,
 Йиглаётир шўрли девлар,
 Гарип бўлиб ўлдик, дейишиб.
 Ҳеч ким келиб ҳолим сўрмай,
 Бундан қутилмаймиз ўлмай,
 Ажал хайдаб биз келибмиз,
 Бунинг билан баробар бўлмай,
 Девларни чивинча кўрмай,
 Бекор аҳмоқ бўлиб келдик,
 Биз ҳолимизни билмай.
 Ушбу кунда ўлар бўлдик,
 Улман¹ қизимизни кўрмай,
 Бу Заргарлар бало бўлди,
 Кетмайди бизга қирғин солмай.
 Бул кўймайди энди бизни,
 Битта-яримтани қўймай,
 Қутилмаймиз биз булардан,
 Буларнинг қўлида ўлмай.
 Девлар кўп хастадади (р),
 Шоқаландар қиласи гайратдӣ,
 Бу девларга қиёматди (р),
 Ўзи тулпор — хоназодди,
 Қаландар билан Фироти,
 Заргар билан тулпор оти,
 Бу тулпорлар жонни сотди,
 Кўп девлар ўлиб кетди.
 Қаландарлар кесиб бошди,
 Бир хил девлар кўп йиглашиди,
 Девларнинг ақли шошиди,
 Қаландарлар кўп савашди,
 Булар қирди сонсиз бошди.
 Девларга бермай омонни,
 Солгандир охир замонни,
 Ҷушманга қора тумани,

¹ Ўғил билан

Майдонли кун Шоқаландар
 Иргитди Ғиркүк отни,
 Чопади Заргар тулпор отни.
 Ахтарар шаҳзодани,
 Ўзи нозик, озодани,
 Бир навжувон бекзодани,
 Шоқаландар ахтаради,
 Тополмайин хонзодани.
 Юриб-елиб қира берди,
 Суриб-қириб кела берди,
 Қилич силтаб Шоқаландар,
 У девларга сола берди.
 Қириб-жўйиб кўп девларни
 Жаҳаннамга сола берди.
 Билганидай қила берди,
 Уст-устига қира берди,
 Қуни тўлган ўла берди.
 Катта-катта ёмон девни
 Қамсаб бошин ола берди.
 Гиротига қамчи чотди,
 Қамчи урганда девга етди,
 Малика деб жоний сотди,
 Кўп девларни Шоқаландар
 Қўйдай қилиб изиллатди.
 Қаландар қилди гайратди,
 Қўлга тушган катта девни
 Силтаб ҳавога отди.
 Бор умри урушда юрган,
 Урушнинг тилини билган,
 Дев ўлдирмак алифбесин
 Ҳазрати Хизир таълим берган,
 Малика деб излаб келиб,
 Бунда девга дучор бўлган.
 Маликани қўлга олган,
 Ёмон девлар ўлиб қолган.
 Қаландар ишини кўрган,
 Кўп девларнинг бошин олган,
 Девларга қиёмат қилган.
 Ҳамроҳ бўлганди Шозаргар,
 Уруш қилган Шоқаландар,
 Мингани оти жўмардларининг
 Бу дунёда тенгсиз тулиор.
 Буларининг зарбини кўриб,
 Тоқат қилолмайди девлар.
 Қўринг энди Шоқаландар,

Бўлмайди девлар баробар,
 Байдоқ-байдоқ қочар лашкар,
 Олдин олиб Шоҳизаргар,
 Бу ёдан қамаб қаландар,
 Ҳеч бир ерга қочолмайди,
 Саросима бўлди девлар,
 Ўртага олиб шердай қайсар,
 Саф-саф қилиб қириб ташлар,
 Шундай бўлиб ўлди девлар,
 Кўп девлар бўлди ярадор,
 Қаландарга бўлиб иочор.
 Тоғ аскариш чалиб туман,
 Ўртага олиб, бермай омон,
 Ботирлар одати ёмон,
 Қилиб қўйди охир замон.
 Шундай бўлди девлар аҳволи,
 Турай деса йўқдир ҳоли.
 Қўринг энди Ғиркүк отни,
 Парқинидан кўпик сочиб.
 Устидаги хон қаландар
 Уруш қилди жондан кечиб.
 Урушли девлар бораётир,
 Бир хили панадан қочиб.
 Қўринг энди қаландарни,
 Қиличидан қонни сочиб.
 Остидаги мингани оти
 Чачасидан қонни кечиб.
 Шундай беклар уруш қилди,
 Етганий найзаман санчиб.
 Қаландарлар қилди савашди,
 Беадад кесди-ку тоғда бошди,
 Уйиб ташлаганди мурда лошиди,
 Харба қилиб неча девлар стишди.
 Девларнинг бошига қора кун тушди.
 Қилич билан бу девларни уради,
 Ўлчагандай икки бўлак бўлади.
 Бу ишларни қилиб Шоҳиқаландар,
 Қиргин қилиб бирга бўлар Шозаргар.
 Иргитар майдонда аспи қушини,
 Душманларга кўрсатади ишини,
 Заргарбек кесганди девнинг бошини,
 Сулатиб ташлаган девлар лошини.
 Наъра тортиб от қўяди қаландар,
 Зарбидан титрашиб бу замон девлар,
 Илоҳим қурсин Қосимшоҳ қизи,

Бу балога келиб бўлдик-ку дучор.
 Ҳеч ким бўлмайди экан буига баробар,
 Қаландардан ўлиб кетди кўп девлар,
 Ҳолин билмай келиб бўлдик-ку дучор,
 Сен жонингдан умид узгин, эй девлар,
 Сира омон қўймас бизни қаландар,
 Шовқин қилиб йиглай берди кўп девлар.
 Бўлибди бу йил замон-а,
 Тоғлар кўринмас — туман-а,
 Ҳар даралар тўлиб қона,
 Қани кўрса, бу жанон-а.
 Бу сўзларни айтиб Шоқаландар,
 Изиллашиб йиглар девлар,
 Шердай бўлиб Шоҳизаргар.
 Ҳар замонда келмади, деб
 Аваз билан ул парилар —
 Йўлга қарап бек Авазхон.
 Заргарбекка қўнгил бергай,
 Ҳар замонда йўлга қарап.
 Тиллақиздайин зулфакдор.
 Маҳтал бўлган шунда у ҳам,
 Лақаби унинг Малика айёр.
 Қаландарлар бўлгай омон,
 Парилар қошида туриб,
 Ҳар замон йўлга қарап Авазхон.
 Тоғларнинг бошини чалгана туман,
 Девларга қилди Шоқаландар охир замон,
 Сира бермайди девларга омон...
 Қочиб улар қайдা борар,
 Қутила олмай бари ўлар,
 Заргар туриб олдин олар,
 Қочгани эртароқ ўлар,
 Қаландарман Шоҳизаргар
 Жуда ҳам ўртага олар,
 Девларга ёмон кун бўлар.
 Бир хили шовқин қилар,
 Ажаллиси шунда ўлар,
 Ярадори ўлмай шунда,
 Ўлдим, деб зариллаб турар.
 Қаландарлар уруш бошлаб,
 Бу майдонда қўнгил хушлаб,
 Қиличларни ялангочлаб,
 Ярадор девлар ёнбошлаб,
 Мурдасин устига ташлаб.
 Ўлик ўликка айқашиб,

Кўп девларнинг ақли шошиб,
 Ўрар йўлидан эдашиб,
 Мурдаларга гажир тушиб,
 Қаландарлар тўлиб-тошиб,
 Девлар билан кўп савашиб.
 Бу беклар қилди гайратди,
 Бедовга қамчи чотди,
 Үр келса ўмганилатди,
 Арпа келса иргитди,
 Ярадори сувлаб ётди,
 Ўликлари сасиб кетди,
 Қирмиз қонлар оқиб кетди.
 Энди бунда ўлдик, дейишиб,
 Қочсак омон бўлдик, дейишиб,
 Қосимшоҳ ҳам қолган девлар
 Қоча бошлар лоловлашиб.
 Бедовларга қамчи урди,
 Девлар қочиб йўлга кирди.
 Қанча аслаҳа-аижомлар,
 Ўлжа бўлиб бунда қолди.
 Қолган ўлжага қарамай,
 Қаландарлар гайрат қилди.
 Етганин қиличлаб урди,
 Қилич теккан вақтда девлар
 Айиқдай бўлиб ақирди,
 Булар отга қамчи чалди,
 Етганининг бошин олди,
 Боши кетган шўрли девлар
 Танаси юмалаб қолди.
 Бир-бирига қарамайди,
 Ҳол-аҳвол сўрамайди,
 Қочиб бораётir девлар,
 Яралиси ярамайди.
 Қолдим деса қарамайди,
 Ярадорни сўрамайди,
 Ўлдим деган билан девлар
 Келиб ҳолин сўрамайди.
 Ҳар қайсиси ўз йўлига
 Қарамайди ўнг-сўлига;
 Пишинаб чопиб бораётir,
 Етолмайди манзилига.
 Узоқдадир девнинг жойи,
 Қочиб борар Торкистон шойи,
 Қувиб борар Заргар шойи...
 Шудир қаландарлар иши,

Йўлда қолар девнинг боши,
 Сувлаб ётириш бу йўлларда
 Ярадор девларниг лоши.
 Ҳадсиз экан бу девлар,
 Қирган билан адо бўлмайди,
 Кўлга тушиб бораётир,
 Кўп девлари ўлиб қолди.
 Девларга бермади омон,
 Буларгадир охир замон.
 Бораётир кўзин ёшлаб,
 Ярадорлар отдан ташлаб,
 Қолайик, деб энди йиглашар,
 Ўлдик, деб ерларни муштлаб.
 Қаландарлар кўиглини хушлаб,
 Девларни тўплаб йўл бошлаб.
 Бу девларниг ақлии олиб,
 Яқинласа пайза солиб.
 Найза теккан шўрли девлар,
 Ул замон ярадор бўлиб,
 Отдан ийқилди чинқираб.
 Кўриниг Заргарбек ишини,
 Қайси девга яқинласа,
 Кесар қилич билан бошини.
 У девларни тўплаб олди,
 Галалаб олдига солди,
 Қочқинчи девларниг олди
 Коронгилиқ ерга борди,
 Ўлдиради Қосимшоҳни,
 Маликанинг ҳурматидан
 У Қосимшоҳ омон қолди.
 Қутулса, қутулсан, деди,
 Қувмайик, қутулсан, деди.
 Борса-борсан Қосимшоҳ,
 Малика ҳурмати, деди.
 Маликанинг ҳурматидан
 Бунда омои қолсан, деди.
 Бошқа девлар ўлсан, деди,
 Жазосини кўрсан, деди,
 Хар на бўлса бўлсан, деди.
 Малика ўпкалаб юрмасан, деди,
 Қосимшоҳ қутулсан, деди,
 Ўзга девлар ўлсан, деди,
 Жазосини кўрсан, деди.
 Қаландарлар зарбини кўриб.
 Қочқини Торкистон бориб,

Қаландарларниг кўзидан
 Қочган девлар гойиб бўлиб.
 Эшитинг бекининг ишини,
 Сулатиб девлар лошини,
 Девлар пана бўб кетган сўнг,
 Кейин бурди отнинг бошини.
 Кўрсатиб девга ишини,
 Ҳеч ким билмай бул дарада
 Девларниг ётган лошини.
 Фиротига қамчи уриб,
 Шозаргар ҳамроҳ бўлиб,
 Ҳар дара мурдага тўлиб.
 Не ярадор девлар ётириб,
 Айиқдай бўп чинқириб.
 Қаландарни яна кўриб,
 Ўлдик, деб ярадор девлар,
 Калласини ерга солиб.
 Қаландарниг иши йўқдир,
 Бораётир подшо баччани ахтариб.
 Айрилиққа бағрин доғлаб,
 Боймоқ дев маконин йўқлаб,
 Борсам, деб девнинг шахрига,
 Йўлиқсам зўраборига,
 Шўри қисган дев йўлиқар
 Шундай қаландарига.
 Қарамай баланд-пастига,
 Юриб душманинг қасдига,
 Фиркўк отни ўйнатиб,
 Чиққанди тогнинг устига.
 Ҳар тарафга назар солиб,
 Боймоқ дев маизилин кўриб,
 Яна Фиркўк отни миниб,
 Шозаргарни ҳамроҳ қилиб,
 Қаландарлар бораётир.
 Кўкламтогнинг дараси,
 Қараса, мурдага тўлиб.
 Излаб энди шаҳзодасин,
 Қўрди-ку қўргон-қалъасин,
 Боймоқ дев жойига етиб,
 Очиб кирди дарвозасин,
 Ахтаради шаҳзодасин,
 Девларниг берар жазосин.

Ана шунида Шоқаландар билан Заргар иккови чопиб-
 елиб, гайрат қилиб, Кўкламтогнинг устига — бир катта

чўққига чиқди. Қараса, Боймоқ девнинг макони — ёўргони кўриниб туриди. Шоқаландар Шозаргар билан яна отига миниб, гайрат қилиб, йўлга тушиб бораётган эди, бу тоғнинг у ёғи ҳам ўликка тўлиб қолган экан. Урушнинг кўп бўлганидан қаерда девлар билан уруш қилгани, қайси дарада чопиб юргани Шоқаландарининг эсидан чиқиб кетган экан. Бўлмаса, девларни қувиниб, шу дараларга ҳам келиб, девларни ўлдириб, бир хилини ярадор қилиб, тагин орқасига қайтиб, кўп қирғинни қилиб кетган экан. ...Шунида Шоқаландар Шозаргар билан иккovi чопиб-елиб, бедов отларини қистаб, йўлга кириб, Боймоқ девнинг ёўргонига етди.

Шоқаландар билан Шозаргар ёўргонга кириб, у ёққа бу ёққа қаради. Бу ёўргонда девлардан ҳеч бир нишон-дарак тоғмади. Шунда икки қаландар Боймоқ дёвнинг манзилини, аркон-давлатини, кўшку айвонларини, ҳамма қулфли жойларини ахтариб кўрди. Ҳеч бир нишон қўрмади. Ҳайрон бўлиб қолди. «Бу ёмон дев қайси ерда экан. Осмонга чиқиб кетганми ё мени келади, деб ернинг остига кириб кетганми», — деб жуда ҳаёли қочиб, қайси ерни ахтариб топарини билмай туриб эди. Шоқаландар бу маконни билади. Шозаргар бу маконнинг кимини эканини билмайди. Шунида, бундай яхши маконни, табладаги тулпор отларни, ҳазиналарни, кўшку айвонларни — жамъи аслаҳаларни кўриб, бу қандай девнинг макони экан, — деб Шоқаландардан Шозаргар сўраб, бир сўз деди:

Худо қози, пайгамбарлар нойиби,
Йигитга панд берар отнинг майиби,
Бу манзилни юриб, хоним, қарадик,
Ким бўлади бу манзилнинг сойиби?
Қумушдандир қарчигайнинг жигаси,
Олтиндандир кировканинг ёқаси,
Сўзимга қулоқ сол, юртнинг тўраси,
Ким бўлади бу манзилнинг эгаси?
Давлатидан шоли-шолдам ўрайман,
Кечса кўрган тушим кўндиж жўрайман,
Гул тарзим сарғайиб сенга қарайман,
Бу манзил эгасин сендан сўрайман.
Арзимни эшитгин Чин-мочин шойи,
Мўминни бандам, деди қодир худойи,
Ё девими, ё парими, сўрайман,
Бу манзиллар қандай одамнинг жойи.
Хазон бўлмай богда гуллар сўлмаса,
Оллоҳ менинг ақлу ҳушим олмаса,

Сўрамоққа бунда жонзод бўлмаса.
Миниб бирга юрдик араби тулпор,
Юришинг билмайди мендай Шозаргар,
Ахтариб бу манзилни қарайсан,
Париларми, девларми, пима ишинг бор?
Гам билан саргайди гулдайин дийдор,
Бу ишлардан мендай жўранг бехабар,
Агар билсанг, хабар бергин, қаландар,
Юришинг баёнин билсин Шозаргар.
Ўз юртингда даврои сурган тўрасан,
Душман кўрсанг, қора кунини соласан,
Девни кўрсанг, қамсаб бошин оласан,
Одамзодиз манзилда нима қиласан,
Бу ерда сен кимни излаб юрасан?
Яна баҳор бўлса очилар гуллар,
Гулни кўрса маст бўи сайрап булбуллар,
Одамсиз манзилда сенга нима бор,
Бундайин саргардон бўлманг, қаландар.
Чашманинг бўйида қолди парилар.
Хабар топиб қолмасин-да зўр девлар,
Ҳоли танг бўлмасин Аваздай шунқор,
Бу юришинг қандай бўлди, Қаландар,
Уларнинг ҳолидан бизлар бехабар.
Оҳ уриб тўкарман қўздан ёшимни,
Турибман худога солиб ишимни,
Девлар олиб кетмасин гул бувишингни,
Коронги қилмасин ёзман қишишингни.
Билмадим мен сенинг бу юришингни.
Кўп ҳалак бўлиб кимни излаб юрасан,
Мен биламан, жуда сарсон бўласан,
Хабар бергин, кимни қараб юрасан?..
Билмайман жуда ҳам ақлингни олиб,
Туганмас савдога бошингни солиб,
Сен юрибсан энди кимни ахтариб?

Ана шунда Қаландаршоҳ: — Сенинг ишинг бўлмасин.
Ҳали нима биласан, мен нимани ахтариб юрганимни кўрасан,— деб Шозаргарга қараб, бир сўз деди:

Излаб топсам ундан кейин биласан,
Сўрамагин ҳозир, нима қиласан,
Бекор сўраб ўзинг ҳалак қиласан,
Излаганин топсам, аниқ биласан,
Юришимни сен кўнглини оласан,
Нега ҳалак бўлдинг, деб изза берасан,

Сўраганинг билдим эди, Шозаргар,
Сенам бизни жуда ахмоқ биласан.
Бу сўзларни айтди Шоҳиқаландар,
Сўзига уялиб қолди Шозаргар.

Ана шунда Шозаргар Қаландардан бу сўзни эшишиб, Шоқаландардан уялиб қолди. Уялиб, қаландарга гапирмасдан: «Айтса-айтмаса, менинг қилигим қизиқ бўлди. Юрса-ку, ўзим билир қолар эдим», — деб турди. — Эди отдан тушайик, бу кўшкларининг ҳамма ерини ахтарайик, — деб отдан тушиб, Боймоқ девининг маконидаги ҳамма кўшку айвонларни, неча хилдаги ичкима-ички жойларни, хазинахоналарни ахтариб кўрди, ҳеч нарсадан хабар тоғмади, жонзоддан кўрмади. Табладаги тулнор отларни кўрди. Бари эгасиз турибди, девдан ишишон йўқ... Шосуна устига чикиб, у ёқ, бу ёққа қарди. Шозаргар ҳам орқасидан эрганиб юрибди. Шундай қараса, олдидан бир ерда бир зинапояга борса, эшиги бор. У эшикни очиб ичкари борди. Қараса, бу зинанинг таги жуда катта бир жой экан. Бу Боймоқ дев ўзи учун солдириб қўйган эди. У ёгини, бу ёгини қаради. Қараса, шу мазгилда Маликани ахтариб келган подшобачча юрибди. Подшибачча қаландарларни кўриб, отасини кўргандай бўлиб, югуриб келиб, қаландарларининг оёғига бошини қўйиб, юраги ёрилгудай бўлиб, додлаб йиглаб: — Менинг отамсиз, энамсиз, ковму қариношимсиз, — деб ҳар нимани бир нима, деб қолди.

Боймоқ дев «Бу бола одамзоддан бўлади, мабодо бирор ерда мендан айрилиб-ажралиб қолиб, Шоқаландарнинг қўлига тушса, бўлган ҳодисаларни қаландарларга айтар, бизларнинг ишимиздан воқиф бўлиб, бизларга бир катта қиёматни солар, бу бесоқол боламиздан айрилиб қолармиз», — деб бу — ер остидаги маконга яшириб қўйган эди. Бу девларнинг яшириб қўйиб кетганини Қаландарга шахзода айтган эди. Шозаргар бу ёш боланинг бундай бўлиб, девларнинг қўлида асириклида юрганини кўриб: — Шаҳзода, қайси шаҳардан бўласан, ўзинг одамзодсан, девининг қўлида нимага бундай қамалиб турасан? — деб ёш боладан сўради. Шунда Шоқаландар Шозаргарга: — Далага чиқайик, — деди. Учнови бирга-бирга настки томдан чиқиб, кўргоннинг шосупасига бориб, яхши либос тўшаклардан чиқариб солди. Унинг устига бу икки қаландар чиқиб ўтириди. Шаҳзода бола девларнинг ҳамма нарсаларини билар эди. Бу икки подшога овқат, дастурхон, ҳар хил таомлардан олиб келиб берди. Булар овқатлардан еб, қорни тўйиб, қовзаниб олди, сувдан иди. Қаландарларнинг кўнгли тинди. Лекин Шозаргар: «Бу

қайдай иш бўлди, булар иккови бундан илгари бир-бировини кўрганимикан, билганимикан, ё бўлмаса, бу бола ўзимизнинг шу юртлардан қелганимикан. Қандай бўлса ҳам бу яхши бола экан. Бундай бола подшопликка муносиб бола экан. Бунда нима қилиб юргани экан», — деб кўнглига ҳар нима гаплар келиб, юртини, элини сўраб, бир сўз деди:

Баҳорда очилган богининг гулисан,
Сен ҳам бир дилбарнинг жони-дилисан,
Қай шаҳарда, қандай одам ўглисан,
Хабар бер, мард ўглон, қайдан бўласан?
Қийғир деган қуш ўлтирас қиёда,
Ҳуснинг кўрган шоҳлар юрар ииёда,
Тарзинги кўрибман ағбор, афтода,
Хабар бергин, болам, қайдан бўласан?
Жамолишиг менгзайман осмонда ойга,
Қошининг менгзайман бўз қарчигайга,
Тарзинги менгзайман минг қўйли бойга,
Хабар бергин, болам, қайдан бўласан?
Бино бўладинг қайси гавҳар донадан,
Сендай ўглон бино бўлмас энадан,
Парвоз қилдинг қайси мазгилхонадан,
Хабар бергин, болам, қайдан бўласан?
Бандага кўп яратганинг фармони,
Сени тукқапларнинг борми армони,
Тарзингга қарайман, бир юртнинг хони,
Хабар бергин, болам, қайдан бўласан?
Менга хабар бергин мамлакатингни,
Нима дейди сенинг исми, зотингни,
Хабар бергин униб-ўсган юртингни,
Хабар бергин, болам, қайдан бўласан?
Ҳуснинг бордир ою кундан зиёда,
Ағбор бўлиб етолмайсан мурода,
Не кўриб кечирдинг фоний дунёда,
Тарзингга қарайман, пою ииёда,
Хабар бергин, болам, қайдан бўласан?
Менга айтгин униб-ўсган юртингни,
Баён айла ўсган мамлакатингни,
Менга айтгин ўзингнинг ота-энангни,
Хабар бергин, болам, қайдан бўласан?
Душманларга келиб дучор бўлибсан,
Девларнинг элинда ғарип бўлибсан.
Нима учун эди бунда юрибсан,
Хабар бергин, болам, қайдан бўласан?

Шозаргарнинг бу сўзини Шоқаландар эшитиб, ўзи индамасдан, хеч нима демай, телпаги қайқайиб, дамлаган танадай, дам бўлиб ўтириби. Шозаргар бетоқат бўлиб, шахзодадан бу сўзларни сўраганига, у бачча ҳам Шозаргарга қараб, бир сўз деб туриби:

Отам Қавадшоҳидир, отим Маҳмуджон,
Бир ёр истаб, бобо, бўлдим саргардон,
Ёр ахтариб жудо бўлдим юртимдан,
Ҳасратман айрилиб мамлакатимдан.
Неча шахар эрди ҳукми фармоним,
Шу ғурбатга солди бир гўзал золим,
Шоҳ эдим, гадо бўлиб қисматим,
Қунма-кун зиёда бўлди ҳасратим.
Неча беклар билан даврон сурганиман,
Добил туйиб, кўлга қушим солганиман,
Ховдак кўлда бир парини қўрганиман,
Шу парини ахтариб бунда келганиман.
Ўз элимда шоҳлик ғамин еб эдим,
Ўн саккиз минг лашкар билан кеб эдим,
Армон билан лашкаримдан айрилиб,
Армон билан дев қўлинда қоб эдим.
Шу аҳволда элдан жудо бўлибман,
Шу орада етти йиллар ўтиби.
Шундан бери дев хизматида юрибман.
Раҳм қиласак кўздан оққан ёшима,
Хафа фалак огу кўшди оshima,
Қўшилолмай қовму қариндошима,
Ғарип бўлиб дев қўлинда турибман.
Девларнинг қўлида ғарип, мугойиб —
Энам, синглим йиглар сочини ёйиб,
Тожу таҳтим, мулким бўлган бесойиб,
Абгор бўлиб бу ерларда қолдимман.
Девлар косагули бўлиб юрардим,
Қўтариб парвоз қиласа ҳавога —
Дунё борин — мамлакатни кўрардим.
Бу мазгил эгасин Боймоқ дев дейди,
Кўкламтоғда Боймоқ девни шоҳ дейди.
Етмиш минг кўккашқа жиловдори бор,
Бунинг қанча девдан кўп лашкари бор,
Мен билмайман қайга кетди зўрабор,
Девнинг қанча занги лашкарлари бор.
Бадбаҳт девни мен ҳам синаб қўрганиман,
Ҳеч бир киши бўлолмаган баробар,
Шу девнинг қўлида мен ҳам хору зор,

Ўн тўрт йилдан бери мен ҳам хизматкор,
Ногаҳонда келар эдим муқаррар,
Девнинг тиззасида эдим мен абгор,
Шунда кўрдим ғарип бўлиб қаландар,
Шу вақтида топишганимиз муқаррар,
Ваъдасига келган жоним қаландар,
Аҳду вафо этган менга зўрабор,
Ваъдасига келган жоним қаландар,
Ёқамни чок этиб, айладим фарёд,
Бузилсин, йиккисин у ҷархи пошод,
Ҳар кун бўлар эрди ваҳми қиёмат,
Алҳамдиллоҳ, кўрдим сизни саломат
Бундай кунда эгам бўлиб меҳрибон,
Кетгандай бошимдан қайтули туман,
Соғ-саломат сизни кўрдим, бобојон,
Юрагимдан кетди менинг юз армон.

Ана шунда шаҳзода билан Шозаргар бу сўзларни айтиб, бир-бирига меҳри-муҳаббати ортиб, яхши қўриб: — Энди унда бўлса, болам, хафа бўлма, худонинг берадигани бордир, тақдир табдил бўлмайди, — деб ўтган ишларни гаплашиб, кулиб, ўлмасак иншооллоҳ, ўз юртингга бориб қоласан, гам ема, деб сўрашиб ўтиридилар.

Шунда Шоқаландар буларнинг бу сўзини эшитиб айтди: — Эй болам, сени мингаштириб юриб бўлмас. Мен кўрдим, пастки таблада девларнинг от-аникоми, кескир пўлат ханжарлари турган экан, шулардан бирорини сайдаб, яхши тулпордан миниб ол.

Унда ёш бачча айтди: — Унда бўлса, бориб кўрайик, менинг ўз юртимдан миниб келган отим ҳам бор эди.

Шоқаландар, Шозаргар, шаҳзода — учовлари бирга-бирга девнинг табласига бордилар. Таблани очиб кўрсалар, отларнинг ичида ўз мамлакатидан миниб келган ўзининг оти туриби. Тулпор отини кўрди. Бу от шундай тулпор от эди: етти пушти тулпор ўтган, ўн пирининг қарами кетган. Тулпор ҳам қадимги эгасини қўриб, парвоз қилиб, сагриси тошиб, ёли қулогидан ошиб, учадиган қушдай, қулоқлари қамишдай, ҳар қўзлари таркашдай бўлиб, юлдузни қўзлаб, тараққос бойлаб, кишиаб ўйнай берди. Шунда подшобачча тулпорининг олдига бориб, сагрисиий сийаб, бўйинни қашлаб, жиловидан ушлаб, кўз-бурунларини суртиб, тамоми баданларини артиб: — Жонивор тулпор отим, сен ҳам мендай бўлиб турибсанми, деб кўнгли бузилиб, юрак-багри эзилиб, тулпор отини қўриб, ўсган юрти, шону шавкати эсига тушиб, ҳуволи кўп вайрон бўлиб кетди. Бу шаҳзоданинг тулпори ҳам одамзоддай бўлиб, кўзини ёшартиб, шаҳзодага

бўйнин солиб, мунгайиб турди. Шаҳзода оти учун кўнгли бузилиб, йигламоқчи бўлиб: «— Эй мен бўндай раҳбарларни топиб, ишманинг мушкули очилган вақтда димогим чоқ бўлмай, хафа бўлмогим мардларнинг ишига ўхшамайди»,— деб тасалли бериб, тулпор отининг асли ўзи миниб келгандаги эгар-апжомларини девнинг хазинахонасидан олиб чиқиб, эгарлаб-созлаб, ҳамма асбобларини маҳкам тортиб, тилладан бўлган асбобларидан устига ёпиб, бўйнига тилла ўмилдириклиарни осиб, анижом-асбобларини бир-бирига муносиб қилиб, яхши тиллга ўтқизган юғанларни бошига уриб, созлаб қангтариб, ташқарига табладан олиб чиқиб, девнинг кўшкисининг олдидаги мармар тошдан бўлган якка михга бойлаб қўйди. Боймоқ девнинг хазинасига кириб ўзининг кескир исфахон қиличини топиб олди. Шундай қараса, Боймоқ девнинг хазинахонасида бир олмос ханжар турибди, жуда ўхшатган, ёмон кунда керак бўлар деган, йигиб қўйган, ханжари уни ҳам олиб, ўзининг белига маҳкам осиниб олди. Кескир исфахонни олиб бориб отининг эгариға осиб қўйди. Ўзининг тамом шоҳлик, сипоҳилик асбобларини ўзига бойлади. Бир хилини кийиб олди. Ҳеч бир еридан камсиз бўлди: «Энди маслаҳат Шоқаландарда, мин деса, минамиз, тур деса турмиз, ҳар нима буюрса қиласиз»,— деб турибди. Шунда қаландар Шаҳзодага:— Энди девларнинг яхши-яхши керакли асбобларидац, сидиган нарсаларидан олинглар. Йўлдаги чашма олдидаги жўраларимиз билан овқатлапишиб жўпаймиз,— деди. Шаҳзода кескир ханжарлардан, йўлда керак бўладиган асбоблардан олиб, учовлари отланиб, келган йўлларига қараб жўнаб кетдилар. У ердан чиқиб, йўл юриб кета бердилар, бирмунча йўл юриб чашманинг олдига яқинлаб етдилар. Шаҳзода шундай қараса, Ҳовдак кўлида кўрган паризодни чашманинг олдиди кўрди. Кўргац ҳамон отидан агадарилиб йиқилди. Буни кўрган Шозаргар: «Бу жинини, ё қўёичиқми, ё бирорнинг кўзи тегдими, нимага бундай бўлди», деб турди. Сўнг, бир замон туриб эди, шаҳзода «ух» деб бошйини кўтариб турди. Шаҳзода: «Мен бу ерга келиб, Маликани кўриб юрганимдан, девлар кўлида ўлиб кетганим яхши эди»,— деб, шундай бўлса ҳам Шоқаландар билан Шозаргарга билдиримаган кини бўлиб турди. Шоқаландар индамади. Шозаргар шахзодага қараб, ҳолини сўраб пимага бундай бўлдинг, деб бир сўз деди:

Тарзинг кўрдим, бир мамлакат шунқори,
Ё тегдими деву жинининг асари.
Фариб бўлиб, болам, қаддинг букилди,
Кўзда ёшинг қатра-қатра тўкилди,

Ҳолинг кетиб сендай шунқор йиқилди,
Билмайман, жон болам, ҳолинг не бўлди?
Хазоп бўлиб борда гуллар сўлдими,
Ақлинг кетиб сенинг ҳушинг олдими,
Ё деву жин сенга асар қилдими,
Ул сабабдан ҳолинг забун бўлдими?
Тарзинг кўриб менинг кўнглим бузилди,
Дийдагирён бўлиб бағрим эзилди,
Нима учун беҳуш бўлиб йиқилдинг,
Сен йиқилдинг, менинг кўнглим бузилди.
Ота-энанг юришингдан беҳабар,
Элу ҳалқинг сендай бекка интизор.
Сен йиқилдинг, заргар бўлди дарҳайрон
Кўнгил қалъасини айладинг вайрон,
Сиру ҳолинг баён айла ёш ўғлон,
Бошинга тушдими қоронги туман,
Не сабабдан гариб бўлиб йиқилдинг?
Одам бўлиб ўз элингдан келгансан,
Бир ўн тўрт йил дев қўлида тургансан,
У девлардан кўп жафони кўргансан.
Ўз ҳолингга қилиб жабру зулмини,
Ҳеч кимга айтольмай сиру ҳолингни.
Элу ҳалқингни эсиннга олдингми,
Ул сабабдан, болам, кўнглиниг бўлдингми,
Девлар жодусидан асар кўрдингми,
Ё бўлмаса бирор нарса кўрдингми?

Бу сўзни эшишиб, шаҳзода Заргарга билдиримаган киши бўлиб:— Эй мен элу ҳалқим, қовму қариндошим, отам-энам эсимга тушиб, кўнглим беҳузур бўлиб отдан йиқилдим,— деди. Кўнгли сузилиб, Шозаргарга қараб, икки оғиз сўз айтиб турибди:

Излаганим пари менинг,
Кўрганим тушмидир, недир?
Қурибсан эгри камани,
Кетмас бошимнинг тумани,
Парисан, йўқдир гумони,
Туманлик қиши мидир, недир?
Бизнинг билан боқقا кириниг
Тақдир этса, даврон суриниг,
Борми, пари домонгириинг
Ё бошинг бўшмидир, недир?
Маҳмудшоҳ деб байриборим
Қолмайин сабру қарорим,
Кўлдан кетди ихтиёrim,

Менга йўқдир ғамгузорим,
Кўрганим тушмидир, недир?

Бу сўзни айтиб, мазаси қочиб, хаёли учиб, ақли паришиб бўлиб: «Бу қандай, кўрганим тушимми, ўнгимми», — деб қўзи бўзарив, нашъяси учиб, кўзини ёшлиб, ўзини ерга ташлаб: «Эй яратган худойим, мени доги ҳижронга ташладинг», — деб яна йиқилиб, юзтубан бўлиб, бошини ерга солиб қолди. Бу ишлардан Шозаргарнинг хабари йўқ, лекин Шоқаландар бу боладан унинг Маликага хушторлигини эшитган эди. Шоқаландар бу боланинг ахволини ёмон билиб: — Эй болам, сен бундай бўлма! Ўлмасам, сени ҳам бу мамлакатдан қуруқ жўнатмасман, сен ёш боласан, сендан ингари одамлар бундай ишларни кўп кўрган. Сен бундай бўлсанг, ўзингни ўзинг бекорга овора қиласан, — деб неча насиҳат айтди:

Мен айтурман бир бошидан,
Қонлар оқиб тириогиндан.
Белимда заррин пўтага,
Тилим кетмагай хатога,
Бобомиз Одам отага,
Аларга икон доги тушди.
Гуноҳларим эрур анбух,
Кечиргайму ани субух,
Жафолар кўрди ҳазрати Нуҳ,
Анга тўғон доги тушди.
Зўрлик билан урса босиб,
Барчаси айлади таассуф.
Ёқуб ўғли ҳазрати Юсуф,
Анга зиндои доги тушди.
Кийган тўни ҳарир-ҳалил
Ўглини қурбон қилди Халил,
Исмоилга жон доги тушди.
Ҳақнинг дўстидир Муҳаммад,
Махшарда айлар шафоат
Анга уммат доги тушди.
Дилим бирён, кўзим гирён,
Абубакиру Аҳмад, Усмон
Аларга дин доги тушди.
Борибсиз девнинг элига,
Қолибсиз золим қўйига,
Расулга домад Алига,
Анга газо доги тушди.
Қатор-қатор юрган порлар,

Нор устига юклар зарлар,
Олмакўз югрук бедовлар,
Анга йўлнинг доғи тушки.
Қулоқ солғин айғон сўзга,
Бедов чопсанг қулотузга,
Подшобачча, иккимизга,
Билгии, ёринг доғи тушки.

Шоқаландар айтди: — Эй шаҳзода, сен бундай олиқтолиқ бўлма. Сендан илгариги одамларга ҳам қанча дод тушган. Мен сенга айтдим, сени бу мамлакатдан қуруқ-тоқ бошингни жўнатмайман. Сенга ҳам яраша бирор парилардан тақдир қилгани бордир. Сен бу Маликага хуштор бўлиб келган бўлсанг, мен ҳам шу Маликага хуштор бўлиб ўзим оламан, деб келган эдим. Менга тақдир қилмади. Мен кўнгапда, сен кўнмайсанми? — деди.

Шоқаландардан шаҳзода бу сўзни эшитиб, пичигина уялиб, қизариб қолди. Бошқалар тушунмагандай бўлиб турди. Шунда Шоқаландар айтди: — Эндиги гап шу: бу ердан кетмоқ лозим. Йўл йироқ, йўл олмогимиз яхши. «Кетар кишига йўл яхши», дейди. Турингизлар, отларингизнинг эгар-анжомларини созлангизлар.

Шунда Шозаргар Бўзтулпорини созлаб, эгарлаб, анжомларини солиб, тайёрланиб олди. Шозаргар билан Тиллақиз мингашди, Қоратулпорни эгарлаб, созлаб, ҳамма анжомларини тайёрлаб, Авазжон билан Малика мингашди. Шоқаландар Ғирқўк отни миниб олди. Шаҳзода ўзининг тулпор отни миниб олди. Шоқаландар бош бўлиб, Кўклиматогдан отланиб йўлга тушиб, жўнай берди. Юришда Шозаргар билан Авазхонни илгарига солиб, Шоқаландар билан шаҳзода орқасидан юрди.

Шоқаландар: — Ҳай аттаиг, Асад мерган билан Шодмон мергандан айрилдик, — деб кўп афсус қилиб, йўлга тушиб кета берди. Булар шу кетганларича йўлларида кета берсинилар, эндиги сўзни Боймоқ девдан эшитинг.

Боймоқ дев аввалги урушнинг қўрқинчлигидан қўрқиб, Шоқаландарнинг урушига тоқат қилолмай бир ёққа қочиб кетган эди. Девларига: «Жўуринглар, бориб Шоқаландарнинг урушини кўриб келайик, уруши қандай бўлар экан, билиб келайик», — деб қочиб кетган ёғидан учиб, Кўклиматогига келиб караса, Кўклиматогининг у ёги, бу ёги ҳамма дараси ўликка тўлиб кетибди. Кўклиматогида жон ўлмай қолмабди. Боймоқ дев хизматкорларига айтди: — Қаландарлар ҳаммасини ўлдирибди, ўлмаган дев бизлардан бошқа қолмади. Магар қолган бўлса, бизнинг маконимиз омол қолган. Энди

бориб тахт-баҳтимизни кўрайик. Бесоқол боламизниң ҳоли қандай бўлди,— деб ўзининг манзили-мақонига борди. Мақонини кўрди. Қараса, манзилининг эшиги очиқ, ангқайиб турибди. Боймоқ дев буни кўриб, ҳәёли қочиб, хуши калласидан учиб, «Бизнинг бу мақонга ҳам қаландарниң қадами етган экан, бола омои бўлса шу-да»,— деб осмондан қуюлиб манзилига тушди. Ҳамма ернинг эшиги очиқ, ҳазинахоналар ҳам очиқ, ичидаги яхши олмос ҳаникарлар йўқ. Чопиб, шошиб-пшиб отхона, таблахонани кўрса, шаҳзоданинг оти ҳам йўқ. Юраги ёрилиб, пастки манзилнинг олдига борди. Кўрса, унинг ҳам эшиги очиқ, «оҳ-воҳ» деб ичкари кирди. Қараса, шаҳзода бола ҳам йўқ. Рағги ўчиб, туси қочиб ҳәёли ҳар тарафда бўлиб: «Бу қаландар менинг ҳам манзилимга келган экан, менинг ишимни қилган экан. Бунинг өрқасидан бориб, бир дўғилишиб қолмасам бўлмайди. Ҳар қанча юрса етиб оламиз, Қаландар билан ҳар нима бўлсанк бўламиз»,— деб етмиш минг кўк қашқа девларга қараб:— Журинг, ҳаммамиз борайик, қаландарни ўлдирайик, ё бўлмаса бизлар ҳам қаландарниң қўлида ўлайик!— деб қанча гапларни айтиб, шердил қилиб: «Бу қандай золимлик. Отимизни олса, боламизни олса, ҳазинамизни олса — бизни талабди-ку. Бу қандай золимлик. Бундан ўлиб кетганимиз яхши эмасми», «уйда кишиси борининг тузда уролмас» деган гап бор одамзодларда. Шунга ўхшаб Шоқаландар бизни кўзга илмабди. Бизларниң йўқлик вақтимизда бундай ёмои ишларни қилиби»,— деб девларниң ҳаммасини чоқлади, созлади. Ўзи бош бўлиб, мақонидан учиб, «Кўкламтоғ, қайдасан? Қайдা бўлсанг ҳам, устингдан қаландарларни жўнатиб юборма»,— деб кела берди. Учиб юргувчи кўкқашқа девлари учиб, ерда юрадиган пиёда занги-қора девлари пастда ерда яёв юриб, қистаб кетаётир. Боймоқ дев ўзига қарашли хизматкор, айёр, жодугарлари билан учиб, Кўкламтоғга келиб шундай қараса, Шоқаландарлар Кўкламтоғдан пастга тушган, Қизилқумда бораётир. От-айкамли бўлиб, тулиорларни миниб, Махмудикон ҳам булар билан бирга бораётир. Шоқаландарлар ҳам Боймоқ девининг осмонда учиб келаётганини кўриб, Шоқаландар Шозаргарга қараб бир сўз деди:

Кейинимиздан етиб келди кўп девлар,
Душманнинг чаңгига бўлма гирифттор,
Таихо бориб уруш қиласар Қаландар,
Сен булардан хабардор бўл, Шозаргар,
Фалакда учади, жодугар девлар,
Англамайсан, бу девлардир ҳийлагар,
Бу ишлардан Аваз ўғлон бехабар.

Қўлингдан кетмасин олган нарилар,
Албатта, хабардор бўлгии, хабардор!
Армон билан билмаганинг, билдирма,
Дўст йиглатиб, душманингни кулирмла,
Албатта хабардор бўлгин, Шозаргар,
Дев жангиди бу ўғлонни ўлдирма.
Ер юзида уруш қиласар қаландар,
Фалакдан чаңг солар жодугар девлар,
Агар дев чаңгига бўлса гирифттор,
Бу ўғлонни бадбахт девлар ўлдира,
Албатта Шозаргар бўлгин хабардор.
Кейингига мингашган зулфақдор дилбар,
Бунинг ҳам пайида юрган кўп девлар,
Ҳийлагар девлардан бўлгин хабардор.
Яхшилик кўр, ёмоликни кўрмагин,
Бу дилбарни сен қўлингдан бермагин,
Ваҳм босиб гафлат ичидаги қолмагин,
Девларниң чаңгига дучор бўлмагин.
Эгам раҳм айласин қонли ёшингга,
Айёр девлар жилва берар қошингга,
Қўл узатмасин гул бувишингга,
Қойил бўлсан бадбахт девлар ишингга,
Албатта хабардор бўлгин, Шозаргар.
Қўлга тушса Аваз ўғлон ўлади,
Албатта хабардор бўлгин, Шозаргар!
Кўп яшагин, кўп йилгача ўлмагин,
Хаёлингни ҳар тарафга бўлмагин,
Албатта, хабардор бўлгин, Шозаргар!
Бу ишлардан Аваз ўғлон бехабар,
Кейинига мингашган Малика дилбар,
Бунинг ҳам пайида неча девлар бор,
Албатта, хабардор бўлгин, Шозаргар!
Бадбахт девлар қора қунин солмасин,
Гафлат тониб сенга зарар қилмасин,
Девларниң чаңгиди Аваз қолмасин,
Армон билан Аваз болам ўлмасин,
Албатта, хабардор бўлгин, Шозаргар!
Девлар келар вақтин тониб ёнашиб,
Албатта, буларниң ақили шошиб,
Шу вақтда сен тургин дарёдай тошиб,
Шундай қиб сен бўлгин булардан хабардор,
Таихо бориб уруш қиласар қаландар.
Албатта, сен булардан бўлгин хабардор.
Қандай бўлса девлар қилмасин зарар,
Сенга тайин қиласар Шоқаландар,

Ўзингга боҳабар бўлгин, Шозаргар,
Қўлга тушсанг, ўлдирди бу девлар.
Биттангни тирик кўймас муқаррар,
Кўп ҳийлагар, ёмон деввар, кўп айёр,
Албатта, хабардор бўлгин, Шозаргар,
Тайин қилди сенга Шоқаландар.

Шозаргарга Аваҳжонни қўшиб, шаҳзодани орқасидан
ҳамроҳ қилиб:— Энди сизлар Қизилқумнинг ичига қараб,
жўнаб кета беринглар,— деб кўп гапларни айтиб, жўнатиб
юборди. Шозаргар билан маликалар, Аваҳхон, шаҳзода
Қизилқумга тушиб жўнай берди. Шоқаландарнинг ўзи
Фиротнинг бошини буриб, Боймоқ девнинг ўзига, лашкарига
қараб тайёрланиб, чоқланниб турди. Девларнинг лашкари
байроқ-байроқ бўлиб, қаландарга қараб кела берди. Шоқаландарнинг
буларга қараб турганини девнинг лашкари
кўриб, босиб келолмай тўхтаб қолди. Шоқаландар уларга
қараб сўзлаб турибди:

Тоғ аскарин чалиб туман,
Сенга бермай энди омон,
Сенга солай охир замон,
Излаб кебсан, деви нодон,
Бошиниг кесар Қаландархон!
Иргитай аспи қушини,
Илгарида кўрмабмидинг
Қаландарнинг савашини?
Кўкламтогда билмадингми?
Ётган девларнинг лошини?
Талаб қилсанг, туш майдонга,
Кўргин Қаландар ишини.
Аҳмоқ бўлиб девлар келар,
Қизилқумда мурданг қолар,
Шоқаландар саваш қилар,
Қизилқумни тўзон олар,
Сендай неча девлар ўлар,
Балки охир замон бўлар.
Бекор ҳалок бўлгин, девлар,
Қаландарни кўргин, девлар,
Ажал етиб ўлгин, девлар,
Уруш қилсанг келгин, девлар,
Нима бўлсанг бўлгин, девлар.
Мени бунча қантармайин,
Урушимни кўргин, девлар!
Хон Қаландар уруш қилди,
Девларга қараб юриш қилди,

Фиротига қамчи уриб.
Жилов тортиб юриш қилди.
Майлинг бўлса кел-ҳа, деди,
Қараб бунда турсамни,
Менинг билан бўл-ҳа, деди.
Боймоқ дев лашкари кўрди,
Ғайрат қилиб Шоқаландар,
Фиротига қамчи урди.
Девга қараб отин бурди.
Қарамай баланд-пастига,
Душман девларнинг устига,
Шоқаландар қистай берди.
Кўкқашқа девнинг қасдига,
Кескир ханжари дастида.
Биринг қўрқсанг, тўплаб келинглар,
Тўпинг қўрқсанг, саф бўб келинглар,
Мен бир ёлғиз — Шоқаландар,
Турмай, унда, ҳаммаңг келинглар.
Келмас бўлсанг мен бораарман,
Сарингни бошдан оларман,
Ўзларингни мен ўлдириб,
Емон девлар, бадбаҳт девлар,
Охир замон мени қиласман.
Қарамай баланд-пастига,
Бадбаҳт девларнинг қасдига,
Қаҳр билан Шоқаландар,
Олди ханжарни дастига.
Урди девларнинг бошига,
Койил Қаландар ишига,
Етмиш минг Кўкқашқа девдан
Баробар чиқмас бу кишига.
Тўплаб-тўплаб қираётир,
Девни қириб бораётир,
Ажаллисин қувиб бориб,
Шириллатиб ураётир.
Уруш қилди Шоқаландар,
Чидамайди сатта девлар,
Каттасини сайлаб олиб,
Бошин кесар Шоқаландар.
Бигирлатиб ташлаётир,
Яхши уруш бошлиётир,
Улугрогин сайлаб олиб,
Ажабдайтиш ишлаётир.
Девлар қилар оҳувойди,

Қаландар девга қарайди.
 Тўплаб-тўплаб Шоқаландар,
 Бу девларга гофил бўлма, деб
 Менга Боймоқ девни кўрсатгин,
 Менинг ўзимга кўп уят,
 Уялмасанг, келгин, девлар,
 Менинг қўлимда ўлинглар.
 Ҳар на бўлсанг, ёмон девлар.
 Ажал шаробин ичинглар.
 Ўлик қолди айқаниб,
 Девлар кўркиб ҳа-ҳаланиб,
 Гиротини қистай берди,
 Хон Қаландар тўлиб-тошиб.
 Дарёдай бўлиб қонлар оқди,
 Ёмон девлар ўлиб қолди.
 Қаландаршоҳ гайрат билан
 Тўп-тўпига бориб қолди.
 Ажаллиси ураётир,
 Гиротини суроётир,
 Қистаб, бадбаҳт девни ушлаб,
 Ханжар билан солоётир.
 Ажаллиси ағдарилиб,
 Итдай бўлиб ўлаётир.
 Жуда қизиқ бўлди бозор,
 Ушлаб олиб Шоқаландар.
 Бир хил девнинг бўйини сузар,
 Гиркўқдайин бул жонивор,
 Газот қилиб бўйини чўзар.
 Гирот билан Шоқаландар,
 Девга қараб қўлини ёзар.
 Уруш бўлди чапараста,
 Девлар туар даста-даста,
 Қўймай девни ўлдирсан, деб
 Хон Қаландар кўнгли хаста.
 Гиркўқ от оғзин очди,
 Тиззасидан қон кечди,
 Банг-банглаб юрган катта девлар
 Ажал шарбатини ичди.
 Қувиб-қистаб мард Қаландар,
 Қўймай катта, зўр девларни,
 Қора ерга кафсан бичди.
 Бадбаҳт девлар ўлдик, дейди,
 Тоза гулдек сўлдик, дейди.
 Боймоқ девнинг зулми билан,
 Бул урушига келдик, дейди.

Қаландарлар бу урушди беҳад юрди,
 Кўп девларни (улар) қирди.
 Кўп девларнинг ақли шошиб,
 Юрап ийлидан адashiб.
 Қаландар зарбии кўрган,
 Қизилқумда қон тўкилган.
 Ҳар на бори қолган девлар
 Қочиб энди йўлга кирган.
 Буида турсак ўлармиз, деб,
 Беҳад нобуд бўлармиз, деб,
 Энди қочсак кутулармиз, деб
 Қоча берди қолган девлар.
 Орқасига қарамайин,
 Кетаберди қочиб девлар.

Шоқаландар девларнинг қочганини кўрди, лекин Боймоқ девни урушидан ётганда бир кўрган эди, сўнгра қистаб уруш қилди, Боймоқ девни кўрмади: «Бу бадбаҳт Боймоқ дев урушда йўқ, тагин Шозаргар билан Авазхоннинг олдига бориб, уларга бир ишини қилиб ётган бўлмасин. Бу ерда урушаман, деб Аваз билан Шозаргар, маликалардан айрилиб қолмайин» деб отининг бошини бурди, девларга қарамай кела берди. Бир хили қочиб кетди, бир хилини катта девлар қайтарди. Шунда девларнинг лашкар бошликлари қаландарнинг бурилиб келаётганини кўриб: — Қирилтур, девлар, қаёққа борасизлар? Қаландар қайтди. Сизлар қочманглар, орқасидан борамиз, — деди. Бир хиби қайтиб саф-саф бўлиб, Шоқаландарнинг орқасидан кела берди. Шунда девларнинг лашкарбошилари Боймоқ дев борми-йўқми, деб у ёққа, бу ёққа қаради. Боймоқ кўринмади. «Боймоқ дев подшомиз йўқ экан. Энди бу лашкарни Боймоқ келганча жўнатмайин. Жўнатсан, Боймоқ дев қаҳр қилар», — деб қолган девларни тўплаб Қаландарнинг орқасидан қорамакора олиб бора берди. Шунда Шоқаландар орқасига қайтиб, йўлга тушиб, Заргар билан Авазхоннинг эсон-омонлигини тилаб, Гиротни қистаб бора берди. Қизилқумнинг йўлига тушиб бориб қараса, Шозаргар билан Авазхон Қизилқумда жуда чанқаб, сувсаб, ҳолатдан кетибди. Олдидан бир меш сув чиқибди.

Авазхон билан Шозаргар мешнинг оғзини очиб, ичмоқчи бўлиб туриб эди, Шоқаландар буларнинг бу ишидан хабардор бўлиб: — У мешдан ичманглар! Ўласизлар, — деб бақириб-бақириб бора берди. Авазхон, Шозаргар, шаҳзода — учови Шоқаландарнинг товушини эшитиб, анг-танг бўлиб, бу нима гап бўлди, деб қараб қолдилар. Шоқаландар буларга қарамай, сўйламай, қўлидаги сўтасини Сулаймон пай-

ғамбар нафаси деб мешга урди. Меш ёрилиб, қизил, яшил бўлиб ўтдай ёниб, бир тўп яшин бўлиб, ёниб чирқираб, ос монга чиқиб кетди. Буни Шозаргар билан Авазжон, шаҳзода лар кўриб ҳайрон қолдилар. Шунда булар: — Шоқаландар айтмаганда, бизлар бу мешдан сув деб исчак, ҳаммамиз куйиб-ёниб ўлар эканмиз,— деб Шоқаландарга буларнинг меҳр-муҳаббати бурунгидан ҳам зиёда бўлди. Шоқаландар: — Юра беринглар,— деди. Булар йўл юриб кета бердилар. Боймоқ девниинг пиёда лашкари ҳали ҳам буларга қорама-қора эргашиб кела берди. Боймоқ девниинг айёр жодугарлари буларнинг бошида, ҳавода учиб, Шоқаландарга қараб, гапириниб юрибди:

Давлатимдан адрес-кимхоб кийдим-да,
Ҳақдан келган ишга бўйин қўйдим-да,
Оллоҳ, Шоқаландар, сендан куйдим-да.
Айрилиқ ўтига багримни доғлаб,
Қайда борсанг, бизни юрдинг сўроғлаб,
Сенинг зарбингдан мен ҳам қон йиглаб,
Оллоҳ, Шоқаландар, сендан куйдим-да.
Илгаридан кўриб эдим ишнингни,
Девлар билан қилган ул савашингни,
Эрамбогда юрган ул ҳуришингни,
Парилар билан қилган ўтиришингни,
Оллоҳ, Шоқаландар, сендан куйдим-да.
Дод айласа эшитмадинг сўзини,
Саргайтдинг шоҳнинг гулдай юзини,
Кўп девларга зўрлигингни ўткариб,
Олиб қайтдинг Қосимшоҳнинг қизини.
Малика айёр пари, дейди ўзини,
Оллоҳ, Шоқаландар, сендан куйдим-да.
Кўкка отиб Оқдевшоҳнинг ўзини,
Армон билан ўйдинг унинг кўзини,
Олибсизлар шоҳнинг Тиллақизини.
Миндирибсан шундай сарвинаозини,
Ўлдирибсан кўп девларнинг ўзини,
Оллоҳ, Шоқаландар, сендан куйдим-да.
Кўп девларни Кўкламтоғда ўлдириб,
Хар дарасин сен ўликка тўлдириб,
Қизилгулдай рангларини сўлдириб,
Оллоҳ, Шоқаландар, сендан куйдим-да,
Шоҳнинг зулмидан девлар келгандир,
Излаб келиб сенга дучор бўлгандир.
Ғам билан саргайди гулдайин дийдор,
Сиз билан бўлломайди баробар,

Кўп лашкарга танҳо теккан қаландар,
Излаб келиб ўлиб кетди кўп девлар.
Ўғил-қизи бўлиб қолди интизор,
Оллоҳ, Шоқаландар, сендан куйдим-да.
Қанча девни бунда нобуд қилибсан,
Гузар солиб манзилима борибсан,
Косагули бир боламни олибсан,
Баччагар, менинг ҳам корим қилибсан,
Оллоҳ, Шоҳқаландар, сендан куйдим-да.
Яна баҳор бўлса очилар гуллар,
Гулини кўрса саҳар сайрап булбуллар,
Армон билан жувон баччам олибсан,
Оллоҳ, Шоқаландар, сендан куйдим-да.
Сен эшитгин менинг айтган ноламни,
Сен ўзингга ҳамроҳ қилдинг менинг боламни,
Вайрон қилдинг менинг кулбахонамни,
Оллоҳ, Шоқаландар, сендан куйдим-да.
Қандай бўлса, Шоқаландар, куйдирдинг,
Бу боламини олиб қобогим уйдирдинг.
Оллоҳ, Шоқаландар, сендан куйдим-да.

Боймоқ дев ҳавода учиб бир сўзларни айтиб юрибди. Шоқаландар «Сен гапирдингми, гапирмадингми», демасдан, қулоқ солмай, келсанг, қўраман-да, деб Боймоқ девга ҳеч нарса демасдан кета берди.

Ана энди Қизилқумнинг ичидаги Қалайи қўргон, аввалги ёлғиз чинорнинг олдига етиб, сарховузнинг олдига келиб қўнди. Ҳаммалари отдан тушиб, ечиниб, ҳовузнинг бўйидаги шосупанинг устига чиқиб ўтириб, сувларидан иди, димоқларини ҷоқлади. Бу ер, бу чинор, сарховуз ҳам Маликанинг бир қўноқ жойи эди. Малика бир ерга борар бўлса, шу чинорнинг олдидаги шоҳсупада ўтириб, овқатланиб, дамини олиб кетар эди. Бу ерга тўртови маликалар билан келиб ўтириди. Овқат еди. Боймоқ дев ҳавода учиб юрибди. Гоҳ осмонда учади, гоҳ орқадаги лашкарларининг олдига бориб хабар олиб келади. Шундай қилиб булар: «Ҳар нима бўлса борайик, бирон ерда буларни бирор иш қиласмиз. Қўйманглар, хабардор бўлинглар»,— деб лашкарларига қараб тайинлаб, Боймоқ дев ўзи тагин келади. Шоқаландар билан маликаларни пойлаб юради.

Ана шунда Шоқаландар, Шозаргар, Авазжон, шаҳзода Маҳмуд — тўртови шосупада ўтириб қолди. Малика билан Тиллақиз ўрнидан туриб, ажойиб яхши ерларни томоша қилиб, чинорнинг остига бориб қаради. Чинорга қараса, чинор шоҳлаб кетган, остида ҳар хил гуллар очилиб ётган, тўти, майна, қумри, булбуллар уя қўйиб, бола очиб, сайраб

ётган. Шунда Малика паризод бу чинорнинг шаънига икки оғиз сўз айтиб турибди:

Йўл устидан манзил солган,
Ҳамма сени сўраб келган,
Балли чинор, балли чинор.
Тўти, майна сайраб ётган,
Булбуллар болалаб ётган,
Овозанг Чамбилга кетган,
Балли чинор, балли чинор.
Узоқ юртда қолди жойим,
Бехабардир қиблагоҳим,
Сенсан менинг сайлгоҳим,
Энди Чамбил бўлар жойим,
Балли чинор, балли чинор.
Устимдаги яшил-кўқдир,
Нечов изимда итиқдир,
Мендай ойим Чамбил кетди,
Яна қайтиб кўрмак йўқдир,
Балли чинор, балли чинор.
Неча марта бунда келдим,
Парилафман сухбат қурдим,
Энди мен ҳам кетар бўлдим,
Балли чинор, балли чинор.
Тақдири давронлар ўтди,
Мендай ойим Чамбил кетди,
Қайтиб келиб кўрмоқ йўқди,
Балли чинор, балли чинор.
Қулоқ сол пари тилига,
Тушибман зўрнинг қўлига,
Тақдирим Чамбил элига,
Балли чинор, балли чинор.
Ҳамроҳ бўлди Шоқаландар,
Устимизда қон тўкишиб,
Ўлиб кетди неча девлар,
Иш кўреатиб бунда беклар,
Балли чинор, балли чинор.
Энди бундан кетар дилбар,
Бунда қоларсан сени чинор.
Элда канизлар бехабар,
Қон йиглашиб неча қизлар,
Жийин берган неча беклар,
Балли чинор, балли чинор.
Сўз айтар сенга гажакдор,
Кўнгилда қолмасин губор,
Сайир этади ҳамма қушлар,

Балли чинор, балли чинор,
Балли чинор, балли чинор.

Ана шунда Маъника айёриниг айтаётган сўзини Шоқаландар, Шозаргар, Авазхон; шаҳзода Маҳмуд эшитади. Бошқаллар дим индамай турди, лекин шаҳзода Маҳмуд Маликанинг сўзини эшитиб, кўнглига неча гаплар келиб, ўз шаънига бир неча сўзларни айтди:

Мен келганиман ёрни излаб,
Бу жароҳат бағрим тузлаб.
Ингларман бўтадай бўзлаб,
Бўлмас бунда ёрим менинг.
Булбулдайин полондаман,
Догу ҳасрат, армондаман.
АЗалда қўйган бандаман,
Ер ахтариб шармандаман,
Кетди номус, орим менинг.
Яхши куним, туним қора,
Юрагим бўлиб садпора,
Мансурдай осдилар дора,
Йўқдир харидорим менинг.
Ҳаққа етгай айтган зорим,
Сабил бўлиб кирдикорим,
Белимда йўқдир мадорим,
Жафо солди деву золим.
Бирга юрган йўқдир ёрим,
Ерга етмас менинг зорим.
Бўғинларим тол-тол бўшаб,
Хазон бўлган гулга ўҳшаб,
Мен йигларман бу кун қақшаб,
Етишмасми зорим менинг.
Ҳамроҳ бўлган бу қаландар,
Кўнглим сўрар ҳам Шозаргар,
Ўзимда йўқдир ихтиёр,
Жабру жафо солди дилбар,
Қолмай менда сабру қарор,
Йўқдир қарорим менинг.
Малойик сувратли, гул юзли дилбар,
Сенинг ишқиниг мени қилди дарбадар.
Ҳар замон олариб қарап қаландар.
Одамман деб чиқиб ўсган элимдан,
Рарив бўлдим ҳеч иш келмас қўлимдан,
Бир пиёла чой қуймадинг қўлингдан,
Кетди дармоним менинг,
Қолди армоним менинг.

Бу сўзни Махмуд айтиб турди, Шоқаландар олайиб қарагандан кейин, Қаландарнинг авзойини ёмон кўриб, гапирабтган тилини торти. Лекин Махмуднинг Малика учун овора-сарсон бўлиб юрганини, бу байтии Малика учун айтганини Аваҳон билмайди. Бунинг билан гаплашгани йўқ. Шоқаландар эшитган, бошқаси эшитгани йўқ. Шунинг учун бу сўзларни эшитса ҳам, бунинг сўзига тушинггани йўқ. Лекин бунинг сирини Малика билади, лекин Малика ҳам Шоҳзодага қарамайди. Аваҳон билса, Малика учун сўйлади, шаҳзоданинг бошини сапчадай узар эди. Билмандан «Бу ҳам бир ов учун овора бўлиб юрган бир шўрлида», — деб сўзига эътибор бермай ўтирас эди.

Боймоқ девлар ҳам кўз кўриниб турадиган ерда ҳамма аскар-лашкари билан тушиб, «Ўлмай, айрилмаймиз. Сира қўйманглар, бу ердан жўнар бўлса, баринг бирдан от қўйинлар, ё ўлайик, ё Маликани олиб қолайик. Бу қандай гап, бир қаландардан мунча кўп дев лашкари қўрқиб, Қаландарнинг ситамидан Маликадан айрилиб, унинг устига жувон боладан айрилиб қолсак. Сизлар тўпланиб уринглар, менинг ёқдан ўзимни ураман», — деб лашкарларига кўп сўзларни тайинлаб турар эди.

Ана энди Шоқаландар шаҳзодага кўзини олайтириб эди, шаҳзода оғзини торти. Шоқаландар айтди: — Энди бу ердан жўнамоқ керак, дамларингни олдиларинг, энди туринглар, от-аижомларингни созланглар!

Ҳаммалари ўриидан туриб, ўз отларини эгарлаб, аижомларини қайта бошдан солиб, Шозаргар Тиллақиз билан Бўзтулпорга мингашди. Аваҳон билан Малика Қоратулпорга мингашиб олди. Шоқаландар Фирқўк отга, шаҳзода ўзининг тулпорига минди. Аваҳон илгари, Шоқаландар орқани олиб чинорнинг олдидан жўнай бердилар.

Буларнинг жўнаганини девлар кўриб, бир хили пиёда, бир хили ҳавода учиб гуруллаб, буларнинг тўрут тарафими олиб туша берди, қуршаб, қамсаб кела берди, ўнгў сўлни ола берди. Шоқаландар: — Энди ҳар қайсиларинг ўз ойимларингга, ўз маликаларингга хабардор бўлинглар. Булар ўлмай, бизларни қўймайдиганга ўхшайди. Сизлар ҳар нима бўлса ҳам, йўл ола беринглар, ёмон йўлдан бир қадам ўтсанг ҳам яхши. Сизлар юра беринглар, менинг бадбахт девларга ўзим танҳо сўгиш қиласман, ажаллисин уриб ўлдираман, — деб уларни жўнатиб, отнинг бошини буриб, наъра тортиб, девларнинг устига қараб от қўйди.

Икки дунёда раҳбарим,
Марди майдоним, ё Али.

Изларман сиздан шафоат,
Чобуксуорим, ё Али.
Етти ёшда эр атанган,
Тоғларни отиб юборган,
Марди майдоним, ё Али.
Йигит пири Шоҳимардон.
Мадад берса шери Яздон,
Чобуксуорим, ё Али.
Қарамай баланд-настига,
Олмос олгандир дастига,
Халилуллоҳ оллоҳу акбар,
От қўйди девнинг устига.
От чопилиб баланд-пастда,
Девлар турар даста-даста,
Уруш бўлди чапараста,
Урушмоқча кўп ҳавасда,
От қўйди девнинг устига.
Соҳибқироним, ё Али.
Уруш қиласар алаф-ялаф,
Ғамли кўнгил истар тараф,
Бу девларга қиласар талаб,
Шери Яздоним, ё Али.
Отни сурисиб ҳар тарафга,
Еткарсин худой талабга,
Девлар кўпdir, будир якка,
Даври-давроним, ё Али.
Кўпdir девлар, даста-даста,
Бошлар кесиб чапараста,
Қон тўкар майдон ичинда.
Атрофини олиб душман,
Девлар от солиб ул замон,
Шу сифатда қаландархон,
Қон тўкар майдон ичинда,
Шердай бўлиб душман устига етди,
Қўлига тушганни ҳавога отди,
Қўлига олгани кескир пўлатди(р),
Сермаганда девларни кесиб ўтди.
Не зўр девларни қийратди,
Қизилқумида нуратди,
Қаландарбек қилди гайратди,
Неча бир девларни нуратди.
Кўп девларнинг ақли шошиб,
Қаландарбек ўзи танҳо савашиб,
Мурда деган қолди бунда айқашиб.
Тинмай оқар кўзининг ёши,

Кесилди девлариниг боши,
 Қизилкумда қолди лоши,
 Шулдир Қаландар саваши.
 Остида ўйнайди тулпор,
 Гайратидан девлар йиглар,
 Таңҳо қилиб уруш ўзи,
 Кесилиб девлариниг бўғзи.
 Беклариниг қўлига тушган
 Қосимшоҳнинг барно қизи,
 Миндирган Чамбилининг добилбози,
 Ҳамроҳ бўлган Тиллақизи,
 Ҳар тарафга назар солиб,
 Қарайди Заргариниг ўзи.
 Аланглади Шоҳизаргар,
 Етишди жодугар девлар,
 Ҳар тарафни девлар олиб,
 Ўртада қолди бу беклар.
 Бу урушдан хабардорди
 Уруш қилган Шоқаландар,
 Остида Фиркўқдай тулпор,
 Қамчи ургандир бу зўрабор.
 Айрилиқ ўтига бағрини доклаб,
 Келган девлар шахзодани сўроғлаб.
 «Неча савашларни бизга қилганди,
 Кўп девлариниг таңҳо бошин олганди.
 Қора кунини оша бизга солганди,
 Қанча девлар бу урушда ўлганди,
 Таңҳо туриб кўп ишларни қилганди.
 Бизга бермади-ку баччагар омон,
 Ўлмай қайтманг, энди бўлган охир замон».
 Майдонда Қаландар сўзни эшилди,
 Қаландар ўтдайни тутаниб кетди,
 Қўлида ярқиилаб кескир иўлати,
 Оша келди Қаландариниг гайрати,
 Қизилкумда қолди девнинг жасади.
 Қулоқ солмас девлар айтган нолишига,
 Қилич солди зўр девлариниг бошига.
 Қизилкум тўлганди мурда-лошига,
 Бир хил девлар қойил бўлди ул замон
 Қаландариниг таңҳо қилган ишига.
 Не бир девлар парвоз қилиб келади,
 Шамшир пўлат билан уни уради,
 Үлчагандай икки пимта бўлади,
 Буни кўрган ҳайрон бўлиб қолади,
 Девлариниг рафтги гулдай сўлади,

Ажаллиси шунда ўзи ўлади.
 Уруш қилиб, девнинг кўнглени сизади,
 Бир хил девлар кўзин ёнин тизади.
 Гайрат қилиб отин солиб қаландар,
 Оғир сағини, лашкарни бузади.
 Қанча девлар бўломмайни баробар.
 Омои топмай ўлармиз, деб бу девлар,
 Бизнинг шўримизга кенгай қаландар,
 Бунинг билан ҳеч ким бўлмас баробар,
 Чувлаб от қўяди ул замон девлар,
 Шердай бўлиб сира қайтмас қаландар.
 Неча у девлариниг ақили ишишиб,
 Бир исчаси такбиридан аданиб,
 Қизилкумда шуидай уруши қилганди,
 Девлар ярогини раҳ бериб, қайтариб.
 Уруш тилини бигиб юрганди,
 Қизилкум даласи ўликка тўлиб,
 Мурда деган бовдай қийраб қолганди.
 Боймоқ дев — зўрабор уруш қилади,
 Тургандан қочганини кузай билади;
 Ажал етган бу майдонда ўлади,
 Бекларининг атрофин олов олади,
 Ўрталикда Аваз, Заргар қодади.

Ана шунда Заргарбек билан Авазхон, Малика, Тиллақиз,
 Маҳмуд йўлда кетиб бораётib эдилар, бир олов қизил, яшил
 бўлиб ёниб, бир боши ерда, бир боши осмонда ёниб, куйдириб
 кетадигандай бўлиб, буларининг гир тевараги — тўрт тара-
 фига ёйилиб олди. Шунда Заргарбек, Авазхон ўз жонини
 бу оловдан қутултирадиганга ўҳшамай қолди, ҳоли танг
 бўлди, тириклай жаҳанинамга кетадигандай бўлди. Аваз-
 хонининг кўнгли бузулиб, юрак-багри эзилиб, бу Қизилкумда
 гариби гўристон бўлиб ўлиб кетадиганга ўҳшаб, қаландарни
 ёд қилиб: «Шоқаландар мени бу ўтдан ажратиб қутултира-
 маса, энди мен ўлдим, Маликадан айрилдим», — деб Аваз-
 хон бир сўз деди:

Бир навижувон эрди, ўзи хиромон,
 Ҳар ким кўрёа, бўлди хуснига курбон,
 Бу сўзни айтиб, йиглаб турар Авазхон,
 Менга йўқдир гарибликда меҳрибон.
 Тириклай жаҳанинам кетиб бораман,
 Дардли қул дардимиш кимга ёраман,
 Айролиқ ўтига бағри иoramан,
 Қани энди Шоқаландар меҳрибон.

Бошимга тушганди қайгули туман,
 Бу оловдан энди қолмасман омон,
 Гарифликда хабар олса бобожон,
 Тириклай жаҳашнам кетиб бораман.
 Жилва қиласар бу кўнглимда элатим,
 Тайрилди бошимдан тожу давлатим,
 Ажал етиб, энди тўлди муҳлатим,
 Бу оловда ёниб кетар жасадим,
 Остимда бўлмади менинг Фиротим,
 Ҳеч кимсага етмай қолди қувватим.
 Фам билан сарғайди гулдайин дийдор,
 Бир нечалар ўз ҳолидан бехабар,
 Мендей бўлиб ёниб кетар Шозаргар,
 Қани биздан хабар олса Қаландар.
 Мендейин ишорнинг кўнглини бўлади,
 Ҳийлагар дев бундай ишни қиласди,
 Бунда турган беклар тайин ўлади,
 Аваз ўғлон худо, дейди, жиласди.
 Бизларга мингашган Малика дилбар,
 Бу ишларни қилган девлар — жодугар,
 Подшобачча, сен ҳам ўлдинг хору зор,
 Айёрнинг кўлига бўлдик гирифтор.
 Қани бўлса бобом — Шоҳиқаландар,
 Кўрса титраб кетар ёнган оловлар,
 Ҳеч баробар бўломмайди бу девлар,
 Йиглай бергин, энди ўлдик хору зор.
 Айёр девлар бизга қилди зулмди,
 Кўролмасман ўйнаб-ўсган элимди,
 Бизга солди бунда ёмон ўлимди,
 Шозаргар, сен ҳам назар сол энди.
 Сенинг ҳам қолмади энди тоқатинг,
 Етмай қолди ўхшар сенинг қувватинг,
 Биздай бўлиб куяр сенинг жасадинг,
 Қандай бўлди, кетди сенинг ҳолатинг.
 Баҳодирлик таъма қилиб юраман,
 Назар топиб бу ерларга қеламан,
 Армон билан энди ўлиб бораман,
 Йиглаганман нима илож қиласман.
 Жодугарликка қойил қоламан,
 Жонимдан умидим узиб бораман.
 Садағанг бўлайнин султони Аброр,
 Бу жафоини солди айёру жодугар.
 Қани бобом бўлса Шоҳиқаландар,
 Ёмон кунда бўлар эди хабардор,
 Кўрса қочар эди бу замон девлар,

Каттиқ кунда ўлар бўлдик хору зор.
 Үз жонимга ўзим қилиб зулмди,
 Кимга айтай энди ўлар ҳолимди,
 Узоқ турма, Заргар, бери кел энди,
 Кўл кўтариб ҳамманг дуо қил энди.
 Шундайин марднинг кўнглини бўлади.
 Подшо бачча, Заргар дуо қиласди,
 Аваз ўғлон бу ерларда зор йиглаб,
 Ҳокатини яратгандан тилади.
 Қодир оллоҳ, сен биласан ҳолимни,
 Доно эгам, бевақт берма ўлимни.
 Холиқсан, каримсан, қаҳрингдан қутқар,
 Гуноҳкор бандангни мақсадга еткар.
 Чувлаб дуо қиласар бул замон беклар,
 Олов бўлиб қамсаб олди жодугар,
 Дуога кўз тутиб давлатли шунқор,
 Бу урушда етолмайди қаландар.
 Бу ишларни билиб турар Шозаргар,
 Икки пари ҳамма ишдан хабардор.
 Остида ўйнайди бу тулпор оти,
 Ҳеч нимага келмаётир Заргар қуввати.
 Айролиқ ўтига бағрини доғлаб,
 Ўлдик дейшиб бундай кунда қон йиглаб,
 Жонимдан умидин узган Авазхон,
 Шоҳиқаландар келса деди сўрглаб.
 Бағримдан ўт чиқиб, таним туташиди,
 Ажал етиб, ўлар вақтим етишиди,
 Қани бобом бўлса — Шоҳиқаландар,
 Айёрлар зулмидан ақилим шошиди.
 Унда обод эди ўсган элатим,
 Остимда бўлмади менинг Фиротим,
 Бу оловда куйиб кетар жасадим,
 Ўт туташиб, зиёдадир кулфатим,
 Шоҳиқаландар эди ҳамроҳ-улфатим,
 Қаландарман бирга эди Фиротим.
 Энди оловда жасадим куйиб кетар,
 Остимда бўлсайди Фирқўқдай тулпор,
 Урушнинг тилини билган жонивор,
 Қочар эди кўрса жодугар-айёр.
 Жафоларга тушиб энди танда жон,
 Бу сўзларни айтар эди Авазхон,
 Бу жонимдан умид узиб бораман,
 Бу оловдан энди қолмайман омон.
 Атрофимни олди жодугар душман,
 Чувиллашиб йиглашади бу замон,

Дев қўлидан қутулмогим даргумон.
 Фалак титраб Авазхон иолишига,
 Кўзлар губор бўлиб оққан ёшига,
 Яхши одам кўнгар тангри ишига.
 Худо, деб йиглашиб беклар бу замон,
 Ениб кетар эди бу беклар,
 Тилсимотдан дуо ўқиб Шозаргар,
 Шу сабабдан келоммайди бу душман.
 Безовта бўлиб шуидайни беклар,
 Шайдулло деб бориб қолди қаландар.
 Безовта бўлди бу замон беклар,
 Урушда шошибди Шоҳиқаландар.
 Риротига аччиқ қамчи уради.
 Беклар ҳоли забун бўлди, билади,
 Раббим, деди, девига қилич солади,
 Йўл бермайни девлар йўлини олади.
 Қанча девлар байдоқ-байдоқ зўрабор
 Ўлиб кетди кўтарган не девлар,
 Неча номард девнинг кўнглини бўлади,
 Аламдор девларнинг бошини олади.
 Тургандан кетганини яхши билади,
 Неча девлар бунида бўзлаб жилади.
 Худо деб Риротга шиддат қиласди,
 Неча девлар қочиб йўлини беради,
 Қаландардан девлар ҳазар қиласди,
 Дучор бўлган девлар бунида ўлади.
 Бу оловга эди етиб боради,
 Еру осмон кўринмайди кўзига,
 Ўлар вақти яқин етиб боради.
 Булар қолиб эди қаттиқ кунларга,
 Етиб Шоқаландар шунида боради.
 Сулаймон пайғамбар нафаси, деди,
 Сўта билан бу оловни уради,
 Ётган олов гойиб бўлиб боради,
 Тилсимот дуони ўқиб қаландар,
 Кўзини очиб қарап Авазман Заргар,
 Бошидан кетибди қайгу, туманлар,
 Олдида кўринди Шоҳиқаландар,
 Қаландарни кўриб шу замон беклар,
 Отдан ташлаб кўришади бу беклар.

Ана шуида Боймоқ девнинг кўп зўр девлари урушиб,
 Шоқаландарни бекларига қараб юргизгани сира қўймайди.
 Шоқаландар Гиркўк отни қистаб, кўшингага яшиндай қилиб
 ҳайдайди. Девларнинг бир хили ўлади, бир хили қочади,

яна Шоқаландарнинг орқасидан ёнашади, Шоқаландарни ўртага олади. Шоқаландар ҳар замонда дев лашкарига қараса, Боймоқ дев ҳеч ерда кўринмайди. «Бу бадбаҳт Боймоқ дев бу ердан кетган экан, Авазхон билан Заргарбекка борган экан, ҳар қандай бўлса ҳам булар омон-эсон бўлса шу-да», — деб кўнглини бу бекларга бўлиб, қичаб йўлини олмоқчи бўлади. Девлар ўлгани ўлиб, қолгани таги тўпланиб келиб, Шоқаландарни сира юргизгани қўймайди. Шундай қиргинашниг устида эди, Авазхоннинг: «Бизлар ўлдик, куйиб гарип бўлдик», деган товушини Шоқаландар эшилди. Шоқаландар, худо, деб жонини жабборга топшириб, Фиркўк отнинг бошини буриб, олдини олган девларни уриб, ўлдириб, қириб-жуйиб, олдини тўсат қилиб очиб олди.

Ана бадбаҳт девлар, мен етдим,— деб олдига яқин бориб, бу ҳам тилсимот ўқиб, пайғамбарнинг нафаси, деб қўлидаги сўтасини ёниб турган оловга урди. Бу олов ёниб турганича ёниб осмонга чиқиб кетди. Қанча ғовур-шувур, талотўп-тўполон бўлиб ётган девлар, ўт — ҳаммаси зимзиё йўқ бўлиб кетди. Шозаргар, Авазхон, Маҳмуджонларни кўзлари чойдай очилиб қолди, ҳамма девлардан кутулиб қолди, буларнинг бошидан губор кўтарилиди, кўзлари ёруғ бўлди. Шундай қарасалар, Шоқаландар маст туюдай бўлиб гуркираб, у ёқ-бу ёқса қараб эниб, талишиниб турибди. Шоқаландарни кўриб: «Ўлмай омон-эсон бир-бировимизни кўрдик», деб ҳаммалари отларидан тушиб, Шоқаландар билан кўришиб, топишиб, ҳол-аҳвол сўрашиб димоглари чоғ бўлди.

Ана шунда буларнинг димогини чоқликда қўйиб, Боймоқ девнинг ўзидан, лашкарларидан эшилтинг.

Боймоқ дев Шоқаландарнинг келганини билиб, айёрлиги, жодугарлиги Шоқаландарга таъсир қилмай, ўз жонидан кўркиб: — Эй ҳамма айёр, жаррор девларим! Энди иш бўлмади. Бу ишни биздан худо кўтарди, — деб Шоқаландарни, Шозаргарни, Авазхонни ўлдирмоқдан, шаҳзода Маҳмудни ажратиб олиб кетмоқдан, Малика айёр билан Тиллақизни буларнинг қўлидан айриб олмоқнинг умиди узилди, кўнгли бузилди. Бу иш бизнинг қўлимиздан келмади. Ўзимиз ўлмай қолдик, бўлди. Ўлган ўлди, қолган қолди. Қолгани ҳасратли бўлиб йўлга кирди, ўзларининг жонини қутқазмоқни ганимат билди. Ўз чегарамизгачайин қувиб келдик, бизга шу давлат бўлди. Кўп гайратларни қилдик. Булардан Маликани, Тиллақизни ажратиб оламизми деган умидимиз бор эди, бўлмади. Энди бизлардан Малика, Тиллақиз ўпка қиломайди, нима бўлса бизлар маликаларнинг тузини ҳақладик. Ҳарчанд қилдик, бўлмади. Бекорга буларнинг орқасидан қувиб юрганимиз билан иш бўлмайди; буларга кучимиз

етмайди. Ўз чегарамиздан ўтсак, бизлардан катта девларнинг подшолари, аввалги ўтган подшоларга, кейинги келадиган подшоларга бизлар кулги бўламиз, бизларга таъна қиласди. Бу ердан қайтмоқ керак,— деб қанча афсус-надоматлар қилиб қайтди. Ўз манзилларига бориб, етий ийлдан бери косагули қилиб юрган боласидан айрилган Боймоқ дев кўкрагини нам ерга бериб ёта берди. Бошқа девлар ҳам ҳар қайсилари ўз манзилжойларига бориб, ўз тирикликларига киришиб ёта берди. Ана, бу девларни ётмоқда, тирикликлида қўйиб, эндиги сўзни Шоқаландар билан Шозаргар, Авазхон, шаҳзода Маҳмуд, Малика айёр, Тиллақизлардан эшигинг.

Шоқаландар девларни қувди, беклар билан топишди. кўришди, сўрашди, бирор соат дам олиб, улай-булай қилиб, отларини, эгар-анжомларини созлаб: — Тайёр бўлинглар, ҳа денглар, шоввозлар, энди ёмон йўлдан жўнамоқ лозим, отланинглар,— деб Шоқаландар ўзи улардан илгари отига минди. Шозаргар, Авазхон — ҳар қайсилари ўзларининг Маликалари билан мингашиб олди. Шаҳзода Маҳмуд ўзининг тулпорига минди, Қаландар «энди ғурбат қолмади»,— деб бекларнинг олдига тушиб, йўлни бошлаб кета берди. Шунда Шоқаландар йўлда бекларга қараб бир сўз деб бораётир:

Жўуринг энди, улфатлар,
Бошдан кетди ғам-кулфатлар.
Остингизда бедов отлар,
Сизга теккан паризодлар,
Ҳақ таола берди омон,
Кетди биздан қайгу, туман.
Ўлиб кетди неча душман,
Пари олган бол Авазжон,
Жўуринг, беклар, йўл олайик.
Ошиқ фаҳми оқшом кечা,
Холии билмаган бир неча,
Мингаштирган Аваз бачча,
Жўуринг, беклар, йўл олайик,
Ҳамроҳ бўлгап, эй Шозаргар,
Сенга теккандир гажакдор,
Жиљва қиласи бу зулфакдор,
Жўуринг, беклар, йўл олайик.
Богда очилиб гулғунчалар,
Ўйнаб-кулган ойимчалар
Миндиргандир бекваччалар,
Жўуринг, беклар, йўл олайик.
Шоҳасан дер элдан келиб,
Ёр ишқида Заргар бўлиб,

Хизмат қилиб ёрни олиб,
Ери билан даврон суриб,
Икковингиз ўйнаб-кулиб,
Юринг, беклар, йўл олайик.
Подшоваччаман қаландар,
Сизларга бўлиб хизматкўр,
Олдимиздан чиқса қизлар,
Биз ҳам олсан шундай дилбар,
Пари олган навжуонлар,
Жўуринг, беклар, йўл олайик.
Баҳодирлик даъво қилиб,
Ҳар қайсингиз шердай бўлиб
Ўнгтай қилиб ёрни олиб,
Текии қизларни миндириб,
Жўуринг, беклар, йўл олайик.
Қизилқумда девлар келиб,
Атрофингни олов олиб,
Баҳодирлар забун бўлиб,
Хон Қаландар хизмат қилиб,
Мендан беклар сабаб бўлиб,
Ўлар вақтингдан қутқариб,
Жўуринг, беклар, йўл олайик.
Минганинг тулпор, бедов от,
Ҳар қайсинг элда валламат,
Қаландархон қилиб хизмат.
Жўуринг, беклар, йўл олайик.
Беклар йўлда кўнглин хушлаб,
Бедов отлар кокил ташлаб,
Бегу хонлар қўл узатиб,
Ўйнаб-кулиб паризодман —
У ер, бу еридан ушлаб,
Жўуринг, беклар, йўл олайик.
Узоқ йўлда мамлакатим,
Қўпdir сизларга хизматим,
Қўлга теккан паризотинг,
Жўуринг, беклар, йўл олайик.
Тиллақиздайин гажакдор,
Англади Малика айёр,
Бу сўзларни мот қиб айтди,
Бекларга шундай қаландар.
Юринг, пари олган беклар,
Жўуринг, беклар, йўл олайик.
Кийгани гулгун қирмизи,
Ақлингни олар, жоду кўзи,
Сизга теккан шоҳнинг қизи,

Чамбильбелниң добулбози,
 Қистаб юринг, йўл олайик.
 Ёр учун бўлгансан Заргар,
 Сенинг отинг Ҳасан қайсар,
 Ақлингни олгандир дилбар
 Сенга мингашди гажақдор,
 Журинг, беклар, йўл олайик.
 Сайир этиб ўйнаб-куларсан,
 Бир куни элга борарсан,
 Шундай ёрни обкелдим, деб
 Бекларга таъриф қиласан,
 Журинг, беклар, йўл олайик.
 Шоқаландар йўлни бошлаб,
 Қаландарниң айтган сўзига
 Париздлар кула бошлаб.
 Қаландарниң айтган сўзига
 Бу беклар бармоғин тишлаб.
 Сўзларим бекларга таъсир қилди, деб
 Қаландар борар йўлни бошлаб.

Беклар бу сўзларга бошини кўтаролмай, пастга солиб, уялиб, ҳеч нима деёлмай кетиб бораётир. Лекин Малика айёр билан Тиллақиз иккови бекларга таъна қилганини билиб, билдирамай табассум қилиб, кулишиб бораётир.

Шоқаландар: «Бу бекларни уялтиридим», — деб бекларниң олдига тушиб, йўлда кетиб бораётир эди, шундай қараса, узоқдан бир тўп одамзод қиз кўринди, йўлниң ёқасида саф-саф бўлиб турибди. Шоқаландар тиклаб қараса, ҳаммаси қиз, шоҳлик шаъни-шавкати билан турибди. Шоқаландар буларни кўриб, димоги чоғ бўлиб: — Бу иш жуда яхши бўлди, «Йўли бўлгап йигитниң янгаси олдидан чиқади», дегандай бу санамлар бизларниң олдимиздан чиқиб қолди. Йўлимиз бўлди. Бу беклар битта-битта олди, бизлар энди икковимиз бу қизларни отга сицқанича мингаштирасак ҳам бўлади, бизга бу қизларни худо берди, — деб шаҳзодага шўхлик қилиб айтди: — Бу қизлар бизларга иинтиқ бўлган, йўлга чиқиб турган. Худо ўз қудрати билан бизларга бу қизларни берган. Қанча хотин олмоқчи бўлсанг, олабер, — деб шўхлик қилиб бу сўзларни айтиб, қичаб қизларга қараб йўл босиб бораберди. Қизлар Шоқаландарниң ҳайбатидан, сиёсатидан қўрқиб, йўлни қоқ ёриб, йўл бериб турдилар. Булар билан келаётган Малика паризодларни кўриб, буларга қараб, таъзим қилиб турдилар.

Шоқаландар: — Сизлар қандай қизсизлар, нима қилиб турибсизлар? — деди. Авазжон бу қизларни кўриб, отининг

жиловини тортиб, қизларниң ичидаги Мисбелим, Гулзамон деган канизларни таниб, отининг бошини буриб турди.

Шунда Шоқаландарниң сўзига жавоб бериб, йўлдаги қизлар бир сўз деди:

Сизлар кебсиз паризодни узатиб,
 Жой ораста, манзил жойлар тузатдик.
 Сизларга етарми қизларниң сўзи,
 Биз бўламиз Гулқизойниң канизи.
 Пешвоз чиқ, деб ойим буюрган бизни,
 Келсин, деб чорлайди бувишим сизни.
 Элчи қилиб юборди биздай канизи.
 Олдимизда сиёsatли Қаландар,
 Алар билан бирга шавкатли қизлар,
 Ул сабабдан пешвоз чиқди канизлар,
 Келсин, деб чорлайди, бувишим, сизни.
 Олдингизда югуриб хизмат қилади,
 Кўнгли келса, боз қўйнига олади,
 Журинг, беклар, йўлинг бўлиб қолади.
 Бу сўзларни айтар биздай канизлар,
 Вақтингизни хушлаб гул юзли дилбар,
 Бирор кеча меҳмон бўлсан парилар,
 Биз билан йўл бошланг, турган қаландар.
 Ҳар на деб амр этсанг, бизлар қилармиз,
 Тонг отгунча хизматингда турармиз,
 Бирор кеча сизни меҳмон қилармиз.
 Париздлар билан сухбат қуарасиз.
 Журинг, беклар, бирга-бирга борамиз.
 Сизга маҳтал бўлиб тургацdir дилбар,
 Сизларга мингашган икки парилар,
 Гулқизойим йўлингизга интизор,
 Бирга-бирга юринг, давлатли беклар.
 Париларман бўлар, беклар, сухбатинг,
 Сизларга кўп қиладиган хизматим,
 Журинг, беклар, бирга-бирга борамиз.
 Эшитинглар айтган сўзни,
 Маҳтал қилманг кўп канизни,
 Қўймай оп кетармиз сизни,
 Журинг, беклар, бирга-бирга борайик.
 Журингиз сатта беквачча,
 Меҳмон бўлингиз бир кеча,
 Хизмат қилар қиз-келинча,
 Сизларга интиқдир ойимча,
 Худойим берган тарбузча,

Бир тиликни тотиб кетинг, беквачча,
 Қандай бўлса ётиб кетинг бир кеча.
 Журиинг, беклар, бирга-бирга борайик.
 Дарвозада йўлга қараб,
 Пешвоз чиқдик сизли сўраб,
 Келмасмикан деди Ойим,
 Юринг Гулистонга қараб.
 Бандам десин бир ҳудойим,
 Яратган қодир илойим,
 Кўп интизор сизга ойим,
 Журиинг, беклар, бирга-бирга борайик.
 Кўп интизор сизга дилбар,
 Йўлни бошланг, Шоқаландар,
 Қараб турар Шоҳизаргар,
 Канизлар бўлди кўп мустар,
 Журиинг, беклар, бирга-бирга борамиз.
 Қелинг энди йўлни бошланг,
 Гулқизойим кўнглин хушланг,
 Бундай қилиб турсизми,
 Беклар, энди йўлни бошланг.
 Юриинг, беклар, бирга-бирга борайик.
 Бувишимиш келмиш боққа,
 Қараб турган шу равоқда,
 Ўйнаб-кулинг бу чорбоқда,
 Журиинг, беклар, бирга-бирга борамиз.

Шоқаландар бу сўзни эшишиб, бекларига қараб: — Борсак борайик, худонинг ҳикматин кўрайик беклар. Ҳар кимни бирор чақирса, борган яхши, бу ерга борсақ, вақтимиз хуш бўладиганга ўхшайди. «Эр тилаган ерда азиз», деган сўз бор. «Чақирмаса борув йўқ, чақирган ердан қолув йўқ» деган экан, юринглар! — деб отининг бошини буриб, беклар билан бирга-бирга Гулшанбоққа қараб кела бердилар. Буни кўрган канизлардан бир нечаси чопиб, беклар келаётir, деб Гулқизойимга хабар берди.

Гулқизойим кўшкларини яхши ораста қилиб, яхши либос-тўшаклардан солдириб, хизматкор санам қизларга буюриб, ўзи Гулшанбогнинг дарвозасига чиқиб қараса, беклар, парилар канизлар билан келаётir. Гулқизойим қирқин қизлари билан, неча жоду кўзлари билан пешвоз чиқиб, бекларнинг кўнглини хушлаб, отларини ушлаб, Гулшанбоққа эргаштириб, дарвозадан ичкарига олиб кирди. Шоқаландар бош, беклар, Маликалар отдан тушиб, Гулқизойим билан кўришиб-сўрашиб, димоғлари чоғ бўлишиб, Гулқизойим буларни кўшкига эргаштириб, йўл бошлаб олиб чиқиб,

жой тайин қилиб, ҳар қайси ўз мартабаларига яраша жой олиб ўтиридилар. Бу бекларнинг бедов отларини, тулпорларини таблахоналарга боғлаб, айил-пуштанларини бўшатиб, сайислар терисини қашлаб, ўхшатиб, созлаб, боқиб қола берди. Шунда Гулқизойим бу бекларнинг омон-эсон қайтиб келганини узокдаги-яқинидаги паризод қизларга хабарини юборди. Ҳаммалари эшишиб, бу бекларни, маликаларни кўрмоққа йигилишиб келдилар. Ҳамма келган қизларни мунакқаш яхши кўшкларга бошлаб, остига яхши либос-тўшаклардан ташлаб, жой тайин қилиб, ўтқизиб, зиёфат устига зиёфат, қанд устига шарбат, ширин устига шароб, таом устига таомлардан торта берди. Ранг-баранг турган паризод, қилиб ётириб Гулқизойим хизмат, қуриб ўтиргандир сұхбат, қизларнинг бу қилаётган хизматига хурсанд бўлаётir Малика паризод.

Ҳар чорвоқдан қизлар келиб,
 Ҳар алвонда ўйин қилиб,
 Бунида келган паризодлар,
 Бу ўйиндан хурсанд бўлиб,
 Гулқиз ойнинг ишин кўриб,
 Ҳар тарафдан қизлар келиб,
 Кўшкининг пастида турниб,
 Саф-саф турган барно қизлар,
 Сибизик, найларни олиб,
 Сетор-меторини чалиб,
 Ҳар алвонда нағма қилиб,
 Паризодлар ўйнаб турар,
 Нозик беллари буралиб,
 Шундай бўлди ўтиришлар,
 Паризодлар ўйин бошлар,
 Баланддаги кўшкида туриб,
 Мехмонларнинг кўнглини хушлар.
 Қизларнинг ўйинин кўриб,
 Гулқизининг қилган ишига,
 Мехмон қизлар қойил бўлиб,
 Бу баландда жоду кўзлар,
 Ойдай тўлган қизил юзлар,
 Томоша қилиб сарвиназлар,
 Пастанда ўйин қилиб ётар,
 Ўйин-кулги қилиб қизлар.
 Ўйинидан кўнгли тўлиб,
 Бу парилар табассум қилиб,
 Гулқизининг ишини кўриб,
 Ҳаммаси вақти хуш бўлиб.
 Гулқизойим иш бошқарган,

Жами қизларга бош бўлиб,
 Гулқиз қилган хизматидан
 Мехмонларнинг кўнгли тўлиб.
 Қаландарман Шоҳизаргар
 Париларга назар солиб.
 Ҳамроҳдир Аваз зўрабор,
 Подшовачча бул муқаррар,
 Париларман қатор туриб,
 Қизларнинг ўйинини кўриб,
 Вақти хуш бўб Шоқаландар,
 Жилва қилиб ақлин олиб.
 Ою кундан ҳусни голиб
 Сарвинозлар ўйин қилиб,
 Бу бекларнинг кўнглин олиб,
 Сатти барно санам қизлар
 Ўйин қилдилар буралиб.
 Ўйин қилди чувиллашиб,
 Гулқиз кетди пастга тушиб,
 Қизларнинг қошига бориб,
 Кўп қизларга оро бериб.
 Ўртага тушгандир қизлар,
 Иш кўрсатсан дейди бизлар.
 Хизматни бажо қилинглар,
 Бунда турган санам қизлар.
 Маликаман Тиллақизни
 Чақириб олди Қаландар:
 — Пастга тушиб кетма, қизлар,
 Кўнглинг бўлмагин иочор.
 Сен ўрнингдан тура келиб,
 Шу мажлисга боргин, қизлар,
 Гулқизойман бирга тургин.
 Учовинг ҳам бирдай бўлиб,
 Янги очилган гулдай бўлиб,
 Беҳиштдаги хурдай бўлиб,
 Оқ баданинг қордай бўлиб,
 Лабинг сўрса болдай бўлиб,
 Кўрган қолсин андай бўлиб.
 Сенга Қаландарнинг сўзи,
 Гулшанбоғнинг сарвинози,
 Бир йигитнинг суйган нози,
 Гулқизойга ошиқ бўпти,
 Қаводшоҳнинг добулбози.
 Шу сўзимни Гулқизойга билдиргин,
 Қабул қилсин Гулшанбоғнинг сарвинози.
 Шахри Зебит элига борар,

Подшолик шавкатин кўтар,
 Ўйиб-кулиб даврон сурар,
 Ўйиб-кулса кўнгли тўлар.
 Ҳаммалардан ҳусни голиб,
 Гулқизой деб сарсон бўлиб.
 Ногаҳондан бизни кўриб,
 Сиру аҳволин билдириб,
 Қизил юзини сўлдириб,
 Ошиқ бўлиб излаб келган,
 Бу сўзимни айтib бориб,
 Сен Гулқизойимга билдириб.
 Бу сўзини айтди қаландар,
 Ўриндан турди парилар,
 Пастки кўшкига равон бўлди,
 Югуриб етди неча қизлар.
 Қўлтигидай суюб олиб,
 Олиб борди сарвинозлар,
 Гулқизининг олдига етди.
 Маликанинг келганини
 Гулқизойим кўриб билди.
 Томошани кўринг, деди,
 Келинг бундай, келинг, деди,
 Хурсанд бўлиб туринг, деди.
 Бир тарафида Тиллақиз,
 Анга ҳамроҳ бўлиб Гулқиз —
 Учовлари бирдай бўлиб,
 Янги очилган гулдай бўлиб.
 Қизлар тураг түйин қилиб.
 Бир-биридан ҳусни голиб,
 Бир-бирининг бўйинига
 Паризодлар қўлини солиб.
 Маликадайни гажақдор
 Қаландарнинг айтган сўзин
 Аста-аста билдиради,
 Гулқизойга овоз қилиб:
 — Қулоқ сол сўзга ойимча,
 Жафо тортгандир бир неча,
 Кўрмайсизми ошиқ бўлиб,
 Сўраб келган бу беквачча.
 Шахри Зебит дейди жойи,
 Қаводшоҳдир қиблагоҳи,
 Зебит элинг бу подшойи,
 Үз юртида даврон сурибди,
 Бир кечча тушида сизни кўрибди,
 Сиздай ойим кириб бунинг тушига,

Отим Гулқизойим деб хабар қилибди,
 Ота-энаси бехабар қолибди.
 Сизни кўриб бежай хуштар бўлибди,
 Девларнинг чашгига тушиб қолибди,
 Ишқингиз ўн тўрт йил хафа қилибди,
 Девларнинг қўлидан жудо қилибди,
 Сизни об бораман деб ваъда қилибди,
 Ҳозирликда жамолингизни кўриб,
 Сўзламакка қуввати йўқ турибди.
 Кўп йиглади йўлда шундайин номдор,
 Тасалли бергандир Шоҳиқаландар.
 Неча сўз айтарман мендай гажакдор,
 Қўнглингни бўлмагиш, давлатли шунқор.
 Далолат қиласи мендай зулфакдор.
 Бориб кўрсанг жуда вақтинг хуш бўлар,
 Қўндирап ихтиёр, билсанг, бизда бор,
 Қўнглингдан кетсин, деб чеर билан губор.
 Неча сўз айтгандир мендай парилар,
 Хафа бўлма мендай ойим қўпидирар,
 Бу сўзларни айтар Малика айёр,
 Табассум қиб кулди гул юзли дилбар.
 Сўзимни қайтарма, жоним, гажакдор,
 Қўшкига қаради шундайин дилбар.
 Подшозода қараб турар муқаррар,
 Маликага қараб Гулқиздай дилбар:
 Эр изласанг, мамлакатдан топилар,
 Бемаънига мингашиб бизга нима бор,
 Ундей деманг, менинг қўнглим қабарар,
 Бу сўзни эшитиб Малика дилбар:
 Эрга хотин, хотинга эр даркор,
 Ўтмасин, ганимат билгин давроилар.
 Сенга ёқар мендай ойимнинг сўзи,
 Ошиқ бўлган Қаводшонинг ёлгизи,
 Эркак десанг, ҳар жойлардан топилар,
 Ҳар кимга дуч келмас буларнинг изи.
 Үз юртининг булдир соҳибтамизи,
 Айтган сўзга қўнинг, Шоҳболшоҳ қизи.
 Сизни излаб жафо тортиб келибди,
 Харидоринг сендан зиёд турибди.
 Давронни ўтказмагил, гулюзли дилбар,
 Англайман, сенинг ҳам бунга қўнглинг бор,
 Ганимат бил то ўлганча давронлар,
 Қабул қилгин, жоним сендан, гажакдор.
 Буни эшитиб Гулзамон келди,
 Буларнинг сўзини англади, билди,

Бу яхши иш кўнинг парим, деди Гулзамон,
 Қистай берганидан Гулқизой кулди.

Ана шунда Малика айёр билан Тиллақиз иккови Гулқиз
 парининг олдига келиб, шаҳзода Маҳмуднинг жамолини
 таъриф қилиб, Гулқизой парига мақтаб, қизларнинг катта
 сардори Гулзамон Гулқизга қараб, бир сўз деди:

Оҳ урсам тўкилар қўзимдан ёшим,
 Сўзимни эшиting, жоним, бувишим.
 Богбон бўлиб қизилгули термакчин¹,
 Жаҳонни сайр этиб ўйнаб-кулмакчин¹,
 Холис ваъда қилиб эдик биз йўлда,
 Маҳмудхонга ойим сизни бермакчин¹.
 Қийгир деган қуш ўтирап қиёда,
 Не кўриб кечирдинг фоний дунёда,
 Жамоллари ою кундан зиёда,
 Файратидан шоҳлар юрар пиёда,
 Хусин кўрсанг, хоним, сиздан зиёда.
 Қовму қариндошинг қолсин бехабар,
 Сайирбоққа ўйин қилган санамлар,
 Ора тушиб турар Малика айёр,
 Буларнинг айтганин қилмогинг даркор.
 Шоду хуррам бўлгин, гул юзли дилбар,
 Инжилмайин қила қўйгин ихтиёр,
 Қўнгилига оғир солса бу беклар,
 Зарб айласа, вайрон бўлар неча шаҳар.
 Сизга далолатда шавкатли қизлар.
 Ўйнаб-кулсанг, кетар қўнгилдан губор,
 Сизга керак, билсанг, шундайин шунқор,
 Дод айласа, изин топмай кўп қизлар.
 Гулқизойнинг билмаганин билдириди,
 Вақтин хушлаб, шодиёна кулдириди,
 Маҳмудхонга Гулқизойни қўндириди,
 Далолатни қилган Малика айёри(р),
 Аввалдан ўзининг ҳам қўнгли бор эди.
 Ноз қилиб туриб эди бундай дилбар,
 Ахтаргани бунинг ҳам шундай шунқор,
 Қўнди, дейишиб маликалар, парилар,
 Қаландарга етказади энди хабар,
 Баландги қўшкка бошлади дилбар.
 Бекларнинг ёнинда бир-бир парилар,
 Танҳо турар шундай Шоҳиқаландар,

¹ Термоқ учун, кулмоқ учун, бермоқ учун.

Бу бекларга хизмат қиласр қаландар,
Үйин қилиб ўтиргандир парилар.

Ана шунда Малика билан Тиллақиз, Гулзамон учови Гулқизойимни Маҳмудхонга кўндириб, қиласр ишларини тиидириб, пастки кўшқдан юқори кўшкка эргаштириб олиб чиқиб, буни Шоқаландарга маълум қилиб, Шоқаландар буни эшитиб, кўп вақти хуш бўлиди. Бу бекваччани ҳам қуруқ юбормайман,— деб катталик қиласр эди, ҳудой мени ўтирики қилмади, деб шукурлар қилиб, шаҳзода Маҳмуд билан Гулқизойимга қуллуқ бўлсин, деб ўтириши. Қайта бошдан ўхшатиб базм устига базм, томоша устига томоша, беклар малика парилар ўтирар ёнаша. Шу оқшом ўйнабкулиб, беклар париларнинг у ер, бу еридан ушлаб, димоқларини чоқлади. Пастдаги санам қизлар ўйин устига ўйин, қилиқ устига қилиқ, бирови бировидан тиник, ҳаммалари бир-бирига бўйин солиб, ноз билан бир-бирига боққан, қулган, ўйнаган, қилиги кўрганга ёққан, ярашиққа бўйнига гавҳар таққан, ўйнаган қизлар бирови бировидан чаққон, бир-бирига қарашган, зулфларини тарашган, ошиқ-маъшуқ бир-бири билан тошишган, ўйин жуда қизиган. Қиз-санамларнинг вақти хуш бўлиб, ўйин-томуша қилиб ўтира бердилар.

Ана шунда базм жуда қизиқ бўлди, бекларнинг димоги Гулқизойимнинг хизматига чоқ бўлди. Тундан анча ўтди. Шоқаландар айтди: — Энди бафасл истироҳат яхши. Ўзимиз неча кундан бери тинмай келаётимиз. Беклар, пичигина дам олингизлар, ётингизлар. Шунда беклар, маликалар, қизлар — ҳар қайсилари ўз жойларида шу оқшом ётди, эрта билан тонг отди. Тонг отган сўнг, жўпамоқ керак,— деб ўйланинг керакли аижом-асблорини тайёрлаб турди. Шоқаландар: — Энди бундай ўтирганглар, бўлинглар беклар,— деди. Шунда Гулқизойимни шаҳзода Маҳмуд мингаштириди. Шозаргар Бўзтулпорга Тиллақизни мингаштириди. Авазхон Маликани Қоратулпорга мингаштириб олди. Шоқаландар Фиротни миниб олди, ҳаммалари жўнамоқчи бўлдилар. Отларини мингандан сўнг Гулқизойим: — Энди бу юртимдан, униб-ўсган мамлакатимдан кетадиган бўлдим,— деб кўнгли бузилиб, юрак-бағри эзилиб, бирга юрган канизларини кўзи қиймай, ота-энасини бу ерда кўра олмай, улардан розичилик сўрай олмай, хафа бўлиб, бир сўз айттаётиди:

Ёшга тўлди бунда бу жоду кўзлар,
Айрилиқнинг ўти бағримни тузлар,
Олдимизда хизмат қиласр канизлар,
То кўргунча, қирқин қизлар, хўш эди.

Оҳ уриб тўкарман қўздан ёшимни,
Ет элларга тарив қилдим бошимни,
Кўролмадим ўйнаб-ўсган дўстимни,
Ўйнаб-ўсган тенггу тўшим, хўш энди.

Шундай бўлди менга ҳақдан фармонлар,
Юрагимда бордир ғаму армонлар,
Сирли устун, бунда кўшқу айвонлар,
Ўйнаб ўсган сайиргоҳим, хўш энди.

Во ҳасрато, тушиб зўрнинг қўлига,
Энди миндим, мен ҳам отиниг белига,
Тақдирим тортиби Зебит элига,
Ўйнаб ўсган тенггу тўплар хўш энди.

Хеч кимнинг фарзанди мендай кетмасин,
Гўру гўристон узоқларга кетмасин,
Ҳасрат билан бу эллардан кетарман,
Юрган кунлар эсга тушса нетарман,
Ўз ҳолима қонлар йиглаб кетарман,
Шоду хуррам мансизл жойлар, хўш энди.

Қайтайни йиглатиб мендай санамни,
Солиб юрагимга дому аламни,
Розилашиб мен кўрмадим энамни,
Мехрибоним, қирқинларим, хўш энди.

Худойим кечиргай қиласр ҳатомни,
Жўнапар вақтда мен кўрмайин отамни,
Билмайин боғладим зарли пўтами,
Қирқин қизлар, канизларим, хўш энди.

Гап эшиш, канизлар, айтган тилимдан,
Мен ҳам кетдим ўйнаб-ўсган элимдан,
Муштипарман, иш келмайин қўлимдан,
Хизмат қиласр қирқин қизлар, хўш энди.

Жаҳонни саир этиб ўйнаб-кулинглар,
Дунёнинг даврини бунда суринглар,
Менинг учун сиз сухбатни қуринглар,
Жоду кўзли жононларим, хўш энди.

Ҳар на амир этса, шуни қилинглар,
То кўргуича сизлар омон бўлинглар,
Шоду хуррам бўлиб ўйнаб-кулинглар,
Хизмат қиласр қирқинларим, хўш энди.

Кетар бўлдим, менинг кўнглим бузилди,
Кўздан ёшим мунчоқ-мунчоқ тизилди,
Кетаримни билиб бағрим ээйлди,
Хизмат қилган канизларим, хўш эпди.

Худойим сақлагай бандани омон,
Қолмасин бошимда қайгули туман,
Бу элларни қайтиб кўрмаклик гумон,
Сарвинаозлар, канизларим, хўш энди.

Бу сўзларни айтди Гулқиз зулфакдор,
Чувиллаб йиглади турган канизлар,
Кўл кўтариб дуо қилди канизлар.
Омин, оллоҳ, дейди, оллоҳу акбар.

Розилашиб дўнамоқчи гулюзли дилбар,
Сиёсатман қараб турар қаландар,
Бу сўзларни айтиб тураган қаландар:
— Маҳтал бўлиб турадими бу беклар.

Очишган жигадай гулларинг сўлиб,
Кўп йиглама дого ҳижронга тўлиб,
Канизларинг қолди дуолар қилиб,
Айтган сўзинг энди сенинг бас бўлиб,
Биз жўнармиз энди бундан маст бўлиб.

Бу сўзларни айтиб номдор беклар жўнади,
Кейинидан эргашиб неча канизлар,
Хуш келибсиз, деб дарвозадан чиқариб боради.
Бир-бири билан рози бўлишиб жўнади,
Гулқизойимнинг қораси кўринмайин кетганча,
Дарвозадан қирқин қизлар қаради.

Умидини узиб қайтди канизлар,
Маст бўлиб боради амалдор беклар,
Барининг сардори Шоҳиқаландар.
Кечакундуз беклар йўлни олади,
Узоқ йўлни яқин қилиб боради,
Ҳаммасидан Маликаси саради(р).

Олмос бойлаб азаматлар дастига,
Қарамайди беклар баланд-пастига,
Нечада муддат йўллар тортиб ҳаммаси,
Бориб қолди ул қирқ девнинг устига.
Шовқинга иргийди араби тулпор,

Қирқ дев эди Маликага хизматкор,
Девларнииг кўзига кўриди дилбар,
Шердай бўлиб йўлга чиқди бу девлар.

Деди: «Эшитмайик апинг сўзини,
Ўлдирайик Гўрўғлинииг ўғлини,
Кўлга олсанк Маликадай парини,
Олиб қочсанк Қосимшоҳнииг қизини.

Олиб бориб берсанк жоду кўзини,
Шундайин ҳақласак шоҳнинг тузини,
Бошқасига қарамасак, жўралар,
Олиб қочсанк Маликанииг ўзини.
Бошқасига қарамаёқ, йўлдошлиар,
Олиб қайтсанк Маликанииг ўзини.

Хийлагарлар Торкистонга борганди,
Не зўр девлар, ул бехабар қолганди,
Синагарлар тайин урлаб олганди,
Урлаб олиб қочиб бунида келганди.

Дод айласа, эшитмайик сўзини,
Телмуртайик балки икки кўзини,
Ўлдирайик Аваҷоннииг ўзини,
Шуйтиб об кетайик сарвинаозини».

Бу сўзларни айтиб ул замон девлар,
Япроқ дев буларга бўлибди сардор,
Шу замонда йўлига чиқди муқаррар,
Яқинлаб келганди Аваз, қаландар,
Шердай бўлиб турди бунида бу девлар.

Гиротни ўйнатиб давлатли шунқор,
Бекларнииг олдида бўлгандир сардор,
Кўзини очиб қараб эди Қаландар,
Телнаги қайқайган Шоҳиқаландар.

Қаландарни кўриб ул замон девлар,
Бунга қора қўрсатмаклик не даркор,
Кўзи тушса тайин бизни ўлдирав,
Йўлга чиқиб бунида бизга нима бор,
Пасқам ёрни олиб қоча беринг, девлар.

Бу қирқ дев йўлда туриб, кўзини очиб қараса, телнаги
қайқайиб, Гиротни миниб Шоҳиқаландар келаётир. Япроқ

дев айтди:— Мана бу келаётган Шоқаландар экан. У бизларни кўрса, тайин ўлдирмай қўймайди. Энди наст ерни олиб қоча беринглар, қоча беринглар! Бизга Шоқаландарнинг олдига чиқиб Маликани айириб олмоқни ким қўйибди, — деб кайфи учиб, хаёли қочиб, паналаб-ҳаволаб, гоҳ кўринар, гоҳ кўринмас бўлиб, тура-тура қочиб кетди. Лекин беклар бу девларни кўрмади, ўз қайфу-сафоси, ҳангамаси билан келаётган эди: бу чўлда занглаб ётган ерда дев борлиги-йўқдиги эсларига ҳам тушмади. Бу девлар ўз овулига ўзларидан ўзлари қочиб йўқ бўлиб: «Унда қочмасанг, мунда қоч», — деб тоза қочиб, Торкистонга кетди.

Шунда беклар ўз кайфлари билан йўл юриб, бир-бирлари билан гаплашиб, чақчақлашиб, тегишиб сўзлашиб, йўлда мааст бўлиб келаётган эди. Шу юргапларича йўл юриб, неча манзил мўл юриб, қистаб ела-юрта аста-аста, кела-кела йигирма тўрт шаҳарга кетадиган чорраҳа йўлга етдилар. Шунда Шоқаландар айтди:— Эй беклар, бу ерга тушиб дамларимизни олайик. Ҳар қайсаларимиз ўз юртларимизга, ўз элатларимизга кетадиган йўлга келдик, отдан тушинглар,— деди. Ҳаммалари отларидан тушиб, кўнгиллари хуш бўлиб, отларининг айил-пушталарини бўшатиб қўйдилар.

Ана шунда ҳаммалари:— Ўзларимизнинг юртларимизга борадиган йўлга етдик. Манзиллар яқин қолди. Бу кун бу ерда ҳаммамиз бир-бировимиздан айрилиб кетамиз, деб бир-бировлари билан омонлашиб, хўшлашиб, кетмоқчи бўлишиб, тагин ҳаммалари отланишиб олдилар. Беклар, маликалар — ҳаммалари бир-бирлари билан омонлашиб, тўйдан қайтган кишилардай бўлиб чувиллашиб турдилар.

Шунда шаҳзода Маҳмуд Шоқаландардан миннатдор бўлиб, Шоқаландарни жуда яхши кўриб айрилиб кетаётганига хафа бўлиб, бир сўз айтиётир:

Неча вақт мен ҳам қолдим хор-зор,
Етти йил девларга бўлдим хизматкор,
Отамдай яхшилик қилган қаландар,
Мен кетарман, жоним бобом, хўш энди.

Гап эшитинг менидай ўглоғ тилидан,
Ажратиб олдингиз девнинг қўлидан,
Сиз мени кутқарган ёмон кунидан,
Мехрибоним, Шоқаландар, хўш энди.

Гарифликда менинг ҳолим билгансан,
Девларнииг чангидан ҳалос қилгансан,
Гарифликда менидан хабар олгансан,
Мехрибоним, жоним бобом, хўш энди.

Гариф эдим, хожатимни битказган,
Ёмон кунда золимлардан қутқазган,
Халос қилиб муродимга етказган,
Мехрибоним, жоним бобом, хўш энди.

Ҳарпа десаңг, айтганингга қўлдирган,
Сенсан паризодни менга эндирган,
Ҳафа эдим, шоду хуррам қулдирган,
Мехрибоним, жоним бобом, хўш энди.

Яқин қолди узоқ тушган кирдикор,
Зўр қўлинда ўлди ул неча девлар,
Кейинимга минидирдинг гул юзли дилбар,
То кўрганча хон Қаландар, хўш энди.

Мен изладим ўйнаб-ўсган элатни,
Миндириб олганман бу паризодни.
Омон бўлинг, бобожоним, хўш энди,
Эсон бўлинг, тождорим, хўш энди.

Соғ-саломат яна элга борарман,
Ҳар замон ёдга олиб дуо қиласман,
Паризодман ўйнаб даврон сурарман,
Халос бўлиб мен ҳам қайгули кундан
Шукрилилло, элга кетиб бораман,
Омон бўлинг, бобожоним, хўш энди.

Насиб этса бизлар элга борармиш,
Ота-она, тенгу тўшини кўрармиш,
Кечакуидуз сизни дуо қиласмиш,
Сиз ҳам дуо қилинг, бобом, хўш энди.

Шоқаландар омон бўл, олгин, олдирма, ушлаганинг олтици, тишлаганинг бол бўлсин, бор болам, омин оллоҳу акбар! — деб фотиҳани бетига тортди. Гулқизойим Малика билан қайта бошдан қўришиб, сўрашиб: — Тақдири илоҳи шул экан. Мен сизларни порози қилолмадим, тегмайман десам, сизлар хафа бўладиган бўлдинглар. Сизлар ҳам омон бўлингиз, хўш қолингизлар, — деб Шоқаландарга қараб таъзим қилиб, шаҳзода билан Гулқизойим Шоқаландардан, Шозаргардан, Авазхондан дуо олиб, хўшлашиб йўлга тушиб кетди. Маликалар ҳам «омон бўлинг», деб кўп яхши сўзлар айтиб жўнатиб юборди.

Булар жўнагандан кейин Шозаргар ҳам жўнамоқчи бўлиб, беклардан жавоб сўраб, омонлашиб бир сўз айтиётир:

Ақлимни олтандир гул юзли дилбар,
Ёрнинг ишқи мени қилди қаландар,
Мен ўзимга лақаб қўйдим Шозаргар,
Узоқ йўлга ҳамроҳ бўлган, биродар,
Ҳамдам бўлган меҳрибоним, хўш энди.

Жафо тортиб юрдик узоқ йўлига,
Ошиқ бўлиб Тиллақиздай парига,
Неча кунлар юрдик ёрнинг элида,
Шундай ойим тегди Заргар қўлига,
Ҳамроҳ бўлган Шоқаландар, хўш энди.

Қон тўкишдик Кўкламтогнинг белида,
Қон тўкишган меҳрибоним, хўш энди.
Майдон кунда Фиротингни ўйнатиб,
Не девларни, зарб кўрсатиб, йиглатиб,
Иш кўрсатган меҳрибоним, хўш энди.

Дод айласа эшитмайин сўзини,
Кўкка отдинг зўр девларнинг ўзини,
Бориб олдик Оқдевлоҳнинг қизини,
Бирга юрган меҳрибоним, хўш энди.
Ғайрат қилган қаландарим, хўш энди.

Кўлимга теккандир бир моҳи айвар,
Менда бордир кўшк-айвон, манзиллар,
Қаттиқ кунда иш кўрсатган қаландар,
Ери берган меҳрибоним, хўш энди.

Шоҳасан дер, мени ҳам элга борарман,
Элда қолган беклар билан юрарман,
Ҳар замонда келсан сени қўрарман,
Ери берган меҳрибоним, хўш энди.

Неча вақт ёр деб жафо кўрибман,
Яқин қолди, элга бу кун келибман,
Бу йўл билан кетмоқчи бўлиб турибман,
Меҳрибоним, қадрдоним, хўш энди.

Майдон бўлса сотар эрдинг ширип жон,
Олмосингдан қуяр эдинг қирмиз қон,
То кўргунича омонда бўл, Авазхон,
Энди элга қайтмоқ бўлди Заргархон.

Бу Қаландар бобонг сенга меҳрибон,
Кетиб бошимиздан қайғули туман,

Энди сен ҳам омон бўлгин, Авазхон,
Меҳрибоним, қадрдоним хўш энди.

Тиллақиз дер:— Элда даврон сурганимиз,
Икковимиз дўст бўлиб бирга юрганимиз,
Жаҳонни сайр этиб ўйнаб-кулганмиз,
Шоду хуррам, жоним дўстим, хўш энди.

Қулоқ солгин мендай дўстинг тилига,
Кўп ҳийлани қилганман Торкистон элига,
Ҳарчанд қилдим менинг ҳийлам бўлмади,
Охир тушдим Заргарбекнинг қўлига,

Биз кетармиз энди Ҳурум¹ элига,
Даврон сурсак бу беклар манзилида,
Бошимиздан кетиб қайғули туман,
Бизни олиб элга кетар Заргархон.
Сизга ҳамдам бу кун Аваздай ўғлон,
Меҳрибоним, жоним дўстим, хўш энди.

Ҳар на тақдир, ёзилганин кўрармиз,
Боринили-келишили бўлиб юрармиз,
Бу сўзларни айтди мендай гажакдор,
Гапирган сўзларим менинг бас бўлар.

Жўнамоқчи бўлди энди Шозаргар,
Малика билан Тиллақиз хўшлишар.
То кўрганча, жоним дўстим, хўш энди.
Қадрдоним, дўстим жоним, хўш энди.

Шозаргар билан Тиллақиз иккови омонлашиб, хўшилашиб, Рум элига қараб жўнаб кетдилар. Авазжон, Малика айёр, Шоқаландар — учови буларни жўнатиб, ўзлари бу ерда қолди. Шоқаландар ҳеч нима демай турибди. Авазжон Шоқаландардан булардай омонлашиб жавоб сўрамоқча ибо қилиб турибди. «Мени ҳам жавоб сўраб кетаман дессан, Шоқаландар «Малика айёрии шунча йўлдан олиб келиб сенга берамани? Кетар бўлсанг, ўзинг кета бер», — демасин, деб ҳадик олиб, гапиромлай турибди. Шоқаландар ҳам булардан айрилмай турибди. Шунда Шоқаландар:— Юрииг энди, болам, кетайик, — деб бошлаб, Чамбилга қараб юра берди. Авазжоннинг кўнглига келди:— «Оббо бу қаландар ўзининг элига қараб қайтмади, йўлда Маликани кўзи қиймай тортиб олиб

¹ Рум.

қўймаса яхши эди да. Бунинг устига Асад мерган билан Шодмон мерган ҳам бўлмади. Менга бу қаландар бир зарар киласин деса, ҳамдамлашар эди, ҳай аттанг», — деб кўп ўйлаб келаётир. Аваз билан Шоқаландар келаберсин, Асад билан Шодмон мерганлардан эшитинг.

Асад мерган билан Шодмон мерган иккови Кўкламтогида қолган эди. Мерганлар қаландарлар Кўкламтогдан девнинг маконига кетганда сўнг, маслаҳат қилган эди: «Бизлар энди бу ерда турмайик. Бу ерда турсак битта-яримта девларниң қочиб, писиб юрганлари бўлса, бизларни ўлдириб қўймасин. Асти қочган помард, энди бундан кетайик. Авазнинг йўлини тўсиб ётайик. Аваз ўлмаса, бир куилар Маликани олиб келса, йўлда Авазни ўлдириб, маликани ўзимиз олиб келдик, деб Гўрўғлига айтайик. Авазни сўраса, Авазхонни қайси бир девлар еб қўйгандир, бизларниң хабаримиз йўқ деймиз» деб икови шу маслаҳатни қилиб, печа манзил йўл юриб, ҳориб-чарчаб, Дарбанд тогига келиб «Оқсоқнинг охирига боқ» деган экан, деб шу Дарбаңд тогига бирори қўлига ашрафи милтиқ олиб, бирори шарли ёйни олиб, Авазхоннинг йўлини тўсиб, тогнинг белида, йўлини ёқасида онгиб ётиб эди. Шунда Шоқаландар билан Авазхон Маликани олиб, буларниң тикка устидан келиб қолди. Мерганлар қаландар билан иши бўлмай, Авазни қўриб, ўриидан туриб, сиёсат қилиб Авазхонга: — Тўхта, Аваз армон билан ўласан, — деб Шодмон мерган бу сўзни айтиётир:

Ажал ҳайдаб бу ерларга келасан,
Қазонг ети, ушбу кунда ўласан,
Келиб мерганларга дучор бўласан,
Тўхта, Аваз, энди қайга борасан?
Тўкарман кўзингдан селоб ёшингни,
Қўрмак йўқдир бориб тенгу тўшигни,
Кейинингдан туширгин тул бувшишгни,
Охир қилај сенинг бунда ишишгни!
Солармиз бошингга қайғули туман,
Биздан қутулмайсан, Авазжон омои,
Омон-эсон сенинг кетмоғинг гумон,
Отиб ташлар сени бунда Шодмонхон!
Сени чоқлаб бизлар бунда отармиз,
Малиқани бизлар олиб кетармиз.
Ҳаяллама, сен Авазхон, ўласан,
Рози бўлиб Маликани берасан,
Тўхта Аваз, энди нобуд бўласан,
Қунинг битган, бизга дучор келасан.
Беҳуда қилмагин отга зулмди,
Кўролмайсан бориб Чамбил элиниди,

Агар отсам армон билан ўласан,
Ҳаялламай Маликани бер энди.
Сенинг билан кўп жафони кўргаимиз,
Малика деб кўп ерларга боргаимиз,
Бизга бергии Малика бувшишгни,
Тўкарман кўзингдан сийлаб ёшишгни!
Қарга-қузғун бунда сайди гўшишгни!
Ажал ҳайдаб энди бунда келасан,
Мендан сен қутулиб қайда борасан,
Ёйни тортсам, тайин шунда ўласан.
Асқар тогнинг бошини чалгаидир туман,
Бу сўзларни айтар сенга Шодмонхон,
Хабардор бўл энди қара, Авазхон,
Сенга йўқдир бу ерларда меҳрибон!

Ана шунда Авазхон мерганларни кўрди. Шундай қараса, ёйни қўлига олган. Авазхоннинг ҳа, демоққа ҳолати қолмади. Отининг бошини буриб, кейинига қайтгани ҳам бўлмай қолди. Жуда шошиб, ўларини билиб, мерганларга ҳеч пима дёйлмай туриб эди. Шоқаландар бу мерганларниң авзойини кўриб, мерганларга қараб сиёсат қилиб, бир сўз дейди:

Нодон кўнглиниг ҳар ҳаёлга бўлмагин,
Ёмон кунни Авазжонга солмагин,
Мард бўлсанг, номардинг инин қилмагин,
Қўйгин энди, йўлни тўсиб турмагин!
Сен эшиттин қаландарнинг тилини,
Ўлдирмагин Гўрўғлиниг улини,
Сог-саломат олиб борсин ёрини,
Омон-эсон кўрсин Чамбил шаҳрини.
Белига боғлаган заррин пўтасин,
Худойим кечиргай баница хатосин,
Сог-саломат бориб қўрсин отасин,
Нима учун бунча жонни сотасан?
Сог-саломат элга борсин Авазхон,
Отасини бориб айласин хурсанд,
Номардинг ишини қилма, Шодмонхон,
Аваз ўглон кетсин бу ердан омои.
Омон-эсон олиб борсин ёрини,
Бориб обод қилсин кирдикорини,
Ўлдирмагин Чамбилниг қўчқорини,
Бориб қўрсин элда қадрдан бекларини.
Калима-шаҳодат келар тилимдан,
Ёмонлик келар мергайларниг қўлидан,
Балки умидингни узгин жонингдан,
Сог-саломат кетолмайсан қўлимдан.

Бундай бўлиб йўл устида турмагин,
Кейин тур, Авазга дахл қилмагин,
Холинг билиб тўғри йўлга бора бер,
Авазнинг ўринига ўзинг ўлмагин,
Кет, мерганлар, йўлинигдан қолмагин.
Икковинг ҳам иега аҳмоқ бўласан,
Қазонг етса, армон билан ўласан,
Кет, мерганлар, бунда нима қиласан.

Шоқаландарга қараб, мерганлар бир сўз деди:

Ҳийламан¹ минисан Ғирқўқдай тулпор,
Аваз деб орага тушма, қаландар,
Армон билан сен ҳам ўлма, укагар,
Ора тушиб энди сенга нима бор.
Қулоқ солгин мерганларниң тилига,
Бир кун бордик бизлар Чамбил элига
Қайта бошдан беск Гўрўгли буюрди:
Хазон бўлса богда гуллар сўлсин, деб,
Ажал етиб паймонаси тўлсин, деб,
Авазхон келмасин, йўлда ўлсин, деб,
Маликани мерган олиб келсин, деб,
Авазхоннинг жазосини берсин, деб.
Гўрўгли амр этди, бизлар келамиз,
Маликани бизлар олиб борамиз,
Авазхонни бунда нобуд қиласмиз,
Душман кўрсан, жазосини берамиз!
Шунинг учун бизлар кўзлаб турамиз,
Бу ерларда ҳар на бўлсанк бўламиз,
Бизлар мерган, хон амрини қиласмиз,
Кўрмаган куиларни бунга соламиз,
Маликани бизлар олиб борамиз!
Бу сўзларни айтар сенга мерганлар,
Ора тушиб сен ҳам ўлма, қаландар!
Кўп яшагин, кўп йилгача ўлмагин,
Авазнинг тарафин бунда олмагин,
Холинг билиб сен ҳам йўлдан қолмагин.
Билинг бизлар — Асад мерган шакаман,
Бу Авазга сира бермаймиз омон,
Қўлимизда кетар гул юзли жонон,
Жонворларга емтик бўлар Авазхон.
Отдим деб ёйни олиб бул замон,
Гўрўгли амрини тутиб бунда келаман,
Аваз билан сен ҳам ўлдинг бу замон,
Энди сира биздан қутулмайсан омон.

Шунда Шоқаландар: «Бу мерганлар, отамиз, деб Авазхоннинг отини хуркитиб юборар, оти хуркиса Маликага қийин бўлар», — деб мерганларга қараб, бир сўз деди:

Ўтар дунё қиёматни ўйладинг,
Қиёмат, деб сен жонингни қийнадинг,
Шу сўзни мерганлар, ёлгон сўйладинг,
Авазхонга мунча азоб айладинг,
Неча шумлик сўзни сен ҳам ўйладинг,
Ростин қўйиб, ёлгон, лофни айладинг.
Ростин дегин, Чамбил элга бордингми,
Чамбил элда Гўрўглини кўрдингми,
Бу сўзларни иега айтсан Гўрўгли,
Сен бу ерга Чамбил элдан келдингми?
Хазон бўлиб богда гуллар сўлдими,
Олло унинг ақли-ҳушин олдими,
Авазни ўлдири, деб жавоб бердими,
Шул сабабли сендаи мерган келдими?
Бу сўзларни айтар мендай қаландар,
Ростин десам энди ўлдинг мерганлар,
Нега бу сўзни айтсан Гўрўгли шунқор,
Ўз гапингдан энди бўлдинг гуноҳкор.
Бу сўзларни айтиб давлатли шунқор,
Чилтон берган бунда айёр либосин
Бошидан кўтарди энди қаландар,
Ғирқўкнинг устида Гўрўгли номдор,
Билдирмайин бўлиб юрган қаландар,
Икки мерган бўлиб кетди гуноҳкор.
Бу юрганинг асли ўзи Гўрўгли,
Хамма ишни қилган эди Гўрўгли,
Кўп девларниң додин берган Гўрўгли,
Авазхонга раҳбар бўлган Гўрўгли.
Хеч киши билмасин деб бўлган қаландар,
Асли ўзи Авазхонга тамгузор,
Бу сўзларни англамайин мерганлар,
Иккови ҳам бўлиб кетди гуноҳкор.
Отаси эканин Авазхон билди,
Отасин ишига табассум қилди,
От устидан ташлаб ўзин Авазхон,
Ғиротнинг тизгинин бўйнига илди.
Неча сўзлар билан лофни урибман,
Танимайин ожиз бўлиб қолибман,
Емон кунда бизга бўлиб меҳрибон,
Узангига бошин уриб, Авазжон,
Ҳар гуноҳим бўлса ўтинг, отажон.

¹ Хийла билан.

Узок йўла бирга сафар қилибман,
 Қаландар деб танимайин юрибман,
 Товба қилдим, отажоним,
 Ўтинг мендан мададкорим,
 Баланд-паст сўзларни лоф урибман,
 Балки сизга осий бўлиб турибман,
 Мерғанларни мени ҳам ҳамроҳ қилибман.
 Нодонликман бўлиб кетди гуноҳкор,
 Қўп йўлларда ҳалак бўлган мерғанлар,
 Шу юртларда бирга юрса баччагар,
 Улар ҳам оларди гул юзли дилбар,
 Бир хаёлга бориб бўлди гуноҳкор,
 Гуноҳидан ўтинг давлатли шунқор.
 Сўз бергандир мерғанларга жодугар,
 Сўз бермаса, мерғанларда нима бор.
 Қабул қилинг Авазхоннинг сўзини,
 Ўлдирмангиз мерғанларнинг ўзини,
 Соғ-саломат қўрсин ўғил-қизини,
 Сергайтмангиз шўрликларнинг юзини.
 Бир гап билан бўлиб кетди гуноҳкор,
 Гуноҳин тиладим мендайин шунқор.
 Мерғанларнинг гуноҳини тиладим.
 Мерғанларга айтган менинг шартим бор,
 Ўгли-қизим эсга олиб мерғанлар,
 Бу сўзларни йиглаб айтди боякбар,
 Тасалли бериб эди мендайин шунқор.
 Хафа бўлиб эди унда мерғанлар.
 — Юрагинг тўлмасин дийдайи ғамда,
 Соғ-саломат сизни Чамбил элтмасам,
 Маҳшар куни сенинг қўлинг ёқамда.
 Шундай мерғанларга айтган сўзимди,
 Саломат кўрасан ўғил-қизингди,
 Бу сўзларни айтган эдим муқаррар,
 Гуноҳин тиладим мендайин шунқор,
 Қандай бўлса, бўлмасин-да гуноҳкор.
 Ўгли, қизи йўлигадир интизор,
 Тилади гуноҳин Аваздай шунқор.
 Авазнинг сўзига хурсанд бўб номдор,
 Гуноҳидан ўтди Гўрўғли номдор,
 — Соғ-саломат бора берсин мерғанлар.
 Ота-бала топишгандир, муқаррар,
 Остида ўйнайди қанотли тулпор,
 Авазга мингашган Малика айёр,
 Чамбил элига жўнай берди бу беклар.
 Остида ўйнайди тулпор Гироти,

Яқин қолди энди Чамбил элати,
 Бошлаб бораётир Гўрўғли номдор.
 Ўнаб-кулиб Маликадайин дилбар,
 Отаси билан бирга Аваздай номдор.
 Шоду ҳуррам йўл тортади боякбар.
 Той қилиб дашту даласин,
 Кўринг Чамбилнинг тўрасин,
 Кечаю кундуз йўл тортади
 Кўрсак, деб Чамбил қорасин,
 Хон Гўрўғли ҳамроҳ қилган
 Авазхондайин боласин.
 Йўлда қичар бедов отди,
 Беклар олган паризотди,
 Кечакундуз йўл тортди,
 Чамбил элга яқин етди.
 Полопон тогидан ўтди,
 Шутиб қилди гайратди,
 Бу беклар қичаб йўл тортди,
 Кўрсак, деб Чамбил юртди.
 Остидаги бедов оти
 Йўлларнинг тапобин тортди,
 Беклар қилди гайратди,
 Хон Гўрўғли яқин етди.
 Жаҳон титраб бекнинг овозасига,
 Келиб қолди Чамбил дарвозасига.
 Бўлиб кетган эди бундан қаландар,
 Юртин сўраган Юсуфбек шунқор,
 Маликани олиб давлатли бесклар,
 Қаватида Авазбекдай зўрабор,
 Фулгула бўб қолди Чамбилдай шаҳар,
 Пешвоз чиқиб қолди неча амалдор,
 Ўрдадан чиқдилар неча гажакдор,
 Йигилишган катта-кичик қўп қизлар.
 Ўрдага бошлиди гул юзли дилбар,
 Авазга мингашиган Малика айёр,
 Отдан тушириб олди неча парилар,
 Ўрдада ўртага олди санамлар.
 Ўртада ўтирар Малика дилбар,
 Хизмат қилиб юрар неча парилар.
 Яна баҳор бўлса очилар гуллар,
 Гулни кўрса маст бўб сайрар булбуллар,
 Малойик суратли гул юзли дилбар.
 Маликани ўртага олиб шу замон,
 Хизмат қилган катта-кичи гажакдор,
 Соғ бўб турган қанча қизман хотинлар.

Шундай бўлиб келди Гўрўгли номдор,
Пойтахтга миниб шундайин беклар,
Юртни сўраб турган Юсуф маҳрам бор,
Югуриб-слиб хонга қилди хизматлар
Келиб кўрди ўсган шаҳрини;
Обод қиласам, деди кирдикорини,
Авазхонга бермак бўлди бул замон
Олиб келган Маликадай парини.
Йигилишган катта-кичилари
Асабадор, туғдор, ясавулларини
Хон Гўрўгли буюргандир,
Қилинг, деганди бугун тўйини,
Энди Чамбил элатлари
Қурсин тўй асбобларини.
Хон Гўрўгли амр қилди,
Амалдорлар тайёр қилди.
Лижомларни созлаб олиб,
Тўй асбобларини бажо қилди.

Ана энди шундай қилиб, буларни шу сўзда қўйиб, эндиғи гапни Гўрўглиниң қаландар бўлиб Чамбидан кетганини эшигинг.

Хон Гўрўгли Авазхонни Маликага юбориб эди. Авазхон Маликани олиб келаман, деб қасам ичиб қўйганини кўриб ноилож жавоб бериб қўйган эди. Авазхон жўнаб кетгандан сўнг Гўрўгли айтди: «Авазхон бу Маликани олиб кела олмайди, шу юртда ўлиб кетади. Бунинг орқасидан ўзим бормасам бўлмайди», — деб Чамбил юртини Юсуфбек деган маҳрамига топшириб, ўзи ҳеч кимга билдирумай, Авазнинг орқасидан қаландар бўлиб кетган эди. «Аваз девларниң қўлида ўлар, гарибу тўристон бўлар. Торкистон узоқ мамлакат, унда кўп катта девлар бор, Авазхон қасам ичиб кетди», — деб Гўрўгли бир куни чилтон-қаландар бўлиб чиқиб кетган эди. Бунинг сиридан ҳеч ким воқиф эмас эди. Шундай қилиб Авазхон билан бирга юриб келаётган эди.

Ана шундай қилиб, мерғанларниң олдига келганда, айтмайин деса ҳам, бўлмагани учун Гўрўгли ўзини билдиранг анди. Мерғанлар Гўрўглини кўриб қочиб, шарманда бўлиб кетди. Буларниң орқасидан Авазхон Гўрўгли отаси билан шуду хуррам бўлиб, топишиб, димоги чоқ бўлиб, «Менга ҳамроҳ бўлиб юрган отам экац, мен бошқамикан, бошқа одамга менинг сирим маълум бўлдимикан, деб кўп ўйда эдим», — деб Гўрўглини кўриб, вақти хуш бўлиб, бирга-бирга Чамбилга келди. Бу бекларниң келаётганини мерғанлар айтган эди. Чамбил элнинг ҳамма амалдорлари буларниң олдига пешвоз

чиқиб, омон-эсон юртига, ўзининг униб-ўсган элатига олиб келдилар. Беклар, амалдорлар, Гўрўгли билан Авазхонни тушириб олди. Қирқин қизлари Юнес пари билан Мисқол пари бош бўлиб, Чамбилниң ҳамма амалдор-бекларининг ойимлари, хотин-қизлари билан Малика айёри тушириб олиб, ўрдага олиб кирдилар. Бир-бировлари билан кўришган, сўрашган, ҳол-аҳволларини бир-бировларига айтишган. Шундай шуду хуррам бўлишиб, ойимлар ўтириди.

Гўрўглибек ўз шону шавкати билан ўғлиниң пойтахтига чиқиб, омон-эсон ўз боргоҳида ўтириди. Шунда Гўрўглибек Малика айёри Авазхонга бермоқчи бўлиб, Чамбил элиниң ҳамма катта-кичилари: «Малика айёрининг тўйини тайёрланглар, Маликани Авазхонга никоҳ қилиб берайик», — деб буюрди. Ҳамма беклар тўй асбобини тайёрлади.

Шу иши қилиб Гўрўгли номдор,
Тўрт ярим лак бедов сувор амалдор,
Неча беклар бўлиб ётири хизматкор,
Ҳар замон буюрар Гўрўгли қайсар.
Айтганини тайёр қиласа маҳрамлар,
Обод бўлиб қолди Чамбидай шаҳар,
Тўй бошламоқ бўлди бундайни беклар.
Ўзбекистон элга кетгандир хабар,
Катта-кичик йигилгандир ўзбеклар.
Олтин етиб, олтип қовоқ отдириб,
Тўй бермоқчиин энди улоқ чоптириб,
Ошиқ фаҳми оқшом кечা,
Холин билмайди бир неча,
Йигилишган сатта норча,
Қўпкәрига талаб қилиб,
Ўн икки мингча бойвачча.
Санааб кўрган одам йўқдир,
Тахминан ўн икки мингча.
Қўпкари чиқармоқ бўлди,
Сағ турган беквачча.
Уст-устига ташлаб турар

Қўсам сарка, ҳам қўйшмоқ илоҳ, олапоча
Чопаверди қирқ кунгача.
Не гўзаллар отни солиб,
Ҳар замон улоқни олиб,
Эшигини беклар оху зорини,
Обод қилди келиб Чамбил шаҳрини,
Тўйлаб бермак бўлди Аваз ўғлонига
Ул замонда Маликадай парини.
Шу ишларни қилди Гўрўгли шунқор,
Йигилишиб келган яхши қарилар.

Қирқ кече, қирқ кундуз тўй қилиб беклар,
 Бўлаётир турли-турли базмлар.
 Базмлари кўп қизиқлар,
 Қирқ кун тўй қилди беклар,
 Толиб қолди маликалар, бу беллар,
 Оғриб қолди унинг позик беллари,
 Ҳофизларниң қуриб қолди тиллари.
 Бек Гўрўғли шуйтиб дарёдай тошди,
 Шу тўйиниг байрами ҳаддидан ошиди,
 Ҳар қилган ишлари жуда ярашди,
 Унга қараган кўз қамашди.
 Бол Авазининг олиб келган ёрини,
 Кўрган сулув бари офарин дейишиди,
 Қойил бўлиб Аваҳониниг ишига,
 Ҳеч ками қолмади, деб тарқашди.
 Шоҳлар чиқса тортар нуқра карнайни,
 Тузайди унга муносиб жойни.
 Хизмат қилиб қўли ишга текканга
 Бек Гўрўғли берди катта сарпойни.
 Олиб келиб бу майдон катта қозини,
 Чувиллатиб овулининг хотиц-қизини,
 Тўйда дуо қилиб, ишини битириб,
 Никоҳ қилди Маликанинг ўзини,
 Ана энди буниси ҳам бўлди, деб
 Қўйнига солди-ку Аваз қўзици.
 Бек Гўрўғли катта қилди ҳимматни,
 Шу тўйда ўзини жуда талатди,
 Ҳар ким иятини шундай оқ қилса,
 Файрат билан, кўринг, муродга етди.
 Тилади, ёмонлар йўқ бўлар кетар,
 Яхши тўғрилик билан мақсадга етар.
 Ёмонлик билан ҳеч ким ҳеч нима бўлмайди,
 Ахири, ёронлар, тўғрилик ўтар.
 Ёмонликниң ҳеч элда йўқ ривожи,
 Ҳар на деса, тўғрилик билан битар.
 Бек Гўрўғли шуйтиб ўтган оламдан,
 Қилган ишин ҳали одамлар ёд этгани.
 Ўзи ўлса ҳам сўзи қолди жаҳонга,
 Қиёматга давр буни ёд этар.
 Ҳар ким бўлса, тўғри бўлса, ёронлар,
 Тўғри одам хор бўлмас, муродга етар,
 Ёмон кўрар ёмонликниң жазосин,
 Ахири шу иш бошига етар.
 Унинг ёмонлигини бирор тортмайди,
 Ёмонлиги билан йўқ бўлар — кетар.

Кўрдингизми Асад билан Шодмонди,
 Йўқ қиламиз, деди Аваз ўғлонди,
 Бахиллик қиб, куннаб шундай полвоиди,
 Қойил қилармиз, деб Гўрўғли хонди.
 Иши поҳақ эди уни, кўрдингми,
 Шу туриши ўлгандан ҳам ёмонди.
 Доим еган Гўрўғлиниң тузини,
 Ўлгудай душман бўб Аваз қўзига,
 Худой мартаба берган Авазга,
 Асад, Шодмон қайтиб олар ўзига,
 Моҳовдай бўб бир бурчакда ўтираси,
 Қарай олмай Гўрўғлиниң юзига.
 Душман бўлган билан тенг бўб қоларми,
 Баробар бўлолмай Аваз изига,
 Аваз унинг қилган ишин иш демай,
 Хизматкор, деб тенг кўрмайди ўзига.
 Каасм¹ бўлиб Аваҳонни не қилди.
 Мункир қелиб Аваҳониниг тузига,
 Қаича ёмонликни қилди ўзига,
 Қирқ йигит ҳам ўлиб юрар бариси,
 Ичидан қойил бўб Аваз қўзига.
 Холдар маҳрам ўн йигитман қувониб,
 Ерга уриб қўшади ҳар бир сўзига.
 Польон Аваз гапирма, деб, қўй, деди.
 Бир гапларни лойиқ кўрмай ўзига.
 Аҳмад сардор ўлиб қолди сиррайиб,
 Еруғ дунё қора бўлиб қўзига.
 Ўлганидан ҳа-ҳа, дейди, кулади,
 Қозон куя суртгаидай бўб юзига.
 Ўлганидан Аваз тоза ўғил, дейди,
 Ҳеч ким қулоқ солмай буниңг сўзига.
 Яхшиликман Аваз етди муродга,
 Минди доим назаркарда Фиротга,
 Қувонмаган элда одам қолмади,
 Аҳмад доим ёмонлик қиб не қилди.
 Тўйда ўлайин деб юрар уятга.
 Бек Гўрўғли назаркарда польон-да,
 Боласини еткарди шундай мақсадга.
 Шуйтиб мен тўйни энди тарқатиб,
 Достонини байтларман ўхшатиб,
 Киссани ушбу куи тамом этдим.

Ана энди шундай қилиб, Аваҳон билан Гўрўғли султон
 Торкистон юртига бориб, шаҳзода Маҳмудга Гулқиз ойимни

¹ Қасд

оий беріб, иккөвийнинг вақтини қоқлаб, ўзлари омон-эсон Малика айёрни Чамбилга олиб келиб, Малика айёрни Авазхонга қирқ кун тўй-тамоша қилиб, никоҳлаб берди. Чамбил юртида Гўрўғли султон вақтиларини хушлаб, димоқларини қоқлаб, шоду хуррам бўлиб, ўзининг пойтахтига ўтириб қолди. Дўстлар шод, душманлар ғамли бўлиб, Асад, Шодмон уялиб қолди. Буларниңг уялганини Авазхон, Гўрўғлихон билади. Нима ишлар йўлда бўлганини бошқа қирқ йигитлар билмайди. Бу икки мерганини Гўрўғли султон ўлдирар эди. Гўрўғли султондан Авазхон йўлда сўраб тилаб олди. Шунинг учун буларниңг гунохини ўтди.

Ана ўундай қилиб, Гўрўғли шоду хуррам бўлиб пойтахтга чиқиб, аркони давлат билан ўйнаб-кулиб, дунёда яшаб юра берди. «Малика айёр» достони соб бўлиб, мурод-мақсадга етди.